


মোস্লেম বিক্রম



বাঙ্গালায় মোসলমান রাজত্ব



“বঙ্গীয় মোস্লেম মহিলা সজ্জের” প্রেসিডেন্ট, “স্বপ্নদৃষ্টা”
“আত্মদান” “জান্‌কী বাঈ” প্রণেত্রী

নূরনেছা খাতুন

(বিদ্যাবিনোদিনী সাহিত্য-সরস্বতী)

সংকলিত

দ্বিতীয় সংস্করণ

মূল্য ২১ ছই টাকা ।

প্রকাশক—
মোহাম্মদ খায়রুল আনাম খাঁ
'মোহাম্মদী প্রেস'
৯১নং আপার সারকুলার রোড,
কলিকাতা।

প্রিন্টার—
মোহাম্মদ খায়রুল আনাম খাঁ
মোহাম্মদী প্রেস
৯১নং আপার সারকুলার রোড,
কলিকাতা।



নূরমেছা খাতুন

পূর্বাভাস



শ্রেণিত মহাপুরুষের (দঃ) ধর্ম সিংহাসনাধিকারী হজরৎ আবু বাকার সিদ্দিকের (রঃ) এসলাম-রাজ্য প্রাপ্তি, হিজরী ১১ সাল ৬৩২ খৃষ্টাব্দ হইতে আরম্ভ করিয়া, বাঙ্গালার শেষ নওয়াব দুর্ভাগা সেরাজের শোকাই অবসান ১৭৫৭ খৃষ্টাব্দের ২৩শে জুন বৃহস্পতিবার বৈকাল দুইটা পর্য্যন্ত, আমার এই জাতীয় বীরত্বের প্রকৃত ইতিহাস লিখিবার প্রধান সহায় হইতেছেন—আমার স্বামী।

মুম্বাইগুঞ্জে (বিক্রমপুর) সাহিত্য-সম্মিলনের ষোড়শ অধিবেশনে আমার ‘বঙ্গ-সাহিত্যে মোসলমান’ প্রবন্ধ পাঠের পর, স্বামীর কয়েকজন বন্ধু আমার দ্বারা একখানি মোসলেম বাঙ্গালার ও এসলামের জাতীয় ইতিবৃত্ত লিখাইবার জন্য তাঁহাকে বিশেষ অনুরোধ করার, তিনি বহু পরিশ্রমে এবং বহুতর দুঃস্বাপ্য পুরাতন পুস্তক ও ইতিহাস হইতে মাল-মসলা সংগ্রহ করিয়া আমাকে সাহায্য করিয়াছেন।

প্রকৃত প্রস্তাবে স্বামীর বহু পরিশ্রমে বাঁধিয়া দেওয়া কাঠামের উপর আমি কাদা মাটি লেপিয়া এই প্রতিমাখানি খাড়া করিয়াছি মাত্র। “মোসলেম বিক্রম”, এক মেটে করা প্রতিমা। ইহাতে পটোর সাহায্যে রং ফলান হয় নাই, বা তাহার কোন দরকারও নাই। ইহা খাঁটি একখানি পাথরের একটি ক্ষুদ্র শালগ্রাম মাত্র স্বাভাবিক রংই ইহার রং,

স্বাভাবিক মূর্তিই ইহার মূর্তি। মোট কথা কোন কাল্পনিক রংয়ে রঞ্জিত ক'রে ইহাকে উপন্যাস আকারে গ'ড়ে তোলা হয় নাই। ইহা যে খাঁটি জিনিস সেই খাঁটিই আছে। যদি কোন স্থানে ইহার কোনরূপ সামান্য রূপান্তর ঘটয়া থাকে, তাহার একমাত্র কারণ আমার নিজের অক্ষমতা।

আমার এই “মোসলেম বিক্রম” প্রকৃতপক্ষে এসলানের জাতীয় ইতিহাস নহে। আমার কল্পপঙ্খ স্বজাতীয় বাঙ্গালী মোসলমানগণের ধর্মপ্রাণ স্বধর্মাবলম্বী বা পূর্ব-পুরুষগণ, ধর্মোন্মাদে উন্মত্ত হইয়া কিরূপ অসম সাহসিক বীরত্ব প্রদর্শন করিয়া গিয়াছেন ও ধর্মার্থে ঈশ্বরোদ্দেশ্যে তাঁহারা স্বীয় নশ্বর জীবনকে কিরূপ তুচ্ছজ্ঞান করিয়া মোক্ষলাভ উদ্দেশ্যে জলন্ত অগ্নিকুণ্ডে পরওয়ারনার (পতঙ্গ) হ্রাস বাপাইয়া পড়িয়া ছিলেন; পবিত্র ধর্ম বিস্তারের জন্ত আল্লাহ্-তাআলার নাম লইয়া, তাঁহারা কিরূপ অসাধ্য সাধন করিয়া গিয়াছেন; তাহারই বাস্তব চিত্র এই পুস্তকে কিঞ্চিৎ দেখাইবার প্রয়াস করিয়াছি মাত্র।

অতীতের স্মৃতি একপক্ষে যেমন মধুর, অপরদিকে তদ্রূপ শক্তি ও উদ্দীপনার সৃষ্টি করিয়া ও তৎসঙ্গে জাতীয় জীবনের জড়তা দূর করিয়া, তাহার স্থানে প্রাণে নবভাব উদ্ভিত ও বর্তমান কর্তব্যে প্রবৃত্ত করিয়া, মানবকে ভবিষ্যৎ গৌরবের পথ নির্দেশ করিয়া দেয়। যদি আমার এই জীবন্ত জাতির মধ্যে প্রাণ সঞ্চার করিতে হয়, তাহাদের পূর্ব-পুরুষগণের কার্যগুলিকেই মূল সাধনার বস্তু বলিয়া, তাহাদিগকে অবলম্বন করিতে হইবে। তজ্জন্য অতীতের সেই সমস্ত রোমাঞ্চকর সত্য ঘটনাবলীর মধ্যে কয়েকটা উজ্জ্বল চিত্র তাহাদের চক্ষের সম্মুখে ধরিয়া, তাহাদিগকে তাহাদের পূর্বাবস্থা জানাইয়া দেওয়াই আমার মুখ্য উদ্দেশ্য।

ইতিহাস বলিতে কেবল রাজ বংশের কাহিনী ও তৎসাময়িক প্রসিদ্ধ প্রসিদ্ধ ঘটনাবলীর সমষ্টি বুঝায় না। ইতিহাসের অর্থ ইহা

অপেক্ষা খুব ব্যাপক। প্রধানতঃ ইতিহাসে মানব সভ্যতার ক্রম বিবর্তনের বিবরণ থাকাই চাই। তা' সেটা আমার এই ক্ষুদ্র পুস্তকে নাই বলিলেই হয় ; এবং সেই জন্যই আমি ইহাকে ইতিহাস বলিতে কুণ্ঠিতা। ইহার দ্বিতীয় খণ্ডে আমার জন্মভূমি বাঙ্গালা দেশের সামান্য একটু বিবরণ দিতে চেষ্টা করিয়াছি মাত্র।

আমার আর এক প্রধান উদ্দেশ্য—বাঙ্গালার বহুতর লেখকেরা, এমন কি প্রবীন প্রবীন নামজাদা গ্রন্থকারগণ পর্যন্ত, বাঙ্গালার তথা সমস্ত ভারতে মোসলেমগণের এই মহা বীরত্বের বিষয় সম্পূর্ণরূপে অবগত থাকা সত্ত্বেও, কেবল ঈর্ষাপরতন্ত্র হইয়া কতকগুলি কাল্পনিক ঘটনা উল্লেখ, এই বীরের জাতিটাকে একেবারে নিজ্জীব প্রতিপন্ন করিবার সাধ্যমত চেষ্টা করিয়াছেন ও করিতেছেন। “মোসলেম বিক্রম” পাঠে আমার স্বজাতীয় নর-নারীগণ স্পষ্টই বুঝিতে পারিবেন যে—তঁাহাদের প্রতিবাদী, পুরুষানুক্রমে যুদ্ধাতঙ্ক রোগাগ্রস্থ আজন্ম-ভীরু অসিজীবী বাঙ্গালী হিন্দুগণ, তঁাহাদের পূর্বপুরুষ বা স্বজাতীয় অসিজীবী মহাপরাক্রান্ত বীর মোসলেম সম্ভানগণকে, অলীক কল্পনা প্রসূত ঘটনা উল্লেখে যে কাণুক, দুর্বল বা কাপুরুষ বর্ণনার ঐতিহাসিক নামের আবরণে নানা গ্রন্থের অবতারণা করিয়াছেন, উহা সম্পূর্ণ ঈর্ষামূলক, ভিত্তিহীন, এবং তঁাহাদের স্বভাব-সুলভ মিথ্যা প্রলাপ উক্তি মাত্র।

- তঁাহারা লিখিবার সময় ভাবেন না যে—যাহা সত্য তাহা কি কেহ চাকিয়া রাখিতে পারে! মিথ্যার উপর কোন জাতি নিজের প্রতিষ্ঠার ভিত্তি গড়িতে পারে নাই, হিন্দু-মোসলমান কেহ পারিবেও না। সত্য অপ্রিয় হইলেও তাহাকে বরণ করিতে হইবে। বিশেষতঃ যঁাহারা দেশের ও সংসাহিত্যের হিতাকাঙ্ক্ষী বলিয়া নিজেদের মনে করেন ও পরিচয় দেন, তঁাহাদিগকে এই মহান আদর্শে অল্পপ্রাণিত হ'য়ে বরণ

অসত্যের বিরুদ্ধে যুদ্ধ ঘোষণা করিতে হইবে ; আর সর্বদাই বিশেষ লক্ষ্য রাখিতে হইবে যে—যাহা সুপরিচিত সত্য তাহার সহিত তাঁহাদের কল্পনার যেন কোন বিরোধ না ঘটে ।

ঝড় ঝঞ্ঝা বজ্রাঘাত তুচ্ছ করিয়া, আমি আমার এই ঐতিহাসিক সত্যের ক্ষুদ্র তরুণীখানি, নির্ভয়ে সত্যের বিজয় পতাকা হস্তে, সাহিত্য সমুদ্রে ভাসাইয়া দিলাম । জানি না এই দুস্তর বারিধিমাবে ইহার স্থান কোথায় !

১৯২৬ ফেব্রুয়ারী
নূরকুটির, শ্রীরামপুর

}

নূরনেছা

প্রাণাধিক সহোদর,

খোন্দকার রকিব-অস্-সোল্তান

স্নেহের ভাই রকিব !

“জানকী বাঈ”য়ের পাণ্ডুলিপি পড়িয়া, তুমি আমাকে মোসলমান যুগের ইতিহাস লিখিবার জন্য অনুরোধ করিয়াছিলে। আমি তদন্তরে বলিয়াছিলাম—“ইতিহাস শুধু ফুল-কুসুম-সস্তার নহে। ইতিহাসের গর্ভে অনেক অপ্রিয় সত্য রহিয়াছে; বর্তমান উপক্ৰাম প্রিয় বঙ্গবাসী যে ঐ নীরস ঐতিহাসিক কাহিনী পাঠ করিবেন, সে আশা সুদূর-পরাহত। বিশেষতঃ সেই অতীতের অমূল্য উপাদান সংগ্রহ করাও আমার সাধ্যাতীত।”

আমার এই উত্তরের সঙ্গে সঙ্গে তোমার চির প্রফুল্ল মুখখানি অভিমানের ছায়ায় আবৃত হইতে দেখিয়াছিলাম।

তৎপরে তুমি যখন বি, এ পরীক্ষা দিয়া, তখনও পর্যাপ্ত কাণের বেদনার কাতর অবস্থায় আনাদের কুটীরে আসিয়া উপস্থিত হইলে, তখন তোমার দামাদ-ভাই ও আমি এই ঐতিহাসিক পুস্তকখানি আরম্ভ করিব কিনা ইত্যন্তঃ করিতেছিলাম; তুমি ঠিক সময় এসেই আমাকে উৎসাহিত ক’রেছিলে। আমিও সেই সময় তোমাকে বলে ছিলাম যে—যদি তুমি মাত্ৰ ভাষায় এম, এ, পরীক্ষার জন্য প্রস্তুত হও, তাহা হইলে আমি যেকোন প্রকারে পারি তোমার কথা রক্ষা করিতে চেষ্টা করিব। তার পর তুমি বি, এল, এর সঙ্গে সঙ্গে বাঙ্গালার শেষ-পরীক্ষা

দিবার জন্ত প্রস্তুত হইতেছ দেখিয়া, আমার প্রাণে অপার আনন্দের উদ্দেক হইল।

আবার দেখিলাম, আমার দুখিনীর ধন “আত্মদান”, আমাদের মাতৃ নৈবেদ্য বলিয়াই হউক, অথবা উহাতে আমাদের মর্ম্ম কথার আভাষ আছে বলিয়াই হউক, বইখানি তুমি যেন পছন্দ করেছ।

এক্ষণে আমার জীবন সংগ্রাম যঁহার সেনাপতিত্বে পরিচালিত, এবং যঁহার আশ্রয়ে বসিয়া আমি আত্ম-কৌতুহল চরিতার্থ করিতেছি ; তিনি আমার কৌতুহলের অনুবর্ত্তা হইয়া, বিশেষতঃ তোমার প্রতি আপন স্বভাব সুলভ স্নেহ প্রযুক্ত অশেষ পরিশ্রম করিয়া, নানারূপ ঐতিহাসিক গ্রন্থ হইতে যে সকল অমূল্য উপাদান সংগ্রহ করিয়া দিয়াছেন, তাহাই আমি সাধ্যানুসারে সজ্জিত করিয়াছি। জানি না ইহা জনসাধারণের প্রীতির চক্ষে পড়িবে কিনা !

ভাই, তোমারই ইচ্ছায় যখন লিখিয়াছি, তখন ইহাকে আর কাহার হাতে দিব ? আমার স্নেহাশীষের সঙ্গে আমার “মোস্লেম বিক্রম” ও আমার জন্মভূমি বাঙ্গালার আমার স্বজাতীয় নওয়াবগণের শাসননীতি ও কার্য্য কলাপের ইতিহাস ; তোমারই হাতে দিলাম। ইতি —

নূরকুটার,
শ্রীরামপুর, হুগলী


}

হিতাগিনী
তোমার সেজ বুঝ
রানী

মোস্লেম বিক্রম

ও

বাঙ্গালায় মোসলমান রাজত্ব



প্রথম খণ্ড

প্রথম সর্গ

জগতের সর্বশ্রেষ্ঠ পুরুষসিংহ আল্লাহ তাআলার প্রেরিত সত্য সনাতন ধর্মপ্রচারক পবিত্র-আত্মা মহাপুরুষ হজরত মোহাম্মদের (দঃ) দেহত্যাগের সঙ্গে সঙ্গে, তাঁহার অনুগামী ও শিষ্যমণ্ডলী (মহাজেরীণ, আন্সার ও তাবেঈন) সমস্ত আত্ম-বিষাদ মিটাইয়া লইয়া, পবিত্র ভ্রাতৃত্বাবে আবদ্ধ হইয়া জগদীশ্বরের সত্য ধর্ম প্রচারে ও তৎসহ দেশ জন্মে মনোমসংযোগ করিলেন ।

এই প্রকারে বিংশতি বৎসর কাল মধ্যে তাঁহারা সিরিয়া, প্যালেষ্টাইন মিশর ও পারশ্ব দেশে আধিপত্য বিস্তার করিতে কৃতকার্য হইলেন । পারশ্ব বিজয় তাঁহাদের আরও পূর্বাংশে রাজ্য বিস্তারের ভূমিকা মাত্র । কাজেই অল্পকাল মধ্যে তাঁহাদের শ্রেণদৃষ্টি এই ধনরত্নশালী জড়পুঞ্জক ভারতবর্ষের দিকে আকৃষ্ট হইল ।

প্রতীচ্যে এই সময়ে মোসলমানগণ যে সমস্ত মহাকীর্তি করিয়া গিয়াছেন, এই ক্ষুদ্র পুস্তকে তাহার উল্লেখ না করিয়া, কেবল স্থানে স্থানে সামান্য একটু আভাস মাত্র দিয়া, আমাদের এই প্রাচ্য দেশে ও তৎসঙ্গে বাঙ্গালার মোস্লেমের কার্য কলাপ ও শৌর্য বীর্য লিপিবদ্ধ করিব।

প্রেরিত পুরুষের মৃত্যুর পর প্রথম খলিফা হজরত আবু বাকার সিদ্দীক মাত্র আড়াই বৎসর ৬৩২ খৃঃ হইতে ৬৩৪ খৃঃ হিঃ ১১ হইতে হিজরী ১৩ সাল পর্যন্ত রাজরাজেশ্বর পদে অভিষিক্ত ছিলেন। গ্রীক-সম্রাট হেরাক্লিয়াসের সহিত ও পারশ্ব দেশের প্রান্তে, আরব বীর আবুওরাদা ও মহাবীর খালেদ কয়েকটি যুদ্ধ করিয়া মোস্লেম তরবাবির বল প্রদর্শন করিয়াছিলেন। এই প্রথম খলিফার খেলাফতের শেষ ভাগে প্রসিদ্ধ দামেস্ক নগর খৃষ্টানগণের হস্ত হইতে মোসলমানগণের করতলগত হয়।

হজরত আবু বাকারের মৃত্যুর পর দ্বিতীয় খলিফা হজরত ওমর-বেন খাত্তাব হিঃ ২৩ খৃঃ ৬৪৩ পর্যন্ত নয় বৎসর মদীনার সিংহাসন অলঙ্কৃত করিয়াছিলেন। তাহার সময়ে ১৫ হিজরীর শেষ ভাগে উমান হইতে একদল আরব সেনা হিন্দুস্থানের সমুদ্রতীর আক্রমণের জন্ত প্রেরিত হয়, এবং তাহারা বোম্বাই উপকূলে টানা পর্যন্ত অগ্রসর হইয়াছিল।

এই সৈন্যদলকে উমানের শাসনকর্তা ওসমান-বেন সাকিফি, খলিফার অনুমতি না লইয়া ভারত উপকূলে পাঠাইয়া দেওয়ার, খলিফা ওমর সঙ্গে সঙ্গে উহাদিগকে ফিরাইয়া আনিবার আজ্ঞা দিয়াছিলেন।

অপর দিকে বাহরানের শাসনকর্তা হাকাম খ্বায় ভ্রাতা আবুল আসির অধীনে দেবালং (আধুনিক করাচি) উপসাগরে সৈন্য প্রেরণ করিয়াছিলেন ও তাহারা অল্লায়াসে বিপক্ষগণকে পরাজিত করিয়া উপকূল অধিকার করিয়াছিল।

এই ঘটনার অল্পদিন পরে আবু-মুসা-আশরী ইরাকের (বসরা বিভাগ) শাসনকর্তা নিযুক্ত হইলেন। তিনি তাঁহার অধীনস্থ সেনাপতি রাবি-বেন-জেয়াদ হারিসীকে ভারত উপকূলে মাকুরাণ ও কেবুয়ানে পাঠাইয়া দেন। এই সময় আবু-মুসা, মোস্লেম সাম্রাজ্যের রাজধানী মদীনা হইতে ভারত-বর্ষ সম্বন্ধীয় ও ভারতে প্রবেশ পথের সঠিক বিবরণ সংগ্রহ করিয়া মহামান্য খলিফাকে অবগত করিবার অনুমতি প্রাপ্ত হইলেন।

সেই সময় সমুদ্র যাত্রার উপযোগী অর্ণবধানের ব্যবস্থা না থাকায়, খলিফা ওমর জলপথে যুদ্ধ যাত্রার বিরোধী ছিলেন। ইহার প্রধান হেতু তাঁহার সেনাপতি আম্বু-বেন-আসির মিশর জয়ের পর, খলিফা উক্ত সেনাধ্যক্ষকে ভূমধ্য সাগরের বিবরণ লিখিতে বলেন। ফলে সেই সময় সাগর উত্তাল তরঙ্গময় থাকায়, সেনাপতি আম্বু, সমুদ্রের ভয়াবহ বর্ণনা লিখিয়াছিলেন। এই কারণেই খলিফা ওমরের সমুদ্র যাত্রার উপর বৈরী ভাব।

খলিফা মোয়াবিয়ার সিংহাসনারোহণের পূর্বে মোসল্গানগণ কর্তৃক আর কোন জলযুদ্ধের বিশেষ আয়োজন হয় নাই। এই সময়ের মধ্যে নানা বাধা বিঘ্ন ও নিষেধ উপেক্ষা করিয়াও, আরব দেশীয় নাবিকগণ ভারত মহাসাগরে যেক্রম কীর্তি প্রদর্শন করিয়াছিলেন, ভূমধ্য সাগরে এই বীর মরু-সন্তানগণ সেইরূপ জলযুদ্ধে পারদর্শিতা প্রদর্শন করিবার অবসর পাইলে, তৎকালে চতুর্দিকে আজন্ম সাগর বেষ্টিত হইয়া থাকা নিবন্ধন গ্রীস দেশীয় নৌ-সেনাগণের বিচক্ষণতার নিকট তাহাদিগকে পশ্চাৎপদ হইয়া থাকিতে হইত না। সঙ্গে সঙ্গে ইউরোপ খণ্ডের মানচিত্রেরও অনেক পরিবর্তন হইয়া যাইত।

ষাণ্মাসিক হিজরিতে আবুত্বলা-বেন-ওমর, কেবুয়ান আক্রমণ করিয়া রাজধানী কুয়াশির অধিকার করেন। তৎপরে তিনি সিসূতানে

করিয়া তথাকার শাসনকর্তাকে তাঁহার নিজ রাজধানী মধ্যে অবরোধ করিলেন।

শাসনকর্তা সন্ধির প্রার্থনা করায়, আবদুল্লা তাঁহাকে সন্ধিসূত্রে আবদ্ধ করিয়া, তথা হইতে চলিয়া আসিয়া আরব সাগরের ভারত উপকূলে মাকরান নগর আক্রমণ করেন। মাকরান অধিপতি সিন্ধু দেশের রাজার সাহায্য গ্রহণ করিলেন; কিন্তু দুর্দর্শ মরুবীরগণের তরবারির সম্মুখে এই মিলিত সৈন্য অধিকক্ষণ তিষ্ঠিতে পারিল না। অতঃপর আবদুল্লা, খলিফার নিকট সিন্ধু নদ পার হইয়া সিন্ধু প্রদেশ আক্রমণ করিবার অনুমতি চাহিয়া পাঠাইলেন। খলিফা ওমর, তাঁহার রাজনৈতিক সতর্কতার বশবর্তী হইয়া উত্তর সীমান্ত দেশ ও পশ্চিম ভূখণ্ডের ঞ্চায়, দূরবর্তী পূর্বদেশও সেনাধ্যক্ষকে দুঃসাহস প্রদর্শন করিতে বাধা দিয়াছিলেন।

এই বৎসরেই আবদুল্লা-বেন উন্নান, কেবুমানের অভ্যন্তর দিয়া অগ্রসর হইয়া মাকরান অধিকার করিলেন। এই যুদ্ধে মাকরান ও সিন্ধুর জাম্বিল উপাধিধারী রাজা নিহত হইয়াছিল।

হিঃ ২০ সালে পারশ্বের প্রসিদ্ধ নগর সিরাজ, অরাবগণ কর্তৃক অধিকৃত হইয়াছিল। কিন্তু তৎপরে ৭০ বৎসরের মধ্যে আরবেয়া ঐ নগরের সেরূপ কোন সংস্কার করেন নাই।

দ্বিতীয় খলিফা ওমরের রাজত্বকালে মোস্লেম বীরগণ আরবের মরুভূমি পরিত্যাগ করিয়া, বীরদর্পে আফ্রিকা খণ্ডে প্রবেশ পূর্বক মিশর দেশ জয় করিয়া, নীল নদীর তীরবর্তী উর্বর ভূখণ্ড ও ফেরাউনের বহু পুরাতন সমাধিক্ষেত্র পিরামিডগুলির পাদদেশ পর্যন্ত অধিকারভুক্ত করিলেন। তাঁহারা এই সমস্ত পৃথিবীর অদ্বিতীয় বীর ইউনানেখর মহামতি সেকেন্দারের মনোহর বন্দর, তৎকালীন গ্রীকরাজ হেরাক্লিয়ারের প্রধান বাণিজ্যকেন্দ্র - সিন্ধুদেশের জমি অর্জয় রক্তদানে অধিকার ভুক্ত করিয়া, দুর্গোপরি

এসলামের বিজয় পতাকা উড্ডান করিলেন। সেনাপতি আমর-বেন-আল্-আস্ মিশর জয়ে যে অসম সাহস প্রদর্শন করিয়াছিলেন, তাহা জগতের ইতিহাসে তাঁহাকে অমরত্ব দান করিয়াছে ও তাঁহার এস্কেন্দারে সানি (দ্বিতীয় আলেকজান্ডার) নামের সার্থকতা প্রদর্শন করিয়াছে। এই আল-এস্-কেন্দারিয়া বিজয়ের সংবাদ পাইয়া গ্রীক সম্রাট হেরাক্লিয়াস কঠিন পীড়ায় আক্রান্ত হইয়া, তাঁহার অন্তিম শয্যা গ্রহণ করেন।

হজরত ওমরের শোচনীয় মৃত্যুর পর, তৃতীয় খলিফা হজরত ওসমান বেন-আফ্ ফান হিজরী ২৩ সাল ৬৪৩ খৃষ্টাব্দে মদীনার পবিত্র সিংহাসনারূঢ় হইয়া হিজরী ৩৫ সাল পর্যন্ত রাজত্ব করেন।

হজরত ওসমানের খেলাফতের প্রারম্ভে সেনাপতি ওসমান-বেন-আব্-আসি, ফারেস্ জয় করিতে গিয়া ইস্তাখারের নিকট বাধাপ্রাপ্ত হইয়াছিলেন। পরে হিঃ ২৬ সালে তিনি বহু সংখ্যক সৈন্য লইয়া কাজরুণ অধিকার করিয়া, ইস্তাখার নগর ও পারশ্ব উপসাগরের মধ্যবর্তী কেলার মোফেদ (শেত দুর্গ) দখল করিলেন। কিন্তু হিঃ ২৮ সালের পূর্বে সমস্ত প্রদেশটা সম্পূর্ণরূপে করায়ত্ত করিতে সক্ষম হন নাই।

দুই বৎসর পরে হিঃ ৩০ সালে ইস্তাখার নগরে এক ভয়ানক রাজদ্রোহ উপস্থিত হয়। তাহার ফলে তখাকার মোসলমান শাসন কর্তাকে প্রজাবর্গের কোপে প্রাণ হারাইতে হইয়াছিল। এই সময়ে পারশ্বের পলায়িত রাজা ইয়াজ্-দিজিরদ্ ইস্তাখারে প্রবেশ করিয়া নিজ দুর্ভাগ্য অপনোদনের চেষ্টা করেন; কিন্তু আবদুল্লা-বেন-ওমার ও ওসমানের নিকট জঘন্য ভাবে পরাভূত হইয়া ও অধিনস্থ সমুদয় সৈন্য ফস্তু করিয়া, প্রথমতঃ কেব্‌মানের দিকে, পরে তথা হইতে সিজিস্তান ও খোরাসানের দিকে পলাইয়া গিয়া আত্মরক্ষা করেন।

এইরূপে ইস্তাখারের নগর [দুর্গ পুনরায় আব্রবগণের হস্তগত

হওয়ার], তন্মধ্যে আশ্রিত পারশ্ব দেশীয় বহু-পুরাতন ভদ্রবংশজাত অনেককে মরু-সেনাগণের কোপে পতিত হইয়া তাহাদের তরবারির মুখে প্রাণ হারাইতে হইয়াছিল।

পরবর্তী বৎসরে বসরার শাসনকর্তা আবদুল্লা-বেন-ওমর, খলিফার অনুমতি লইয়া সাহ ইয়াজ্‌দিজ্‌দিকে খোরাসান নগর পর্য্যন্ত তাড়াইয়া লইয়া যান। এই সময়ের মধ্যে কাশ্মিরান হ্রদের দক্ষিণাংশ মোসল-মানগণ সম্পূর্ণরূপে জয় ও করায়ত্ত করিতে না পারায়, তাহাদিগকে ফারেস ও কেবুমানের পার্শ্ব দিয়া মরুভূমি পার হইয়া যাইতে হইয়াছিল। এই অভিযানে আরব সেনাগণের অগ্রসর হইবার পথে সেনানী মুজা-শিয়কে এক সহস্র অশ্বারোহী সেনা লইয়া কেবুমানের বিদ্রোহ দমন করিয়া তৎপরে রাবি-বেন-জিয়াদ হারিসীর সেনাগণের সহিত মিলিত হইতে হইয়াছিল। তৎপরে উভয় সেনা মিলিত হইয়া সিজিস্তান প্রদেশ আক্রমণ করেন ও ঐ প্রদেশের রাজধানী জারান্জ অধিকার করিলেন।

আবদুল্লা-বেন-ওমর স্বয়ং তাব্বাসের অধিপতিকে সন্ধিসূত্রে আবদ্ধ করিয়া কোহেস্তান প্রদেশে প্রবেশ করেন। তথায় তাঁহাকে প্রবল বাধা প্রাপ্ত হইতে হইয়াছিল। শেষে আহ্নাফ-বেন-কারেসের সাহায্য পাইয়া তিনি ক্রমান্বয়ে হিরাত, সারাখ্‌স, তেলিকান, বাল্খ, তুখারিস্তান এবং নেশাপুর অধিকার করিয়া সমস্ত খোরাসান প্রদেশ আয়ত্তাধীন করিলেন।

খলিফা আবু-জফর-অল-মনসুরের খেলাফতের অর্থাৎ হিঃ ১৪৮ সাল ৭৬৫ খৃষ্টাব্দের পূর্বে, বাগদাদ নগর খলিফাদিগের রাজধানী না হইলেও খলিফা হজরত ওসমানের সময় বাগদাদ একটা প্রসিদ্ধ নগর ছিল। এই সময় এই নগর হইতে কয়েকবার পূর্বাঞ্চল, আরবগণ কর্তৃক আক্রান্ত হইয়াছিল।

প্রথম তিনজন খলিফা মদীনাতেই রাজধানী স্থাপন করিয়াছিলেন। তৎপরে খলিফা হজরত আলী হিঃ ৩৬ সালে কুফা নগরে খেলাফৎ স্থাপন করেন। হিঃ ৪১ সালে উন্মায়দিজ বংশীয় খলিফাগণ কুফা হইতে খেলাফতের স্থান দামেস্ক নগরে পরিবর্তিত করিয়াছিলেন ও হিঃ ১৩২ সাল পর্যন্ত দামেস্ক নগরই খলিফাগণের রাজধানী ছিল। মধ্যে আবুল আব্বাস্ কিছু দিনের জন্ম ফোয়াত নদী তীরে আশ্বার নগরে রাজধানী উঠাইয়া লইয়া গিয়াছিলেন মাত্র। তাঁহার পরবর্তী খলিফা আল-মন্সুর অত্যন্ত দিনের জন্ম নিকটবর্তী হাশেমিয়া নগর রাজধানীতে পরিণত করিয়া পরে স্থায়ী ভাবে বাগদাদে, আসিয়া বসিলেন। এই বাগদাদ হিঃ ৬৫৬ সাল ১২৫৮ খৃঃ পর্যন্ত মোসলেম বাদ্‌সাহগণের রাজধানী ছিল।

পুরাতন বাবিলোনিয়া প্রদেশের মধ্যে কুফা ও বসরা এই দুই স্থানে প্রধান মোসলেম সেনা-নিবাস সংস্থাপিত হয়। তন্মধ্যে দ্বিতীয় ক্যান্টন-মেন্টী, ইরানের রাজ্যবর্গের পারশ্ব উপসাগর দিয়া জল পথে ভারতবর্ষে পলায়ন পথে বাধা প্রদানার্থেই স্থাপিত হয়।

হজরত ওসমানের বিস্তৃত রাজ্যের মধ্যে সিরিয়া প্রদেশ, উন্মায়দিজ বংশের আবু-সুফিয়ান পুত্র মোসাবিয়ার শাসনাধীনে ছিল। ওসমানের এই সুযোগ্য শাসনকর্তা খৃষ্টান নরপতিগণকে জলে ও স্থলে সর্বত্র বিব্রত করিয়া রাখিয়াছিলেন। এই তৃতীয় খলিফার রাজত্বের শেষ ভাগে ৬৫৩-৬৫৪ খৃষ্টাব্দে, সিরিয়ার রাজধানী দামেস্ক নগর হইতে প্রেরিত আরব বীরগণ ভূমধ্যসাগর বক্ষের সাইপ্রাস, মাল্টা ও ক্রীট দ্বীপ, এবং পরে রোডস দ্বীপ অধিকার করিয়া উক্ত দ্বীপের বৃহ পুরাতন, জগতের অত্যাশ্চর্য্য দ্রব্য সকলের মধ্যে অশ্রুতম, তাম্র নিশ্চিত অতি প্রকাণ্ডকার দেবমূর্তি কলোশান-অফ-রোডস্ ভগ্ন করিয়াছিলেন।

শেষ জীবনে অশীতিপর বৃদ্ধ খলিফা হজরত ওসমান, আরবগণের শ্রদ্ধা ভালবাসা হারাইয়া শেষে তাহাদের অসন্তোষের কারণ হইয়া দাঁড়াইলেন ও নিরক্ষর উত্তেজিত আরব সন্তানগণের অস্বাঘাতে তাঁহাকে প্রাণ বিসর্জন দিতে হইল।

চতুর্থ খলিফা হজরত আলী হিঃ ৩৫ সালে ৬৫৫ খৃঃ মদীনার সিংহাসনে আরোহণ করিয়া তথা হইতে কুফার রাজধানী পরিবর্তন করিলেন। প্রেরিত মহাপুরুষের জামাতা এই চতুর্থ খলিফা মাত্র ছয় বৎসর কাল রাজত্ব করিয়াছিলেন।

তাঁহার খেলাফতের প্রারম্ভে তিনি তাবার-বেন-দায়েরের অধীনে নিজ রাজ্য প্রান্তে হিন্দুস্থানের সীমার, বহু সম্রাজ্ঞ বংশীয় দলপতি সম্বলিত একদল উৎকৃষ্ট সেনা রক্ষা করিয়াছিলেন। হিঃ ৩৮ সালের শেষ ভাগে ঐ সমস্ত সৈন্য বাহু রাজ ও কোচপায়া গিরিবর্ত্তের মধ্য দিয়া ভারত সীমা অতিক্রম পূর্বক, কাশ্মীর ও কাশ্মীরান (আধুনিক মোলেমান পর্বত) পার্বত্য প্রদেশ পর্য্যন্ত পৌঁছিয়া ছিলেন।

এই গিরি পথের প্রবেশ দ্বারে মোসলেম সৈন্যগণ অন্যান্য বিংশতি সহস্র হিন্দু যোদ্ধা কর্তৃক দৃঢ় প্রতিবন্ধক প্রাপ্ত হইয়াছিলেন। তৎপরে এই ধর্মোন্মত্ত মরু বীরগণের গগন-ভেদী “আল্লাহ-আকবর” ধ্বনি, উভয় পার্শ্বের পর্বত মালায় প্রতিধ্বনিত হইয়া হিন্দু সেনাগণের কর্ণরঞ্জে সুতীক্ষ্ণ শরের ত্রায় প্রবেশ করায়, তাহারা ভয়ে রণে ভঙ্গ দিল। ভারতীয় সেনাগণের মধ্যে অনেকেই মোসলেম যোদ্ধাবর্গের নিকট আশ্রয় ভিক্ষা করিয়া পবিত্র এসলাম ধর্মে দীক্ষিত হইল।

অন্যাবধি এইরূপ কিম্বদন্তী প্রচলিত আছে যে—প্রত্যেক বৎসর ঠিক ঐ সময় চতুর্দিকের পর্বতমালা হইতে শব্দে “আল্লাহ আকবর” ধ্বনি

প্রতিগোচর হইয়া থাকে। এই যুদ্ধে হারেস্-বেন-মার্বা অদ্ভুত বীরত্ব প্রদর্শন করিয়াছিলেন—(ফতুহল্ বোলদান)।

যুদ্ধ জয়ের পর বিজেতা সৈন্যগণ তথায় সুবন্দোবস্ত করিতে থাকাকালে, হঠাৎ তাঁহারা সংবাদ পাইলেন যে—খলিফা হজরত আলীকে মোরাবিয়ার দলস্থ খারেজি সম্প্রদায়ের লোকে, কুফার মসজিদের মধ্যে ঈশ্বর আরাধনার নিযুক্ত থাকা কালে গুরুতর রূপে আহত করায়, তৃতীয় দিবসে খলিফার আত্মা স্বর্গারোহণ করিয়াছে। এই সংবাদে বিস্ময়মান হইয়া ধর্মপ্রাণ আরব সেনাগণ, প্রত্যাবর্তন কালে নাকরাণে ফিরিয়া আসিয়া অবগত হইলেন যে—আবু সুফিয়ান পুত্র মোরাবিয়া খলিফা বলিয়া ঘোষিত হইয়াছেন।

এই চতুর্থ খলিফা হজরত আলি মূর্তজা (ঈশ্বর প্রিয়) তাঁহার সময়ে বিচার সর্বোচ্চ স্থান অধিকার করিয়াছিলেন। হজরত রশূল-খোদা, তাঁহার এই প্রিয় জামাতাকে “বিদ্যা মন্দিরের দ্বার” বলিয়া উল্লেখ করিয়া গিয়াছেন। • এই চারিজন খলিফাই “খোলাফায়ে রাশেদীন” নামে অভিহিত। তৎপর হইতে খলিফাগণ প্রকৃত প্রস্তাবে ভোগ-বিলাস-প্রিয় রাজা ধিরাজ মাত্র ছিলেন।

দ্বিতীয় সর্গ



উমায়্যদিজ বংশ

মোয়াবিয়া ।

খলিফা হজরৎ আলীর নিধন প্রাপ্তির পর তাঁহার জ্যেষ্ঠ পুত্র হামান্ এই অশান্তিময় খেলাফতের উপর বীতশ্রদ্ধ হইয়া উহা হইতে হাত গুটাইয়া লইলেন । দামেস্কের শাসনকর্ত্তা মোয়াবিয়া হিঃ ৪১ সালে ৬৬১ খৃষ্টাব্দে আপনাকে মোসলমানগণের খলিফা বলিয়া ঘোষণা করিলেন । তিনি হিঃ ৬০ সাল ৬৭৯ খৃষ্টাব্দ পর্য্যন্ত দামেস্কের সিংহাসন অধিকার করিয়াছিলেন ।

তাঁহার পর খেলাফতের প্রথাবস্থায় হিঃ ৪২ সালে সেনাপতি আবদুর রহমান সিন্ধুদেশের কিয়দংশ জয় করেন । অচিরে তাঁহার অধিনস্থ সেনানী মুহাল্লাব, আরব সৈন্য সমভিব্যাহারে কাবুলের সীমান্ত প্রদেশে গিয়া সৈন্য সমাবেশ করেন ।

হিঃ ৪৬ সালে আবদুল্লা-বেন সা'ওয়ার কাবুলকান (খোরাসানের দিকে সিন্ধুদেশের কিয়দংশ) দেশ অধিকার করিয়া, দামেস্ক নগরে গিয়া খলিফা মোয়াবিয়াকে অনেক উপঢৌকন প্রদান করেন ! পরে কিছুদিন রাজধানীতে অবস্থান করিয়া পুনরায় কাবুলকানে প্রত্যাবর্ত্তন করিলেন ও তথাকার অধিবাসী দুর্ধর্ষ তুর্কদিগের সমবেত শক্তির নিকটে পরাভূত ও নিহত হইলেন ।

এই সংবাদ পাইয়া খলিফা মোয়াবিয়া চারি সহস্র অশ্বারোহীসহ আবদুল্লা-বেন-সওয়ারিয়াকে কাবুলকানে প্রেরণ করিয়া, তাঁহাকে ঐ প্রদেশের শাসনকর্ত্তা নিযুক্ত করিলেন এবং কাবুলকান পক্ষতের উৎকৃষ্ট অশ্ব সংগ্রহ

করিবার অনুমতি দিলেন। সঙ্গে সঙ্গে আবদুল্লাহ সাহায্যার্থে ওমর-বেন-আবদুল্লাও প্রেরিত হইলেন। কিন্তু তাঁহারা এই পারস্য প্রদেশে প্রবেশ করিবার পর তথাকার অধিবাসী যুদ্ধপ্রিয় তুর্কগণ, তাঁহাদিগকে চতুর্দিক হইতে ঘিরিয়া ফেলিল ও প্রবেশ দ্বার গিরিবন্ধ সকল বন্ধ করিয়া প্রায় সমস্ত মোসলেম সেনা বিনাশ করিল। আরব সেনা গণের মধ্যে মাত্র কয়েকজন এই দুর্ঘটনা বর্ণনা করিবার জন্য মাকুরানে ফিরিয়া যাইতে কৃতকার্য হইয়াছিল।

আবদুল্লাহ মৃত্যুর প্রতিশোধ লইবার জন্য সিনান-বেন-সল্‌মা তাঁহার অনুগামী হইলেন। মোরাবিয়া এবার এই সঙ্গে এরাকের প্রবল প্রতাপশালী শাসনকর্তা জেইরাদকে (যিনি সেই সময় কুফা ও বস্‌রা হইতে উমান, সিজিস্তান ও খোরাসান রাজ্যগুলির উপরও শাসনকর্তৃত্ব করিতেছিলেন) হিন্দুস্থান আক্রমণের উপযুক্ত একজন বোদ্ধা মনোনীত করিতে উপদেশ প্রেরণ করেন।

অল্পদিন মধ্যে জেইরাদের প্রেরিত আহ নাফ-কায়েস যাইয়া সিনানকে অব্যাহতি প্রদান করিলেন ও দুই বৎসরের মধ্যে তাঁহার কার্য শেষ করিয়া রাজধানীতে প্রত্যাবর্তন করিলেন।

এবার জেইরাদ-বেন-আবু সুফিয়ান স্বয়ং মাকুরানে যাইয়া তথায় রাজধানী প্রতিষ্ঠিত করিলেন এবং সেনাপতি রশিদ-বেন-আমর, আল-মানজার-বেন-জারদ প্রভৃতিকে সিউস্তান, মান্দার, বাহরাজ, লুকান ও কুন্দার প্রভৃতি স্থানে প্রেরণ করায়, তাঁহারা বিস্তর ধন-রত্ন সংগ্রহ করিতে ও সঙ্গে সঙ্গে অনেক সুন্দরী স্ত্রীলোককে বন্দিনী করিয়া রাজধানীতে পাঠাইয়া দিতে কৃতকার্য হইয়াছিলেন।

আল মানজার-বেন-জারদ লুকান, কায়কান ও কুন্দার অধিকার করিয়া শেষোক্ত স্থানে কিছুদিন অবস্থান করিবার পর তথায় তাঁহার মৃত্যু হইল।

মোরাবিয়ার রাজত্বকালে মধ্যআফ্রিকা বিজয়ী সেনাপতি আবদুল্লা-বেন্-সায়াদের পর মহাবীর ওক্বা তাঁহার স্থান অধিকার করেন। এই মহা সেনাপতি ওক্বা উত্তর আফ্রিকার সমস্ত ভূখণ্ডে এসলামের বিজয় পতাকা উড্ডীন করিয়াছিলেন। তিনিই আধুনিক মিশরের রাজধানী আল্-কাহেরা (কাইরো) নগর নির্মাণ করেন। পরে পশ্চিমাভিমুখে দেশ জয় করিতে করিতে গিয়া, আল্জিরিয়া ও মরক্কো জয়ের পর আটলান্টিক মহাসমুদ্রের তীরে পৌছিয়া ও যেন বীর কেশরীর দেশ জয়ের আশা পরিতৃপ্ত হইল না। তখন সমুদ্রের তরঙ্গমালা বিধৌত বেলা মিরভূ উপর অশ্ব প্রধাবিত করিয়া, মহাবীর ওক্বা আর অগ্রসর হইবার উপায় না দেখিয়া ঈশ্বর উদ্দেশে, তাহারই সনাতন ধর্ম আরও দূর দূরান্তরে প্রচার করিবার বাধাপ্রাপ্তিজনক দুঃখ প্রকাশ করিলেন।

মোরাবিয়ার পুত্র হুগিত এজিদ হিঃ ৬০ হইতে হিঃ ৬৪ পর্যন্ত দামেস্কের সিংহাসন কলঙ্কিত করিয়াছিল।

এজিদের রাজত্বকালে কুফা ও বস্রার শাসনকর্তা ওবেয়দুল্লা-বেন জায়ে জর্নৈক আল্‌মন্জির-বেন-হার্কে ভারত সীমান্তে শাসনকর্তা মনোনীত করেন। কিন্তু অল্পদিন মধ্যে বুরানী সীমান্তে জ্বর রোগে তাঁহার মৃত্যু হয়।

আল্‌মন্জীরের মৃত্যুর পর তাঁহার পুত্র হাক্কাম, কেবলমান হইতে বস্রার ওবেয়দুল্লা-বেন-জায়েদের নিকট গিয়া তাঁহার স্মরণাপন্ন হওয়ার, শাসনকর্তা হাক্কামকেই তাঁহার পিতৃ সিংহাসন প্রদান করিয়াছিলেন।

এই সময় ওবেয়দুল্লাহ ভারত সীমা রক্ষার্থে জর্নৈক সাহসী বীর হাররি-আল্-বাহালিকে সৈন্যধ্যক্ষ পদে বরণ করার, তিনি কয়েকটি সীমান্ত খণ্ডযুদ্ধে প্রচুর পরিমাণে যশ অর্জন করিয়াছিলেন।

এই সেই এজিদ, এই পাণ্ডার খেলাফতের প্রথম বৎসেই হিঃ ৬১

খৃঃ ৬৮০ সালের মোহাব্বরম মাসে কারবালার প্রান্তরে যে ভীষণ কাণ্ড হইয়াছিল, তাহা ভাবিতে গেলে বুকের রক্ত শুকাইয়া যায়, চক্ষে অশ্রুর স্রোত বহিয়া যায়। এই একঘণ্টিতম হিজরির মোহাব্বরম মাসের ১০ই তারিখে পাষাণ এজিদ, হজরৎ রসুলুল্লাহ বংশধরগণের উপর, হজরৎ শের-খোদা আলীর পুত্র পৌত্রগণের প্রতি, কি অমানুষিক ব্যবহার, কি নৃশংস অত্যাচারই করিয়াছিল। জগতের ইতিহাস দুর্ভাগ্য নরপিশাচ এজিদের এই পাশবিক ব্যবহার কষ্টের সহিত বন্ধে ধারণ করিয়া আছে ও প্রতি বৎসর মোহাব্বরম মাসে উহা ধান্নিকগণকে স্মরণ করাইয়া শোকে মগ্নমান করিতেছে।

এজিদের পর দ্বিতীয় মোয়াবিয়া কয়েকমাস দামেস্কের সিংহাসন অধিকার করিয়াছিলেন। তৎপরে মারওয়ান হিঃ ৬৪ হইতে ৬৫ ও তৎপুত্র প্রসিদ্ধ খলিফা আবদুল মালেক হিঃ ৬৫ হইতে হিঃ ৮৬ অর্থাৎ ৭০৫ খৃষ্টাব্দ পর্য্যন্ত সিংহাসনারূঢ় ছিলেন।

হিঃ ৬২ সালে আরববীরগণ সিন্ধুদেশের মধ্য দিয়া একবার রাজ-পুতানার প্রবেশ করিয়াছিলেন। তাঁহাদের এই আক্রমণের ফলে আজমীরের রাজা মানিক রায় ও তাঁহার একমাত্র পুত্র যুদ্ধে নিহত হন।

খলিফা আবদুল মালেক সিংহাসনারূঢ় হইয়া দেখিলেন যে, তাঁহার বৃহৎ সাম্রাজ্য ক্রমে সঙ্কুচিত হইয়া সিরিয়া ও প্যালেস্টাইনের মধ্যে সীমাবদ্ধ হইয়া দাঁড়াইয়াছে। বাহিরের সকল দেশ গুলিতেই বিদ্রোহাগ্নি প্রজ্জ্বলিত। এই বিদ্রোহানল রাজ্যের পূর্বাঞ্চলেই অধিকতর প্রসার পাইয়াছিল। মোখতার কুফা অধিকার করিয়া হজরত আলীর পুত্র এমাম হোসায়নের হত্যার প্রতিশোধ লইবার জন্য চেষ্টিত। নাকি-বেন-আজ্জরকের দল ফারেস, কেরমান এবং আহুওয়াজ্ দখল করিয়া বসিয়াছে। এই সঙ্গে খেলাফতের দাবিদার আবদুল্লাহ-বেন-

জোবারের আরবদেশ ও খোরাসান অধিকার করিয়া মকায় রাজধানী স্থাপন করিয়াছেন।

আবদুল মালেক তাঁহার রাজত্বের অষ্টম বর্ষের মধ্যে এই সমস্ত শত্রুগণকে দমন করিয়া, মোস্লেম সাম্রাজ্যের একচ্ছত্র রাজাধিরাজ বলিয়া ঘোষিত হইলেন : এবং সাম্রাজ্য বৃদ্ধির দিকে বিশেষভাবে মনোনিবেশ করিলেন।

খ্রিঃ ৬৩ সালে 'ওবায়দুল্লাহ-বেন-জেইয়াদ কুফা আক্রমণ করিলে মোখ্তার তাঁহাকে সম্পূর্ণরূপে পরাস্ত ও নিহত করিল, এবং খলিফার সেনাগণকে বহুদূর পর্য্যন্ত বিতাড়িত করিতে কৃতকার্য হইয়াছিল।

তাঁহার চারি বৎসর পরে খলিফা আবদুল মালেক কুফা নগরী মোখ্তারের হস্তচ্যুত করিয়া লইলেন। এই সময়ে জর্নৈক আরববীর মোহাল্লাব কেয়ুমানে প্রবেশাধিকার প্রাপ্ত হইয়া, তথা হইতে অগ্রসর হইতে হইতে ফারেস ও আফ্‌গরাজ হস্তগত করিলেন। এই মোহাল্লাব আবার কিছুদিন পরেই খলিফার বশতা স্বীকার করিলেন।

অপর দিকে হেজ্জাজ-বেন-ইউসফের ভীষণ আক্রমণে মক্কাধিপ আবদুল্লা নিপতিত হইলেন ও মক্কা খোরাসান বিজেতা হেজ্জাজের করতলগত হইল। খলিফা আবদুল মালেক তাঁহার এই মহা তেজস্বী সেনাপতি হেজ্জাজের বীর্য ও প্রতিভা দর্শনে তাঁহাকে ইরাকের শাসন কর্তার পদে নিযুক্ত করিলেন।

হেজ্জাজ ইরাকের শাসন কর্তৃত্ব পদে প্রতিষ্ঠিত হইয়া সৈয়দ-বেন আমলামকে মাকরাগে নিজ অধীনস্থ শাসনকর্তা নিযুক্ত করিলেন। সৈয়দের ভ্রাতাগ্য ক্রমে তিনি তথাকার একজন উদ্ধত স্বভাব বীরপুরুষ ফারেস পুত্র মাবিয়া-আল্লাফির বিষ দৃষ্টিতে পড়িলেন। এই মাবিয়া-আল্লাফির তরবারির তলে অচিরে তাঁহাকে প্রাণ হারাইতে হইল।

আল্লাফিকৃত এই হত্যা ব্যাপারের পরই হেজ্জাজ, আবদুর-রহমান-বেন-আসাব্কে আল্লাফির বিরুদ্ধে প্রেরণ করিলেন। কিন্তু চতুর আল্লাফি পথে তাঁহাকে হত্যা করিয়া, আর অনর্থক প্রবল পরাক্রমশালী হেজ্জাজের কোপাগ্নিতে পড়িয়া থাকা অযৌক্তিক ধিবেচনা করিয়া, সিন্ধু দেশে আসিয়া হিঃ ৮৫ সালে সিন্ধু-রাজ রায় দাহিরের সহিত মিলিত হইলেন। আল্লাফি, এমদাদ-উদ্দীন মোহাম্মদ-বেন-কাসেমের সিন্ধু আক্রমণ কাল পর্য্যন্ত রাজা দাহির রায়ের সঙ্গেই ছিলেন।

হিজরী প্রথম শতাব্দীর শেষ তৃতীয়াংশে ও খৃষ্টীয় অষ্টম শতাব্দীর প্রারম্ভে মহা সমৃদ্ধিশালী আলোর নগরী (আধুনিক খয়েরপুর ও রোরীর মধ্যবর্তী স্থান) সিন্ধু প্রদেশের রাজধানী ছিল। তৎকালীন এই সিন্ধুদেশ পূর্বে কাশ্মীর সীমান্ত ও কনোজ, পশ্চিমে মাক্ৰান ও সমুদ্র তীর পর্য্যন্ত, দক্ষিণে সমুদ্র তীর ও দেবাল (আধুনিক করাচি ও সৌরাষ্ট্র বন্দর) এবং উত্তরে কাবুদান ও কাবুকানান (আধুনিক সোলোমান পার্বত্য প্রদেশীয় তুরান) পর্য্যন্ত বিস্তৃত ছিল। এই সমস্ত ভূখণ্ড আবার চারিজন সামন্ত শাসনকর্তার অধীনে চারি খণ্ডে বিভক্ত ছিল।

প্রথম—ব্রাকানাবাদ (আধুনিক সিন্দ হায়দ্রাবাদ) সমুদ্র তীর পর্য্যন্ত বিস্তৃত। দ্বিতীয় খণ্ডের প্রধান নগর শিউইস্তান, এই পর্বতসঙ্কুল বিভাগ, কুবান্ পার্বত্য দেশ হইতে মাক্ৰান পর্য্যন্ত বিস্তৃত। তৃতীয় অংশ তাল-ওয়ারী ও চাচপুর, ইহা বুদ্ধপুর পর্য্যন্ত স্থিত; এবং চতুর্থ মুলতান ইহা কাশ্মীর পর্য্যন্ত বিস্তৃত ছিল।

সাইয়ম বা মেহরাণ তীরবর্তী প্রকাণ্ড রাজধানী আলোর, তৎকালীন সৌন্দর্য্য ও সমৃদ্ধিতে ভারতের শীর্ষ স্থান অধিকার করিয়াছিল। এবং যে সময়ের কথা উল্লেখ করিতেছি, সেই সময় প্রবল পরাক্রমশালী রায় দাহির এই সমগ্র ভূখণ্ডের রাজাধিরাজ ছিলেন।

দাহির তাঁহার রাজত্ব পর্যাবেক্ষণ করিলে ও সর্বত্র প্রজা-মণ্ডলীর নিকট সুপরিচিত হইবার জন্য, কিছুকাল ব্রাহ্মানাবাদ অঞ্চলে থাকিয়া তথা হইতে শিউইস্তান গিয়াছিলেন। তৎপরে পিতার অর্ধ সমাপ্ত দুর্গ রেওয়ার দেখিতে গিয়া তথায় কিছুকাল অবস্থান করিয়া দুর্গ নির্মাণ কার্য সমাধা করিলেন।

এই সময় রমল দেশের রাজা, দাহিরের ধনরত্ন ও বহু পালিত হস্তীর পরিচয় পাইয়া, পরাক্রান্ত সৈন্য সমভিব্যাহারে তাঁহাকে আক্রমণ করিল। রেওয়ার নগর যুদ্ধ ক্ষেত্রে পরিণত হইল। ভীষণ যুদ্ধের পর রাজা দাহির যুদ্ধে পরাস্ত হইলেন। তৎপরে বিজয়ী সেনাগণ রেওয়ার হইতে রাজধানী আলোর নগরের দিকে অগ্রসর হইতে থাকায়, দাহির হিঃ ৮৫ সালে আরবের অধিবাসী বানি-আসমৎ বংশীয় তেজস্বী যোদ্ধা মোহাম্মদ আল্লাফির সাহায্য প্রার্থনা করিলেন।

অচিরে আবদুর-রহমান-বেন-আসার হস্তা মোহাম্মদ আল্লাফি, মাত্র পাঁচ শত মহা তেজস্বী মরু-সেনাসহ আসিয়া দাহির রাজ্যের সৈন্যগণের সহিত যোগ দিলেন, এবং হিন্দু সেনাগণের সহিত মিলিত হইয়া নিশাকালে রমলের অশীতি সহস্র সেনাগণকে ভীষণ রণোল্লাস ধ্বনির সহিত আক্রমণ করিলেন। আল্লাফির এই অকস্মাৎ অস্বাভাবিক নৈশ আক্রমণের বেগ রমলের প্রকাণ্ড বাহিনী সহ্য করিতে পারিল না। তাহার মধ্যে অধিকাংশ মোস্লেম তরবারির আঘাতে নিহত হইল। এবং অনেকে রাজা দাহিরের সেনাগণ কর্তৃক বন্দি হইল। রমল রাজ্যের ৫০টি মুদ হস্তী, অনেক অশ্ব ও বিস্তর যুদ্ধাস্ত্র বিজয়ী সেনাগণের হস্তগত হইল।

ধরিতে গলে ইহাই ভারতে মোস্লেম বিজয়ের সূত্রপাত। (ত ওয়া-রিখ হিন্দ-অ-সিদ্ধ ও চাচু নামা)।

তৃতীয় সর্গ

খলিফা ওলিদ-বেন-আবদুল মালেক

খৃঃ ৭০৫ হইতে ৭১৫

হিঃ ৮৬ সালে এই মহা-পরাক্রমশালী খলিফা মোস্লেম সাম্রাজ্যের সিংহাসন আলোকিত করেন। ওলিদের রাজত্বকালে আরব সাম্রাজ্য উন্নতির চরম সীমায় উঠিয়াছিল।

ইরাকের শাসন কর্তা হেজ্জাজ, সৈয়দ হুতা আল্লাফি ভ্রাতাগণকে খুজিয়া বাহির করিবার জন্য হিন্দুস্থানের সীমায় হারুন পুত্র সেনাপতি মোহাম্মদকে নিযুক্ত করিলেন। যে কোন প্রকারেই হউক আল্লাফিদিগকে ধরিয়া পাঠাইতে হইবে, তাহার উপর হেজ্জাজের এই হুকুম থাকিল। অনেক পরিশ্রমের পর হিঃ ৮৬ সালে তিনি আল্লাফি ভ্রাতাগণের মধ্যে একজনকে বধ করিতে সমর্থ হইয়া, তাহার ছিন্ন মস্তক হেজ্জাজ দরবারে পাঠাইয়া দিয়াছিলেন।

- নিষ্ঠুর হেজ্জাজ সেই সময় ইরাকের শাসনকর্তা হইলেও, তিনি পারশ্ব দেশের স্বাধীন রাজা ছিলেন বলিলে অত্যাক্তি হয় না। দেশজয় স্পৃহা দিনে দিনে বর্দ্ধিত হওয়ায়, হেজ্জাজ পূর্ব দিকে ক্রমশঃ রাজ্য বৃদ্ধি করিবার আশা মনোমধ্যে পোষণ করিতে লাগিলেন, এবং এই উদ্দেশ্যে কোতারবার অধীনে একদল সৈন্য প্রেরণ করিলেন। কোতারবা প্রথমতঃ খাওয়ারজম্ অধিকার করিয়া তথা হইতে আকসাস্ নদী পার হইয়া... চলিতে

গেলে এক প্রকার বিনা বাধায় মধ্য-এসিয়ার বোখারা, খোজান্দ শাশ, সামারকন্দ প্রভৃতি তুর্কীস্থানের সমৃদ্ধিশালী জনপদগুলি ও তৎসহ সমস্ত ফরুগনা প্রদেশ করায়ত্ত করিলেন। কোতায়েবা ক্রমশঃ অগ্রসর হইয়া কাশ্গর প্রদেশে প্রবেশ করিলেন। এই স্থানে চীন দেশের রাজ্য দূতের সহিত তাঁহার সাক্ষাৎ হইয়াছিল।

হেজ্জাজের অপর একদল সৈন্তের সহিত কাবুল-রাজের সংঘর্ষ বাধে; এবং কাঁহার তৃতীয় সেনাদল মাকরানের ভিতর দিয়া সিন্দু নদের মোহনা দেবাল (আধুনিক করাচি) বন্দরের দিকে অগ্রসর হইতে থাকে।

লক্ষা দ্বীপের অধিপতি সেই সময় আট খানি অর্ণবপোত পরিপূর্ণ নানা প্রকারের উপঢৌকনাদি ও তৎসহ অনেক দাস দাসী, আনির হেজ্জাজ ও খলিফার শুভ দৃষ্টি আকর্ষণের জন্য তাঁহাদের নিকট প্রেরণ করিতেছিলেন; কিন্তু পথিমধ্যে দেবাল রাজের অধিনস্থ কতকগুলি জলদস্যু ঐ সকল জাহাজ লুণ্ঠন করিয়া লয়। এই লুণ্ঠনের প্রতিশোধ গ্রহণই হেজ্জাজের তৎকালে ভারতভিমুখে সৈন্ত প্রেরণের প্রধান উদ্দেশ্য।

সেই সময় দেবাল রাজ, মহারাজা দাহিরের সামন্ত নৃপতি থাকায় হেজ্জাজের সম্পূর্ণ বিশ্বাস হইল যে, দাহির রাগত এই লুণ্ঠন ব্যাপারে লিপ্ত আছেন। কিন্তু এই সঙ্গে তিনি বিবেচনা করিলেন যে, মহা পরাক্রান্ত দাহির রাগের সহিত যুদ্ধ করিবার উপযুক্ত সৈন্ত তাঁহার নাই। এই কারণে বাধ্য হইয়া ইরাক অধিপতি ভারতে সৈন্ত প্রেরণের জন্য অচ্যামাত্র খলিফার নিকট সাহায্য প্রার্থনা করিলেন। খলিফা ইরাকের শাসনকর্তার প্রার্থনা অগ্রাহ্য করিয়া উত্তর দিলেন—

“এই দূরতা” নিবন্ধন তিনি তাঁহার সেনাপতি মহাবীর মুসাকে, তাঁহার সৈন্যের অদম্য গতি স্থগিত রাখিতে আদেশ দিয়াছেন ও তাঁহার

আজ্ঞাক্রমে ঐ সেনাপতির অধীনস্থ বীর অজেয় আরব সন্তানগণ জিবরান্টারের তীরে বসিয়া অতি কষ্টে ইউরোপ আক্রমণের লোভ সম্বরণ করিতেছে ; এক্ষণে আবার দূরবর্তী ভারতে বহুল অর্থব্যয়ে সৈন্ত প্রেরণ করিয়া তিনি অনর্থক সন্ত্য-ধর্মাবলম্বীগণের জীবন বিপদাপন্ন করিতে ইচ্ছা করেন না।”

শেষে হেজ্জাজ, বাজালি বংশোদ্ভব বুদায়েলকে দেবাল আক্রমণের স্তম্ভ আহ্বান করিলেন। তৎপরে মোহাম্মদ হারুণের প্রতি তিন সহস্র সৈন্ত লইয়া মাকুরানে গিয়া বুদায়েলের সহিত মিলিত হইবার ও আবদুল্লা-বেন্ খাতালের প্রতি, উমান হইতে আসিয়া তাঁহার সহিত যোগ দিবার আদেশ প্রদান করিলেন।

সিন্ধু নদের পশ্চিম তীরে নিরুণে যে ঘোরতর যুদ্ধ হইল তাহাতে সেনাপতি বুদায়েল সিংহ-বিক্রমে যুদ্ধ করিতে করিতে, শেষে অশ্ব হইতে নিপতিত হইয়া প্রাণ বিনর্জন দিলেন। এই যুদ্ধে বহু মোসলেম সৈন্ত সামানি অর্থাৎ বৌদ্ধ সেনাগণ কর্তৃক বন্দি হয়।

যুদ্ধবসানেই যখন ক্রোধাক্র হেজ্জাজ নিরুণের বৌদ্ধ ধর্মাবলম্বী রাজাকে পত্র লিখিলেন যে—বিগত যুদ্ধ ও মোসলেম বন্দিগণের সম্বন্ধে সম্বরণ প্রতিকার না করিলে, তিনি চীন দেশের সীমা পর্য্যন্ত সমস্ত ভূখণ্ডের বিধ্বঙ্গগণকে, তরবারির মুখে শিক্ষা প্রদান করিবেন,—তখন নিরুণরাজ ভয়ে গোপনে পত্র লিখিয়া হেজ্জাজের বশুতা স্বীকার করিলেন ও সমস্ত বন্দিগণকে মুক্ত করিয়া দিলেন।

তৎপরে ওমার-বেন্-আবদুল্লা হিন্দুস্থান আক্রমণের অসুখমতি প্রার্থনা করেন। হেজ্জাজ তাঁহার প্রার্থনা অগ্রাহ্য করিয়া সপ্তদশ বর্ষীয় অজাতশত্রু সদংশজাত মনোহরকাস্তি বীর, নিজ জামাতা এমদাদ-উদ্দীন মোহাম্মদ বেন্-কাসেমকে সেনাপতি পদে নিয়োজিত করিলেন।

বালক সেনাপতি মহাবীর কাসেম প্রথমেই দেবাল রাজ্য (করাচি ও থাট্টা) আক্রমণ করিলেন। মহারথী মোহাম্মদ কাসেমের সহিত জাওবা-বেন্-আকাবা সালামি নামক জনৈক ঐতিহাসিক আসিয়াছিলেন। তাঁহারই লেখা ইতিবৃত্ত হইতে অবগত হইতে পারা যায় যে—মোহাম্মদ কাসেম দেবাল জয়ের পর, বহু ধনরত্ন লইয়া নৌকাবোলে ক্রমশঃ নিকুণাতিমুখে অগ্রসর হইতে থাকেন। নিকুণ দুর্গ আধুনিক হিলাই হায়দ্রাবাদ হইতে ৩৫ মাইল দূরে কিঞ্জার হ্রদের সন্নিকটে অবস্থিত ছিল। কাসেমের নৌকাগুলি আরোহী মোস্লেম সেনা সত্তার লইয়া সিন্ধুনদ বহিয়া ক্রমশঃ উপর দিকে ধাবিত হইতে থাকে। শেষে তাঁহারা নৌকা অবতরণে সিসামের পথ অবলম্বনে, ছয় দিনে নিকুণ রাজ্যে পৌঁছিয়া তথায় শিবির সন্নিবেশ করিলেন। এই স্থানে জলাভাবে সেনাগণের খুবই কষ্ট হইতে লাগিল। এই অবস্থা দর্শনে সেনাপতি মোহাম্মদ কাসেম, একান্ত মনে পরম করুণানিদান আল্লাহতাআলার সমীপে এতগুলি সত্য ধর্মাবলম্বীর প্রাণ রক্ষার্থে বৃষ্টির জন্য প্রার্থনা করিলেন। তাঁহার কাতর প্রার্থনা ফলবতী হইল। অল্পকাল মধ্যেই প্রচুর বারিপাতে সমস্ত নদী তড়াগ পরিপূর্ণ হইয়া গেল।

নিকুণের শাসনকর্তা সীমানি অনেক উণচোকন সহ আরব সেনাপতির সহিত সাক্ষাৎ করিয়া, তাঁহার নিকট আত্ম-সমর্পণ করিলেন।

মোহাম্মদ-বেন্ কাসেম নিকুণের পুরাতন বুদ্ধ-মন্দিরের পার্শ্বে, মসজিদ নির্মাণ করিবার আদেশ প্রদান করিলেন। অচিরে প্রকাণ্ড ও সুদৃশ্য মোস্লেম ভজনালয় নির্মিত হইয়া, তাহাতে ‘আজান’ ও ‘নামাজ’ আরম্ভ হইল। মহাবীর কাসেম নিকুণের মসজিদে একজন এযাম নিযুক্ত করিয়া তথা হইতে শিউস্তান জয়ের ইচ্ছা প্রকাশ করিলেন।

এই যাত্রায় মিত্র রাজা সামানি, পথ প্রদর্শক হইয়া আরববীর কাসেমকে বাহরাজ বা বলাহার পর্য্যন্ত লইয়া গিয়াছিলেন।

দাহিরের ভ্রাতুষ্পুত্র, চন্দ্রের পুত্র ভজহারু শিউস্তানের দুর্গাধ্যক্ষ ছিলেন। তিনি মোসলমানগণের সহিত যুদ্ধ করিতে প্রস্তুত হইলেন এবং সমস্ত সামন্ত নৃপতিবর্গের ও প্রজাগণের নিকট সাহায্যার্থে সংবাদ পাঠাইয়া দিলেন। ভজহারুর অধীনস্থ রাজাগণ দুর্ধর্ষ মরু সেনাগণের বল বিক্রম অবগত থাকায় কিছুতেই মহাবীর কাসেমসহ বল পরীক্ষা করিতে সাহস করিল না।

কাসেম দুর্গ অবরোধ করিলেন। এই সময় ভজহারুর প্রজাবর্গ সেনাপতির নিকট তাহাদের জীবন ও ধনসম্পত্তি রক্ষার্থে প্রার্থনা করায়, মোহাম্মদ কাসেম তাহাদিগকে অভয় দান করিয়া, দ্বিগুণ উৎসাহের সহিত দুর্গ মধ্যে রাজসৈন্যগণকে আক্রমণ করিলেন। আক্রমণের ফলে ভজহারুর সেনাগণ বিতাড়িত ও ছত্রভঙ্গ হইয়া পড়িল। ভজহারু রীতিযোগে দুর্গের উত্তর দ্বার দিয়া বাহির হইয়া নদী পার হইয়া পলায়ন করিলেন।

এই দুর্গ জয়ের সহিত সমস্ত শিউস্তান প্রদেশ বীর পুঙ্গব কাসেমের হস্তগত হইল। দুর্গ মধ্যে সেনাপতি বিস্তর ধনরত্ন ও স্বর্ণ রৌপ্য পাইলেন এবং উহার অধিকাংশ তিনি নিজ সেনাগণের মধ্যে বিতরণ করিয়া দিলেন।

অতঃপর মোহাম্মদ বেন কাসেম বুধিয়া (আধুনিক কচ্ছ গাঙ্কব) প্রদেশ জয়ের আশায়, সেনাগণকে লইয়া কুস্ত নদীর তীরবর্তী নিধান নামক স্থানে গিয়া অবতীর্ণ হইলেন। বুধিয়ার রাণাবংশ অবোধ্যার পুরাতন সূর্য্যবংশীর রাজগণের বংশধর বলিয়া খ্যাত ছিলেন। হঠাৎ আরব সৈন্যগণের আগমন দেখিয়া সমস্ত সামন্ত রাজগণ বুধিয়া রাজ

কাকা কোটালের সান্নিধ্যে উপস্থিত হইয়া রাত্রিযোগে মোস্লেম সেনাগণকে আক্রমণ করিবার পরামর্শ দিলেন। কিন্তু কাকা তাহাদের প্রস্তাবে সম্পূর্ণ অসম্মতি জ্ঞাপন করিয়া উত্তর দিলেন যে—তিনি বুদ্ধদিগের পুস্তকে আভাষ পাইয়াছেন ও জ্যোতিষ গণনার সিদ্ধান্ত হইয়াছে যে, হিন্দুস্থান মোসলমানগণের করতলগত হইবে; এই কারণে তিনি মোসলমানগণের সহিত যুদ্ধে প্রবৃত্ত হইতে সম্পূর্ণ অনিচ্ছুক।

ইহার অল্পদিন পরেই কাকা কোটাল, সেনাপতি মোহাম্মদ কাসেমের সমীপে গিয়া আত্মসমর্পণ করার, মহাশুভব কাসেম তাঁহাকে যথেষ্ট সাদর সস্তাষণে আপ্যায়িত করিলেন।

বুখারা দেশে অবস্থান কালে সেনাপতি কাসেম, আমির হেজ্জাজ-বেন-ইউছফের নিকট হইতে ফরমান পাইলেন যে—

“পরম করুণা নিদান আল্লাহতাআলার নিকট সাহায্য প্রার্থনা করিয়া, সেনাপতি যেন মেহরান পার হইয়া রাজা দাভির রাঘকে আক্রমণ করেন ও তাঁহাকে যুদ্ধে সম্পূর্ণরূপে পরাস্ত করিয়া, সমস্ত সিন্ধু প্রদেশে মোস্লেম বিজয়পতাকা উড্ডীন করেন; এবং সঙ্গে সঙ্গে শাসনের বন্দোবস্ত করিয়া দেন।”

আমির হেজ্জাজের আদেশ পাইয়া সেনাপতি কাসেম পুনরায় নিকরুণে প্রত্যাবর্তন করিলেন। নিকরু হইতে আমিরের নিকট তাঁহার সমস্ত বিজয় বার্তা লিপিবদ্ধ করিয়া এবং বিজিত প্রদেশের যে যে স্থানে যতগুলি মসজিদ নির্মাণ করা হইয়াছে ও ঐ সকল ভজনালয়ে যেরূপে প্রত্যহ পাঁচ বার আজান ও নামাজ হইতেছে; তৎসহ প্রত্যেক শুরুবারে জোম্বার নামাজের সময় মহামান্ন খলিফার নামে যেরূপে খোঁৱা পাঠ হইয়া থাকে, প্রভৃতি রাজ্য বিস্তার ও ধর্ম প্রচার সম্বন্ধে যাবতীয় সংবাদ লিখিয়া পাঠাইলেন।

সেনাপতি মহাবীর কাসেমের সৈন্য পরিচালনের সংবাদ পাইয়া রাজা দাহির রায় সৈন্যে মেহরান নদীর অনতিদূরে আসিয়া, তথায় সৈন্য সমাবেশ পূর্বক প্রতীক্ষা করিতে লাগিলেন। এই সময়ে আমির হেজ্জাত-বেন-ইউসফ, জামাতা কাসেমের সাহায্যার্থে আরও দুই সহস্র উৎকৃষ্ট অশ্বারোহী আরব-সৈন্য পাঠাইয়া দিলেন।

সেনাপতি মোহাম্মদ বেন কাসেম এই সৈন্য সত্তার লইয়া নদী পার হইয়া হিন্দু সেনাগণকে আক্রমণের চেষ্টায় নৌকা সংগ্রহে যত্নবান হইলেন। এই কার্যে তিনি বায়েতের অধিপতি নৌকা বিশ্বের নিকট হইতে বিশেষরূপে সাহায্য পাইয়াছিলেন। কাসেম অধীনস্থ সেনানী জাকওয়ান-বেন উলওয়ান-আল বিক্রির অধীনে ১৫০০ সৈন্য দিয়া নৌকা বিশ্বের সাহায্যে নৌ-সেতু নির্মাণ করাইতে তৎপর হইলেন।

এই সেতু নির্মাণ কালে, সেনাপতি দেখিতে পাইলেন যে—নদীর পরপারে শত্রুগণ পিপীলিকা শ্রেণীর ঞ্চায় সমবেত হইয়া, সেতু নির্মাণে বাধা প্রদান করিবার জন্য কৃতসংকল্প হইয়া অবস্থান করিতেছে। তখন তিনি পশ্চিম পারে, মেহরান নদীর পরিসর পরিমাণ স্থানে নৌকাগুলি সংযোগ করাইয়া, সমস্ত নৌকাগুলি অল্প শব্দে সুসজ্জিত যোদ্ধায় পরিপূর্ণ করিলেন ও সন্মুখের বৃহৎ নৌকাখানিতে সুনিপুণ গোলন্দাজ সৈন্য সমাবেশ করিয়া, সংযোজিত নৌ-সেতুটা ভাঙ্গাইয়া দিলেন।

সুনিপুণ আরব গোলন্দাজগণের ক্ষিপ্রহস্তের শর নিক্ষেপ, হিন্দু সেনাগণ অধিকক্ষণ সহ্য করিতে পারিল না। নদীকূল-রক্ষী দাহির-সেনা তাঁর পরিত্যাগ করিয়া যে যেদিকে পারিল পলায়ন করিতে লাগিল। কাসেম নৌ-সেতু সুদৃঢ় করিয়া তাহার অশ্বারোহী ও পদাতিক সুমুদ্র সৈন্য নদী পারে লইয়া গিয়া, ভীষণ বেগে শত্রু মধ্যে পতিত হইয়া, তাহাদিগকে দূরবর্তী বামনগরের ধার পর্য্যন্ত তাড়াইয়া দিলেন।

আরব অশ্বারোহীগণ সকলেই সুদৃঢ় লৌহবক্ষে আচ্ছাদিত ছিল। সেনাপতি মোহাম্মদ কাসেম তাঁহার সৈন্যগণকে লইয়া প্রথমতঃ বায়েত দুর্গের সম্মুখে শিবির সংস্থাপন করিলেন। পরে তথা হইতে বহু বাধা বিহীন অতিক্রম করিয়া জিওয়ার বা জয়পুর গিয়া সেই স্থানে সসৈন্তে অবস্থান করিতে লাগিলেন।

রাজা দাহির প্রথমতঃ এই সংবাদে অধৈর্য্য হইয়া, মন্ত্রী সিসাকরকে (সিসাকার) ডাকিয়া তাঁহার পরামর্শ জিজ্ঞাসা করেন। মন্ত্রী অনেক চিন্তার পর উত্তর দিলেন যে—মোসলমানেরা যখন জয়পুর অধিকার করিয়াছে, তখন তাহাদের সকল স্থানেই ভয় হইবে। মন্ত্রীর উত্তরে রাজা দাহির একেবারে উদ্বিগ্ন হইয়া পড়িলেন। পরে সেই সময়ের একজন প্রসিদ্ধ জ্যোতির্বিদের নিকট গমন করিয়া তাঁহাকে এই যুদ্ধের কলাফল জিজ্ঞাসা করিলেন। রাজা তাঁহার নিকট আরও জানিতে চাহিলেন যে—সেই সময়ে শুক্রগ্রহ আকাশের কোন স্থানে অবস্থান করিতেছে।

জ্যোতিষী, গণনা করিয়া অনেক বিলম্বের পর উত্তর দিলেন যে—শুক্রগ্রহ আরবগণের পশ্চাতে ও রাজার সম্মুখে থাকায়, যুদ্ধে আরব সেনাগণেরই বিজয়ের অধিক সম্ভাবনা। তখন রাজা দাহির অত্যন্ত উত্তেজিত হইয়া পড়ায়, জ্যোতিষ বিদ্যাবিদ তাঁহাকে সান্ত্বনা দিবার জন্য শুক্রগ্রহের একটা স্বর্ণ মূর্তি প্রস্তুত করিতে বলিয়া, উহা তাঁহার ঘোড়ার জীনের পশ্চাতে বাঁধিয়া যুদ্ধ যাত্রা করিতে উপদেশ দিলেন।

পাঁচ দিন ধরিয়া উভয় পক্ষে দোরস্তর যুদ্ধ চলিল। শেষে ৩০ বৎসর পূর্ণ উদ্যমে রাজ্য শাসন করার পর, প্রবল প্রতাপশালী রাজাধিরাজ দাহির রায় হিঃ ৯৩, ১০ই রমজান বৃহস্পতিবার সন্ধ্যার সময় (৭১২ খৃঃ জুন) রেওয়ার দুর্গপ্রান্তে গুরুতর আহত হইয়া মৃত্যু শয্যায় শায়িত হইলেন।

রাজা দাহিরের মৃত্যু সম্বন্ধে আবুল লায়স এইরূপ বর্ণনা করিয়াছেন—

দাহির তাঁহার খেত হস্তী আরোহণে আরব সৈন্যগণকে আক্রমণ করিলে, বীরবর মোহাম্মদ কাসেম তাঁহার অগ্নিবাণ নিক্ষেপকারী (শ্রাপথ্য) সেনাগণের দিকে ইঙ্গিত করিলেন। সঙ্গে সঙ্গে একটি প্রজ্বলিত আগ্নেয়-শর দাহিরের হাওদায় পড়িয়া হস্তীপৃষ্ঠস্থ হাওদায় অগ্নি সংযোগ করিয়া দিল। তখন হস্তী, পৃষ্ঠপ্রজ্বলিত অগ্নির অসহ্য যন্ত্রণার চালকের ইঙ্গিত অগ্রাহ্য করিয়া জলে ঝাঁপাইয়া পড়িল। তৎপরে জল হইতে উঠিয়া রাজা দাহিরকে পৃষ্ঠে লইয়া পলায়ন করিবার কালে রাজা, শরাঘাতে গজপৃষ্ঠ হইতে ভূপতিত হইয়া যেমন নিকটস্থ একজন আরব যোদ্ধাকে আক্রমণ করিলেন, অমনি তাহার সবল হস্তের অসি দাহিরের মস্তক দ্বিখণ্ডিত করিয়া তাঁহার গ্রীবদেশের রক্ত চুষন করিল।

দাহিরের মৃত্যুর পর তৎপুত্র জয়সিংহ অনেক সৈন্য সংগ্রহ করিয়া ব্রাহ্মণাবাদ দুর্গে (আধুনিক সিন্ধু হায়দ্রাবাদ নগর হইতে ৪৭ মাইল উত্তর পূর্বে) আশ্রয় লইলে, মোহাম্মদ কাসেম উক্ত দুর্গ আক্রমণ করিলেন। এই দুর্গে কাসেম ছয় সহস্রাধিক হিন্দু যোদ্ধাকে তরবারীর মুখে নিপতিত করিয়া ও তদপেক্ষা অধিক সংখ্যক সৈন্যের শরবিদ্ধে বিনাশ সাধন করিয়া দুর্গাধিকার করিয়াছিলেন। যুদ্ধে জয়সিংহের সমুদয় অশুচরবর্গ ও তাহাদের স্ত্রী পুত্রগণ রণবিজয়ী কাসেম হস্তে বন্দী হইল। দাহির পুত্র রণস্থল হইতে পলায়ন করিয়া প্রাণ বাঁচাইল।

যুদ্ধ নিবৃত্ত হইলে গণনা করিয়া দেখা গেল যে—বন্দিগণের সংখ্যা ত্রিশ সহস্রেরও অধিক। তন্মধ্যে রাজা দাহিরের ভাগিনেস্রীকে লইয়া ৩০ জন রাজ পরিবারভুক্ত স্ত্রীলোকও বন্দিনী হইয়াছিলেন। এই সমস্ত বন্দী বন্দিনীর পঞ্চমাংশ দাহিরের ছিন্ন মস্তকসহ, জনৈক সেনানী কাষাবের সমভিব্যাহারে আমির হেজ্জাজের নিকট কুফার প্রেরিত হইল।

দাহিরের পুত্র জয়সিং সেই সময় হইতে সিন্ধু প্রদেশের বিভিন্ন স্থানে গমন করিয়া, বাহুব, খালিয়া প্রভৃতি স্থানের খণ্ড যুদ্ধে মোস্লেম সেনাপতি কাসেমকে বহুদিন পর্য্যন্ত বিরত করিয়া রাখিয়া ছিলেন। শেষে কাশ্মীরে পলায়ন করিয়া রাজপুত্র জয়সিং তথায় স্থায়ীভাবে বাস করিতে লাগিলেন। এদিকে সমস্ত আলোর রাজা মোস্লেমগণের চক্ষুগত হইল।

এই মহা বিজয়ের পর, একদিন প্রায় এক সহস্র মুণ্ডিত-মস্তক ব্রাহ্মণকে মহাবীর কাসেম সমীপে উপস্থিত করা হইল। সেনাপতি তাহাদিগকে তাহাদের এই অবস্থার কারণ জিজ্ঞাসা করিয়া, তাহারা কাহার সৈন্য দলভুক্ত জানিতে ইচ্ছা করিলেন। তাহাতে ব্রাহ্মণগণ বিনয় সহকারে এইরূপ উত্তর করিল—

“ধর্মরাজ, আমাদের রাজা ব্রাহ্মণ সম্প্রদায়ভুক্ত ছিলেন। আপনার সেনাগণ তাহাকে হত্যা করিয়াছে : এবং তাহারা আমাদের মধ্যেও অনেককে হত্যা করিয়াছে। সেই হুঃখে আমরা এই ব্রত অবলম্বন করিয়াছি। আপনি ধার্মিক, আপনি আমাদেরকে যে শাস্তি উপযুক্ত হয় প্রদান করুন।”

বীরবর কাসেম ব্রাহ্মণগণের এবম্প্রকার .নয়তা ও সত্যবাদিতায় সন্তুষ্ট হইয়া তাহাদিগকে আশ্রয় দান করিতে প্রতিশ্রুত হইলেন। এইরূপ দয়া প্রদর্শন দ্বারা মহাবীর কাসেম, সিন্ধু রাজ্যের বহু হিন্দু প্রজা ও সামন্ত রাজগণকে বশীভূত করিয়াছিলেন।

কাসেম ব্রাহ্মণবাদ রাজ্যের প্রজাগণের মধ্যে প্রচুর ধন বিতরণ করিয়াছিলেন। গ্রামে গ্রামে প্রধান প্রধান লোক বাছিয়া তাহাদিগকেই রাজস্ব আদায় কার্যে নিযুক্ত করিলেন। ব্রাহ্মণমণ্ডলী এই উদারচেতা আবু যুবকের গুণের কণবর্তী হইয়া অনেকেই সেনাপতির শরণাপন্ন

হইলেন। মোহাম্মদ বেন-কাসেমও তাহাদের শ্রেষ্ঠতা ও যোগ্যতার প্রমাণ গ্রহণে তাহাদের মর্যাদা ও প্রাধান্ত অক্ষুণ্ণ রাখিলেন। ব্রাহ্মণ ও বৌদ্ধগণ মোহাম্মদ কাসেমের রাজত্বে অবাধে ও নির্বিঘ্নে তাহাদের মন্দিরে পূজা পাঠ করিবার অনুমতি পাইল। তৎপরে সেনাপতি, আমির হেজ্জাজের নিকট লিখিয়া, ব্রাহ্মণ ও বৌদ্ধগণের জন্ত নির্বিঘ্নে তাহাদের ভজনামন্দির প্রস্তুত করিবার অনুমতি (ফরমান) আনাইয়া দিলেন।

অতঃপর মোহাম্মদ কাসেম সিন্ধু দেশের রাজধানী আলোর নগরে গিয়া জানিতে পারিলেন যে—তথাকার সাধারণ লোকের মনে তখনও ধারণা রহিয়াছে যে, রাজা দাহির রায়ে মৃত্যু হয় নাই; বরং তখনও তিনি মুসলমানগণকে ভারত হইতে বিতাড়িত করিয়া দিবার জন্ত সৈন্য সংগ্রহার্থে ভারতের বিভিন্ন রাজ্যে ভ্রমণ করিতেছেন।

ইতিপূর্বে দাহিরের প্রধানা মাহিবী লাদী বাঈকে বন্দি করিবার পর, কাসেম রাণীকে নিজ শিবিরে আশ্রয় দিয়াছিলেন। ঐ সময়ে রাণী লাদী স্বেচ্ছায় এছলাম-ধর্ম গ্রহণ করেন ও অল্পদিন মধ্যে মুসলমান ধর্মের অনেক রীতি নীতি ও পদ্ধতি শিক্ষা করিয়া ফেলিয়াছিলেন।

এক্ষণে নগরের লোকের বিশ্বাস জন্মাইবার জন্ত সেনাপতি, উক্ত লাদী বাঈকে তাঁহার নিজ পুরাতন গাঢ় কৃষ্ণ বর্ণের উষ্ট্রে আরোহণ করাইয়া, বিশ্বাসী কয়েকজন অনুচর সমভিব্যাহারে নগর ভ্রমণ করাইলেন ও সেই সময় রাণী উষ্ট্র পৃষ্ঠ হইতে বলিতে লাগিলেন—

“আমি রাজা দাহির রায়ে পাটরাণী লাদী। রাজা মৃত্যুমুখে পতিত হইয়াছেন। তাঁহার ছিন্ন মস্তক, রাজচ্ছত্র ও পতাকাদি সহ খলিফার নিকট প্রেরিত হইয়াছে। খোদাতায়ালা কোরাণে বলিয়াছেন—“তোমরা, নিজে তোমাদের ধ্বংস ডাকিয়া আনিও না।” (চাচনামা)

আলোর হইতে বীর সেনাপতি কাসেম মুলতান যাত্রা করিলেন ও তথায় মিনারেট সম্বলিত একটি বৃহৎ জামে মসজিদ নির্মাণ করাইলেন। পরে আমির দাউদ নাসারকে মুলতানের শাসনকর্তা নিযুক্ত করিয়া, ঐ স্থানে কিছুদিন অবস্থান করিতে লাগিলেন। এই সময় মধ্যে সুযোগ্য মোস্লেম সেনাপতি মোহাম্মদ বেন-কাসেম, মুলতানে পঞ্চাশৎ সহস্র উৎকৃষ্ট দেশীয় অশ্বারোহী সেনা সংগ্রহ করিয়া তাহাদিগকে শিক্ষা দানে অল্পদিন মধ্যেই যুদ্ধ নিষ্ঠায় পারদর্শী করিয়া তুলিলেন।

মুলতানে সেনাপতি, খলিফা মারওয়ান পৌত্র ওলিদ-আবদুল-মালেকের নিকট হইতে কনোজ জয় করিবার ও তথাকার রাজাকে পবিত্র ধর্মে দীক্ষিত করিবার ফরমান প্রাপ্ত হইলেন। তিনি অধীনস্থ সেনানী আবু-হাকিম সায়বানীকে দশ সহস্র অশ্বারোহী সহ খলিফার উপদেশ বাণী বুঝাইয়া দিয়া কনোজে পাঠাইলেন ও স্বয়ং সসৈন্তে কাশ্মীরের সীমা পর্যন্ত অগ্রসর হইলেন। এই সময়ে কনোজ রাজ্য আজমীরের সীমা পর্যন্ত ব্যপ্ত ছিল।

আবু-হাকিম সায়বানী উদ্যত্রে পৌছিয়া কনোজ রাজ রায় হরচন্দ্রের নিকট জারেম-বেন-আমরকে একখানি পত্র সহ প্রেরণ করিলেন। পত্রে উল্লেখ ছিল যে—

“রাজা যেন পত্র পাইবা মাত্র পবিত্র এসলাম ধর্ম গ্রহণ করেন ও মহানাত্ম খলিফার মহা সেনাপতি এমদাদ উদ্দীনের বশত স্বীকার করিয়া, তাঁহার অধীনস্থ শাসন কর্তা হইয়া থাকিতে স্বীকৃত হন।”

রায় হরচন্দ্র পত্র পাঠে দূতকে অবগত করিলেন যে—

“এই রাজ্য তাঁহার পুরুষানুক্রমে সহস্র বৎসরের অধিক কাল শাসন করিতেছেন। তিনি কোন শত্রুর হুক্মে কখনও ভয় করেন নাই; এবং দত্ত অর্থনা হইলে এতক্ষণ তাহাকে বন্দী হইতে হইত।”

জায়েদ এই সংবাদ সেনাপতি কাসেমের নিকট জ্ঞাপন করায়, তিনি তৎক্ষণাৎ কনোজ রাজের বিরুদ্ধে যুদ্ধ ঘোষণা করিলেন।

এদিকে পরদিন প্রত্যুষেই মহামান্ন খলিফার নিকট হইতে জনৈক অস্বারোহী একখানি পত্র আনিয়া মহা সেনাপতি মোহাম্মদ কাসেমের হস্তে দিল।

এই সম্বন্ধে আলি-আবুল-হাসান-পুত্র মোহাম্মদ উল্লেখ করিয়াছেন—
“রাজা দাহিরকে হত্যা করিবার পর সেনাপতি কাসেম, দুইজন রূপ-লাবণ্যবতী রাজকুমারীকে প্রাসাদ হইতে ধৃত করিয়া বন্দিনী অবস্থায় হাব্‌সী খোজা সমান্তব্যাহারে দামেস্কে খলিফার নিকট পাঠাইয়া দিয়া-ছিলেন। খলিফা তাহাদিগকে কিছুদিন হেরেমে রাখিয়া, উহাদের উভয়কে একদা রাত্রিকালে নিজ সমীপে আহ্বান করিলেন ও ভগ্নীদ্বয়কে জিজ্ঞাসা করিয়া অবগত হইলেন যে রাজকুমারী পরিমল দেবী অপেক্ষা কুমারী সূর্য্য দেবীই বয়োঃজ্যেষ্ঠা।

তৎপরে খলিফা সূর্য্যকে নিকটে রাখিয়া কনিষ্ঠাকে হেরেমে বিদায় করিয়া দিবার পর, সূর্য্য দেবী নিজ মুখাবরণ অনাবৃত করিলে খলিফা তাহার অপরূপ সৌন্দর্য্য দেখিয়া বিমোহিত হইয়া তাহার অঙ্গ স্পর্শ করিবামাত্র, সূর্য্য উঠিয়া দাঁড়াইয়া মহামান্ন বাদশাহের নিকট ক্রমা প্রার্থনা করিয়া বুলিল যে,—

“আমি মহামহিমাবিত খলিফার উপযুক্তা নহি। আমাদিগকে বন্দিনী করার পর মহাসেনাপতি এম্বাদ উদ্দীন আমাদের উভয় ভগ্নীকে তিন রাত্রি তাঁহার অঙ্কে স্থান দিয়াছিলেন ও তৎপরে বাদশাহের দরবারে পাঠাইয়া দিয়াছেন।”

খলিফা ওলিদ-বেন্ আবদুল মালেক, সে সময় সূর্য্য দেবীর রূপে এতাদিক মুগ্ধ হইয়া পড়িয়াছিলেন যে, তিনি তৎকালে বিবেক শক্তি

হারাইয়া, সঙ্গে সঙ্গে লেখনী লইয়া সেনাপতিকে পত্র লিখিলেন—
 “মোহাম্মদ কাসেম যে স্থানে যে অবস্থায়ই থাকুন না কেন, পত্র পাঠ
 যেন আপাদমস্তক সত্যমুক্ত পশু চর্মের খলিয়ার আবদ্ধ হইয়া খলিফা
 সমীপে আনীত হ'ন।”

উদাফরু নগরে মহা-সেনাপতি, খলিফার এই হুকুমনামা প্রাপ্ত হইয়া
 অধীনস্থ কর্মচারীবর্গকে ডাকিয়া, তাঁহার দেহ সত্যমুক্ত পশু চর্মে আবৃত
 করিয়া সেলাই করিয়া দিতে বলিলেন। তাঁহার আদেশ মত ঐ অবস্থায়
 তাঁহাকে একটি সিন্দুকে পুরিয়া দামেস্ক নগরে খলিফার নিকট পাঠান
 হইল। বলা বাহুল্য যুবক কাসেমের পবিত্র আত্মা ইহার অল্পক্ষণ মধ্যেই
 ঈশ্বর সমীপে নীত হইয়াছিল।

মৃতদেহ সহ কাষ্ঠাধার মারওয়ান-পৌত্র অলিদের নিকট পৌছিবার
 পর, তিনি সূর্য্য দেবী (যাহার প্রকৃত নাম এক্ষণে জান্কাই দেবী প্রকাশ
 পাইল) ও পরিমল দেবীকে ডাকাইয়া তাহাদের সম্মুখে ঐ মৃতদেহ
 অনাবৃত করিয়া, তাঁহার রাজাদেশ কি প্রকারে পালিত হইয়াছে, তাহা
 স্তম্ভরীঘরকে বুঝাইয়া দিতে লাগিলেন। এমন সময় জান্কাই, খলিফার
 নিকট অশ্রুন্নর বিনয় সহকারে তাঁহার অশ্রুমতি লইয়া প্রকৃত কথা প্রকাশ
 করিয়া বলিল যে—সে সেনাপতির বিরুদ্ধে যাহা কিছু কহিয়াছিল তাহা
 সম্পূর্ণ ঈর্ষামূলক ও মিথ্যা। মহামতি মোহাম্মদ কাসেম তাহাদের উভয়
 ভগ্নীর প্রতি যথোচিত শিষ্টাচার প্রদর্শন করিয়াছিলেন। তিনি তাহাদের
 প্রতি নিজ সহোদরার স্থায় ব্যবহার করিয়াছিলেন ও কুত্রাপি তাহাদের
 অঙ্গ স্পর্শ করেন নাই। অপর পক্ষে সেনাপতি তাহাদের পিতৃহত্যা,
 সিন্ধু দেশ ধ্বংসকারী; তিনি হিন্দ ও সিন্ধের অন্যান্য সত্তর জন রাজাকে
 সিংহাসনচ্যুত করিয়া তাহাদের স্ত্রী-কন্যাগণকে এইরূপ বন্দিনী করিয়াছেন;
 সেনাপতি দেবমন্দির ধ্বংস করিয়া তাহার স্থানে মসজিদ নির্মাণ করাইয়া,

হিন্দুর ধর্মে ও প্রাণে দারুণ আঘাত করিয়াছেন ; তাহারই প্রতিশোধ লইবার জন্য ভগ্নীঘ্ন এই প্রতিহিংসাময়ী অভিসন্ধির সৃষ্টি করিয়া, রাজ সমীপে সেনাপতির বিরুদ্ধে সম্পূর্ণ মিথ্যা উক্তি করিয়াছিল।

দাহির ছহিতাঘ্নের মুখে এই বিবরণ শ্রবণে, সেই সময় খলিফা ওলিদের এতাদিক মনস্তাপ হইয়াছিল যে, তিনি রাগান্বিত হইয়া নিজ দক্ষিণ হস্তের উপরিভাগ দস্ত নিষ্পেষিত করিয়া রক্ত প্রবাহিত করিয়াছিলেন।

তৎপরে খলিফা ওলিদ নিজে উপস্থিত থাকিয়া, হুকুম দিয়া যুবতী ঘ্নকে জীবন্ত অবস্থায় প্রাচীর মধ্যে গাঁথাইয়া ফেলিলেন।

এদিকে এসলামের জয় হিন্দুস্থানে ক্রমশঃ ঘোষিত হইয়া চতুর্দিকে মোস্লেম বিজয়পতাকা উড্ডীয়মান হইতে লাগিল। (ফতেহ্‌নামা ও জাব্দাতোত্‌ তাওয়ারিখ)।

ঠিক এই একই সময়ে পৃথিবীর অপর প্রান্তে সেনাপতি মুসা, তাঁহার বীর সহচর অদম্য সাহসী যুবক তারেকের সাহায্যে স্পেনের উত্তর সীমা পিরেনীজ পর্বত ও বিক্ষে উপসাগর পর্যন্ত মোস্লেম সাম্রাজ্য ভুক্ত করিয়া, ইউরোপে মোস্লেম বিজয়পতাকা উড্ডীন করিয়াছিলেন। মহা তেজস্বী সেনাপতি তারেক যে পর্বত উল্লঙ্ঘন করিয়া সমুদ্র পারে স্পেনে পদার্পণ করিলেন, নিজের নামানুসারে সেই পর্বতের নাম জোবাল্-তারেক অর্থাৎ তারেক পর্বত রাখিয়াছিলেন। কালে প্রণালীটির নাম জোবাল্ তারেক বা জিব্রাল্টারে পরিণত হইল।

সিন্ধু দেশের গ্রায়, স্পেন ও এসলামের তরবারি তলে আত্মসমর্পণ করায়, সেখানেও অধিবাসী খৃষ্ট ধর্মাবলম্বী ও ইহুদিরা নির্বিঘ্নে নিজ নিজ ধর্ম কার্য সম্পন্ন করিবার অনুমতি পাইল। উভয় স্থানেই পরাভূত দেশবাসিগণ বিজেতার অধীনে বড় বড় দারিদ্রজনক পদে প্রতিষ্ঠিত হইতে লাগিল।

জামাতা মোহাম্মদ কাসেমের প্রতি আমির হেজ্জাজের কনোজ জয়ের পর চীনদেশ আক্রমণের উপদেশ ছিল। এবং জাগ্জারটশ বিজেতা মহাবীর কোতায়বা ও কাসেমের মধ্যে প্রতিযোগিতা বৃদ্ধি করণ-কল্পে হেজ্জাজ প্রতিজ্ঞাবদ্ধ হইয়াছিলেন যে—এই দুই বীরের মধ্যে যিনি অগ্রে চীনদেশ জয় করিতে পারিবেন, তাঁহাকেই ঐ বহু পুরাতন সাম্রাজ্যের অধীশ্বর করা হইবে।

মহাবীর কাসেমের স্তায় স্পেন বিজয়ী বৃদ্ধ মহাসেনাপতি মুসাকেও নিজ অধীনস্থ সেনানী মহাতেজঃ তারেকের প্রতি ঈর্ষাপরদশ হইয়া দুর্ব্যবহার করিবার জন্ত, পরবর্তী খলিফা সোলায়মানের কোপাগ্নিতে পড়িয়া ষৎপরোনাস্তি লাঞ্ছনা ভোগ করিতে হইয়াছিল।

চতুর্থ সর্গ

খলিফা সোলায়মান ৯৬ হিঃ হইতে ৯৯ হিঃ পর্যন্ত রাজত্ব করেন। তাঁহার সময়ে ভারতের অনেক নৃপতি বিজোহী হইয়া উঠিলেন। দাহির-পুত্র জয়সিং কাশ্মীর হইতে বহির্গত হইয়া ব্রাহ্মণাবাদ পুনর্দখল করিয়া লইলেন।

মহাবীর কাসেমের স্থান পূরণ করিবার জন্ত সেনাপতি এজিদকে পাঠান হইল, কিন্তু সিন্ধুদেশে পৌঁছিবার অষ্টাদশ দিবসে তিনি মৃত্যু মুখে পতিত হইলেন। তাঁহার স্থলে হবিব্-বেন-মোহাল্লাব, জয়সিংহ দমনে প্রেরিত হইলেন। হবিব্ সিন্ধু নদী তীরে শিবির সন্নিবেশ করিয়া একদল হিন্দু সেনাকে পরাজিত করিবার সঙ্গে সঙ্গে আলোরের সমস্ত অধিবাসিগণ তাঁহার বশ্যতা স্বীকার করিল।

ওলিদ-ভ্রাতা সোলায়মানের মৃত্যুর পর, দ্বিতীয় ওমর খলিফা হইয়া ভারতের অনেক রাজ্যকে দামেস্কের অধীনতা স্বীকার করিতে ও এসলাম ধর্ম গ্রহণ করিবার জন্ত পত্র লিখিলেন। এই সঙ্গে তিনি তাঁহাদিগকে অবগত করিয়া দিলেন যে—তাঁহারা স্বেচ্ছায় এসলাম ধর্ম গ্রহণ করিলে তাঁহাদিগকেও অপরাপর মোসলমান নরপতিগণের সমান অধিকার দেওয়া হইবে। এই সময় দাহির পুত্র ও আরও অনেক রাজা, খলিফা ওমর-বেন-আবদুল আজিজের প্রস্তাবে সম্মত হইয়া,

আবুবি নাম গ্রহণে পবিত্র এসলাম ধর্মের দীক্ষিত হইয়াছিলেন। আরব সেনাপতি আমরু-বেন-মোস্লেম-আল-বাহালি হিন্দুস্থানের অনেক-গুলি রাজাকে এই সময় বশতা স্বীকার করাইয়াছিলেন। (আল্ বেলাদুরি)

ওমরের পর ক্রমান্বয়ে দ্বিতীয় এজিদ, হাশেম ও দ্বিতীয় মারওয়ান ১৩২ হিঃ বা ৭৫০ খৃষ্টাব্দ পর্য্যন্ত দামেস্কের সিংহাসনারূঢ় ছিলেন।

পঞ্চম সর্গ



আব্বাসি বংশ

এই বংশের প্রথম খলিফা আবুল-আব্বাস-আন সাফফাহ চারি বৎসর কাল হিঃ ১৩২ হইতে হিঃ ১৩৬ পর্য্যন্ত রাজত্ব করিবার পর খলিফা আবু-জফর-আল-মনসুর ৭৫৪ খৃঃ হইতে ৭৭৫ খৃঃ ১৫৪ হিজরী পর্য্যন্ত বাগ্‌দাদের সিংহাসনে অধিষ্ঠিত ছিলেন।

হিঃ ১৩০ সালে আল-মনসুর, হাশেমকে সিন্ধু দেশের শাসনকর্তা নিযুক্ত করিয়া পাঠাইলেন। যে সকল ক্ষুদ্র ক্ষুদ্র হিন্দু রাজ্য এই সময়ে মস্তক উত্তোলন করিয়াছিল, সেনাপতি হাশেম্ অত্যল্পকাল মধ্যে তাহাদের রাজ্য হস্তগত করিয়া তাহাদের গর্ভ খর্ব করিলেন। হাশেম্ তাঁহার অধীন সেনাধ্যক্ষ আম্বু-বেন-জামলকে তৎকালীন গুর্জর প্রদেশভুক্ত বরোদা জয়ের উদ্দেশ্যে প্রেরণ করিয়াছিলেন। ঠিক এই সময়ে তাঁহার অপর একদল সৈন্য কাশ্মীরের ভিতর প্রবেশ করিয়া কাশ্মীর রাজ্য অধিকার করিতে কৃতকাৰ্য্য হয়। ইহারা কাশ্মীর হইতে অনেক সুন্দরী ললনা ও বালক বন্দী করিয়া আনিয়াছিল। ক্রমে সমস্ত মূলতান প্রদেশ, সামরিক শাসনকর্তা হাশেমের করামত হইল।

এই সময় সিন্ধু দেশস্থ আরবগণ গান্ধার রাজ্য আক্রমণ করিয়া ও তথাকার একটি দেবালয় ধ্বংস করিয়া উহার ধ্বংসাবশেষ লইয়া গিয়া একটি বৃহৎ মসজিদ নির্মাণ করিয়াছিলেন। •

হারুণ-অর-রশীদ

হিঃ ১৭০ সাল ৭৮৬ খৃষ্টাব্দে ইতিহাস প্রসিদ্ধ ঞায়-বিচারক খলিফা হারুণ-অর-রশীদ বাগ্‌দাদের সিংহাসনে আরোহণ করিলেন।

হারুণ-অর-রশীদের প্রথর দৃষ্টি ছিল, যাহাতে আফ্রিকা ও ভারতবর্ষ এই উভয় স্থানের শাসনকর্তৃত্ব অধিক প্রবল হইয়া বাগ্‌দাদের অধীনতা-শৃঙ্খল ছিন্ন করিতে না পারে। এবং এই জন্মই তিনি সিন্ধুদেশ ও মিশরের শাসনকর্তৃত্বকে মধ্যে মধ্যে স্থান পরিবর্তন করাইতেন।

দাউদ-বেন-এজিদ মোহাল্লাবি, পিতার মৃত্যুর পর মিশরের সিংহাসনে অধিষ্ঠিত হইয়াছিলেন। খলিফা ৮০০ খৃষ্টাব্দে তাঁহাকে আফ্রিকা থুও হইতে সরাইয়া সিন্ধুদেশের শাসনকর্তৃত্ব প্রদান করিলেন, এবং তাঁহার মৃত্যুর পর আবুল-আব্বাস সিন্ধুর শাসনকর্তৃত্ব লাভ করেন।

খলিফা হারুণ-অর-রশীদের সময়ে সিন্ধুদেশের আরবগণ এতদূর পরাক্রমশালী হইয়াছিল যে—তাহাদের ক্রমশঃ রাজ্য বৃদ্ধি দেখিয়া সুদূর থাকান ও তিব্বত পর্য্যন্ত ব্রহ্ম হইয়া হইয়া পড়িয়াছিল।

আরব্য উপন্মাসের অমর খলিফা এই হারুণ-অর-রশীদ, প্রজাগণের হিতের জ্ঞ ও তাহাদের অভাব অভিযোগ নিবারণের জ্ঞ যাহা করিয়া গিয়াছেন, বাস্তবিক জগতের ইতিহাসে তাহার তুলনা হয় না।

খলিফা নিজে একজন মুকবি ছিলেন; তৎসহ যুদ্ধ ক্ষেত্রে সৈন্য চালনায় তাঁহার যথেষ্ট পারদর্শিতা ছিল। এ কারণ বিভিন্ন প্রদেশ হইতে আনীত বিদ্যামুরাগী সুধীবৃন্দ দ্বারা যেমন এক পক্ষে তাঁহার রাজসভা আলোকিত হইয়া থাকিত, অপর পক্ষে দেশ বিজয়ের জ্ঞ তিনি বাছিয়া বাছিয়া সেনা ও উপযুক্ত সেনাধ্যক্ষ নিযুক্ত করিতেন; এবং সময়ে সময়ে নিজে রণক্ষেত্রে উপস্থিত থাকিয়া যুদ্ধ পর্যালোচনা করিতেন।

গ্রীক রাজ নাইসীফোরাস, মোস্লেম অধিকার ভুক্ত দেশ আক্রমণ করায়, খলিফা হারুণ-আর-রশীদ স্বয়ং সৈন্য পরিচালনা করিয়া গ্রীক রাজার বিরুদ্ধে যুদ্ধ যাত্রা করেন। পরে তাহাকে সম্পূর্ণরূপে পরাজিত করিয়া শেষে নিজ হৃদয়ের উদারতা বশতঃ ঐ খৃষ্ট ধর্মাবলম্বী রাজার সন্ধির প্রস্তাবে সম্মত হইয়াছিলেন। এই গ্রীক খৃষ্টানগণকে বাধা প্রদান করিবার জন্য খলিফা হারুণকে প্রায় দেড় লক্ষ বেতন-ভোগী সৈন্য, তাঁহার রাজ্যের পশ্চিমাংশে সর্বদা প্রস্তুত রাখিতে হইয়াছিল।

খলিফার শরীর অসুস্থ হইয়া পড়ায় তিনি শেষ জীবনে খোরাসানে যাইবার কালে, তাঁহার সমভিব্যাহারে যাইবার জন্য ভারত হইতে জনৈক প্রসিদ্ধ চিকিৎসক মানিক্যকে ডাকাইয়া পাঠাইলেন। বৈজ্ঞানিক চিকিৎসা শ্রমে খলিফা হারুণ-আর-রশীদ সম্পূর্ণরূপে আরোগ্য লাভ করিলেন; কিন্তু বালুখে পৌছিবার পূর্বেই ৮০৯ খৃঃ খোরাসানের মধ্যবর্তী আধুনিক মেশেদ নগরের উত্তরস্থিত তুস নগরে তাঁহার মৃত্যু হয়। তৎপরে খলিফার অভিলাসানুযায়ী বৈজ্ঞানিক মানিক্যকে হিন্দুকুশ পর্বত পার করিয়া, পারস্য উপসাগর দিয়া তাঁহার দেশে পৌছাইয়া দেওয়া হইয়াছিল।

হারুণ-আর-রশীদের পর তৎপুত্র আল্ মামুন হিঃ ১৯৮ হইতে ২১৮ হিঃ পর্যন্ত ও তৎপরে আব্বাসী বংশের মোতেসেম্-বিল্লাহ, মোতামাদ্ অল্লাহ, মোকতাদার বিল্লাহ, মতি-উল্লাহ ও কাদেই-বিল্লাহ বাগদাদে ৪২২ হিজরী ১০৩১ খৃষ্টাব্দ পর্যন্ত রাজত্ব করিয়াছিলেন। কিন্তু তাঁহাদের ক্ষমতা ক্রমশঃ খর্ব হইয়া পড়ায়, ভারতের যে সমস্ত দেশ আরব বীরগণ বহু আয়াসে জয় করিয়াছিলেন, তাহা ক্রমে ক্রমে তাঁহাদের হস্তচ্যুত হইতে লাগিল।

ষষ্ঠ সর্গ

বাগদাদের খলিফাগণের ক্ষমতা ক্রমশঃ খর্ব হইতে দেখিয়া তাঁহাদের অধীনস্থ প্রাদেশিক শাসনকর্তাগণ স্বাধীনতার পতাকা উড্ডীন করিতে আরম্ভ করিলেন ।

এই সকল শাসনকর্তাদিগের মধ্যে মাবরুল্লাহর (ট্রান্স ককেশিয়া) ও খোরাসানের অধিপতি এসমাইল সামানি সর্বপ্রথমে হিঃ ২৬৩ সালে স্বাধীনতা ঘোষণা করিলেন । এই সামানি বংশের রাজাগণের মধ্যে এসমাইল সামানি, নিজ রাজ্য মাবরুল্লাহর ও খোরাসানের সহিত, উজ্বেক দেশের বোখারা ও পারস্যের উত্তরাংশ পর্য্যন্ত রাজত্ব বিস্তারিত করিয়া সুখ্যাতির সহিত মুশাসন দণ্ড পরিচালন পূর্বক পর্য্যাপ্ত পরিমাণে সৎনাম অর্জন করিয়াছিলেন ।

তাঁহার পরেও এই সামানিয়া বংশ সম্পূর্ণ যশঃ কীর্তি ও তৎসঙ্গে স্বেচ্ছায়ের সহিত প্রায় ৯০ বৎসর কাল রাজত্ব করিয়াছিলেন ।

এই সময় খাওয়ারিজাম্, (আধুনিক খীভা) প্রদেশের অন্তর্গত বিরূণ নামক জনপদে জগৎ প্রসিদ্ধ সুলেখক আবু-রায়হান মোহাম্মদ-বেন-আহমদ ৩৬০ হিঃ ৯৭০।৭১ খৃষ্টাব্দে জন্মগ্রহণ করেন । আবু রায়হানের লিখিত ভারতের ইতিহাস হইতে তৎকালীন অনেক সঠিক বিবরণ পাওয়া যায় । এই আবু রায়হান-আল্-বিরূণী একজন প্রসিদ্ধ ঐতিহাসিক, গণিত ও জ্যামিতি শাস্ত্রজ্ঞ, নৈসর্গিক ও জ্যোতিষী ছিলেন । তাঁহার জীবন চরিত লেখক সামসুদ্দীন-মোহাম্মদ-শাহ-রাজবি, আল্-বিরূণী সম্বন্ধে এইরূপ

উল্লেখ করিয়াছেন—বৎসরের মধ্যে মাত্র দুই দিন ভিন্ন তিনি কুত্রাপি আবু-রায়হানকে কলম হস্তচ্যুত করিতে অথবা পুস্তক হইতে চক্ষু অপসারিত করিতে দেখেন নাট।

আবু-রায়হান-আল্-বিরুনী সোলতান মাহমুদের সভায় সভাপণ্ডিত নিযুক্ত হইয়া অনেক দিন তাঁহার সহিত ভারতবর্ষে থাকিয়া ভারতের ভাষা শিক্ষা করেন। সংস্কৃত ভাষা উত্তম রূপে শিক্ষা করিয়া তিনি গ্রাম শাস্ত্রে পাণ্ডিত্য লাভ করেন। বিস্তর সংস্কৃত পুস্তক তিনি আরবী ভাষায় অনুবাদ করিয়াছিলেন। আল্-বিরুনী গ্রীক ভাষা শিক্ষা করিয়া অনেক ইউনানী ভাষার পুস্তক আরবীতে ও আরবী হইতে সংস্কৃত ও গ্রীক ভাষায় অনুবাদ করেন। প্রবাদ আছে যে, তাঁহার লিখিত পুস্তকগুলি একত্রিত করিলে—তৎসমুদয় একটা উষ্ট্রের পৃষ্ঠেও স্থানান্তরিত করা যাইত না।

জ্যোতিষ সম্বন্ধে বিরুনী বহু পুস্তক লিখিয়া গিয়াছেন। তাঁহার লেখা ভৌগলিক ও চিকিৎসা সম্বন্ধীয় পুস্তক এখনও পাওয়া যায়। ভূবৃত্তান্ত লিখিয়া তিনি সম্রাট মসুউদের নিকট হইতে এক উষ্ট্র পৃষ্ঠের বোঝাই রৌপ্য প্রাপ্ত হন। কিন্তু এই রৌপ্য তিনি গৃহে না লইয়া গিয়া রাজকোষে প্রত্যর্পণ করেন।

আবু-রায়হান-আল্-বিরুনীর স্বহস্তে লিখিত “তওয়ারিখ হিন্দের” কিয়দংশ এক্ষণে প্যারিসের লাইব্রেরীতে রক্ষিত আছে।

ভারতে সংস্কৃত ও গ্রাম শাস্ত্র অধ্যয়ন করিয়া বিরুনী, যোগ ও গ্রাম শাস্ত্রের দুই খানি উৎকৃষ্ট গ্রন্থ সাক্ষ্য ও পাতঞ্জল দর্শন, সংস্কৃত হইতে আরবী ভাষায় অনুবাদ করেন।

সোলতান মাহমুদের ভারত আক্রমণের পূর্বে খৃঃ দশম শতাব্দীর প্রারম্ভে কাবুলে যে সকল ব্রাহ্মণ রাজা রাজত্ব করিয়াছিলেন, তাঁহাদের বিষয় আবু-রায়হানের এই তওয়ারিখল্ হিন্দ হইতে প্রাপ্ত হওয়া যায়।

মাহমুদের ভারত আক্রমণের পূর্বে ভারতবর্ষের সম্বন্ধে বিশেষরূপ বর্ণনা, তাঁহার তওয়ারিখল্-হিন্দে বর্ণিত আছে।

বহুপূর্বে তুর্ক দেশীয় রাজা কাবুলে আধিপত্য করিতেন। কথিত আছে যে, বারহ্-তিগীন (তিগীন তুর্কি শব্দ অর্থ সাহসী) নামক একজন পরাক্রমশালী তুর্কবীর তিব্বতের মধ্য দিয়া আসিয়া কাবুলে বাকার পর্বত গুহায় আশ্রয় গ্রহণ করিয়াছিলেন। এই বারহ্-তিগীন সম্বন্ধে অনেক অলৌকিক গল্প প্রচলিত আছে। যাহা হউক আশ্রয় স্থান হইতে বাহির হইয়া তিনি বাহুবলে কাবুলের সিংহাসন অধিকার করেন। তাঁহার বংশধরেরা ৬০ বৎসর যাবৎ কাবুলে রাজত্ব করিয়াছিলেন।

কাবুলের তুর্ক রাজাগণের মধ্যে কনক বা কনিকা সর্বাশ্রেষ্ঠ ক্ষমতা-শালী হইয়া উঠিয়াছিলেন। তিনি পেশাওয়ার পর্যন্ত রাজ্য বিস্তার করিয়া তথায় একটা বৃহৎ পাঠাগার স্থাপন করেন। কনোজের রায় উপাধিধারী রাজা তাঁহার সহিত মোহর্দ্য স্থাপনের প্রত্যাশায় তাঁহাকে অনেক উপঢৌকন প্রেরণ করেন। কনোজ রাজের প্রেরিত উপঢৌকনের মধ্যে একখানি অতি মূল্যবান রেশমি কাপড় ছিল, যাহার সমস্ত স্থান ব্যাপিয়া বিয়ুপদ অঙ্কিত থাকায়, দরজি কোন মতে উক্ত বস্ত্রে কাবুলাধিপতির অঙ্গাবরণ প্রস্তুত করিতে স্মীকৃত হইল না। অধিকন্তু সে বলিয়া পাঠাইল যে—এই কাপড়ে পদচিহ্ন থাকায় ইহাতে রাজ্য-পোষাক প্রস্তুত হইতেই পারে না।

কাবুল রাজের মনেও ধারণা হইল যে—এই কাপড়খানি উপঢৌকন স্বরূপ প্রেরণ করার অর্থ, কনোজ রাজের তাঁহাকে অপমান করা ভিন্ন আর কিছুই হইতে পারে না।

অচিরে রাজা কনক সৈন্যসহ কনোজের দিকে অগ্রসর হইতে লাগিলেন। তখন কনোজের মহা বিবাদ গণিয়া মন্ত্রীসহিত পরামর্শ করিলেন।

মন্ত্রী অনেক চিন্তার পর রাজাকে তাঁহার নাক ও অধরোষ্ঠ কাটিয়া দিবার পরামর্শ দিলেন। রাজা অনিচ্ছা সত্ত্বেও বাধ্য হইয়া শেষে মন্ত্রীর প্রস্তাবে সন্মত হইয়া, তাঁহার নাসিকা ও ওষ্ঠ ছেদ করিয়া তাঁহাকে বিদায় করিয়া দিলেন। মন্ত্রী অনেক কষ্টে রাজা কনকের দরবারে পৌছিয়া, যথা বিহিত বিনয়-সহকারে তাঁহাকে অবগত করিলেন যে,—

“কনোজ রাজকে প্রবল পরাক্রমশালী কাবুল রাজের সহিত সন্ধি করিতে ও তাঁহার বশ্যতা স্বীকার করিতে বলায়, রাজা ক্রোধাক্ত হইয়া তাঁহার এই অবস্থা করিয়াছেন। এক্ষণে এই কষ্ট, যন্ত্রণা ও অপমানের প্রতিশোধ হইবার জন্ত তাঁহার একান্ত ইচ্ছা যে, মহা পরাক্রান্ত কাবুলাধিপতি অচিরে কনোজ আক্রমণ করিয়া, রাজাকে উপযুক্ত মত শাস্তি প্রদান করেন। কনোজে পৌছিবার যে প্রচলিত পথ আছে উহা বহুদূর ব্যাপী ও বিস্তর কষ্টসাধ্য। এই কারণ মন্ত্রীর ইচ্ছা যে তিনি তাহার নিজ পরিচিত নাতিদীর্ঘ পথ প্রদর্শনে কাবুল সেনাগণকে কনোজে লইয়া যান। কেবল মাত্র এই পথে কিয়দূর মরুভূমি উত্তীর্ণ হইতে হইবে বলিয়া, তাঁহাকে সৈন্তগণের পানার্থে কিঞ্চিৎ পানীয় জল সঙ্গে লইতে হইবে।”

কাবুলাধিপতি এই যথার্থ স্বদেশানুরাগী মন্ত্রীর শোচনীয় অবস্থা দর্শনে তাহাকে তিল মাত্র সন্দেহ করিতে পারিলেন না ও তাহার প্রস্তাবে সন্মত হইয়া সূত্রে কনোজ আক্রমণের জন্ত মরুপথ অবলম্বন করিলেন। শেষে এই মন্ত্রীর কুচক্রে পতিত হইয়া তাঁহার অধিকাংশ সেনা জলাভাবে মরুমধ্যে প্রাণত্যাগ করিল। অবশেষে রাজা কনক অবশিষ্ট সৈন্ত লইয়া রাজধানীতে প্রত্যাবর্তন করিতে বাধ্য হইলেন।

কনকের পর এই বংশীয় কাতরমাণু প্রভৃতি অনেকে রাজা হইবার পর, শেষে তুর্কি রাজ লখত-জামান বিকৃত মস্তিষ্ক হইয়া পড়ায়,

তাহার ব্রাহ্মণ মন্ত্রী সমন্দের তাহাকে বন্দী করিয়া, স্বয়ং কাবুলের সিংহাসনে আরোহণ করিলেন।

তৎপরে এই ব্রাহ্মণ রাজবংশে ভীমপাল, জয়পাল, আনন্দপাল, নবুভজ্ঞপাল প্রভৃতি রাজা হইয়াছিলেন। নবুভজ্ঞপালের পুত্র দ্বিতীয় ভীমপালই কাবুলের শেষ হিন্দু রাজা।

সপ্তম সর্গ

সামানি বংশের সপ্তম রাজা আবদুল মালেক-নূহ হিঃ ৩৫০ সালে বোখারায় মানব লীলা সম্বরণ করার পর, তাঁহার পুত্র আবুল-মন্সুর ও তাঁহার সহোদরের মধ্যে সিংহাসন লইয়া বিবাদের সূত্রপাত হয়। এই বিবাদ মীমাংসার জন্ত সমস্ত ওমরাহ্‌গণ একমত হইয়া খোরাসানের প্রবীণ শাসনকর্তা আবেষ্টাজীর (আলশুগীন) অভিমতের উপ নির্ভর করিলেন। আলশুগীন অনেক বিবেচনার পর মৃত বাদশাহের সহোদরকেই সিংহাসনাক্রম করা যুক্তিযুক্ত বলিয়া নিজ অভিমত প্রকাশ করিলেন। কিন্তু তৎপূর্বেই রাজধানীর জনসাধারণের মত লইয়া আবুল-মন্সুর সিংহাসনে আরোহণ করিয়াছিলেন।

যুবক মন্সুর পিতৃ-সিংহাসন অধিকার করিবার পরই, আলশুগীনকে খোরাসান হইতে রাজধানী বোখারায় ডাকিয়া পাঠাইলেন।

আলশুগীন দেখিলেন যে এই আস্থানে রাজ সমীপে উপস্থিত হুওয়া ও বিদ্রোহের পতাকা উড্ডীন করা, এতদুভয়ের মধ্যে প্রভেদ খুব বেশী নহে। কিন্তু তাঁহার অধীনস্থ সেনাবল বিবেচনার ও পরাক্রান্ত বোখারা রাজ্যের সহিত প্রকাশে যুদ্ধ ঘোষণা করা যুক্তিসঙ্গত নহে বুঝিয়া, তিনি অধীনস্থ একান্ত অল্পরক্ত তিন সহস্রমাত্র অশ্বারোহী সমভিব্যাহারে, ক্রমশঃ দক্ষিণ-পূর্বাভিমুখে অগ্রসর হইয়া প্রসিক্‌ গজ্‌নী নগর হস্তগত করিয়া, তথায় এক স্বাধীন রাজ্য স্থাপন করিলেন।

বোথারাধিপতি আবুল-মন্সুর এই সংবাদে স্বীয় সেনাপতি আবুল-হোসেনকে বহু সৈন্যসহ গজ্‌নী নগর আক্রমণ করিতে প্রেরণ করিলেন। রাজ সেনার সহিত গজ্‌নী নগর প্রান্তে আলখুগীনের আফগান সেনার যে ঘোরতর যুদ্ধ হইল, তাহাতে উপযু্যপরি দুইবার আবুল-মন্সুরের সেনাগণ পরাস্ত হইল ও শেষে পলায়ন করিল। গজ্‌নীর নব শাসনকর্তা আলখুগীন স্বাধীন রাজা হইয়া তথায় পঞ্চদশ বৎসর কাল রাজত্ব করার পর, হিঃ ৩৬৬ সালে ইহলীলা সম্বরণ করিলেন।

আলখুগীনের মৃত্যুর পর তৎপুত্র আবু-এস্‌হাক্ এক বৎসর মাত্র গজ্‌নীর সিংহাসনে অধিষ্ঠিত ছিলেন। তিনি অপুত্রক মানবলীলা সম্বরণ করায় হিঃ ৩৬৮ সালের ৮ই মাঝাম ২৭৬ খৃঃ আলখুগীনের বিখ্যাত সেনাপতি গাজী নাসের-উদ্দীন সবকৃতগীন, নাসের উদ্দীন নাম ধারণে সাধারণ প্রজাবর্গ ও ওমরাহ্‌গণের সম্মতিক্রমে গজ্‌নীর সিংহাসনে আরোহণ করিলেন। সবকৃতগীন গজ্‌নীর অধিপতি আলখুগীনের কঙ্কার পানি গ্রহণ করিয়াছিলেন।

সিংহাসনারোহণের সঙ্গে সঙ্গে আমির সবকৃতগীনকে খোসদারের বিদ্রোহী শাসনকর্তার বিরুদ্ধে যুদ্ধ যাত্রা করিতে হইল। এই যাত্রায় আমির আহাির নিদ্রা পরিত্যাগে সুদীর্ঘ পথ ভ্রমণে বরাবর খোসদার নগরে গিয়া উপস্থিত হইলেন ও সঙ্গে সঙ্গে নগর অধিকার করিয়া তথাকার শাসনকর্তাকে বন্দী করিলেন। পরে উক্ত শাসনকর্তার অশুনয় বিনয় ও নত্বতায় দয়াপরবশ হইয়া, তাঁহাকে করদ রাজা স্বরূপ মসূন্দে বসাইয়া গজ্‌নী প্রত্যাবর্তন করিলেন।

এই বিজয়ের পর হইতে আমির সবকৃতগীন ভারতের যে সমস্ত জনপদ বা পার্শ্বীয় দুর্গে ইতিপূর্বে কখনও এসলামের জয়পতাকা উড্ডীন হয় নাই, এইরূপ বহু নগর ও দুর্গ অল্পায়াসে করায়ত্ত করিতে

লাগিলেন। এই প্রকারে সবকৃতগীন রাজা জয়পালের রাজত্বের কিয়দংশ অল্পকাল মধ্যেই অধিকার করিয়া বসিলেন।

তৎকালে ভারতের প্রবল পরাক্রান্ত ব্রাহ্মণ রাজা জয়পালের রাজধানী, আধুনিক থানেশ্বর হইতে একশত মাইল পশ্চিমে মহা-সমৃদ্ধিশালী ভাভেন্দা নগর ছিল। এবং তাঁহার রাজ্য উত্তর পশ্চিমে লাহোর হইতে লুম্বান প্রদেশ, অর্থাৎ হিন্দুকুশ পর্বতের পাদদেশ পর্য্যন্ত ও দক্ষিণ পূর্বে কাশ্মীর হইতে মুলতান পর্য্যন্ত ব্যাপ্ত ছিল।

মহা পরাক্রমশালী রাজা জয়পাল, মোসলমানগণ কৃত এই রাজ্যাধিকারের অবমাননার প্রতিশোধ লইবার জন্ত, সামন্ত রাজকুলবর্গকে আহ্বান করিয়া তাহাদের ও নিজের সৈন্য একত্রিত করিলেন। তৎপরে এই বিপুল বাহিনী লইয়া গজ্জনী অভিমুখে যাত্রা করিলেন।

আমির সবকৃতগীন রাজা জয়পালের এই যুদ্ধ যাত্রার সংবাদ পাইয়া, অধীনস্থ দূত-প্রতিজ্ঞ সাহসী আফগান যোদ্ধাগণকে সঙ্গে লইয়া, রাজধানী গজ্জনী হইতে জয়পালের সেনাবাহিনীকে আক্রমণ করিবার জন্ত নানিয়া আসিতে লাগিলেন। আমির দেখিলেন যে,—জয়পাল তাঁহার অন্ধকার রাজ্যের স্তায় মসীকৃত অসংখ্য ক্ষুদ্রকার্য্য সেনা লইয়া লাম্বান ও গজ্জনীর মধ্যবর্তী পথে অপেক্ষা করিতেছেন। এই যুদ্ধ যাত্রার আশিরের মহা তেজস্বী সিংহ-বিক্রমশালী পুত্র আমিন্দৌলা হাম্মুদ তাঁহার সঙ্গে ছিলেন।

উভয় সৈন্তে যুদ্ধ বাধিয়া গেল। তরেকদিবস ধরিয়া ক্রমাগত যুদ্ধক্ষেত্রে রক্তের স্রোত প্রবাহিত হইতে লাগিল। শেষে একদিন আকাশ মেঘাচ্ছন্ন হইয়া প্রবল ঝড়বাত ও বজ্রপতনসহ মুষলধারে বারিপাত হইতে থাকায়, হিন্দু সেনাগণ প্রমাদ গণিতে লাগিল। শেষে রণে ভঙ্গ দিয়া পলায়ন আরম্ভ করিল। রাজা জয়পাল সভাসদগণের সমক্ষে তৎপরে

স্বীকার করিয়াছিলেন যে— তিনি অকাল মৃত্যুর করাল ছবি, সেই ভয়ঙ্কর সময় চক্ষের সশ্মুখে স্পষ্ট দেখিতে পাইয়াছিলেন।

এই দুর্বস্থায় পড়িয়া রাজা বাখা হইয়া আমিরের নিকট দূত প্রেরণে সন্ধির প্রস্তাব করিলেন। এবং বলিয়া পাঠাইলেন যে—“তিনি মহামাণ্ড ও মহাপরাক্রমশালী আমিরের, সন্ধি সম্বন্ধীয় অনিয়মবদ্ধ যে কোন প্রস্তাবে সম্মত হইবেন।”

আমির সবকৃতগীন সাধারণতঃ পরাজিত শত্রুর প্রতি দয়াত্রিষ্ণু ছিলেন। সেই কারণে তিনি প্রাণভয়ে ভীত এই হিন্দু রাজার সহিত সন্ধি করিতে সম্মত হইলেন। কিন্তু কুমার মাহমুদ, রাজদূতকে কঠোর বচনে অপমানিত করিয়া ফিরাইয়া দিলেন ও বলিয়া দিলেন যে—“পবিত্র এম্লাম ধর্মের গৌরব রক্ষার্থে তিনি ঈশ্বর কৃপায় সম্পূর্ণ বিজয় গৌরবে গৌরবাঙ্কিত না হওয়া পর্য্যন্ত যুদ্ধ স্থগিত রাখিবেন না।

এই সংবাদে জয়পাল অধিকতর নম্রতাবলম্বনে আমির সমীপে লিখিয়া পাঠাইলেন যে—“সন্ধি প্রস্তাবে অসম্মত হইলে মহামাণ্ড আমিরের কোনই লাভের আশা নাই। পুনরায় যুদ্ধক্ষেত্রে নামিতে হইলে, তৎপূর্বেই তিনি তাহার সমুদয় ধনৈশ্বর্য্য নষ্ট করিয়া ফেলিবেন, হস্তীগুলির চক্ষু উৎপাটিত করিয়া তাহাদিগকে অকর্মণ্য করিবেন, স্বীয় সৈন্যের মধ্যে গোলযোগের সৃষ্টি করিয়া খাতাতে পরস্পর পরস্পরের ভরবারির আঘাতে হত হইয়, তাহার জ্ঞান বিধিमत চেষ্টা করিবেন; এবং পুরবাসিনী রমণী ও স্ত্রী কন্যাগুলিকে জলন্ত অনলে নিক্ষেপ করিয়া পোড়াইয়া মারিবেন। এক কথায় আমির যুদ্ধ জয়ের পর মৃত দেহ, ভস্মস্তূপ ও অস্থির সমষ্টি ভিন্ন আর কিছুই পাইবেন না।”

আমির সবকৃতগীন এই সংবাদ প্রাপ্তে পুত্রকে পরামর্শ দিয়া, রাজা জয়পালের সহিত যুদ্ধে বিরত করিলেন। তৎপরে যে সন্ধি হইল তাহাতে

জয়পাল দশলক্ষ দেবুহাম দিতে স্বীকৃত হইলেন ; এবং সঙ্গে সঙ্গে পঞ্চাশটী উৎকৃষ্ট হস্তী ও তাঁহার রাজ্য মধ্যস্থ কতকগুলি নগর ও দুর্গ পরিত্যাগ করিতে বাধ্য হইলেন ।

সন্ধিপত্রে স্বাক্ষরের সময় স্বীকৃত অর্থের কিয়দংশ প্রদান করিয়া, রাজা জয়পাল অবশিষ্ট অর্থ রাজধানীতে প্রত্যাবর্তন করিয়া পাঠাইয়া দিবেন বলিয়া বিদায় গ্রহণ করিলেন । কিন্তু রাজধানী ভাতেন্দা নগরে ফিরিয়া আসিয়া রাজা, কুপরামর্শের বশবর্তী হইয়া নিজ প্রতিজ্ঞা পালন করিলেন না ।

অতঃপর আমির ক্রোধাক্ত হইয়া পুনরায় জয়পালের রাজ্য আক্রমণ করিলেন ও প্রথমতঃ লাম্বান হস্তগত করিয়া বহু নগরবাসিকে তরবারির মুখে নিপাত করিলেন । তৎপরে আমিরের সেনাগণ নগর লুণ্ঠন আরম্ভ করিয়া দিল ও গৃহে অগ্নি সংযোগ করিল, এবং দেবালয় সকল ধ্বংস করিল । এই সময়ে অনেক পৌত্তলিক পবিত্র এসলাম ধর্মের আশ্রয়ে আসিয়া প্রাণ ও ধন-সম্পত্তি রক্ষা করিয়াছিল । লাম্বান পতনের পর সবকৃতগীন আরও অনেক নগর অধিকার করিয়া ও পৌত্তলিকগণের দেব মন্দির লুণ্ঠন করিয়া, বিস্তর ধনরত্ন সংগ্রহ করিয়াছিলেন ।

জয়পাল তাঁহার সামন্ত রাজগণের এই শোচনীয় অবস্থা দর্শনে, বিপক্ষের সহিত যুদ্ধ করা ভিন্ন অন্য উপায় নাই দেখিয়া চতুর্দিক হইতে এক লক্ষাধিক সৈন্য সংগ্রহ করিয়া নগর রক্ষা করিতে লাগিলেন ।

আমির সবকৃতগীন এই সংবাদ পাইয়া সর্বৈশে অগ্রসর হইয়া নিকটবর্তী একটা পাহাড়ে আরোহণ করিলেন ও তথা হইতে এই মেঘ-পালের ক্রায় অগণিত ক্ষুদ্র কৃষ্ণকায় হিন্দু সেনাগণকে পর্বত নিম্নে বিচরণ করিতে দেখিয়া, নেকড়ে ব্যাঘ্রের ক্রায় লক্ষ প্রদানে তাহাদের উপর

পতিত হইতে তাঁহার দারুণ আগ্রহ জন্মিল। তিনি তখন মোসলেম সৈন্ত-গণকে যুদ্ধার্থে বজ্র-গস্তীর-স্বরে উৎসাহিত করিতে লাগিলেন।

অল্পকাল মধ্যে আমির তাঁহার অত্যন্ত সংখ্যক সৈন্ত মধ্য হইতে, এক এক দলে মাত্র পাঁচশত বীর বাছিয়া লইয়া, তাহাদিগকে গদা হস্তে শত্রু-গণকে আক্রমণ করিতে আদেশ প্রদান করিলেন। এই প্রকারে একদল সৈন্ত ক্রান্ত হইবার সঙ্গে সঙ্গে, আবার নূতন একদল তাহাদের স্থান অধিকার করিতে লাগিল। ক্রমে এই অভিনব আক্রমণের ফলে, হিন্দু সেনাগণ ব্যতিব্যস্ত হইয়া পড়িল। তখন যুদ্ধবোশল-বিপ্লব সুকোশলী সবকৃতগীন, তাঁহার এই অল্পসংখ্যক সৈন্ত একত্রিত করিয়া শত্রুগণের উপর ভীষণ বেগে পতিত হইলেন। এই মুষ্টিমেয় আফ্গান সৈন্তের বেগ সিন্ধুবারিবৎ ভারতীর অসংখ্য সৈন্তগণ সহ করিতে পারিল না; আফগানের বজ্র-মুষ্টিধৃত শাণত তরবারির তলে ক্ষুদ্রাবয়ব হিন্দু সৈন্তগণের দেহ ভুলুণ্ঠিত হইতে লাগিল।

এই সময় যুদ্ধক্ষেত্রের যে অবস্থা দাঁড়াইল, তাহাতে তরবারি ভিন্ন অন্য কোন যুদ্ধাস্ত্রব্যবহার হইতে পারিল না। এবং তরবারির যুদ্ধে কে কোন একজন আফ্গান সেনার সমকক্ষ হইতে পারে, সমস্ত পৌত্তলিক সেনাগণের মধ্যে এমন এক প্রাণীও ছিল না।

অশ্ব ও পদাতিক সেনাগণের ঘন ঘন পদ সঞ্চালনে, প্রথমতঃ রণক্ষেত্র একটা বৃহদাকার ধূলি রাশির স্তূপ বলিয়া অস্বীকৃত হইতে লাগিল। পরে রক্ত মিশ্রিত হইয়া রণস্থলের ধূলি রাশি কদমে পরিণত হওয়ার ও চতুর্দিকে খণ্ডিতদেহ-নিঃশ্বত-রক্তধারা ক্ষুদ্র শ্রেণীভিনীর আকারে প্রবাহিত হইতে থাকায়, রণভূমির উপরিভাগ হঠাৎ পরিষ্কার হইয়া আসিল। তখন একজন জীবিত হিন্দু সেনাকেও আর রণক্ষেত্রে দেখা গেল না। চতুর্দিকে কেবল রক্তাকার মৃত হিন্দু সৈন্তের স্তূপ।

রাজা জয়পাল ধৃত হইবার পর আমির, এই পরাজিত রাজবন্দির মস্তক মুগুন করিয়া দিতে অনুমতি করিলেন। এই সময়ে জয়পাল বিস্তর কাকুতি মিনতি সহকারে তাঁহার শিখা মাত্র অমুণ্ডিত রাখিয়া, উহার পরিবর্তে তাঁহার দূর দূরান্তরের সমস্ত রাজ্য আমিরকে স্বেচ্ছায় ছাড়িয়া দিতে চাহিলেন। আমির সবকৃতগীন রাজার কাঁতরোক্তিতে তাঁহার প্রস্তাবে সম্মত হইয়া বহু ধনরত্ন, দাস-দাসী ও অগণিত চস্তী লইয়া রাজধানীতে প্রত্যাবর্তন করিতে লাগিলেন।

পথে যাইবার কালে আমির তাঁহার একজন দশ হাজারি মনসব্দারকে লাম্বান ও পেশওয়ারের শাসনকর্তা নিযুক্ত করিলেন। এবং পেশওয়ারী ও খিলিজী বংশের বহু সৈন্য লইয়া, নিজ সেনাদল রক্ষি করিতে করিতে রাজধানীতে প্রত্যাবর্তন করিলেন।

তৎপরে আমির সবকৃতগীন তাতার দেশে শাস্তি স্থাপন করিতে ব্যস্ত ছিলেন বলিয়া আর হিন্দুস্থানে প্রবেশ করেন নাই। হিজরী ৩৮৭ সালে ৫৬ বৎসর বয়সে বালখ্ নগরের বারুমান পল্লীতে সবকৃতগীনের মৃত্যু হয়।

আমির সবকৃতগীনের হিন্দে এই মহা বিজয়ের ফলাফল শ্রবণে আনন্দিত হইয়া, বাগদাদের খলিফা আমিরুল মোমেনীন কাদের বিল্লাহ্ তাঁহাকে সোলতান সফিউদ্দৌলা খেতাব ও তৎসঙ্গে মূল্যবান খেলআত্ উপঢৌকন পাঠাইয়া দিলেন। এই সঙ্গে মহাতেজস্বী মাহমুদ-বেন্-সবকৃতগীনকে, ইয়ানিনদৌলা আমিনল্-মেলাত উপাধিতে ভূষিত করিলেন। ইতিপূর্বে কোন রাজা বা রাজ-পুত্রের প্রতি বাগদাদ হইতে এরূপ সম্মানের উপাধি প্রদত্ত হয় নাই।

সোলতান সবকৃতগীন তাঁহার সমস্ত সামন্ত নরপাদগণকে ও খোরাসানের শাসনকর্তাকে গজনীর দরবারে আহ্বান করিয়া খলিফা-প্রদত্ত এই

খেল্‌আত্‌ পরিধান করিলেন; এবং আল্লাহ্-তাআলার প্রেরিত মহাপুরুষের পরবর্ত্তী সিংহাসনাধিকারী খলিফার অধীনস্থ হইয়া থাকিবার জন্ত প্রতিজ্ঞাবদ্ধ হইলেন। আমি এই সদ্‌দে দরবারে উপস্থিত রাজন্যবর্গকে উপযুক্ত উপাধি ও খেল্‌আত্‌ দানে পরিতুষ্ট করিয়া, প্রতিবৎসর পৌত্তলিক দেশে সত্যধর্ম প্রচারার্থে সাধ্যমত চেষ্টা করিবেন বলিয়া অঙ্গীকার করিলেন।

অষ্টম সর্গ



মহাবীর সোলতান মাহমুদ—

আমির আলপ্তগীনের রাজত্ব কালে তদীয় সৈন্যধ্যক্ষ (পরে আমির) সবকতগীন অনেক বার সিন্ধু নদী পার হইয়া ভারতের উত্তর-পশ্চিম সীমান্ত প্রদেশ গুলি আক্রমণ করিয়াছিলেন। তাহার এই সকল অভিযানের মধ্যে হিঃ ৩৬১ খৃঃ ৯৭১ সালে একবার চিনাব (চন্দ্র ভাগা) তীরস্থ সত্রা দেশে যুদ্ধাভিবান করিয়া তথায় উপস্থিত থাকি কালে অবগত হইলেন যে—১২ই রবিউল আউআল্ অর্থাৎ পরম পবিত্রাত্মা হজরত মোহাম্মদের জন্ম দিনে তাহার এক পুত্র সন্তান জন্মগ্রহণ করিয়াছে। প্রেরিত পুরুষের জন্ম দিনে পারশ্ব দেশে ভূমিকম্প হইয়া পারশ্বের পরাক্রান্ত রাজা কাস্রার চতুর্দশ খিলানযুক্ত সুরম্য দেবালয় ভূমিসাৎ হইয়াছিল। সেই সময় সবকতগীনের ঐ কথা শ্রবণ হওয়ায়, তিনি সত্রাদেশের অনেক-গুলি দেবমন্দির ও প্রতিমা সেই দিন ধ্বংস করিয়া দিয়া, পুত্রের নাম মাহমুদ রাখিলেন।

হিঃ ৩৮৭ সালে ৯৯৭ খৃষ্টাব্দে এমিনদৌলা নেজাম-উদ্দীন আবুল কাসেম সোলতান মাহমুদ, বাল্খ নগরে পিতৃ সিংহাসনে আরোহণ করেন। বাগ্দাদের খলিফা কাদের-বিলাহ তাঁহাকে সঙ্কে সঙ্কে সোলতান উপাধিতে গৌরবান্বিত করিয়াছিলেন, সিংহাসনারোহণ-কালে সোলতান মাহমুদ পিতৃ অঙ্গীকার রক্ষা করিয়া আজীবন

পৌত্তলিকগণের সহিত ধর্মযুদ্ধ করিবেন ও সঙ্গে সঙ্গে সর্বত্র পবিত্র এসলাম ধর্ম প্রচার করিবেন বলিয়া প্রতিজ্ঞাবদ্ধ হইলেন।

হিঃ ৩৯১ সালে মাহমুদ সসৈন্তে গজনী হইতে বহির্গত হইয়া পেশওয়ারে পৌঁছিলেন ও নগরের বাহিরে শিবির সন্নিবেশ করিলেন। এইস্থানে সোলতান অবগত হইলেন যে—ঈশ্বরছোহী রাজা জয়পাল তাঁহার গতির প্রতিবন্ধকতা করিবার জন্য বহু সৈন্যসামন্ত সংগ্রহ করিয়া দ্রুতগতিতে তাঁহার দিকে অগ্রসর হইতেছেন। এই সময়ে গজনীপতি তাঁহার সৈন্য মধ্য হইতে দশ সহস্র উৎকৃষ্ট অশ্বারোহী সৈন্যের আয়োজনে খোদা-ভাওয়ালার নাম লইয়া, বিপক্ষের দ্বাদশ সহস্র অশ্বারোহী সৈন্য, ত্রিশ সহস্র পদাতিক, তিন শত হস্তী ও সৈন্য আক্রমণ করিলেন। ঈশ্বরছোহী-প্রবর মাহমুদের মনে দৃঢ় বিশ্বাস ছিল যে—ঈশ্বরের অমুগ্রহ থাকিলে তাঁহার সন্ন্যাসী সৈন্য শত্রুর বিপুল বাহিনীকে অল্পক্ষণ মধ্যে বিদ্ধান্ত করিতে সক্ষম হইবে।

জয়পাল সেই সময় তাঁহার সৈন্যগণের সহিত ইয়া, অধীনস্থ করদ ও মিত্র রাজস্ববর্গের সেনাগণের সহিত মিলিত হইয়া বীর ভ্রম অর্পেণ করিতে-ছিলেন। এমন সময় দুর্দর্ষ মোস্লেম সেনাদল তরবারি ও ভল্ল হস্তে তাহাদিগকে আক্রমণ করিল।

হিন্দু সেনাগণ রণভেদী নিনাদে তাহাদের ঘণ্টা ও মাতঙ্গ গুলিকে উৎসাহিত করিতে লাগিল এবং শ্রেণীবদ্ধ হইয়া একের পর অপর শ্রেণীক্রমশঃ অগ্রসর হইতে আরম্ভ করিল। এইরূপে অসংখ্য সৈন্য গোল পাকাইয়া একরূপ আকার ধারণ করিল যে—শেবে আপন দলের নিক্ষিপ্ত শরে আপনাই বিদ্ধ হইতে লাগিল। এই কৃষ্ণ বর্ণের হিন্দু সৈন্য ব্যুহ মধ্যে সর্বত্রই এসলামের তরবারি বিদ্যুতের ন্যায় প্রভা বিকীর্ণ করিতে দেখা যাইতেছিল। সঙ্গে সঙ্গে বিধর্মীগণের রক্তের স্রোত বহিতে লাগিল।

অচিরে মোসলেম সেনাগণ অবশিষ্ট ঈশ্বরক্রোহীগণকে সম্পূর্ণরূপে বিতাড়িত করিতে কৃতকার্য্য হইল। এই দিবস বেলা দ্বিপ্রহরের পূর্বেই তুর্ক ও আফ্গান সেনাগণ অন্যান্য শত্ৰুদশ সহস্র পৌত্তলিকগণকে তরবারি ও ভল্লাঘাতে হত্যা করিয়া তাহাদের দেহ শৃগাল কুকুরের ভক্ষনের জন্ত রণস্থলে ছড়াইয়াছিল। এই যুদ্ধে জয়পালের ১৫।১৬টা রণহস্তী মোসলেম বীরগণের বজ্রমুষ্টিধৃত তরবারির আঘাতে শুণ্ড কন্তীতাবস্থায় বহুণায় রণস্থলে দৌড়াদৌড়ি করিয়া শেষে মৃত্তিকায় শয্যা গ্রহণ করিল।

রাজা জয়পাল তাঁহার পুত্র কন্তাগণ ও ভ্রাতৃপুত্রাদি সহ বন্দী হইলেন। তাঁহাদিগকে একসঙ্গে দৃঢ় রজ্জু দ্বারা বাঁধিয়া সোলতান সমীপে লইয়া যাওয়া হইল। জয়পালের গলদেশ হইতে স্থান পক্ষে দুই লক্ষ দিনার মূল্যের বৃহদায়তন মুক্তা ও মধ্যে মধ্যে অতি মূল্যবান প্রস্তর খচিত সুবর্ণ হার খুলিয়া লওয়া হইল।

পরমেশ্বরের সহায়তার হিঃ ৩৯২ সালের ৮ই মোহাব্বরম ১০০১ খৃঃ ২৭ নভেম্বর বৃহস্পতিবার, সোলতান মাহ মুদ খোরাসান অপেক্ষা বৃহদায়তন ও উর্বিরা হিন্দুস্থানের একটা প্রদেশ জয় করিয়া বহু বন্দী ও বন্দিনী সহ নিজ শিবিরে প্রত্যাভর্জন করিলেন।

এই মহা বিজয়ের পর সোলতান, বিধর্মী ঈশ্বরক্রোহী জয়পালকে বন্ধনাবস্থায় সাধারণের শিক্ষার নিমিত্ত সমস্ত নগর পরিভ্রমণ করাইয়া ও সেই সঙ্গে চতুর্দিকে এসলামের তরবারির তেজ বিকীর্ণ করিয়া, পরে রাজা জয়পালকেই তাঁহার হারান সিংহাসনে বাসাইলেন। করদ রাজা জয়পালের সহিত গজ্জনী অধিপতির সেই সময় যে সন্ধি হইল, তাহার সমুদয় সর্ব অনুষঙ্গী কার্য্য না হওয়া পর্য্যন্ত, রাজার পুত্র ও পৌত্রকে প্রতিভূ স্বরূপ আবদ্ধ রাখিবার জন্ত, সোলতান সন্ধি করিয়া রাজধানীতে লইয়া গেলেন।

অল্পকাল মধ্যে রাজা জয়পাল, সোলতানের আদেশ অনুযায়ী তাঁহার সন্ধি সূত্রে স্বীকৃত হস্তী, ও ধন-রত্ন, স্বীয়-পুত্র আনন্দপালের (যিনি তৎকালে সিন্ধু নদের পরপারে রাজত্ব করিতেন) নিকট হইতে চাহিয়া লইয়া গজনীতে প্রেরণ করার পর—সোলতান মাহমুদ রাজার পুত্র ও পৌত্রকে অব্যাহতি দিলেন।

দ্বিতীয় অভিযান

পর বৎসর সোলতান সংবাদ পাইলেন যে, হিন্দুগণ তাঁহার রাজ্যের সীমার উপত্যকা ও অরণ্য মধ্যে গোপনে সমবেত হইয়া মোসলমানগণকে আক্রমণ করিবার চেষ্টায় ক্রমশঃ দলবদ্ধ হইতেছে। এই সংবাদে মাহমুদ বিচলিত হইয়া তাঁহার সেনা মধ্য হইতে বাছিয়া কতকগুলি উৎকৃষ্ট অশ্বারোহী ওয়াহিন্দ নগরাভিমুখে তাহাদের দমনার্থে প্রেরণ করিলেন। অচিরে মোসলেম অশ্বারোহীগণ তাঁহাদের তরবারির বল প্রদর্শনে সমবেত পৌত্তলিকগণকে কতক ধ্বংস করিয়া ও অবশিষ্ট পার্বত্য ছাগবৃন্দের স্থায় তাড়াইয়া দিয়া, ওয়াহিন্দ দেশ অধিকার করিলেন। সঙ্গে সঙ্গে সোলতানের নিকট এই বিজয়-বার্তা প্রেরিত হইল।

তৃতীয় অভিযান

৩৯৫ হিঃ ১০০৪।৫ খৃষ্টাব্দে সোলতান মাহমুদ সিন্ধু পার হইয়া ভাটিয়া রাজ্যের দিকে সৈন্ত চালনা করিলেন। রাজা বাজিরাও সেই সময় ভাটিয়া রাজ্যের পরাক্রান্ত অধিপতি ছিলেন। তাঁহার রাজধানীর চতুর্দিকে অতুচ্চ প্রাচীর বেষ্টিত এবং তৎসহ গভীর বিস্তৃত পরিখা দ্বারা সুবেষ্টিত থাকায়, তৎকালীন লোকের ধারণা ছিল যে—যতই বলবান শত্রু হউক না কেন, এই দুর্গম ভাটিয়া রাজধানী মধ্যে কোনমতে প্রবেশ করিতে

পারিবে না। রাজধানী ধনৈশ্বর্যে ও প্রচুর সুশিক্ষিত সেনা এবং সামরিক নানা প্রকার যুদ্ধাস্ত্রে পরিপূর্ণ থাকায়, রাজা বাজিরাওয়ের দৃঢ় বিশ্বাস ছিল যে—তঁাহার রাজ্য কখনও পর হস্তগত হইবে না। এই বিশ্বাসেই রাজা নগরদ্বারের বাহিরে আসিয়া মোস্লেম সেনাগণকে আক্রমণ করিলেন।

রাজার সৈন্যগণের সহিত একদল বলশালী সুশিক্ষিত যুদ্ধ হস্তী ছিল। তিনদিন ধরিয়া দিবারাত্রি হিন্দু-মুসলমানে অবিশ্রান্ত যুদ্ধ চলিতে লাগিল। চতুর্থ দিবসে বেলা দুই প্রহর পর্য্যন্ত অসি ও শর যুদ্ধের পর, সোলতান মাহমুদ তঁাহার ওজস্বী ভাষায় সৈন্যগণকে উৎসাহিত করিয়া, বীর দর্পে “আল্লাহো আকবর” বলিয়া রণোল্লাসের সহিত সম্মুখস্থ অলীকবাদী পৌত্তলিকগণকে আক্রমণ করিলেন। দুর্দর্ষ আফগানগণের বজ্র-মুষ্টি ধৃত তরবারির আঘাতে দুর্বল খর্কাকায় কৃষ্ণবর্ণের হিন্দু সৈন্যগণ মৃত্তিকা চূষন করিতে আরম্ভ করিল। এই সময় মহা পরাক্রমশালী সোলতান মাহমুদকে যুদ্ধক্ষেত্রে উৎসাহে চতুর্দিকে ছুটাছুটি করিয়া, তঁাহার সম্মুখে বামে দক্ষিণে বর্ষা পরিহিত বিধর্মীগণকে তরবারির আঘাতে দ্বিখণ্ডিত ও বর্ষাবদ্ধ করিয়া, তাহাদের যুদ্ধ তৃষ্ণা চিরকালের মত মিটাইয়া দিতে দেখা গিয়াছিল। এই যুদ্ধে রাজা বাজিরাওয়ের প্রধান সহায় তঁাহার বিস্তর যুদ্ধহস্তী নিহত হইল। শেষে মোস্লেম শক্তির নিকট পরাভূত হইয়া রাজার অবশিষ্ট সৈন্য পশ্চাৎপদ হইল ও পরিধ্বা এবং উচ্চ প্রাচীর বেষ্টিত নগর মধ্যে আশ্রয় লইয়া প্রকাণ্ড লৌহদ্বার বন্ধ করিয়া দিল।

রণোন্মত্ত ধার্মিক সৈন্যগণ অল্পকাল মধ্যে কাষ্ঠ ও মৃত্তিকা দ্বারা পরিখা পরিপূর্ণ করিয়া, তাহার উপর দিয়া কতকগুলি সৈন্য প্রাণের মায়ী বিসর্জন দিয়া, বীর হৃদ্বারে প্রাচীর উল্লঙ্ঘনে নগরে প্রবেশ করিয়া লৌহদ্বার উন্মোচন করিয়া দিল; এবং সঙ্গে-সঙ্গে সমুদ্র মুস্লেম যোদ্ধাগণ নগরে প্রবেশ করিল।

রাজা এই অবস্থা দেখিয়া কতকগুলি অহুচরসহ গোপনে পলায়ন করিয়া পার্বতীর অরণ্য মধ্যে আশ্রয় লইলেন। কিন্তু সোলতানের একদল সৈন্য তাহাদের পশ্চাদ্ধাবন করিয়া অহুচরগণসহ রাজাকে খিরিয়া ফেলিল। বাজিরাও অনন্তোপায় হইয়া ছুরিকাঘাতে আত্মহত্যা করিলেন।

এই সময় মোস্লেম সেনাগণ নগর অধিকার করিয়া তন্মধ্যে লুণ্ঠন আরম্ভ করিয়া দিয়াছিল। যুদ্ধাবসানে মাহমুদ দুই শত আশিটি হস্তী, বহু ধনরত্ন এবং দাসদাসী লইয়া গজনৌ প্রত্যাবর্তন করিলেন। ফিরিবার কালে পথে বর্ষার জল তাঁহাকে সৈন্য লইয়া অনেক কষ্টভোগ করিতে হইয়াছিল।

চতুর্থ অভিযান।

হিঃ ৩৯৬ সালে সোলতান মাহমুদ মুলতানের শাসনকর্তা আবুল-ফতুহের বিরুদ্ধে যুদ্ধযাত্রা করিলেন। মুলতানাধিপতি এই সময় স্বাধীন হইবার জন্ত উস্খুস্ করিতেছিলেন; এমন কি তাঁহার রাজ্যমধ্যে স্থানে স্থানে স্বাধীনতা ঘোষিত হইয়াছিল। এই দারুণ অবাধ্যতার অপ্রিয় সংবাদ সোলতানের নিকট পৌঁছিবামাত্র, তিনি বর্ষার সমুদয় নদনদীর জলাতিশয্যের বাধাবিন্ধ উপেক্ষা করিয়া মুলতানাভিমুখে ধাবিত হইলেন।

পথে জয়পালের পুত্র আনন্দপালের রাজ্যের উপর দিয়া সৈন্য চালনা করিয়া আসিবার জন্ত মাহমুদ তাঁহার অহুমতি চাওয়ার, রাজা আনন্দপাল তাহাতে সন্মত না হইয়া বরং মোস্লেম সেনাগণের অগ্রসরে বাধা প্রদান করিলেন।

মহাবল পরাক্রান্ত মাহমুদ জয়পাল পুত্রের ব্যবহারে রাগান্বিত হইয়া প্রথমতঃ তাঁহাকেই আক্রমণ করিলেন। রায় আনন্দপাল পরাজিত হইয়া

পর্কতে ও অরণ্যমধ্যে অহুচরসহ আশ্রয় লইলেন। মোসলেম সেনাগণ তখন তাহাদিগকে মেঘপালের জ্বর তাড়াইয়া লইয়া বেড়াইতে লাগিল। শেষে আনন্দপাল কাশ্মীর প্রান্তের অরণ্যমধ্যে প্রবেশ করিয়া অদৃশ হইয়া গেলেন।

মুলতানাধিপতি আবুল-ফতুহ তাঁহার অপেক্ষা ক্ষমতাশালী রাজার এই দুর্বস্থা দর্শনে তাঁহার সমুদয় ধনৈর্ঘর্য ও মণি-মাণিক্য, কয়েকটি হস্তীর পৃষ্ঠে বোঝাই দিয়া রাজ্য পরিত্যাগে সরন্দিপের দিকে পলায়ন করিলেন। সহজেই মুলতান রাজ্য সোলতানের হস্তগত হইল।

এই অভিযান হইতে প্রত্যাবর্তন কালে সোলতান শুনিতে পাইলেন যে—বলুখের শাসনকর্তা ইলাকু খাঁন, জাইছন নদী পার হইয়া স্বীয় এলাকার বাহিরে আনুমানিক পঞ্চাশ সহস্র সেনা সমাবেশ করিয়াছেন। সংবাদ পাইয়াই মাহমুদ তাঁহার অধীনস্থ তুর্ক, ভারতীয়, আফগান ও গজ্নীর সৈন্য লইয়া ইলাকু খাঁনের বিরুদ্ধে অগ্রসর হইলেন ও অচিরে তাঁহাকে সম্পূর্ণরূপে পরাস্ত করিলেন।

পঞ্চম অভিযান

হিঃ ৩৯৮ সালে জগৎ বিখ্যাত বীর মাহমুদকে, অধীনস্থ শাসনকর্তা সেবক পালকে শিক্ষা দিবার জন্য পঞ্চমবার ভ্রমতে আসিতে হইয়াছিল। মুলতান অধিকার করিয়া তথা হইতে ইলাকু খাঁনের বিদ্রোহ দমনার্থে ষাইবার কালে সোলতান, রাজা জয়পালের পৌত্র সেবক পালকে তাঁহার ভারত রাজ্যের শাসনকর্তা নিযুক্ত করিয়া গিয়াছিলেন। ইতিপূর্বে আবুল-আলী-সান্জারী, সেবক পালকে পেশাওয়ারে বন্দী করিয়া লইয়া গিয়া মোসলমান ধর্মে দীক্ষিত করিয়া তাঁহার নাম “নওয়ারা সাহ” রাখিয়াছিলেন।

এক্কে সোলতান অবগত হইলেন যে—তঁাহার অধীনস্থ উক্ত নওয়াসা সাহ্ পবিত্র এসলাম ধর্ম পরিত্যাগপূর্বক পুনরায় পৌত্তলিকতাকে প্রত্যা-
দান করিয়াছে। এই সংবাদ পাইয়া সোলতান ভারতে আসিয়া সেবক
পালকে বন্দী করিয়া লইয়া গেলেন। তঁাহার সমস্ত ধন সম্পত্তি সোল-
তানের সমভিব্যাহারি সেনাগণ কর্তৃক লুণ্ঠিত হইল, এবং তদবধি নওয়াসা
সাহ্ যাবজ্জীবন বন্দী হইয়া রহিলেন।

ষষ্ঠ আক্রমণ

পরবর্তী বৎসর ১০০৮ খৃষ্টাব্দে ৩৯৯ হিজরী রবিওল-আখের মাসের
শেষ দিনে, সোলতান মাহ্মুদ পুনরায় ভারত আক্রমণে বহির্গত হইলেন।
সিন্ধু নাদের পূর্ব তীরে, সমুদ্র তীর হইতে একশত মাইল উত্তরে সুপ্রসিদ্ধ
নগরকোট দুর্গ এই বার তঁাহারল ক্ষয় স্থান ছিল।

এই সময়ে রাজা আনন্দপাল কাশ্মীর প্রাপ্ত হইতে চলিয়া আসিয়া ভার-
তের সমুদয় রাজস্ববর্গের নিকট মোসলমানগণকে ভারত হইতে বিতাড়িত
করিবার জন্য সাহায্য প্রার্থনা করিতেছিলেন। হিন্দু রাজাগণও এই যুদ্ধে
যোগদান করা পরম পবিত্র কর্ম ও ধর্মসঙ্গত বিবেচনার আনন্দপালের
প্রস্তাবে সম্মত হইয়াছিলেন। সঙ্গে সঙ্গে উজ্জয়িনী, গোয়ালিয়র,
কালিঙ্গর, দিল্লী ও আজমীরের রাজগণ এই ধর্ম যুদ্ধে যোগদান করিবার
ইচ্ছায় তঁাহাদের সমুদয় শক্তি একত্রিত করিয়া বিরাট বাহিনী সম-
ভিব্যাহারে পাঞ্জাবের দিকে অগ্রসর হইতে লাগিলেন। ইতিপূর্বে
এসলামের বিরুদ্ধে এত প্রবল শক্তি কখনও একত্রিত হয় নাই।

রাজা আনন্দপাল স্বয়ং এই বিশাল বাহিনী পরিচালনের ভার গ্রহণ
করিলেন ও ক্রমশঃ অগ্রসর হইতে হইতে পেশাওয়ারের সমতল ভূমিতে
গিয়া মোসলেম সেনার সম্মুখীন হইলেন। এই স্থানে উভয় সৈন্য চল্লিশ

দিন শিবির সন্নিবেশ করিয়া অবস্থান করিতে লাগিল। এই সময় মধ্যে কোন পক্ষই যুদ্ধার্থে কোনরূপ চাঁঞ্চল্য প্রদর্শন করিল না।

ইত্যবসরে সোলতান তাঁহার অবস্থিতি স্থান চতুর্দিকে পরিখা বেষ্টিত করিতে আরম্ভ করিয়া দিলেন ও অপর পক্ষে, ভারতের সর্বস্থান হইতে হিন্দু সৈন্য আসিয়া বিপক্ষ সৈন্যের কলেবর পুষ্টি করিতে লাগিল। এই সময়ে দূর দূরান্তর হইতে হিন্দু জীলোকেরাও তাঁহাদের অলঙ্কার আদি বিক্রয় করিয়া এই মোসলেম বিতাড়নের সাহায্যের জন্ত হিন্দু রাজগণবর্গ ও সেনাগণকে সাধ্যমত অর্থ সাহায্য করিয়াছিলেন। এমন কি দরিদ্র হিন্দু নারীগণও স্ত্রী কাটিয়া বিক্রয়লব্ধ অর্থে এই প্রকাণ্ড বাহিনীর যথাসাধ্য সাহায্য করিতে পরামুখ হন নাই।

বিচক্ষণ যুদ্ধ নীতি বিশারদ মহা সেনাপতি সোলতান মাহমুদ, বিপক্ষের এই দৃঢ়তা ও অসম্ভব সংযোগের পরিচয় পাইয়া, এবার কোন ক্রমেই তাহাদিগকে প্রথমে আক্রমণ করা যুক্তিযুক্ত বিবেচনা করিলেন না। তিনি তাঁহার ছয় সহস্র গোলন্দাজ সেনাগণকে, কেবল দূর হইতে শত্রুগণের উপর শর নিক্ষেপ করিয়া তাহাদিগকে উত্যক্ত করিতে অনুমতি প্রদান করিলেন। এই সময় সোলতান মাহমুদ বিবেচনা করিয়াছিলেন যে—এই প্রকার শর নিক্ষেপে তিনি বিপক্ষগণকে ব্যতিব্যস্ত করিয়া তাহাদিগকে ক্রমশঃ তাঁহার পরিখার নিকট আনিয়া ফেলিতে পারিবেন ও তৎপরে তাঁহার উর্দ্ধ সেনাগণের সাহায্যে তখন তাহাদিগকে সমূলে বিনাশ করিতে কৃতকার্য হইবেন।

কিন্তু সোলতানের এতাদিক সতর্কতা সত্ত্বেও যখন ঘোরতর যুদ্ধ বাধিয়া গেল, সেই সময় ত্রিংশ সহস্র ৩০,০০০ সাহসী আঠা যোদ্ধা অসীম সাহস প্রদর্শনে তাঁহার উত্তর পাশের সৈন্যবাহ ভেদ করিয়া, সোলতানের অখারোহী সৈন্য মধ্যে প্রবেশাধিকার লাভ করিল। ইহারা দেখিতে

দেখিতে অল্পক্ষণ মধ্যে প্রায় তিন সহস্র মোসলেম সেনা বিনাশ করিতে কৃতকার্য্য হইল। জাঠ্ সৈন্যগণ এই সময় এতদূর বীরত্ব প্রদর্শন করিয়াছিল যে—মহারথী মাহ্-মুদকেও তাহাদের অসির সন্মুখ হইতে ক্ষণকালের জন্য পশ্চাৎপদ হইতে হইয়াছিল।

এই সময় মোসলেম সেনাগণের অব্যর্থ লক্ষ্য শর ও প্রজ্জ্বলিত অগ্নিবান নিঃক্ষেপে হিন্দু সেনাপতি আনন্দপালের হস্তী ক্ষিপ্ত প্রায় হইয়া পালাইতে থাকায়, পৌত্তলিকগণ উহা প্রধান সেনাপতির পৃষ্ঠ প্রদর্শন অনুভব করিয়া রণে ভঙ্গ দিয়া পালাইতে লাগিল। অধিকন্তু—ইতিপূর্বে যে সকল জাঠ্ সেনা মোসলেম বাহ ভেদ করিয়া তাহাদের সহিত সন্মুখ যুদ্ধে প্রবৃত্ত হইয়াছিল, তাহাদের এক প্রাণিকেও আর ফিরিতে হইল না।

আবদুল্লা-ভাজি পাঁচ সহস্র আরব অখারোহী সেনা লইয়া এবং আর্শলান্ জাজির দশ সহস্র তুর্কি, আফগান ও খিলিজী যোদ্ধার সহিত একাধিক্রমে দুই দিন ও পূর্ণ দুই রাত্রি ধরিয়া হিন্দু সেনাগণের পশ্চাদ্ভাবন করিলেন এবং অন্যান আট সহস্র শত্রু সেনা বিনাশ করিয়াছিলেন। এই সময়ে অনুগমনকারী সেনাপতিদ্বয় যে সমস্ত ধনসম্পত্তি অধিকার-ভুক্ত করিয়াছিলেন, তাহা উত্তরেই সোলতান সমীপে উপস্থিত করিলেন।

এদিকে সোলতান মাহ্-মুদ স্বয়ং পলায়িত প্রধান দলের অনুসরণ করিয়া, নগর-কোটের ভীমনগর নামক সংরক্ষিত দুর্গ প্রান্তে আসিয়া উপস্থিত হইলেন। ভীমনগর দুর্গ তৎকালে চতুর্দিকে প্রশস্ত পরিখা বেষ্টিত উচ্চ পর্বতোপরিস্থিত একটা অতি সুদৃঢ় পার্বতীয় দুর্গ ছিল। ভারতের বহু নৃপতি, এবং পার্শ্ববর্তী দেশ সমূহের ক্ষুদ্র ক্ষুদ্র রাজা ও ধনশালী লোকসমূহ, তাহাদের যাবতীয় মূল্যবান রত্নরাজি এই দুর্গে রক্ষা করিয়াছিলেন। দুর্গমধ্যস্থ প্রকাণ্ডাকার বিগ্রহের মনস্তপিকল্পে

তাহারা বহু অলঙ্কার ও রত্ন এই প্রস্তরময় দেবতার উদ্দেশ্যে অর্পণও করিয়াছিলেন।

সোলতান মাহমুদ মনে ভাবিলেন যে—দেব মন্দিরের এই বহুকাল সঞ্চিত রত্নরাজি এবং দুর্গ মধ্যস্থ কাক পক্ষীদের—(মোসলমানগণ সেই সময়ে কৃষ্ণকায় ভারতীয় হিন্দুদিগকে বায়স পক্ষীর সহিত তুলনা করিতেন ও ঐ নামে তাহাদিগকে অভিহিত করিতেন। “হিন্দু” শব্দ বাঙ্গালা ভাষায় জাতীবাচক বিশেষণ রূপে ব্যবহৃত হইয়া আসিতেছে। প্রকৃতপক্ষে হিন্দু শব্দটি পারশিক শব্দ, এবং ঐ পারশিক ভাষায় ইহার অর্থ কৃষ্ণবর্ণ ও তস্কর। পারশ্য, তাতার, তুর্কিস্থান প্রভৃতি দেশের সুন্দর পুষ্টকায় গৌরবর্ণের মোসলেম সেনাপতি ও সৈন্যগণ ভারতে আসিয়াই সর্ব প্রথমে এই ধর্মাক্রান্তি কৃষ্ণকায় লোক দেখিতে পাইয়া, ঘৃণার সহিত উহাদিগকে এই “হিন্দু” নামে অভিহিত করিতে লাগিলেন। কালে ঐ ঘৃণাবাচক বিশেষণটি গৌরবের জাত্যাভিমান সূচক পদে পরিণত হইয়াছে। (আবু-নাসায় আল্ উত্বী কৃত তওয়ারিখ-এ ইয়ামিনী।—এই সংরক্ষিত ধনরত্ন বহন করিতে নিশ্চয় তাহার উদ্ভের পৃষ্ঠ ভগ্নপ্রায় হইবে। একারণ সোলতান এই ভীমনগর দুর্গ আক্রমণ করাই স্থির সিদ্ধান্ত করিয়া চতুর্দিক হইতে দুর্গাবরোধ করিলেন।

পর্বত-নিয় হইতে ঝাঁকে ঝাঁকে তীর, বর্ষায় বারিপাতের ঞ্চার দুর্গাভ্যন্তরে পতিত হইতে লাগিল, তৎসঙ্গে অমিততেজাঃ মোসলেম বীরগণকে পর্বত গাত্র ছাইরা ফেলিতে দেখিয়া দুর্গরক্ষী সেনাগণ ভীত হইয়া আত্মসমর্পণ করিল। তাহারা দুর্গ দ্বার খুলিয়া দিয়া “বাজপক্ষী সমক্ষে চটকের ঞ্চার ভুলুণ্ডিত হইয়া” মোসলেম সেনাগণের নিকট অসুগ্রহ ভিক্ষা করিতে লাগিল।

রণবিজয়ী সোলতান মাহমুদ হিন্দু সেনাগণের কাতর প্রার্থনা অগ্রাহ

করিয়া, জুজ্জানের শাসনকর্তা আবু নসর আহমদের সহিত দুর্গমধ্যে প্রবেশ করিলেন ও দুর্গমধ্যে সংরক্ষিত সমুদয় রত্নরাজি অধিকারভুক্ত করিয়া লইলেন। যে রাশিকৃত স্বর্ণ ও রৌপ্যস্তম্ভ তাঁহার হস্তগত হইল, সোলতান উহার রক্ষণাবেক্ষণের ভার তাঁহার প্রধান গৃহাধ্যক্ষ আলতা-তান্শ ও আসিষ্-তিগীনের উপর কৃত্ত করিয়া, বহুমূল্য মণিমুক্তাগুলি লইয়া স্বীয় অধিকারে রক্ষা করিলেন।

এই অভিযানে সোলতান এতাদিক ধনরত্ন ও স্বর্ণ রৌপ্য পাইয়াছিলেন যে—রাজকোষে প্রেরণার্থে বহু উষ্ট্র পৃষ্ঠে বোঝাই দিয়াও বাহা উদ্ভূত রহিল, তাহা তিনি দুই হস্তে সৈন্তগণের মধ্যে যথেষ্ট পরিমাণে বিতরণ করিয়া হস্তের সার্থকতা উপলব্ধি করিলেন। যে পরিমাণ স্বর্ণ রৌপ্য মুদ্রা তাঁহার হস্তগত হইল, তাহার মূল্য দাবুহাম হিসাবে সত্তর কোটিরও অধিক হইবে। সোলতান বিস্তর স্বর্ণ ও রৌপ্যের খান (খানি) পাইয়াছিলেন। এতদ্ভিন্ন বহুমূল্যবান সূক্ষ্ম ও সূদৃশ রেশমী বস্ত্র সকল বাহা তাঁহার হস্তগত হইয়াছিল, সেরূপ সূদৃশ বস্ত্র তাঁহার সেনামধ্যে কেহ পূর্বে কখন অবলোকনও করে নাই।

লুণ্ঠিত ভ্রব্যের মধ্যে একটি রৌপ্য নির্মিত প্রকাণ্ড গৃহ সোলতানের হস্তগত হয়। গৃহটির দৈর্ঘ্য ৬০ হস্ত ও প্রস্থ ৫০ হস্ত পরিমাণ ছিল। এবং তাহার নির্মাণ কোশল এরূপ ছিল যে—যদি খানির সমস্ত অংশ খুলিয়া বিশ্লিষ্ট করিয়া লইয়া গিয়া, পরে ইচ্ছামত যে কোন স্থানে উক্ত গৃহটি অতি সহজে পুনঃ স্থাপন করা যাইত। এতদ্ভিন্ন স্বর্ণ ও রৌপ্য নির্মিত ছিদ্রশূন্য স্তম্ভসমূহের উপর স্থাপিত ৮০ হস্ত লম্বা ও ৪০ হস্ত প্রস্থ একটি অতীব সুন্দর বহুমূল্য চন্দ্রাতপ গজনীধিপতি ভীমনগর দুর্গ হইতে সঙ্গে লইয়া গিয়াছিলেন।

গজনী নগরীতে পৌঁছিয়া সোলতান মাহমুদ তাঁহার প্রাসাদ অঙ্গনে

একখানি বহুমূল্য স্নুদুশ গালিচা বিছাইয়া, তদোপরি ভারতের সমুদয় রত্নরাজি বিস্তৃত করিয়া দিলেন। এই সময়ে গজনির অধীনস্থ রাজস্ববর্গ ও অপরাপর দেশের রাজদূত সকল এবং স্বাধীন তুর্কিস্থানের রাজা তাধান্থানের দূত প্রভৃতি উপস্থিত ছিলেন। তাঁহারা ভারত মহিত এই সমুদয় উজ্জ্বল বৃহদায়তন মুক্তা, নির্মল বিগুঙ্ক আভাযুক্ত চূনি-পায়া-নীলা এবং জ্যোতিষ্মান্ হীরক সকল দেখিয়া চক্ষু স্বার্থক করিলেন ও ঈশ্বরকে ধন্যবাদ দিতে লাগিলেন।

এই বিখ্যাত মহা বিজয়ের সংবাদ পাইয়া, বাগ্‌দাদের খলিফা কাদের বিল্লাহ্, আমীর মাহমুদ-বেন-সবকুতগীনের প্রতি "সোলতান" আখ্যা প্রদান করিলেন।

নবম আক্রমণ

৪০৪ হিঃ ১০১৩ খৃষ্টাব্দে সোলতান মাহমুদ ভারতের কুসংস্কারাবিষ্ট দেবমন্দির ধ্বংস সাধন করিয়া পৌত্তলিকতার যথাসম্ভব উচ্ছেদ করণোদ্দেশ্যে, বহু সৈন্য সমভিব্যাহারে নবমবার ভারত আক্রমণ করিলেন।

ইতিপূর্বে সিন্ধু রাজ্যের নিকট হইতে সোলতান, তাঁহার ভারত আক্রমণ নিবারণের উৎকোচ স্বরূপ বাৎসরিক পঞ্চাশটি উৎকৃষ্ট হস্তী ও তৎসহ হিন্দুস্থানের উৎপন্ন কারুকার্য খচিত স্নুদুশ রেশমী বস্ত্র ও দুই সহস্র যুবক হিন্দু যোদ্ধা পাঠাইয়া দিবার প্রস্তাব পাইয়াছিলেন। সিন্ধুরাজ সেই মত কিছুদিন সোলতানের নিকট হিন্দু সেনাসহ ঐ সমস্ত অদ্বীকৃত দ্রব্য পাঠাইয়াও দিয়াছিলেন।

প্রতি বৎসর এই দুই সহস্র হিন্দু যোদ্ধা ইচ্ছাপূর্বক মোসলমানগণের সহিত যোগ দিয়া তাহাদের বেতন ভুক্ত সেনা হইয়া থাকা ও তাহাদেরই আদেশে স্বজাতি, স্বধর্ম ও স্বদেশের বিরুদ্ধে যুদ্ধ করা হইতে, তৎকালীন

হিন্দুদিগের স্বদেশ প্রেমিকতা ও স্বধর্ম আস্থার বথেষ্ট প্রমাণ পাওয়া যায়।

মাহ্মুদের এই নবম অভিযানে প্রথমতঃ তাঁহাকে সৈন্ত লইয়া হিন্দু-স্থানের প্রবেশ পথে অতিশয় বিপদে পড়িতে হইয়াছিল। এই সময় পর্বতে এতাদিক ভুবার পাত হইয়াছিল যে, কিছুদিন ধরিয়া চতুর্দিক বরফাচ্ছন্ন হইয়া থাকায় পথ চেনা বিশেষ দায় হইয়া পড়িল। অগত্যা অতি কষ্টে এই বরফরাশির উপর সোলতান মাহ্মুদকে সসৈন্তে অনেক দিন অপেক্ষা করিতে হইয়াছিল।

তৎপরে মাহ্মুদ সমুদয় সৈন্ত লইয়া গুজরাটের রাজধানী নারুদিন (আনহাল ওয়ারার নিকট) আক্রমণ করিলেন ও তাঁহার এই বিরাট বাহিনীর দক্ষিণাংশ স্বীয় ভ্রাতা সেনাপতি আমীর নসরের ও বাম ভাগ আরসলানোল্ জেজিরের এবং পুরোভাগ প্রসিদ্ধ যোদ্ধা আবু-আবদুল্লা মোহাম্মদকে তাঁহার অধীনস্থ আরব অশ্বারোহী সেনাদলের সহিত রক্ষা করিতে দিয়া, স্বয়ং মহাসেনাপতি স্বরূপ সমস্ত মোস্লেম সৈন্তগণকে পরিচালন করিতে লাগিলেন।

এই বিপুল বাহিনীর মধ্যভাগের পর্বত সম অচল অটল যোদ্ধাগণকে সোলতানের দেহ রক্ষীগণের নেতা আলতন্তাশ চালনা করিতে লাগিলেন।

রাজা নিদার ভীম এই ব্যাপার দর্শনে ভীত ও স্তম্ভিত হইয়া অধীনস্থ সৈন্যধ্যক্ষগণকে ও রাজাদিগকে, তাহাদের সমস্ত সেনা লইয়া সমবেত হইতে আদেশ করিলেন। সৈন্তগণ রাজধানী আনহাল-ওয়ারার প্রান্ত দেশে সমবেত হইবার পর, রাজা এই বিশাল বাহিনী লইয়া একটা দুর্গম অপ্রশস্ত গিরিবর্জের মধ্য দিয়া পর্বত পশ্চাতে গিয়া শিবির সন্নিবেশ করিলেন এবং পার্বতীয় পথের প্রবেশ দ্বারে বৃহদায়তন হস্তী সকল রক্ষা করিয়া উহা অবরোধ করিয়া রাখিলেন।

রাজা মনে ধারণা করিয়াছিলেন যে, এই স্থান বেরূপ দুর্গম তাহাতে মোস্লেম সৈন্যগণ কোনমতে এই অপরিচিত অপ্রশস্ত গিরিবর্জ দিয়া গিরি উপত্যকায় প্রবেশ করিতে পারিবে না; কিন্তু শেষে রাজা নিদারভীমের নিদ্রা ভাঙ্গিল, তিনি তখন বুদ্ধিতে পারিলেন যে—পরমেশ্বর ধার্মিকগণকে রক্ষা করেন ও ঈশ্বরদ্রোহীদিগকে ধ্বংস করেন।

এইস্থানে বুদ্ধদেবের একটি প্রকাণ্ড মন্দিরাভ্যন্তরে একখণ্ড প্রস্তর গাঞ্জে, ঐ মন্দিরটি পঞ্চাশ হাজার বৎসর পূর্বে প্রস্তুত লেখা দেখিতে পাইয়া, সোল্তান মাহমুদ ইহার প্রকৃত তথ্য অনুসন্ধানে প্রবৃত্ত হইলেন, শেষে অনেক তর্ক বিতর্কের পর, এই দীর্ঘকাল যে অতিরঞ্জিত করিয়া লেখা হইয়াছে তাহা সাব্যস্ত হইল।

এই অভিযানে গজ্জনী অধিপতি অনেক তদ্রবংশীয় লোককে বন্দি করিয়া লইয়া গিয়াছিলেন। শেষে ঐ সম্মানার্থ বন্দিগণকে গজ নীর সাধারণ দোকানদারগণের নিকটে দাসবৃত্তি করিতে দেখা গিয়াছিল।

দশম অভিযান

খানেশ্বর।

৪০৫ হিজরীর প্রারম্ভে ১০১৩ খৃষ্টাব্দের শেষভাগে সোল্তান মাহমুদ সংবাদ পাইলেন যে—দিল্লী হইতে ৭০ মাইল উত্তরে খানেশ্বর রাজ্যে যুদ্ধকার্যে সাহায্যোপযোগী সিংহল দ্বীপের বিস্তর বৃহদাকার ঐরাবত সকল রক্ষিত আছে; এবং ঐ রাজ্য একজন ঘোর ঈশ্বরদ্রোহী জড়োপাসক রাজার রাজত্ব। এই সংবাদ পাইয়া তাঁহার এই দশম অভিযান এবার খানেশ্বরের প্রতিই ধাবিত হইল।

ইতিপূর্বে পাঞ্জাব জয়ের পর সোল্তান, রাজা আনিমপালকেই, করদ রাজা স্বরূপ তাঁহারই সিংহাসনে অধিরূঢ় করিয়া তাঁহার সহিত

সন্ধিসূত্রে আবদ্ধ হইয়া থাকার, এই অভিযানে তিনি আনন্দপালকে বলিয়া পাঠাইলেন যে—তঁাহার রাজ্যাভ্যন্তর দিয়া সৈন্য চলাচল করিলে তঁাহার কোন অনিষ্টের সম্ভাবনা নাই; বরং এক্ষেত্রে মোস্লেম সেনাগণকে তঁাহার রাজ্যের সীমা অতিক্রম করাইয়া দেওয়া পর্য্যন্ত রাজকীয় কর্মচারীগণ গজ্নীর সেনাগণের সমভিব্যাহারে থাকিলে, তঁাহার প্রজাগণের প্রতি কোনই অনিষ্টপাতের আশঙ্কা থাকিবে না।

রাজা আনন্দপাল এই প্রস্তাবে সন্মত ও সন্তুষ্ট হইয়া স্বীয় ভ্রাতাকে দুই সহস্র অশ্বারোহী সহ সোল্তানের নিকট পাঠাইয়া দিলেন, এবং মোস্লেম সেনাগণের আবশ্যকীয় সমুদয় খাদ্য দ্রব্যাদি সংগ্রহের যথাসাধ্য সাহায্য করিতে লাগিলেন।

রাজার উপদেশ মতে তদীয় ভ্রাতা, সোল্তান মাহ্‌মুদকে থানেশ্বরের মন্দির ধ্বংস না করিবার জন্ত যথাসাধ্য অল্পনয় দিনর করিতে লাগিলেন। তিনি সোল্তানকে বুঝাইবার বিস্তর চেষ্টা করিলেন ও শেষে বলিলেন যে,—“দেবমন্দির ভগ্ন করা এম্লামের ধর্ম সঙ্গত কার্য্য বলিয়া তদীয় রাজভ্রাতা নগরকোটের দুর্গ মন্দির ধ্বংসের সময় মহামাত্ত সোল্তানের সহিত যেরূপ ব্যবহার করিয়াছেন, তাহার বিনিময়ে হিন্দুদিগের এই মহাতীর্থ থানেশ্বরের মন্দির নষ্ট করিবার অভিলাষ ত্যাগ করিলে, রাজা নিজে তৎপরিবর্তে গজ্নী নগরীতে প্রতি বৎসর ৫০টা অতি বৃহৎ মাতঙ্গ ও তৎসহ যথাসম্ভব রত্নরাজী উপঢৌকন প্রেরণ করিতে বাধ্য থাকিবেন; এবং থানেশ্বর রাজ্য সম্বন্ধেও তঁাহাকে কর দিয়া তঁাহার করদ রাজ্য মধ্যে পরিগণিত করিবার জন্ত রাজার নিকট প্রস্তাব করিয়া যথাসাধ্য চেষ্টা করিবেন।”

ধর্মপ্রাণ মাহ্‌মুদ উত্তর দিলেন :—

“আমি খোদাতাআলার অনুগ্রহ ভিক্ষা করিয়া ভারতবর্ষ হইতে

পৌত্তলিকতা উচ্ছেদ করিবার ব্রতে ব্রতী হইয়াছি; এমতাবস্থায় কি প্রকারে থানেশ্বরের দেবমন্দির রক্ষা করিতে পারি !”

গজ্জনীপতির এই উত্তর ও দৃঢ় প্রতিজ্ঞার আভাষ সঙ্গে সঙ্গে থানেশ্বর ও দিল্লীর পরাক্রান্ত রাজসমীপে প্রেরিত হইল। তিনিও অবিলম্বে ভারতের যাবতীয় রাজ্য-বর্গের নিকট সংবাদ প্রেরণ করিলেন যে—

মাহমুদ অকারণ বহু অহিন্দু সেনা লইয়া তাঁহার সংরক্ষিত হিন্দুর প্রধান তীর্থ থানেশ্বরের দেব মন্দির ভগ্ন করিতে আসিতেছেন। এই সাগর তরঙ্গের সম্মুখে সমুদ্র দৃঢ় প্রতিবন্ধক উপস্থাপিত করিতে না পারিলে ইহা সমস্ত হিন্দুস্থান প্রাণিত করিবে, এবং ক্ষুদ্র বৃহৎ সমস্ত রাজ্যই ইহা অচিরে গ্রাস করিয়া ফেলিবে। অতএব সমস্ত হিন্দু শক্তি থানেশ্বরে কেন্দ্রীভূত হইয়া ইহার অপ্রতিরূত গতির বাধা প্রদান করা ও হিন্দুধর্মের এই ঘোরশত্রু চির নিপাত করা একান্ত কর্তব্য।

ইন্দ্রপ্রস্থ রাজ্যের এই ধর্মডঙ্কা বাজে হিন্দুস্থানের সকল হিন্দু রাজাই যথা সম্ভব সেনা ও রসদ সমভিব্যাহারে যুদ্ধক্ষেত্র থানেশ্বরে সমবেত হইতে লাগিলেন।

এদিকে মহাবল পরাক্রান্ত অতুল তেজঃ ধর্মপ্রাণ মাহমুদ, এসলামের বিজয় পতাকা উড্ডীন করিয়া, পৌত্তলিকতা নিশূল করিবার মানসে, বহু সেনাসহ জুলশূণ্য মরুভূমি,—যাহাতে ইতিপূর্বে কখনও মনুষ্য বা ঘোটকের পদচিহ্ন অঙ্কিত হয় নাই,—সেই ভয়াবহ মরুদেশ পার হইয়া আধুনিক পানিপথের নিকটবর্তী থানেশ্বরে উপস্থিত হইলেন।

তৎকালে যমুনা এই থানেশ্বরের পদধৌত করিয়া প্রবলবেগে প্রবাহিত হইত। সোলতান যেখানে নদী একটি গিরিবর্ষের মধ্য দিয়া ধরবেগে প্রবাহিত হইতেছিল, তথায় গিয়া উপস্থিত হইলেন। অপর দিকে পৌত্তলিকগণ সম্মুখে বহু পর্বতাকার কৃষ্ণকার ঐরাবত সকল রক্ষা করিয়া

তৎপশ্চাতে অসংখ্য অস্খারোহী ও পদাতিক সৈন্য লইয়া অবস্থান করিতেছিল।

সোল্তান তাঁহার রণকৌশলজাল বিস্তার করিয়া, তাঁহার কতকগুলি সেনা নদীর দুইটা অগভীর স্থান পার হইয়া দুইদিক হইতে শত্রুগণকে আক্রমণ করিতে পাঠাইলেন; এবং তাহারা ঘোরতর যুদ্ধে নিযুক্ত থাকা কালে স্বয়ং, সমস্ত শক্তি লইয়া অবশিষ্ট বিপক্ষগণকে উত্তর পর্বতের মধ্যবর্তী স্থানে ভীষণবেগে আক্রমণ করিলেন।

মাহমুদের এই প্রচণ্ড আক্রমণের প্রতিবন্ধকতা করিবার ক্ষমতা দুর্বল-হস্ত পৌত্তলিকগণের ছিল না, এবং সন্ধ্যার প্রাক্কালে মোস্লেম অসির নিকট সম্পূর্ণরূপে পর্যুদস্ত ও লাঞ্ছিত হইয়া হিন্দু সৈন্যগণ রণে ভঙ্গ দিয়া যে যেদিকে পাইল পলায়ন করিতে লাগিল। তাহারা তাহাদের এই সমস্ত সুশিক্ষিত হস্তীগুলি পশ্চাতে ফেলিয়া পলায়ন করিল। কেবলমাত্র একটা শিক্ষিত হস্তী পলাইয়া যাইতে সক্ষম হইয়াছিল, তদ্ব্যতীত উহাদের রণহস্তীগুলি মোস্লেম সেনাগণ, সোল্তানের শিবিরামুখে তাড়াইয়া লইয়া গেল।

এই যুদ্ধে পৌত্তলিকের শোণিত প্রবাহ এরূপভাবে প্রবাহিত হইয়াছিল যে—রক্তে নদীর জল বিবর্ণ হইয়া গেল, এবং কয়েক দিবস পর্য্যন্ত উহা পানের সম্পূর্ণ অযোগ্য হইয়া রহিল। নিশাংগে পৌত্তলিক সেনাগণ পলায়ন করিয়া আত্মগোপন করিতে সমর্থ না হইলে, এই যুদ্ধে এক প্রাণীরও ফিরিবার আশা থাকিত না। জগদীশ্বর তাঁহারই ধর্ম্মানুবর্তীগণকে সর্বত্র বিজয়ী করেন।

এই ঘোরতর যুদ্ধ জয়ের পর, ধর্ম্মপ্রাণ মাহমুদ, দেব মন্দিরে প্রবেশ করিয়া ভারতের বহু পুরাতন বিগ্রহ জুগ-সোমের মস্তক চূর্ণ করিলেন ও ঐ অবস্থার পৌত্তলিকগণের এই কুসংস্কারের প্রস্তরস্তূপ গজনার

জামেয় মসজিদে সর্বসাধারণ সত্যধর্মাবলম্বীগণের প্রতিনিয়ত উঠিবার সোপান স্বরূপ ব্যবহৃত হইবার জন্ত প্রেরণ করিলেন। অগ্ৰাণ্ণ দেবমূর্তি-গুলিও সঙ্গে সঙ্গে চূর্ণীকৃত হইয়া ধরাবলুষ্ঠিত হইতে লাগিল।

এই দেব মন্দিরে সোল্তান যে সমস্ত রত্নরাজী প্রাপ্ত হইলেন, তাহার মধ্যে একটি অকলঙ্ক বৃহদাকার মাণিক (চুণি) ছিল; যাহার ওজন তৎসাময়িক প্রসিদ্ধ রত্ন ব্যবসায়ী হাজি মহম্মদ কান্দাহারী ৪৫০ মেক্কাল উল্লেখ করিয়া গিয়াছেন। আরতনে ও নির্ঝাল্যে উহার তুল্য রত্ন তৎপূর্বে মানব চক্ষু কখন দেখে নাই বা কর্ণে শুনে নাই।

থানেশ্বর করায়ত্ত করিয়া সোল্তান সাহমুদ দিল্লী আক্রমণ করিবার সংকল্প করিলেন। কিন্তু তাঁহার অধীনস্থ ওমরাহ্ ও সেনানীগণ, পাঞ্জাবে কোন মোসলমান শাসনকর্ত্তার সুবন্দোবস্ত না হওয়া পর্য্যন্ত লাহোরের করদ রাজা আনন্দপালের উপর সম্পূর্ণ বিশ্বাস স্থাপন করা যুক্তিসঙ্গত নহে, প্রভৃতি নানারূপ যুক্তিপূর্ণ তর্ক ও উপদেশ দ্বারা সোল্তানকে তাঁহার আর অধিক অগ্রসর হইবার সংকল্প হইতে বিরত করিলেন। বাহা হউক আনন্দপাল, সোল্তানের এই অভিযান হইতে প্রত্যাবর্ত্তন কালে, তাঁহার প্রতি সৌজন্য ও নম্রতার পরাকাষ্ঠা প্রদর্শন করিয়াছিলেন।

থানেশ্বর জয় করিয়া ফিরিবার সময় মোসলমান সেনাগণ অস্থান দুই লক্ষ বন্দী নরনারী সঙ্গে লইয়া গেলেন। গজ্জনী রাজধানীতে ঐ সকল হিন্দু বন্দী বন্দিনী রাজপথে বেড়াইবার সময়, উহাকে ভারতের কোন বৃহৎ নগর বলিয়াই অনুমিত হইত। সোল্তানের সামান্য সামান্য সেনারাও পর্য্যন্ত থানেশ্বর বিজয়ের পর, প্রত্যেকে অনেকগুলি করিয়া হিন্দু বন্দী বন্দিনী, গোলাম ও বাদি স্বরূপ তাহাদের নিজ নিজ অংশে পাইয়াছিল। (ফেরেস্তা)

একাদশ অভিযান ।

মথুরা ও কাশ্যকুন্ড

একাদশ অভিযানে সুলতান মাহমুদ, হিন্দু তীর্থ দেবমন্দির সমাকীর্ণ পৌত্তলিকগণের পরমারাধ্য, বিষ্ণুর পূর্ণাবতার শ্রীকৃষ্ণের জন্মভূমি মথুরা, এবং ব্রাহ্মগণের মূল আবাস ভূমি কনোজ আক্রমণে বহির্গত হইলেন ।

৪০৯ হিজরী রবিঅল-আখের ১০১ - খৃষ্টাব্দের সেপ্টেম্বর মাসের শেষ ভাগে সোলতান, ধর্মযুদ্ধে প্রাণ বিসর্জন দিতে উৎসুক মাত্র বিংশতি সহস্র উৎকৃষ্ট অশ্বারোহী লইয়া, খোদা-তাআলার নাম গ্রহণে গজনী পরিত্যাগ করিলেন । এই অভিযানে তিনি তিন মাসকাল অবিভ্রান্ত পরিশ্রমে, একপ্রকার সাচ্ছন্দ্য ও নিস্তার নিকট বিদগ্ন গ্রহণে, পথে বহু পার্শ্বতীক্ষ্ণ দুর্গ ধ্বংস করিতে করিতে আসিয়া, শেষে রাজা হরদৎ রায়ের প্রসিদ্ধ বরণ দুর্গ প্রাপ্তে (আধুনিক বুলন্দ সহরের সন্নিকটে) শিবির সন্নিবেশ করিলেন ।

সত্য ধর্মাবলম্বীগণের এই ধর্মযুদ্ধে আগমন সংবাদ শ্রবণে, রাজা হরদৎ রায়ের ভয়ে উরু কম্পন আরম্ভ হইল । তিনি অনেক তর্ক বিতর্কের পর পবিত্র এমলাম ধর্মাবলম্বন করাই যুক্তিসঙ্গত বিবেচনার "দশ সহস্র সঙ্গী-সহ সোলতান সমীপে উপস্থিত হইয়া মোসলমান ধর্মের আশ্রয় গ্রহণ করিলেন ।

এই স্থানে কয়েক দিবস বিশ্রামান্তে সোলতান, কুলচাঁদের রাজ্য আক্রমণ করিলেন । রাজা কুলচাঁদ একজন পরম স্তাবক হিন্দু রাজা ছিলেন । তিনি স্বধর্ম পরিত্যাগ করা ভিন্ন এই বিজয়ী মোসলেম সৈন্যগণকে কোনমতে যুদ্ধে বিরত করা সম্ভবপর নহে বিবেচনা করিয়া

স্বীয় সৈন্য সস্তার ও হস্তী আদি লইয়া অরণ্য মধ্যে আশ্রয় গ্রহণ করিলেন।

গজনীধিপতি তাহার সৈন্যদিগের মধ্য হইতে অল্প সংখ্যক সৈন্য বাছিয়া লইয়া তাহাদিগকে রাজা কুলচাঁদের অনুসরণে অরণ্য মধ্যে প্রেরণ করিলেন। অল্পকাল মধ্যে উহারা 'মহাবন' নামক অরণ্য-দুর্গ মধ্যে রাজ সৈন্যগণের সন্ধান পাইল। তখন মোসলেম্ বীরগণ আল্লাহো-আকুবর রবে অরণ্য প্রতিধ্বনিত করিয়া দুর্গ আক্রমণ করিলেন ও তরবারি এবং বর্শাঘাতে ঈশ্বরোক্তোহীগণকে ভূতলশায়ী করিতে লাগিলেন। শেষে হিন্দু সেনাগণ দুর্গপাদদেশ-বাহিনী ধরস্রোতা যমুনা নদী পার হইয়া পলায়নের চেষ্টা করিল। কিন্তু অকৃতকার্য হইয়া তাহাদের মধ্যে অধিকাংশ বন্দী হইয়া পড়িল, অবশিষ্ট জলমগ্ন হইয়া প্রাণ হারাইল।

এই যুদ্ধে প্রায় পঞ্চাশৎ সহস্র হিন্দু যোদ্ধা মোসলেম তরবারির মুখে ও জলমগ্ন হইয়া প্রাণ বিসর্জন দিয়াছিল। রাজা কুলচাঁদ সস্ত্রীক হস্তী আরোহণে নদী পার হইবার সময় মোসলেম সেনাগণ কর্তৃক পরিবেষ্টিত হইয়া ধৃত হইবার প্রাক্কালে, তিনি একটা বৃহৎ ছুরিকা দ্বারা প্রথমতঃ স্বীয় সহধর্মিনীকে স্বহস্তে হত্যা করিয়া, পরে নিজের বক্ষে ঐ তীক্ষ্ণাগ্র ছুরিকা আমূল বিদ্ধ করিয়া আত্মহত্যা করিলেন।^{১০}

এই যুদ্ধে জয়ে মাহমুদ ১৮৫টি রণহস্তী ও অনেক যুদ্ধাস্ত্র পাইয়া ছিলেন।

অতঃপর সোল্তান হিন্দু তীর্থ মথুরা নগরের দিকে অগ্রসর হইতে লাগিলেন। দেখিলেন বহু পুরাতন মথুরা চতুর্দিকে প্রস্তর নির্মিত উচ্চ প্রাচীর বেষ্টিত সুন্দর নগর; যমুনার দিকে তাহার দুইটি প্রকাণ্ড পুরদ্বার। নগরের উত্তর পার্শ্বে অসংখ্য এক সহস্র দেবমন্দির; এবং এই সমুদয়

প্রস্তর নির্মিত মন্দিরগুলির সর্বাক্কে লৌহ শলাকা বিদ্ধ করিয়া উহার প্রান্তভাগ রিভেট্ট করণদ্বারা ঐ গুলি যথাসাধ্য সুদৃঢ় করিয়া নির্মাণ করা হইয়াছে।

নগরের মধ্যস্থলে একটি অতীব সুদৃশ্য বৃহদায়তন দেব মন্দির, যাহার সৌন্দর্য্য লেখনী দ্বারা বর্ণনা করা যায় না। সোলতান মাহমুদ স্বয়ং এই মন্দির সম্বন্ধে এইরূপ বর্ণনা করিয়াছেন যে—শত কোটি স্বর্ণ দিনার ব্যয় ব্যতীত ও শতশত বহুদর্শী জ্ঞানী শিল্পিগণের দুই শত বৎসরের কঠিন পরিশ্রম ভিন্ন এইরূপ একটি মন্দির গঠিত হইতে পারে না।

এই প্রকাণ্ড সুদৃশ্য দেব মন্দিরভ্যন্তরে পাঁচটি সুবর্ণ নির্মিত দেব মূর্তি রক্ষিত ছিল। তাহাদের প্রত্যেকের উচ্চতাও দশ হস্ত পরিমাণ ছিল। একটি বিগ্রহের চক্ষু দুইটি, যে দুই খানি চূর্ণি নির্মিত ছিল, উহার প্রত্যেক খানির মূল্য পঞ্চাশ হাজার দিনারের কম নহে। অপর একটি মূর্তির চক্ষু উজ্জ্বল রক্ত নীলা দ্বারা প্রস্তুত। সেই দুইখানি নীলার ওজন প্রায় ৪৫০ মেঞ্চাল হইয়াছিল। এই পাঁচটি স্বর্ণ বিগ্রহ ভগ্ন করিয়া, সোলতান মাহমুদ যে পরিমাণ উৎকৃষ্ট সুবর্ণ পাইলেন, তাহার ওজন ২৮ হাজার তিন শত মেঞ্চাল হইল। এতদ্ভিন্ন মন্দির মধ্যে দুই শত রৌপ্যময় মূর্তিও ছিল। কিন্তু সেইগুলি ভাঙ্গিয়া ওজন না করিয়া, ঐ অবস্থাতেই গজনীতে প্রেরিত হইল। বিগ্রহ ভগ্নের পর সোলতান সমুদয় দেব মন্দিরগুলি প্রথমতঃ অগ্নি সংযোগে পোড়াইয়া দিতে ও তৎপরে চূর্ণ করিয়া ভূমিসাৎ করিতে অমুমতি দিয়াছিলেন।

মথুরা বিজয়ের পর সোলতান তথা হইতে ১৫০ দেড় শত মাইল পূর্ব-দক্ষিণস্থিত, গঙ্গা তীরবর্তী ব্রাহ্মণপ্রধান কাঙ্ককুজ রাজ্য আক্রমণের ইচ্ছা করিয়া, যাত্রার ফলাফল দেখিবার ইচ্ছায় ঈশ্বরোপাসনাস্থে তাঁহার পবিত্র বাণী কোব্বআন খুলিতেই, “ফতুহ্” শব্দের উপর তাঁহার দৃষ্টি পতিত

হইল। এই “ফতুহ্” অর্থাৎ যুদ্ধ জয় শব্দে হঠাৎ গজনীপতির দৃষ্টি আকৃষ্ট হওয়ায়, তিনি পরমেশ্বর-দ্রোহী পৌত্তলিক ব্রাহ্মণগণের বিরুদ্ধে ধর্মযুদ্ধ করাই খোদাতাআলার অভিপ্রেত বিবেচনায়, অধিকাংশ সেনা মথুরায় রক্ষা করিয়া, অত্যল্প সংখ্যক সৈন্য সমভিব্যাহারে কনোজরাজ কুণ্ডার রায়ের বিরুদ্ধে যাত্রা করিলেন। রাজা, পৌত্তলিকতার ধ্বংসকারী প্রবল পরাক্রান্ত শক্তির আগমন বার্তা পাইয়া, স্বীয় সৈন্য সামন্ত লইয়া চই সাবান তারিখে নগর পরিত্যাগ পূর্বক গঙ্গা পার হইয়া, একজন অধীনস্থ রাজার রাজ্যে আশ্রয় গ্রহণ করিলেন।

এই সময় সোল্তানের আগমনে নগরের অনেক লোক স্ব-ইচ্ছায় পবিত্র ধর্মে দীক্ষিত হইল। মাহমুদ কনোজের সমুদয় দেবমন্দিরগুলি ভূমিসাৎ করিতে আজ্ঞা দিলেন। এই নগরে সেই সময় ক্ষুদ্র বৃহৎ প্রায় দশ সহস্র দেবমন্দির বিদ্যমান ছিল। নগরবাসিগণ তাহাদের নিত্য আরাধনা ও সাধনার ধন, এই বহু শতাব্দীর সযত্ন-রক্ষিত মুক ও বধির দেবমূর্তিগুলির শোচনীয় অবস্থা স্বচক্ষে দর্শন করিবার ভয়ে নগর ছাড়িয়া পলায়ন করিল।

এই স্থান হইতে মাহমুদ, ব্রাহ্মণগণের অধিকৃত অপর একটি দুর্গ, মুঞ্জ আক্রমণ করিলেন। প্রথমতঃ হিন্দু সেনাগণ তাহাদের সাধ্যমত বাধা প্রদান করিল। অবশেষে দুর্ধ্ব মোস্লেম সেনাগণের হস্তে দুর্গ সমর্পণ করিয়া পলায়ন করিতে লাগিল ও অনেকেই এস্লামের তরবারির তলে প্রাণ হারাইল।

অতঃপর সোল্তান একজন হিন্দু রাজাকে কাণ্ডকুজের সিংহাসনে অধিষ্ঠিত করিয়া, বহু সংখ্যক পৌত্তলিক বন্দী ও বন্দিনী এবং বিস্তর ধন-রত্ন ও স্বর্ণ-রৌপ্যাদি লইয়া রাজধানীতে প্রত্যাবর্তন করিলেন। এই অভি-যানে গজনীধিপতি ভারত হইতে এতাদিক নরনারী সঙ্গে লইয়া গিয়াছিলেন

যে——রাজধানীতে গিয়া শেষে উহারা দুই দেহহাম হইতে দশ দেহহাম মাত্র মূল্যে এক একজন বিক্রীত হইতে লাগিল। দূরবর্তী মাওয়ার-আন্—নাহার, ইরাক ও খোরাসান হইতে দাস ব্যবসায়িগণ আসিয়া ভারতের এই অভাগ্য বন্দী ও বন্দিনীগুলিকে কিনিয়া লইয়া গিয়া তাহাদের দেশ পরিপূর্ণ করিতে লাগিল।

দ্বাদশ অভিযান।

হিঃ ৪১২ সালে গজ্জনীপতি সংবাদ পাইলেন যে,— হিন্দুস্তানের কতকগুলি রাজা, কনোজ রাজের গজ্জনীপতির বশতা স্বীকারের জন্ত তাঁহার উপর অসন্তুষ্ট হইয়া তাঁহার রাজ্য আক্রমণ করিয়া রাজাকে নিহত করিয়াছে। এই সংবাদে সোল্তান পূর্বপূর্ব বারের অপেক্ষা অধিক সৈন্য সংগ্রহ করিয়া, তাঁহার চির ঈশ্বিত ও রাজ সিংহাসন অপেক্ষা আনন্দ দায়ক, অশ্ব পৃষ্ঠস্থিত চর্ম নিশ্চিত জিনে আরোহণ করিয়া রাজধানী পরিত্যাগে ভারতের দিকে অগ্রসর হইলেন।

এইবার সোল্তান মাহমুদ লাহোরের পথ দিয়া অগ্রসর হইতে লাগিলেন। তথাকার রাজা পৃথ্বীরাও জয়পাল, এই মোস্লেম বাহিনীর গতিরোধ করা সাধ্যাতীত দেখিয়া বৃন্দলখণ্ডের প্রতাপাধিত রাজা কালিঞ্জর রাজ নন্দের শরণাপন্ন হইলেন। দেখিতে দেখিতে আরও অনেক রাজা মোস্লেমগণের বিরুদ্ধাচরণ করিবার জন্ত সৈন্যে রাজা নন্দের সহিত যোগদান করিলেন।

মাহমুদ যমুনার তীরে আসিয়া দেখিলেন যে, নদীর অপর পার্শ্বে পৃথ্বীরাও জয়পাল, কালিঞ্জর রাজের উৎসাহে উৎসাহিত হইয়া বহু সৈন্য সমভিব্যাহারে তাঁহাকে বাধা দিবার জন্ত অপেক্ষা করিতেছেন। উভয় সৈন্যের মধ্যবর্তী যমুনা নদীও তখন ইঁটিয়া পার হইবার উপযুক্ত নহে।

সোল্তান এই অবস্থা দেখিয়া তাঁহার সেনাগণের প্রতি আর যমুনা পার হইবার অনুমতি দিলেন না।

রাত্রিযোগে গজনীপতির অজ্ঞাতে, তাঁহার দেহরক্ষী সেনা মধ্য হইতে মাত্র আটজন বীর, সমুদ্রণ দ্বারা নদী পার হইল। তৎপরে এই অমিততেজা ধর্ম উৎসাহে উৎসাহিত যুবকাষ্টক বীর হুঙ্কারে পৃথীরাওয়ের সেনা-মধ্যে নিপতিত হওয়ায়, তাহারা অকস্মাৎ ভয়ে অন্তোপায় হইয়া পলায়ন করিতে লাগিল। রাজা জয়পাল কোনমতে তাঁহার সেনাগণকে নিরস্ত করিতে না পারিয়া; শেষে কয়েক জন বিশ্বাসী সেনা সমভিব্যাহারে নিজেও পলায়ন করিতে বাধ্য হইলেন। মোস্লেম যোদ্ধগণ তাহাদের পশ্চাদ্ধাবন করিয়া নিকটবর্তী বারী নগর পর্য্যন্ত পৌছিল, এবং ঐ নগর রক্ষীশূন্য দেখিয়া, তাহারা কতকগুলি দেবমন্দিরে প্রবেশ পূর্বক দেব-মূর্তি ধ্বংস করিয়া চলিয়া আসিল। (তরকতে-আকবরি, নেঙ্গামদীন, ফেরেশ্তা, উৎবী ও আবু রায়হান আল-বিরুনী কৃত তারিখুল হিন্দ)।

এই স্থান হইতে সোল্তান মাহমুদ কালিঞ্জর অভিমুখে গমন করিলেন। রাজা নন্দ এই মোস্লেম শক্তির অন্ত্যর্ধনা করিবার জন্ত ৩৬ হাজার অশ্বারোহী, এক লক্ষ পাঁচ হাজার পদাতিক এবং ছয় শত চল্লিশটি বিশালকার যুদ্ধ মাতঙ্গ প্রস্তুত রাখিয়াছিলেন।

সোল্তান প্রথমেই দূত প্রেরণে পৌত্তলিকতা পরিত্যাগ পূর্বক রাজা নন্দকে এসলাম ধর্ম গ্রহণ করিতে আদেশ করিলেন। রাজা তাঁহার প্রস্তাবে সম্পূর্ণ অসম্মতি প্রকাশ করতঃ, বরং তিনি—“খোদা-তা-আলার সহিত যুদ্ধ করিতে প্রস্তুত” এইরূপ সংবাদ দিয়া পাঠাইলেন।

সন্ধ্যার প্রাক্কালে গজনীপতি একটি উচ্চ পর্বতোপরি দণ্ডায়মান হইয়া শত্রু সেনার অসংখ্যতা নিরীক্ষণ করিতেছিলেন। হিন্দু সেনাগণের দৃঢ়তা দেখিয়া তাঁহার বীর হৃদয়ও কণেকের স্তম্ভ বিচলিত হইয়া উঠিল।

তখন তিনি, এই ধর্মযুদ্ধে জয়লাভের জন্ত পরম করুণা নিদান খোদাতাআলার নিকট কারমনে প্রার্থনা করিতে লাগিলেন।

হঠাৎ রাত্রি সমাগমে রাজা নন্দের প্রাণে যেন কোন দৈব শক্তি প্রভাবে দারুণ শঙ্কার সঞ্চার হইল ও তিনি গোপনে তাঁহার সমস্ত সৈন্য সস্তার পরিত্যাগ পূর্বক, মাত্র কয়েকজন দেহরক্ষী সঙ্গে লইয়া পলায়ন করিলেন।

পরদিবস প্রত্যুসে সৈন্যগণ রাজার হঠাৎ নিরুদ্দেশের কোন কারণ নিরূপণ করিতে সমর্থ না হইয়া, যে যেদিকে পারিল পলায়ন করিতে আরম্ভ করিল। অল্পক্ষণ মধ্যে প্রকাণ্ড সেনা-নিবাস জনশূন্য হইয়া পড়িল। সোল্তান প্রথমতঃ ইহার ভিতর কোন সামরিক দুর্ভঙ্গি নিহিত আছে বিবেচনা, অভিনিবেশ সহকারে অবস্থা পর্যবেক্ষণ মানসে একাকী অস্বারোহণে বাহির হইলেন। পরে ঐ স্থানের মুক্তিকা নিয়ে যুদ্ধ সম্বন্ধীয় কোন কৌশল-জাল রক্ষিত হয় নাই সিদ্ধান্ত করিয়া, স্বীয় সেনাগণের প্রতি লুণ্ঠনের আদেশ প্রদান করিলেন।

বিনা যুদ্ধে নন্দরাজার পাঁচ শত আশিটি উৎকৃষ্ট যুদ্ধ হস্তী ও অনেক রসদ মোসলমানগণের হস্তগত হইল। সোল্তান ঈশ্বরকে আন্তরিক ধন্যবাদ দিয়া এই সমস্ত লইয়া তথা হইতে গজ্জনী প্রত্যাবর্তন করিলেন।
(তব্ কতে আকবরা) •

ত্রয়োদশ অভিযান।

পর বৎসর ৪১৩ হিজরীতে সোল্তান সংবাদ পাইলেন যে—জালালাবাদ ও পৈশাওয়ার মধ্যবর্তী কীরাত ও নূর নামক পার্শ্বতীয় দেশের অধিবাসিগণ দুর্ভঙ্গ পৌত্তলিক এবং সেই সঙ্গে সিংহ উপাসক। তিনি তাঁহার স্বদেশের নিকটবর্তী এই পৌত্তলিকগণকে পবিত্র একেশ্বরবাদিত্বের

উজ্জল আলোক প্রদান করিবার জন্ত মহাব্যস্ত হইয়া, তাহাদের বিরুদ্ধে যাত্রা করিলেন। কীরাত রাজ অচিরে আত্মগত্যা স্বীকার করিয়া এসলাম ধর্ম গ্রহণ করিল। সঙ্গে সঙ্গে তাহার প্রজাবৃন্দ সকলেই মোস্লেম ধর্মে দীক্ষিত হইল।

তৎপর সোল্তান তাঁহার সেনানী সাহেব আলিকে নূর দেশ অধিকার করিতে পাঠাইয়া দিলেন। সৈন্যাদ্যক্ষ অতি সহজে ঐ দেশ জয় করিয়া, তথায় একটা দুর্গ নিৰ্মাণ করিলেন ও আলি-বেন কাদেরকে তথাকার শাসনকর্তা নিযুক্ত করিয়া, সকলে গজনী প্রত্যাবর্তন করিলেন। বলা বাহুল্য এই উভয় দেশের সমস্ত অধিবাসীবৃন্দ পবিত্রে এসলাম ধর্মের আশ্রয় গ্রহণ করিল।

চতুর্দশ অভিযান।

১০২২ খৃষ্টাব্দে সোলতান মাহ মুদ গোয়ালিয়র ও পুনরায় কালিঞ্জর আক্রমণ করিলেন। ইহাই কাহারও মতে সোলতানের পঞ্চদশ বারের ভারত আক্রমণ বলিয়া বিখ্যাত। এই অভিযানে গোয়ালিয়র রাজ অনেক উপঢৌকন প্রেরণ করিয়া গজনীপতির বশতা স্বীকার করিলেন।

তৎপরে মাহ মুদ-বেন-সবকুতগীন ভারতের সর্কাপেক্ষা সুরক্ষিত কালিঞ্জর দুর্গ আক্রমণ করিয়া, দুর্গের চতুর্দিক বেষ্টন করিয়া উহার প্রবেশ দ্বার অবরোধ করিয়া রহিলেন।

দুর্গাধিপ রাজা নন্দরায়, পুনরায় তাঁহার এই দুঃবস্থা দর্শনে গজনী-পতির নিকট তিনশত হস্তী পাঠাইয়া দিয়া সন্ধির প্রার্থনা জ্ঞাপন করিলেন। এই সময় চতুর নন্দরায় মোস্লেম বীরের সামর্থ্য পরীক্ষার্থে এই তিনশত হস্তী, চালকশূণ্ণ অবস্থায় মোস্লেম শিবিরামুখে তাড়াইয়া লইয়া গিয়া সোলতান শিবিরে প্রবেশ করাইয়া দিবার অর্হুমতি দিয়াছিলেন। কিন্তু

তুকী বীরগণ যখন হস্তীগুলির নিকটবর্তী হইয়া, নিজ নিজ পালিত হস্তীর
 ঞ্চার তাহাদের উপর আরোহণ করিয়া উহাদিগকে ইচ্ছামত চালাইতে
 লাগিল, তখন শত্রুপক্ষ তাহাদের এই সাহস ও ক্ষিপ্ৰকারিতা দর্শনে
 চমৎকৃত হইয়া গেল।

সঙ্গে সঙ্গে রাজা নন্দ সোলতানের বশতা স্বীকার সূচক একটি হিন্দী
 স্তুতি কবিতা লিখিয়া মাহমুদ শিবিরে পাঠাইয়া দিলেন। সোলতান
 তাহাতে সন্তুষ্ট হইয়া নন্দরায়কে তাঁহার কালিজ্বর দুর্গ ও আরও চতুর্দশটি
 ক্ষুদ্র-বৃহৎ দুর্গ প্রত্যর্পণ করিলেন। পরে নন্দ প্রদত্ত বহু ধন-রত্ন সঙ্গে
 লইয়া গজ নীতে ফিরিয়া গেলেন।

এইবার রাজধানীতে প্রত্যাভর্তন করিয়া সোলতান মাহমুদ গণনা
 করিয়া দেখিলেন যে,—তাঁহার বিশাল রাজত্বের বিভিন্ন স্থানে তিনি যে
 সমস্ত সৈন্য ও হস্তী রক্ষা করিয়াছেন, তাঁদের রাজধানীতে তাঁহার নিকট
 চুয়ান্ন হাজার উৎকৃষ্ট অশ্বারোহী ও এক সহস্র তিন শত হস্তী উপস্থিত
 রহিয়াছে। (তব্ কতে আকবরী)।

পঞ্চদশ অভিযান।

গুজরাট—সোমনাথ

৪১৬ হিঃ ১০২৪ খৃষ্টাব্দে গজনীপতি সোলতান মাহমুদ গুজরাটের
 (তৎকালীন প্রভাস) পশ্চিম-দক্ষিণে সমুদ্রতীরস্থিত প্রসিদ্ধ দেবমন্দির
 সোমনাথ আক্রমণ করেন।

সোমনাথে ভারতের সর্বপ্রধান ও সর্ববৃহৎ বিগ্রহ ছিল। প্রত্যহ
 ভারতবর্ষের বিভিন্ন প্রদেশ হইতে তীর্থ যাত্রীর সমাগম হইয়া, তথায়
 সকল সময়েই অন্যান্য এক লক্ষ যাত্রী উপস্থিত থাকিত। প্রতিমা

পূজকগণের বিশ্বাস ছিল যে,—মৃত্যুর পর সকলের আত্মা দেহান্তর গ্রহণার্থে তথায় গিয়া উপস্থিত হয়, এবং সমুদ্রও জোয়ার ভাটার অছিলায় সোমনাথের পূজা দিয়া থাকে। এই কারণে ভারতের সমস্ত হিন্দুগণ তাহাদের যাবতীয় মূল্যবান বস্তু দিয়া এই বিগ্রহের পূজা দিতেন। সোমনাথ মন্দিরের পাণ্ডাগণ এই সমস্ত মূল্যবান পূজোপচার গ্রহণে খুবই অবস্থাপন্ন হইয়া উঠিয়াছিল। এতদ্ভিন্ন বিভিন্ন দেশের রাজকুলবর্গ সোমনাথের সেবায় প্রায় দশ সহস্র ক্ষুদ্র-বৃহৎ গ্রাম দান করিয়াছিলেন।

মন্দির মধ্যে বহুমূল্য্য তুশ্রাপ্য রত্নরাজির ঢেরি লাগিয়া রহিত। সোমনাথ তইতে হিন্দুগণের মহা পবিত্র পূত-সলিলা গঙ্গা, সাত শত মাইল দূরবর্তী হইলেও, প্রত্যহ গঙ্গা জলে বিগ্রহ ধৌত করা হইত; এবং এই গঙ্গা জল আনিবার জন্য প্রয়াগ তইতে গুর্জর দেশ পর্য্যন্ত 'এই বছ বিস্তীর্ণ পথে, শত শত লোক অপেক্ষা করিত। সহস্র ব্রাহ্মণ সমন্বয়ে প্রত্যহ বিগ্রহের নিকট পূজাপাঠ করিতেন, এবং তৎসঙ্গে মন্দির দ্বারে সাড়ে তিন শত পুরুষ ও কুমারী বন্দী একত্রে নাচিয়া নাচিয়া সোমনাথ দেবের শুব-স্তুতি গাহিত। ইহারা প্রত্যেকেই উপযুক্ত বেতন পাইত।

সোলতান মাহমুদ যে সময়ে ভারতের অন্তান্ত দেশ সকল জয় করিয়া বিগ্রহ ধ্বংস করিতেছিলেন; সেই সময় হিন্দু জনসাধারণের ধারণা হইয়াছিল যে—সর্বপ্রধান জাগ্রত দেবতা সোমনাথ, এই সমস্ত ক্ষুদ্রকার্য বিগ্রহগুলির উপর অসন্তুষ্ট হইয়াছেন; নতুবা মোসলমানেরা কোন মতেই উহাদিগের অনিষ্ট সাধন করিতে পারিত না। যথার্থ একেশ্বরবাদী সনাতন ধর্ম্মানুরাগী ধর্ম্মপ্রাণ সোলতান মাহমুদ, লোক পরম্পরায় প্রতিমা পূজকগণের এই অন্ধ বিশ্বাসের সংবাদ পাইয়া, সোমনাথ বিগ্রহ চূর্ণ করণার্থে দৃঢ় প্রতিজ্ঞ হইলেন। তাহার মনে ধারণা হইল যে—এই সর্বজন-পূজিত সোমনাথের ছরবস্থা করিয়া ও পৌত্তলিকগণকে ইহার

অপদার্থতা দেখাইয়া, এই মানব হস্ত নিৰ্মিত প্রস্তর খণ্ডের যে কোনই ক্ষমতা নাই, ইহা তাহাদের চক্ষের সম্মুখে প্রতিপন্ন করিতে পারিলে, নিশ্চয় তমসচ্ছন্ন প্রস্তর পূজকগণ, আগ্রহের সহিত সত্য-সনাতন একেশ্বরবাদী পবিত্র ধর্মের আশ্রয় গ্রহণ করিবে।

এই দৃঢ় বিশ্বাসের বশবস্তী হইয়া ধার্মিক-প্রবর বীর শাদ্দুল মাহ্-মুদ, ১০ই সাবান তারিখে মাত্র ত্রিংশ সহস্র অশ্বারোহী যোদ্ধাসহ মুল্তানের পথে অগ্রসর হইতে লাগিলেন; এবং পবিত্র রমজান মাসের মধ্যভাগে মুল্তানে পৌঁছিলেন। তথা হইতে জলশূন্য মরু মধ্য দিয়া হিন্দুস্তানে প্রবেশের রাস্তার অবস্থা স্মরণ করিয়া, তিনি প্রচুর পরিমাণে রসদ ও পানীর জল সংগ্রহ করিলেন। পরে ঐ সমস্ত দ্রব্য ৩০,০০০ সহস্র উষ্ট্র পৃষ্ঠে বোঝাই করিয়া, ৫০০ শত মাইল দক্ষিণস্থিত আনহাল্‌ওয়ারা অভিমুখে যাত্রা করিলেন।

মরুভূমি পার হইয়াই মাহ্-মুদ জন-সমাকীর্ণ একটি নগর এবং তন্মধ্যে একটি প্রাচীন পার্বত্য দুর্গ ও বিস্তর দেবমন্দির, এবং পানীর জলের সুন্দর সুন্দর ইন্দারা দেখিতে পাইলেন। তিনি ঐ সমস্ত দেবমন্দির ধ্বংস করিয়া নগরবাসিগণকে এসলাম ধর্ম গ্রহণ করিতে আহ্বান করায়, তাহারা অসম্মতি প্রকাশ করিল; তখন সোল্তান রাগান্ন হইয়া তাহাদের মধ্যে অনেককেই তরবারির আঘাতে বধ করিলেন। শেষে তথা হইতে পানীর জল সংগ্রহ করিয়া আনহাল্‌ওয়ারা অভিমুখে অগ্রসর হইতে লাগিলেন; এবং জিল্‌কদ মাসের শেষভাগে তথায় আসিয়া পৌঁছিলেন।

আনহাল্‌ওয়ারার রাজা ভীম সিংহ, মোসলমানগণের আগমন বার্তা পাইয়াই রাজধানী পরিত্যাগ পূর্বক পলায়ন করিল। তৎপরে আমিন-উদ্-দৌলা সোল্তান মাহ্-মুদ, বালুকামরু মরুভূমির উপর দিয়া দুই শত মাইল দক্ষিণ—দক্ষিণ পশ্চিমে গুর্জর দেশস্থিত আরব সাগরের

তীরবর্তী ভারতের সর্বপ্রধান হিন্দু তীর্থ সোমনাথের দিকে অগ্রসর হইতে লাগিলেন। পথে ক্ষুদ্র বৃহৎ দেবমন্দির সকল ধ্বংস করিতে করিতে অগ্রসর হইবার কালে, একস্থানে ২০,০০০ সহস্র হিন্দু সেনা তাঁহার গতিরোধ করিল। বীরকেশরী অনারাসে তাহাদিগকে পরাভূত করিয়া, এবং তাহাদের দেশ লুণ্ঠন করিয়া, সোমনাথ হইতে দুই দিবসের পথে দেবালওয়ারায় পৌঁছিলেন। সেই স্থানের অধিবাসীবৃন্দ ও সেনাগণ কর্তৃক তিনি সোমনাথের দিকে অগ্রসর হইবার পথে আবার বাধা প্রাপ্ত হইলেন বটে, কিন্তু যুদ্ধবিজ্ঞান অনভিজ্ঞ দুর্বল হিন্দু সেনাগণ, তৎকালীন জগতের অদ্বিতীয় বীরেন্দ্র মাহমুদের সুশিক্ষিত সৈন্যগণের নিকট প্রভঞ্জন-সম্মুখে ধূলিকণার স্রায় উড়িয়া অদৃশ্য হইয়া গেল।

জিল্-হজ্জ মাসের মধ্যভাগে বৃহস্পতিবারে সোলতান মাহমুদ সোমনাথে গিয়া পৌঁছিলেন। এই সময় সমুদ্র-তীরে দুর্গ-প্রাকারের উপর হিন্দু সৈন্যগণ বসিয়া, মনে মনে এইবার তাহাদের দেবাদিদেব সোমনাথের দ্বারা মোস্লেম-সেনাগণের সমূলে ধ্বংস কল্পনা করিয়া আনন্দে বিভোর হইতেছিল। হঠাৎ শুক্রবার প্রাতে সোলতানের কতকগুলি সৈন্য তাহাদিগকে আক্রমণ করিল। মুষ্টিমেয় মোস্লেমের আক্রমণে, চির-দুর্বল ভীকু প্রতিমা-পূজক সেনাবৃন্দ ভয়ে প্রাচীর পরিত্যাগপূর্বক দুর্গমধ্যে অবতরণ করিয়া লুকায়িত হইল। তখন দুর্দর্শ তুর্কি ও আফ্গান যোদ্ধাগণ রজ্জু-নির্মিত সিঁড়ি অবলম্বনে, দুর্গ-প্রাকার উল্লঙ্ঘন পূর্বক “আল্লাহো-আকবর” রবের সহিত এম্লামের ক্ষমতা প্রদর্শন করিতে আরম্ভ করিল। এই সময় মোস্লেম-সেনাগণ কর্তৃক যে বীভৎস হত্যাকাণ্ডের অভিনয় হইয়াছিল, তাহা লেখনী মুখে বর্ণনা করা যায় না। একদল হিন্দু সেনা, সোমনাথের প্রস্তরময় মূর্তির সন্নিকটে আসিয়া ভূপতিত হইয়া, তাহাদের সে পূজা অর্চনার শ্রেষ্ঠ কেন্দ্র-সমীপে যুদ্ধ-জয় ভিক্ষা করিতে লাগিল। কিন্তু

তাহারা দেখিল—ইন্দ্রিয়-শক্তি-বর্জিত পাষণ মূর্তির অস্বপ্নেদ্রিয় তাহাদের প্রার্থনার দ্রবীভূত হইল না। ক্রমে রাত্রি সমাগত হওয়ার মোস্লেমগণ সে দিনকার মত রণে ক্ষান্ত হইলেন।

পরদিন সূর্যোদয়ের সঙ্গে সঙ্গে মোস্লেম-বীরগণ পুনরায় তরবারি গ্রহণ করিলেন। এবার মন্দির-রক্ষী হিন্দু সেনাগণ ধর্মার্থে প্রাণ দিতে কৃত-সঙ্কল্প হইয়া, যে কোন প্রকারে মোসলমানদিগকে বিতাড়িত করিতে বদ্ধপরিকর হইল। উভয় পক্ষে ঘোরতর যুদ্ধ বাধিবার উপক্রম হইল। তরবারির যুদ্ধে হিন্দু সেনাগণের স্থান তুর্কি ও আফ্গান অসি-ব্যবসায়ী বীরগণের বহু পশ্চাতে থাকায়, তাহারা যুদ্ধারম্ভেই পশ্চাৎ হটিয়া প্রাণ বাঁচাইবার জন্য মন্দিরের দ্বারের দিকে পলাইতে লাগিল। সঙ্গে সঙ্গে মোস্লেম-বীরগণ অগ্রসর হইয়া ও সোমনাথের মন্দিরদ্বার সমীপে তাহাদিগকে ভীষণরূপে আক্রমণ করিয়া, পৌত্তলিকগণের রক্তশ্রোতে মন্দিরদ্বার ও প্রাঙ্গণ বিধৌত করিয়া দিলেন। দলে দলে হিন্দু সেনা বিগ্রহের সম্মুখীন হইয়া, সোমনাথসমীপে গলগল-বস্ত্র হইয়া করজোড়ে করুণা ভিক্ষা করিতে লাগিল, এবং দ্বার-সাম্নিধ্যে পুনরাগমন করিয়া শেষে মোস্লেম-অসি তলে মৃত্তিকা চুষন করিতে লাগিল। কতকগুলি মন্দির-রক্ষী সেনা নৌকাযোগে পলায়ন প্রত্যাশায় সমুদ্র বহিয়া যাইবার পথে, মোস্লেমগণ কর্তৃক আক্রান্ত হইয়া কেহ ডুবিয়া মরিল, কেহ বা অস্ত্রাঘাতে প্রাণ হারাইল।

এই সময়ে ধর্মোন্মত্ত বীর আমিন-উদৌলা সোল্তান মাহমুদ মন্দির মধ্যে প্রবেশ করিয়া নিজ হস্তে তাহার প্রকাণ্ড যুদ্ধ-কুঠারাঘাতে বিগ্রহের মস্তক চূর্ণ করিলেন।

সোমনাথ মূর্তিটি একখণ্ড প্রস্তর হইতে খোদাই করিয়া বাহির করা অন্তশূন্য একটি পাঁচ হস্ত উচ্চ ও তিন হস্ত পরিধিবিশিষ্ট বিগ্রহ ছিল।

উহার নিম্নার্ধ মৃত্তিকায় প্রোথিত থাকিত। ভজনকক্ষ মধ্যে বাহিরের আলোক প্রবেশাধিকার না পাইলেও, আভ্যন্তরীন মণিমাণিক্যের উজ্জল জ্যোতিতে ঘরটিকে সর্বক্ষণ যেন জ্যোতির্ময় করিয়া রাখিত।

সোল্তান বিগ্রহ ভগ্ন করিবার উদ্দেশ্যে এই ঘরে প্রবেশ করিবার উপক্রম করিলে, বহু সংখ্যক ব্রাহ্মণ করজোড়ে তাঁহাকে এই কার্য্য হইতে বিরত হইবার জন্ত অহুন্নয় বিনয় করিল, এবং ইহার পরিবর্তে তাঁহার রাজকোষে কয়েক কোটি স্বর্ণ মুদ্রা দিতে চাহিয়াছিল। বিপন্ন ব্রাহ্মণগণের এই কাতরোক্তিতে তাঁহার অধীনস্থ কয়েকজন ওমরাহ, দয়াপরবশ হইয়া, সোল্তানকে এই প্রস্তাবে সম্মত হইতে অনুরোধও করিয়াছিলেন। কিন্তু ধর্ম্মপ্রাণ মাহ্মুদ তাহাতে উত্তর করিলেন যে—

“আমি সমস্ত অবস্থা বুঝিতেছি, কিন্তু রোজ হাশরে (শেষ বিচারের দিন) আমি স্বর্ণ মুদ্রার বিনিময়ে পৌত্তলিকগণকে দেবমূর্ত্তি বিক্রয়কারী মাহ্মুদ অপেক্ষা, ঈশ্বরজ্যোহীগণের প্রধান দেবমূর্ত্তি ভগ্নকারী মাহ্মুদ বলিয়া অভিহিত হইতে বাসনা করি।”

সোল্তান এই দেবমূর্ত্তি ভগ্ন করিয়া তন্মধ্যে এত অধিক বহুমূল্য হীরক-আদি সযত্নরক্ষিত রত্ন পাইয়াছিলেন যে—ঐ সমস্ত রত্নের মূল্য ব্রাহ্মণগণের অঙ্গীকৃত স্বর্ণ মুদ্রার শতগুণ অধিক হইবে।

সোমনাথের মূর্ত্তির ভগ্ন অংশগুলির মধ্যে কিয়দংশ সোল্তান গজ্নীতে পাঠাইয়া দিয়া, অবশিষ্ট মক্কা, মদিনা ও অপরাপর মোসলমান রাজ্যের প্রধান নগরসমূহে পাঠাইয়া দিলেন। গজ্নীতে এই বিগ্রহের অংশ জামে মসজিদের প্রবেশদ্বারের চৌকাঠের নিম্নে গাঁথিয়া রাখা হইল। আজ পর্য্যন্ত ঐ বিগ্রহাংশ সেইস্থানে বর্ত্তমান আছে।

সোমনাথের মূর্ত্তির সন্নিকটে দুই শত ভারতীয় মনের ওজনের একটা স্তূর্ণ নিম্নিত লক্ষমান শিকলে একটা বৃহদায়তন ঘণ্টা দৌহল্যমান ছিল।

প্রহরে প্রহরে পূজা পাঠার্থে নূতন নূতন ব্রাহ্মণগণকে আহ্বান করিবার জন্ত এই ঘটীর শব্দ করা হইত। পার্শ্ববর্তী তোষাখানায় বিস্তর স্বর্ণ-নির্মিত দেবমূর্তি রক্ষিত ছিল, এবং তাহাদের মস্তকোপরি বহু মূল্যবান মণি-মুক্তার ঝালরযুক্ত চন্দ্রাতপ বিস্তৃত হইয়াছিল। এই সমস্ত দ্রব্যসহ সোমনাথ ধ্বংস করিয়া গজ-নীপতি এত অধিক মণি-মাণিক্য পাইয়াছিলেন যে—পৃথিবীর কোন রাজা এত রত্ন কখনও একত্রে অবলোকন করেন নাই বলিলে অত্যাঙ্কি হয় না।

সেই সময়ের প্রথানুসারে দূরবর্তী রাজ্যের রাজতনয়াগণ পর্যন্ত কুমারী অবস্থায় মন্দিরে আসিয়া, কিছুদিন ধরিয়া সোমনাথ দেবের মনস্তৃষ্টির জন্ত, তাহার নর্তকী ও গায়ীকারূপে মন্দিরে অবস্থান করিতেন। চন্দ্র ও সূর্য গ্রহণের সময়ে কখন কখন দূর-দূরান্তরের যাত্রীর সংখ্যা এখানে দুই লক্ষেরও অধিক হইত; এবং সকলেই মুক্ত হস্তে মূল্যবান দর্শনী প্রদানে বিগ্রহ দর্শন করিতেন।

সোমনাথ ধ্বংস ও এই মহাবিজয়ের সংবাদ পাইয়া খলিফা কাদের-বিলাহ সোলতান মাহমুদকে খোরাসান, হিন্দুস্তান, নিমরোজ ও খাওয়ারিজমের রাজাধিরাজ খেতাবে ভূষিত করিলেন ও তাঁহার পুত্রগণের উপর সোলতান উপাধি অর্পণ করিলেন। এতদ্ব্যতীত সোলতান কাহফ-দৌলত-অল-এসলাম (এসলামের রাজ্য ও ধর্ম রক্ষক) তাঁহার মাহমুদকে খলিফা, জ্যেষ্ঠ পুত্র আমীর মসুদকে শাহাব-দৌলত-অ-জামা-উল-মেলাত, মধ্যম আমীর মোহাম্মদকে জালাল-দৌলত-অ-জামা-উল-মেলাত এবং কনিষ্ঠ ইউসফকে আজাদ-দৌলত-অ-মুজ্জদুল-মেলাত উপাধিতে ভূষিত করিলেন।

ষোড়শ অভিযান ।

পর বৎসর ৪১৭ হিঃ ১০২৬ খৃষ্টাব্দে সোলতান মাহমুদ ভারতে তাঁহার শেষ বা ষোড়শ অভিযান করিলেন । এই ষোড়শ বা সপ্তদশ আক্রমণে তিনি হুর্দাস্ত জাঠ্দিগকে সিন্ধু নদীর জলযুদ্ধে দস্তুর মত নাকানি-চোকানি খাওয়াইয়া রাজধানী প্রত্যাবর্তন করেন ।

শেষে হিঃ ৪১৯ সালের ২৩ রবিয়ল আখের তারিখে ১০২৮ খৃঃ ৩রা এপ্রিল, জগতের অদ্বিতীয় বীর ধর্মপ্রাণ রাজাধিরাজ আমিন-দৌলা, নেজাম-উদ্দীন কাহফ্-দৌলত-আল-এসলাম সোলতান আবুল কাসেম মাহমুদ ৩৬ বৎসর রাজত্ব করিবার পর, ৬১ বৎসর বয়সে, তাঁহার চিরপ্রিয় রাজধানীগজনী নগরে ইহলীলা সম্বরণ করিলেন । ধার্মিক মোসলমানগণ এখনও তাঁহার সুদৃশ্য সমাধি পরিদর্শন করা ধর্মকার্য্য বিবেচনা করিয়া থাকেন ।

পৌত্তলিকতার উচ্ছেদ সাধন দ্বারা সত্য সনাতন ঐশ্বরিক ধর্মের আলোক বিকীর্ণ করাই তাঁহার জীবনের প্রধানতম উদ্দেশ্য ছিল । এবং সেই ধর্মার্থে যুদ্ধ ব্যতীত বীরপূজব মাহমুদ বে অকারণে ঐশ্বরের সৃষ্ট কোন মানবের প্রাণনাশ করেন নাই, একথা আমরা দৃঢ়তার সহিত বলিতে পারি । রাজ্য জয় গজনী অধিপতির অভিপ্রেত হইলে, তিনি ভারত দূরের কথা, সমাগরা পৃথিবীর অন্যান্য অর্দ্ধাংশের রাজাধিরাজ বলিয়াও ঘোষিত হইতে পারিতেন । তিনি গুণীর গুণগ্রাহী ও বিদ্যোৎসাহী ছিলেন । সর্বশাস্ত্রজ্ঞ পণ্ডিতমণ্ডলী তাঁহার রাজসভা আলোকিত করিয়া থাকিতেন । (১। আল-উৎবীকৃত কেতাবল্ এমিনী ২ । আবু ওমর মেন্হাজদ্দীন কুতু তব্ কতে নসিরী ৩ । এব্নে আসির সম্পাদিত কামেলাতোত্ তওয়ারিখ ৪ । রওজাতুস সাফা ৫ । জমিওতত্ তওয়ারিখ ৬ । হবিবোস্ সিয়াস) ।

নবম সর্গ

সোলতান মাহ্‌মুদের মৃত্যুর সময়ে তাঁহার জ্যেষ্ঠ পুত্র মস্‌উদ, পারশ্বের হামাদান প্রদেশের শাসনকর্তা নিযুক্ত থাকায়, তাঁহার অন্তঃপত্তি কালে, ওমরাহ্‌বর্গ একমত হইয়া, মধ্যম যুবরাজ সোলতান মোহাম্মদকে সিংহাসনা-
রূঢ় করিলেন। কিন্তু এই নবীন যুবক অতিশয় নয় প্রকৃতির থাকায়, এই
বিশাল সাম্রাজ্য রক্ষার সম্পূর্ণ অন্তঃপত্তি বিবেচিত হইতে লাগিলেন। সাত
মাস পরে মস্‌উদের বন্ধুবর্গ তাঁহাকে তাঁহার রাজত্ব হামাদান হইতে
ডাকাইয়া আনিয়া মোহাম্মদকে সিংহাসনচ্যুত করিয়া জ্যেষ্ঠ মস্‌উদকে
তাঁহার পিতৃ-সিংহাসনে বসাইলেন।

মাহ্‌মুদ পুত্র সোলতান মস্‌উদ, নাসের উদ্দীন নাম ধারণে গজনীতে
আধিপত্য করিতে লাগিলেন। তিনি একদিকে যেমন সাহসী বীর
তদ্রূপ অপর পক্ষে মহান্ উদার প্রকৃতির লোক ছিলেন। তাঁহার
শারীরিক বল এত অধিক ছিল যে,—তৎকালে রাজ্যমধ্যে কেহই তাঁহার
নিত্য ব্যবহার্য্য যুদ্ধ-কুঠার ভূমি হইতে এক হস্তে উত্তোলন করিতে
সমর্থ হইত না। সোলতান মস্‌উদ, শর নিষ্ফেপ দ্বারা অনায়াসে একটা
পূর্ণবয়স্ক হস্তী ভেদ করিতে পারিতেন।

পিতা তাঁহার এই জ্যেষ্ঠ পুত্র অপেক্ষা মধ্যম মোহাম্মদকে অধিক স্নেহ
করিতেন; কিন্তু সঙ্গে সঙ্গে তিনি মস্‌উদকে ভয়ও করিতেন। শেষ
জীবনে সোলতান মাহ্‌মুদ বাগ্‌দাদের খলিফাকে লিখিত অনুরোধ করিয়া

তঁাহার মৃত্যুর পর এই মধ্যম পুত্রের নামে খোত বা পাঠের অনুমতি পত্র আনাইয়াছিলেন। এই বিষয় লইয়া সোল্তানের দরবারের একজন ওমরাহ্ খোয়াজা আবু-নসর মেশ্‌কান, মাহ্‌মুদকে জিজ্ঞাসা করায় বাদশাহ্ উত্তর করিয়াছিলেন—

“আমি বিশেষরূপে অবগত আছি—কুমার মস্‌উদ সকল বিষয়ে কুমার মোহাম্মদ অপেক্ষা উপযুক্ত, এবং ইহাও সুনিশ্চিত যে আমার মৃত্যুর পর মস্‌উদই আমার এই বিশাল রাজ্যের অধীশ্বর হইবে। আমি সেই জগুই আমার জীবিত কালে এই গরীব বেচারাকে সামান্য একটু মান দান করিতে ইচ্ছা করি।”

পিতার উক্তি ও তৎসহ খলিফার পত্রের মর্ম্ম কুমার মস্‌উদের কর্ণে প্রবেশ করার তিনিও বলিয়াছিলেন যে—

“এ বিষয়ে কোনই চিন্তার কারণ নাই। নিশ্চয়ই লেখনী অপেক্ষা তরবারির ভবিষ্যৎ ব্যক্ত করিবার ক্ষমতা অধিক।”

তৎপরে সোল্তান মাহ্‌মুদ ইরাক জয় করিয়া জ্যেষ্ঠ পুত্র মস্‌উদকে ইরাকের শাসনকর্ত্তা নিযুক্ত করিলেন, এবং সেই সঙ্গে হিরাত ও খোরাসান তঁাহার শাসনাধীন করিয়া দিলেন।

ইস্পাহান জয় করিবার পর, মস্‌উদ নিজে রী, কাজ্‌উইন ও হামাদান এবং তারাম্‌ দেশ অধিকার ভুক্ত করিলেন। এই সকল বিজয়ের পর সোল্তান মস্‌উদও পৃথক ভাবে বাগ্‌দাদের খলিফার নিকট হইতে সম্মান পাইয়াছিলেন।

সিংহাসনারোহণের পর হিঃ ৪২২ সালে তিনি প্রথমতঃ পারস্যে ও তৎপরে মাক্রানে অভিযান করেন। দুই বৎসর ধরিয়া সোল্তান মস্‌উদকে পারস্য লইয়া এত অধিক বিব্রত হইতে হইয়াছিল যে, তিনি হিন্দুস্তানের দিকে আদৌ দৃষ্টিপাত করিতে পারেন নাই। পরে ৪২৬

হিজরীতে মস্উদ কাশ্মীরের দিকে সসৈন্তে অগ্রসর হইলেন। পথে শুব্‌শুতি দুর্গ আক্রমণ করায়, দুর্গাধিপ এই অবস্থায় তাহার নিকট বহু উপঢৌকন দিতে স্বীকৃত হইয়া দূত প্রেরণ করিলেন। সোলতান মস্উদ দূতের প্রস্তাবে সম্মতি জ্ঞাপন করিবার উদ্যোগ করিতেছেন, এমনকালে দুর্গ মধ্যে অবরুদ্ধ কতকগুলি মোসলমান্ সওদাগরের নিকট হইতে একখানি আবেদন পত্র পাইলেন। তাহাতে লেখা ছিল যে—

“এই এসলাম ধর্মাবলম্বী সওদাগরের দল, ব্যবসা করিবার উদ্দেশ্যে এই পথ দিয়া যাইবার কালে শুব্‌শুতি দুর্গ রক্ষক অন্তায় মতে তাহাদিগকে ধরিয়া, তাহাদের সমস্ত ধন সম্পত্তি কাড়িয়া লইয়া তাহাদিগকে আবদ্ধ করিয়া রাখিয়াছে। দুর্গাধিপের অবস্থা এক্ষণে ততদূর স্বচ্ছল নহে। রসদ প্রায় শেষ হইয়া আসিয়াছে। যদি মহামাত্ত সোলতান আর সামান্য কয়েকদিন কেবল দুর্গাবরোধ করিয়া রাখেন, তাহা হইলে দুর্গাধিপকে শীঘ্রই আত্মসমর্পণ করিতে হইবে।

পত্র পাঠে সোলতান অগ্নিশর্মা হইয়া, তৎক্ষণাৎ দুর্গ আক্রমণের অনুমতি প্রদান করিলেন। মোস্লেম সেনাগণ নিকটবর্তী ইক্ষুক্ষেত্র হইতে ইক্ষু কাটিয়া তদ্বারা দুর্গ পরিখা ভরাট করিতে লাগিল। তৎপরে দুর্গ-প্রাকার উল্লঙ্ঘনে দুর্ধর্য মোস্লেম বীরগণ ক্রোশাক হইয়া দুর্গাভ্যন্তরস্থ সমস্ত হিন্দু সেনাগণকে তরবারির আঘাতে বিনাশ করিলেন। সোলতান মস্উদ অবরুদ্ধ মোস্লেম ব্যবসায়ীগণকে কারামুক্ত করিয়া, তাহাদের প্রায় সমুদয় লুণ্ঠিত দ্রব্য তাহাদিগকে প্রত্যর্পণ করিতে কৃতকার্য হইলেন। এই কার্য দ্বারা সোলতান একদিকে যেমন ভারতের মোসলমানগণের পরম ভক্তিশ্রদ্ধা অর্জন করিলেন, সঙ্গে সঙ্গে অপর পক্ষে তেমনি হিন্দুদিগের আতঙ্ক বর্ধন করিলেন।

৪২৭ হিঃ ১০৩৪ খৃষ্টাব্দে সোলতান পার্শ্বতীর সওয়ালেক্ প্রদেশে

অভিযান করেন ; এবং পাঁচ দিন ধরিয়া অবিশ্রান্ত যুদ্ধের পর, তথাকার প্রসিদ্ধ অজের দুর্গ হান্সী অধিকার করিলেন । এই দুর্গ মধ্যে সোলতান বিস্তর অর্থ পাইয়াছিলেন ।

হান্সী দুর্গ জয়ের পর তথা হইতে সোলতান মসুউদ দিল্লীর ৪০ মাইল দূরবর্তী হিন্দু তীর্থ সুনপথে যাত্রা করিয়া তথাকার প্রসিদ্ধ দেবমন্দির ধ্বংস করিলেন । তৎপরে লাহোরে প্রত্যাবর্তন পূর্বক, জ্যেষ্ঠ পুত্র মউদুকে তথাকার শাসনকর্তা নিযুক্ত করিয়া গজনী প্রত্যাবর্তন করিলেন ।

ইহার পর সোলতান মসুউদ আর ভারতে পদার্পণ করেন নাই । শেষ অবস্থায় তাঁহাকে মার্ত ও সারাকশ দেশে সলজুকদিগের বিদ্রোহ দমন করিতে বড়ই কষ্ট পাইতে হইয়াছিল । তিনবার তিন সলজুকগণকে বিতাড়িত করিতে কৃতকার্য হইয়াছিলেন ; কিন্তু চতুর্থবারে তেলিকানে তিন দিন ধরিয়া ঘোরতর যুদ্ধের পর চতুর্থ দিবসে শুক্রবারে সোলতান মসুউদ সম্পূর্ণরূপে পরাজিত হইয়া, খোরাসান সীমান্ত হইতে চিরকালের মত বিতাড়িত হইলেন । খোরাসান প্রদেশ সলজুকগণের হস্তগত হইল ।

অতঃপর আর একবার সোলতান হিন্দুস্থান অভিমুখে যাত্রা করিয়াছিলেন, কিন্তু পথে মার্গালী গিরিবন্ডে তাঁহার অধীনস্থ তুর্কি ও হিন্দী সৈন্যগণ বিদ্রোহী হইয়া তাঁহাকে বন্দী করিয়া কিরী দুর্গে আবদ্ধ করিল । তথায় ১০৪০ খৃষ্টাব্দে হিঃ ৪৩২ সালে তিনি বিদ্রোহী সেনাগণ কর্তৃক নিহত হইলেন ।

মউদুদ

সোলতান মসুউদের অবর্তমানে তাঁহার জ্যেষ্ঠ পুত্র মউদুদ, গজনীতে পিতার অধীনস্থ শাসনকর্তা-স্বরূপ রাজকার্য্য চালাইতে ছিলেন । সোলতানের হত্যার সংবাদ পাইয়া মউদুদ, শাহাব-দৌলা আবু সাঈদ

নাম ধারণে গজনীর সিংহাসনে আরোহণ করিলেন ; এবং পিতৃ-হত্যার প্রতিশোধ লইবার জন্ত সৈন্য সংগ্রহ করিয়া হিন্দুস্থানের দিকে ধাবিত হইলেন। হিন্দের অনেক রাজা ও শাসনকর্তা তাঁহার বশতা স্বীকার করিলেন। অনেক মাহ্মুদী ও মাসুউদী তুর্কি বাহারা ইতিপূর্বে তাঁহার পিতার বিরুদ্ধে অস্ত্র ধারণ করিয়াছিল, তাঁহার নিকট আগমন করিয়া আত্ম-সমর্পণ করিতে লাগিল। সোলতান মউদ্দুদ তাঁহার খুল্লতাত মোহাম্মদকেই তাঁহার পিতৃ-হত্যার মূলীভূত হেতু সিদ্ধান্ত করিয়া, তাঁহাকে ও তাঁহার সহিত যে সমস্ত তুর্কি ও তাজিক যোগ দিয়াছিল, তাহাদের সকলকে হত্যা করিলেন। তৎপরে সোলতান মউদ্দুদ গজনীতে প্রত্যাবর্তন করিয়া নয় বৎসর রাজত্ব করিবার পর ৪৪১ হিজরীতে মাত্র ৩৯ বৎসর বয়সে মানবলীলা সম্বরণ করিলেন। সোলতান মউদ্দুদের রাজত্ব শেষ হইবার কালে লাহোর ব্যতীত মাহ্মুদের অধিকৃত হিন্দুস্থানের প্রায় সকল রাজ্যই ক্রমে মোসলমানগণের হস্তচ্যুত হইতে লাগিল। হিঃ ৪৩৫ সালে দিল্লীর রাজা, গজনীর অবস্থা ক্রমশঃ শোচনীয় হইতেছে দেখিয়া, পাঞ্জাবের সমুদয় হিন্দু রাজাগণের সহিত পরামর্শ করিয়া, মোসলমানগণকে ভারতবর্ষ হইতে তাড়াইয়া দিবার সঙ্কল্প করিয়াছিলেন।

রাজা এই সিদ্ধান্তে উপনীত হইবার জন্ত এক অভিনব উপায় উদ্ভাবন করিয়া চতুর্দিকে প্রচার করিয়া দিলেন যে,—

নগরকোটের দেব মন্দিরস্থ হিন্দুগণের পরমারাধ্য দেবতা, যাহা সোলতান মাহ্মুদ অস্ত্রায় মতে ভগ্ন করিয়াছিলেন ; সেই দেবতা রাজাকে স্বপ্নে এইরূপ প্রত্যাদেশ করিয়াছেন—

“হিন্দুগণের দেবতার অভিসম্পাতে গজনীতে এক্ষণে গৃহ বিচ্ছেদ লাগিয়া গিয়াছে। রাজা এই সময় সর্বসম্মতে নগরকোট বাইলে, দেবতা সাহায্য করিয়া ঐ দুর্গ মোসলমানগণের হস্তচ্যুত করিয়া রাজাকে প্রত্যর্পণ

করিবেন ; এবং রাজা দেব মন্দিরের মধ্যেই বিগ্রহ পুনঃ প্রতিষ্ঠিত দেখিতে পাইবেন ।”

এই স্বপ্নঘটিত অলৌকিক সংবাদ প্রচার করিয়া দিল্লীখর বহু হিন্দু রাজার সহায়ত্ব পাইলেন, এবং এইরূপে অনেক সৈন্য একত্রিত করিয়া রাজা নগরকোট আক্রমণে বহির্গত হইলেন ।

নগরকোট সেই সময় একদল অল্পসংখ্যক প্রবল মোসলেম সেনার সেনা নিবাস ছিল মাত্র । কিন্তু রাজা উহাদের সহিত সশ্রুত যুদ্ধ করিতে সাহসী না হইয়া, উহাদের রসদ বন্ধ করিবার অভিপ্রায়ে, অধীনস্থ বহু হিন্দু সৈন্য দ্বারা দুর্গাবরোধ করিয়া রাখিলেন ।

সম্পূর্ণ চারি মাস কাল অবরুদ্ধ থাকার পর, মোসলেম সেনাগণ অগত্যা রাজার নিকট আত্ম-সমর্পণ করিল । রাজা পূর্ব হইতেই নষ্ট বিগ্রহের অনুরূপ একটা মূর্তি গোপনে প্রস্তুত করাইয়া রাখিয়া ছিলেন । তিনি দুর্গে প্রবেশ করিয়াই সর্বপ্রথমে মন্দিরাভ্যন্তরে গমন করিয়া, যথাস্থানে সন্মোপনে ঐ মূর্তি সংস্থাপিত করিয়া, যেন দেখিয়া আশ্চর্য্যান্বিত হইলেন এই ভাণ করিয়া, সমুদয় হিন্দু সেনাগণকে ডাকিয়া উহা দেখাইতে লাগিলেন ।

অচিরে এই সংবাদ ভারতের সকল স্থানে প্রচার হইয়া পড়ায়, দলে দলে পৌত্তলিকগণ আসিয়া এই দেব মূর্তি দর্শন করিয়া ধস্ত হইতে লাগিল । সঙ্গে সঙ্গে সমস্ত হিন্দু ভূপালগণ এই ব্যাপারে আশ্চর্য্যান্বিত হইয়া, দিল্লীখরের সহিত যোগ দিয়া মোসলমানগণকে ভারতবর্ষ হইতে বিতাড়িত করিতে দৃঢ় প্রতিজ্ঞ হইলেন ।

সোলতান মউতুদের পর তুর্কি সেনাপতি ও ওমরাহগণ এক সঙ্গে মসউদ-পুত্র আলি ও মউতুদ-পুত্র মোহাম্মদ, এই দুই খুলতাত ও ব্রাতৃ-পুত্রকে একসঙ্গে গজনীর সিংহাসনে অধিষ্ঠিত করিলেন । আবার এই দুই

জনই রাজকার্য পরিচালনের সম্পূর্ণ অযোগ্য বিবেচিত হওয়ায়, তাঁহারা দুই মাসের মধ্যে উভয়কে সিংহাসনচ্যুত করিয়া, সোলতান মাহমুদের কনিষ্ঠ পুত্র বাহাউদ্দৌলা আবদর-রসীদকে গজ্নীর মসনে বসাইলেন।

সোলতান আবদর-রসীদ বিদ্বান ও অল্প বয়সেই বহুদর্শী ছিলেন। তিনি একজন ঐতিহাসিক ছিলেন, এবং অনেক বিষয়ে আরও কয়েকখানি পুস্তক লিপিবদ্ধ করিয়া গিয়াছেন। আবদর-রসীদের রাজত্বকালে সলজুকগণ খোরাসানের রাজা দাউদের সাহায্যে গজনী আক্রমণ করিবার জন্ত খেপিয়া উঠিল।

দাউদের পুত্র আল্প আব্দুলান সেই সময়ের একজন ভীমপরাক্রমশালী ও বিচক্ষণ যোদ্ধা ছিলেন। এই বীরকেশরী আল্প আব্দুলান বহু সৈন্য লইয়া তুর্কিস্থান হইতে বাহির হইলেন ও পিতা দায়ুদ সহ সিস্তানের পথ বাহিয়া বস্তু পর্যন্ত আসিলেন।

সোলতান আবদর-রসীদ, তদীয় পিতা সোলতান মাহমুদের সময়ের একজন প্রসিদ্ধ সেনাপতি তুঘ্‌রেলের অধীনে বহু সৈন্য দিয়া তাঁহাকে আল্প আব্দুলানের বিরুদ্ধে প্রেরণ করিলেন। তুঘ্‌রেল, খামার উপত্যকার সম্মুখে তুর্ক সেনাগণকে পরাস্ত করিয়া, তথা হইতে বস্তু গিয়া, দাউদ সাহকে সিস্তানে তাড়াইয়া দিলেন। তৎপরে দাউদের মাতুল বেঘুকে পরাজিত করিয়া গজনী প্রত্যাবর্তন করিলেন।

গজনী নগরে আসিবার পর, এই মদগর্ভিত সেনাপতি তুঘ্‌রেল, ত্রিংশ বর্ষ দেশীয় সোলতান আবদর-রসীদকে হত্যা করিয়া, স্বয়ং গজ্নীর সিংহাসনে আরোহণ করিলেন; কিন্তু এই অত্যাচারীর রাজত্বকাল চত্বারিংশ দিবসের অধিক দিন স্থায়ী হইল না। নওতিগীন নামক একজন সাহসী তুর্ক যোদ্ধা সিংহাসনে উপবিষ্ট অবস্থায় অহকারী তুঘ্‌রেলকে হত্যা করিয়া তাঁহার মস্তক লইয়া সমস্ত নগরবাসীকে দেখাইয়া বেড়াইল।

তুঘরের পরিত্যক্ত সিংহাসন মসুউদ-পুত্র ফোরোথ-জাদ, তাঁহার বার্বান্দ দুর্গের কারাবাস হইতে অসিয়া অধিকার করিলেন। দুর্দান্ত সন্নতান তুঘর তাহার অপঘাতমৃত্যুর ঠিক পূর্ব দিনে, সোলতান মসুউদের দুই পুত্র ফোরোথ-জাদ ও এব্রাহিমকে বার্বান্দা কারামধ্যে হত্যা করিবার জন্য বাতকসহ একদল সেনা প্রেরণ করিয়াছিল। কিন্তু দয়ালু হৃদয় দুর্গাধিপ এক দিনের অবকাশ চাহিয়া, সেনাগণকে দুর্গদ্বারে অপেক্ষা করিতে অনুরোধ করায়, জগদীশ্বরের অপার মহিমার কুমারদ্বয়ের প্রাণ রক্ষা হইল।

সোলতান ফোরোথ-জাদ হিঃ ৪৪৩ সালের ৯ই জিলকদ্ তারিখে তাঁহার পূর্ব পুরুষগণের অধিকৃত গজনীর রত্ন-সিংহাসনে আরোহণ করিয়া স্বায় বিচার দ্বারা প্রজামণ্ডলীর পরিতুষ্টি সাধন করিতে লাগিলেন। তিনি অতীব দয়ালু সম্রাট ছিলেন। সাত বৎসর রাজত্বের পর ৩৪ বৎসর বয়সে ফোরোথ-জাদ ১০৫৯ খৃষ্টাব্দে মানবলীলা সম্বরণ করেন।

দশম সোলতান, এব্রাহিম

ফোরোথ-জাদের মৃত্যুর পর রাজ্যের প্রধানগণ এক মত হইয়া তদীয় ভ্রাতা খার্মিকপ্রবর বিদ্যোৎসাহী জাহির-দৌলা নসিরল-মেয়াজ রজি-উদ্দীন এব্রাহিমকে গজনীর রাজাধিরাজের সিংহাসনে উপবিষ্ট করাইলেন। তাঁহার রাজ্যাভিষেকের সংবাদ পাইয়া সলজুক রাজা দাউদ তাঁহার সহিত সন্ধি শূত্রে আবদ্ধ হইবার অভিলাষ জ্ঞাপন করিলেন এবং এই সময়ে হঠাৎ তাঁহার মৃত্যু হওয়ার তদীয় পুত্র আলফ্ আব্দুলান ঐ সন্ধি শূত্রে আরও দৃঢ় করিয়া গজনীপতির সহিত বন্ধুত্ব স্থাপন করেন।

সোলতান এব্রাহিম তাঁহার পূর্ব পুরুষগণের অধিকৃত, রাজ্য সমূহে আশ্চর্যরূপে শান্তি স্থাপন করিতে কৃতকার্য হইয়াছিলেন। তাঁহার

রাজত্ব কালে মাহমুদী সাম্রাজ্য আবার উন্নত ও ঐশ্বর্যশালী হইয়া উঠিল। ৬০ বৎসর বয়সে পরম সুখে ষ্টিত্রিংশ বৎসর রাজত্ব করিয়া হিঃ ৪৯২ সালে সোল্তান এব্রাহিম মৃত্যুমুখে পতিত হইলেন।

সোল্তান তৃতীয় মসুউদ

এব্রাহিম-পুত্র আলাউদ্দীন মসুউদের রাজত্বকালে বাগদাদে আল-মোস্তাজ্‌হার-বিল্লাহ্ খলিফা ছিলেন। সোল্তান তৃতীয় মসুউদ খোরাসানের সলজুক রাজা সোল্তান সান্জারের ভগ্নী পরমা সুমদরী মাহদ-এরাককে বিবাহ করিয়া, উভয় রাজ্যের মধ্যে সখ্যতা বর্ধন করেন।

মসুউদ, আমীর আজ্‌দদৌলাকে হিন্দুস্থানের শাসনকর্তা মনোনীত করিয়াছিলেন। এই সম্রাটের রাজত্বকালে তাঁহার জনৈক সৈন্তাধক্ষ হাজির তাঘাতিগীন সসৈন্তে গঙ্গা নদী পার হইয়া, মোসলেম-বিজয়-পতাকা সোল্তান মাহমুদ অপেক্ষা বহু দূর পর্য্যন্ত অগ্রসর করিয়া লইয়া গিয়া ছিলেন। সোল্তান মসুউদের রাজত্বকাল শান্তির সহিত কাটিয়া গেল, সাত বৎসর রাজত্ব করিয়া ১১১৫ খৃষ্টাব্দে ৫৭ বৎসর বয়সে তিনি ইহলীলা সম্বরণ করিলেন।

সোল্তান আবুল মালেক

মসুউদ পুত্র আরসলান আবুল-মালেক সিংহাসনারোহণ করিয়া নানা প্রকার উচ্ছৃঙ্খলতা প্রদর্শন করিতে লাগিলেন। প্রথমতঃ তিনি স্বীয় ভ্রাতাগণকে বন্দী করিয়া, মাতার বিরাগভাজন হইয়া পড়েন। তাঁহার খুল্লতাত বাহরাম সাহ্ এই অবস্থা দর্শনে, খোরাসানে সোল্তান সান্জারের দিকট গিয়া আশ্রয় লইলেন। সোল্তান আবুল মালেকের গর্ভধারিনী মাহদ-এরাক, পুত্রের উপর ক্রমশঃ এত অধিক বিরক্ত হইয়া

পড়িয়াছিলেন যে,—শেষে তাঁহাকেও ভ্রাতা সান্জারের আশ্রয় লইতে হইয়াছিল।

সোলতান সান্জার আশ্রিত বাহরামের পক্ষাবলম্বন করিয়া ভাগিনের গজনী-রাজের বিরুদ্ধে যুদ্ধ-যাত্রা করিলেন। এই যুদ্ধে সত্রাট মাতা মাহ্-দ-এরাকও পুত্রের বিরুদ্ধে ভ্রাতাকে উৎসাহিত করিয়াছিলেন।

খোরাসান-রাজ বহু-সংখ্যক সৈন্ত লইয়া গজনী নগর-প্রান্তে শিবির সংস্থাপন করিলেন। এদিকে আরম্ভান ত্রিশ সহস্র অখারোহী ১৬০টা হস্তী ও বহু পদাতিক সৈন্ত সঙ্গে লইয়া, পিতৃব্য ও মাতুলকে অভ্যর্থনা করিতে গেলেন। সমস্ত দিন ধরিয়া উভয় মোস্লেম-সৈন্তে ঘোরতর যুদ্ধ চলিল; শেষে সিন্তানের শাসনকর্তা আবুল-ফজলের অসীম বীরত্বে, গজনীর সেনাগণ পরাভূত ও বিতাড়িত হইল। সোলতান আরম্ভান হিন্দুস্থানের দিকে পলায়ন করিয়া প্রাণ রক্ষা করিলেন।

সান্জার গজনী প্রবেশ পূর্বক ৪০ দিন তথায় অবস্থান করিলেন ও মুজ্জদৌলা বাহ্-রাম সাহকে হিঃ ৫১১ সালে গজনীর প্রসিদ্ধ সিংহাসনে বসাইয়া স্বদেশে প্রত্যাবর্তন করিলেন।

পরে এই ১১১৭ খৃষ্টাব্দের শেষ ভাগে আরম্ভান বহু সৈন্ত সংগ্রহ করিয়া, অপহৃত রাজ্য পুনঃ প্রাপ্তির আশায়, সোলতান বাহ্-রামের বিরুদ্ধে যুদ্ধ ঘোষণা করেন। এই যুদ্ধে তিনি সম্পূর্ণরূপে পরাজিত ও শেষে নিহত হইলেন।

সোলতান বাহ্-রাম সাহ

সোলতান বাহ্-রাম সাহকে উপযুক্ত কয়েকবার হিন্দুস্থানে আগমন করিতে হইয়াছিল। ৫১২ হিঃ ২৭ রমজান তারিখে তাঁহাকে লাহোরে মোহাম্মদ বাহালিমের সহিত যুদ্ধে প্রবৃত্ত হইতে হইল। যুদ্ধে সোলতান

তাঁহার ভ্রাতৃপুত্র আরসুলানের ভারতীয় সৈন্যধক্ষ্য ও লাহোরের শাসন-কর্তা বাহালিমকে পরাজিত ও বন্দি করিলেন। শেষে নিজ দয়াবশতঃ বাহালিমের কাতরোক্তিতে সমস্ত বিবাদ ভুলিয়া গিয়া, আবার তাঁহাকেই লাহোরের মস্‌নেদে বসাইয়া গজনী ফিরিয়া গেলেন।

পরবর্তী বৎসর বিশ্বাসঘাতক বাহালিম পুনরায় মস্তক উত্তোলন করায়, সোলতানকে আবার তাহার বিরুদ্ধে যুদ্ধাভিযান করিতে হইয়াছিল ও এবার তাহাকে দস্তুর মত শিক্ষা দিয়া তাহার সমস্ত সম্পত্তি কাড়িয়া লইয়া তিনি নিরস্ত হইয়াছিলেন।

বাহ্‌রামের রাজত্ব কালে গোরের শাসনকর্তা সায়ফদ্দীন অনেক সৈন্য সহ গজনী আক্রমণ করেন। সোলতান বাহ্‌রাম্ তাঁহাকে বাধা প্রদানে অক্ষম বিবেচনায় ভারত বর্ষের দিকে পলায়ন করিলেন। সায়ফদ্দীন বিনা বাধায় গজনীর সিংহাসনে আরোহণ করিলেন; কিন্তু অল্প দিন মধ্যে তিনি গজনীর সাধারণ প্রজাবর্গের বিরাগভাজন হইয়া পড়ায়, তাঁহারা সোলতান বাহ্‌রামকে ডাকাইয়া সায়ফদ্দীনকে ধরিয়া সোলতানের হস্তে সমর্পণ করিলেন।

এই সময় সোলতান বাহ্‌রাম্ সাহ্‌ হঠাৎ তাহার স্বাভাবসিক মমতা ভুলিয়া গিয়া অতিশয় নিষ্ঠুরতার সহিত সায়ফদ্দীনকে হত্যা করেন।

সায়ফদ্দীনের নিদারুণ হত্যার সংবাদ গোরে পৌঁছিবায় সঙ্গে সঙ্গে তদীয় সহোদর গোরের শাসনকর্তা আলাউদ্দীন অগ্নিশর্মা হইয়া বহু সৈন্য সমভিব্যাহারে গজনী আক্রমণ করিলেন। অচিরে গজনী নগর আলাউদ্দীনের হস্তগত হইল। আলাউদ্দীন অমানুষিক অত্যাচার দ্বারা গজনী নগর ধ্বংস করিলেন। শেষে অগ্নি-সংযোগে সোলতান মাহ্‌মুদের পুদ্গু নগর ছাড়ুথার করিয়া দিলেন। এই পাশবিক ব্যবহারের জন্ত আলাউদ্দীন আজীবন জাঁহা-সোজ্ (জগৎ-দাহক) উপাধিতে ভূষিত

হইয়া রহিলেন। বাহরাম সাহ্ আবার হিন্দুস্থানে পলাইয়া গেলেন এবং গোরাগণের অপসারণের সংবাদ পাইয়া কিছুদিন পরে পুনরায় গজনীতে ফিরিয়া আসিলেন; কিন্তু এবারে আর বেশীদিন তিনি রাজ্যস্থখ ভোগ করিতে পারিলেন না। অল্পকাল মধ্যেই সর্বসম্মত ৪১ বৎসর রাজত্ব করিয়া তিনি মানবলীলা সম্বরণ করিলেন।

সোলতান বাহরাম সাহের পুত্র সোলতান আমিনদৌলা খসরু সাহ্ ৫৫২ হিঃ ১১৫৭ খৃষ্টাব্দে গজনীর সিংহাসনে আরোহণ করিলেন বটে, কিন্তু তিনি দেশ শাসনের সম্পূর্ণ অনুপযুক্ত ছিলেন।

এই সময় গোরের সোলতান সৈয়দ গেরাস-উদ্দীন মোহাম্মদ সাহ্ গজনীর সিংহাসন অধিকার করেন। সোলতান খসরু লাহোরে পলাইয়া গিয়া তথায় সিংহাসন স্থাপন করিয়া ১১৬৩ খৃষ্টাব্দে মৃত্যু মুখে পতিত হন।

তৎপরে তাঁহার পুত্র তাজ-উদ্দৌলা সোলতান জাহান, লাহোরে কয়েক বৎসর নামে মাত্র রাজত্ব করিবার পর হিঃ ৫৮৫ সালে প্রসিদ্ধ বীর-শাদ্দুল শাহাব-উদ্দীন মোহাম্মদ গোরা কর্তৃক বন্দী হইয়া ফিরোজ-কোহ্ দুর্গে নীত হইলেন। অতঃপর সুপ্রসিদ্ধ সোলতান মাহমুদের বংশের রাজত্বের শেষ হইয়া, পারশ, হিন্দুস্থান, খোরাসান ও গজনী প্রভৃতি প্রদেশগুলি গোরের সোলতানগণের পদানত হয়—(তব্ কতে নসিরী)।

দশম সর্গ

গোর বংশ

(হাসান নেজামি কৃত তাজুল মাসায়ের)

সালফদীনের মৃত্যুর পর গোরাসউদ্দীন গোরের সিংহাসনে আরোহণ করিলেন। হিঃ ৫৬৯ সালে তিনি গজনী নগরী অধিকার করিয়া স্বীয় ভ্রাতা মুর্জজ-উদ্দীন মোহাম্মদকে গজনীর সিংহাসনে বসাইয়া রাজধানী প্রত্যাবর্তন করিলেন। এই সময় হইতে সুপ্রসিদ্ধ স্বাধীন গজনী নগর তাহার এক কালের পদাশ্রিত গোরের অধীনস্থ রাজ্য বলিয়া পরিগণিত হইতে লাগিল।

এই মুর্জজদীন মোহাম্মদ গোরী, তাঁহার রাজত্বের তৃতীয় বর্ষে হিঃ ৫৭১ সালে মুলতান আক্রমণ করিয়া উহা শত্রু-কবল হইতে ছাড়াইয়া লইলেন। তৎপরে হিঃ ৫৭৪ সালে ১১৭৮ খৃষ্টাব্দে মোহাম্মদ গোরী মরুভূমি পার হইয়া গুজরাটের নাহার-ওয়ারা প্রদেশ আক্রমণ করিলেন। এই আক্রমণে তথাকার রাজা বাসুদেবের বিপুল বাহিনীর নিকট মুর্জজদীনের মুষ্টিমেয় মোসলেম-সেনাদলকে পরাস্ত হইতে হইয়াছিল।

পরবৎসর মুর্জজদীন পেশোয়ার অভিবান করিয়া, কাশ্মীরের সীমা পর্য্যন্ত হস্তগত করেন। হিঃ ৫৭৮ সালে তিনি দেবাল রাজ্য আক্রমণ করিয়া সমুদ্র-তীর পর্য্যন্ত সমস্ত ভূখণ্ড তাঁহার রাজ্যাধীন করিয়া লইলেন। ৫৮০ হিজরীতে লাহোরে আসিয়া সিয়ালকোটে সোল্তান একটা সুদৃঢ়

দুর্গ নির্মাণ করেন; এবং হোসায়েন কাবুলিকে দুর্গ রক্ষক নিযুক্ত করিয়া রাজধানী প্রত্যাবর্তন করেন।

মোহাম্মদ গোরী চলিয়া যাইবার পর, গজনবী বংশীয় শেষ রাজা সোলতান জাঁহান অনেক ভারতীয় সৈন্য সংগ্রহ করিয়া, সিয়ালকোট দুর্গ অবরোধ করিলেন, কিন্তু অচিরেই তাঁহাকে হটিয়া আসিতে হইল।

এই সংবাদ পাইয়া মোহাম্মদ গোরী লাহোর যাত্রা করিলেন ও সোলতান জাঁহানকে বন্দী করিয়া লইয়া গেলেন। লাহোর এই বার সম্পূর্ণরূপে গোরাক্ষিপতির রাজ্যে পরিণত হইল; এবং মুলতানের শাসন কর্তা আলি কাবুমাখ্ লাহোর ও মুলতান উভয় স্থানের শাসনকর্তৃত্ব প্রাপ্ত হইলেন। প্রসিদ্ধ ঐতিহাসিক তব্কত নসিরী লেখক আবু ওমর মেন্‌হাজ-উদ্দীনের পিতা মৌলানা আজুবাতো-জ্জমান আফ্‌সাহল্-আজম সেরাজুদ্দীন মেন্‌হাজ, হিন্দুস্থানের এই নব রাজত্বের প্রধান কাজী নিযুক্ত হইলেন।

তৎপরে সোলতান মুজ্জদ্দীন মোহাম্মদ গোরী পুনরায় হিন্দুস্থানে প্রবেশ পূর্বক লাহোরের এক শত মাইল পূর্ব-দক্ষিণে ও দিল্লীর ১৫০ মাইল উত্তরে স্থিত সার্বহিন্দ দুর্গ আক্রমণ করিয়া উহা করায়ত্ত করিলেন, এবং কাজী জিরাউদ্দীনের হস্তে উহা বৃত্ত করিলেন। জিরাউদ্দীন তোলাকি বংশের মাত্র ১২০০ শত সৈন্য সংগ্রহ করিয়া, তৎসাহায্যে দুর্গ রক্ষা করিতে লাগিলেন।

সোলতান মোহাম্মদ গোরী সার্বহিন্দ জয়ের পর, গজনীর পথে অর্ধেক দূর অগ্রসর হইতে না হইতে সংবাদ পাইলেন যে—আজ্‌মীরের রাজা পৃথীরাজ ও দিল্লীখর গোবিন্দ রায় ভারতের অন্যান্য অনেক রাজার সহিত মিলিত হইয়া, বহু সংখ্যক সৈন্য লইয়া সার্বহিন্দ দুর্গের দিকে অগ্রসর হইতেছেন। বীর-শার্দুল মোহাম্মদ গোরী ইহাতে বিন্দুমাত্র বিচলিত না

হইয়া, এই সমবেত হিন্দু-শক্তির বিরুদ্ধে তাঁহার মৃষ্টিমের মোস্লেম-সেনা লইয়া অগ্রসর হইলেন। মোহাম্মদ গোরী খানের হইতে চতুর্দশ মাইল দূরে সরস্বতী নামী একটি ক্ষুদ্র নদীতীরে পৌঁছিয়া দেখিলেন যে—নদীর অপর পার্শ্বে হিন্দুগণের সমবেত রাজশক্তি, অন্যান্য তিন সহস্র হস্তী, এক লক্ষ বিংশতি সহস্র অশ্বারোহী সেনা ও বহু পদাতিক সৈন্য লইয়া, তাঁহার অভ্যর্থনার জন্য অপেক্ষা করিতেছে।

অদম্য সাহসী দুর্ধ্ব মোস্লেম-বীর-সন্তানগণ ক্ষণমাত্র অপেক্ষা না করিয়া এবং যুদ্ধের ভাবী ফলাফল বিষয়ক চিন্তা বিন্দুমাত্র মনোমধ্যে উদ্ভিত হইবার অবসর না দিয়া, অমিত জেতে এই প্রকাণ্ড বাহিনীকে আক্রমণ করিল। কিন্তু এই মৃষ্টিমের সত্যধর্মাবলম্বী বীরগণ অচিরে দেখিতে পাইল যে—সমুদ্র-বারির স্তায় অসংখ্য বিধর্মী সেনা দুই দিক হইতে তাহাদিগকে ঘিরিয়া ফেলিবার উপক্রম করিতেছে।

এই অবস্থা দর্শনে যুদ্ধব্যবসায়ী বীরগণ কিঞ্চিৎ পৃষ্ঠাৎ হটিয়া আসিয়া, তাহাদের প্রধান দলের সহিত মিলিত হইয়া বৃত্তাকারে দণ্ডায়মান হইল। এই সময় সাগর-তরঙ্গের স্তায় হিন্দুসেনা মোস্লেম-গণকে পুনরায় আক্রমণ করিল ও রাজা গোবিন্দ রায়, মহাসেনাপতি সোলতান মোহাম্মদ গোরীকে দেখিতে পাইয়া, রণমাতঙ্গ পৃষ্ঠে তাঁহাকে আক্রমণ করিলেন।

বীর-কেশরী গোরীও ইহাই চাহিতেছিলেন, তিনি সিংহবিক্রমে রাজাকে আক্রমণ করিয়া তাঁহার মুখবিবরে স্বীয় বর্শাফলক প্রবিষ্ট করাইয়া দিয়া, রাজার দুইটা দস্ত ভগ্ন করিয়া উহা তাঁহার গলনালীর মধ্যে ঢুকাইয়া দিলেন।

এই সময় মোহাম্মদ গোরীও বাহতে গুরুতর আঘাত পাইয়া, অস্থপৃষ্ঠ হইতে ভূপতিত হইতেছিলেন, ঠিক সেই সময় একজন সাহসী খিলজী

বীর তাঁহাকে চিনিতে পারিয়া, নিজ প্রাণ তুচ্ছ জ্ঞানে তাঁহার পশ্চাতে তাঁহারই অশোপরি স্বরিতে উঠিয়া বসিলেন ও তাঁহাকে বেঁটন করিয়া ধরিয়া দ্রুতবেগে অশ্ব চালনা করিয়া যুদ্ধক্ষেত্র হইতে বাহির চাইয়া পড়িলেন ।

সোল্তানের সেনাগণ তখন অধ্যক্ষহারা হইয়া প্রমাদ গণিতে লাগিল । তাহারা আর অধিকক্ষণ যুদ্ধক্ষেত্রে তিষ্ঠিতে পারিল না ; ক্রমে রণে ভঙ্গ দিয়া পলায়ন করিতে লাগিল । অনেকক্ষণ পরে সোল্তানের দর্শন লাভ করিয়া মোস্লেম-সেনাগণ যেন প্রাণে শান্তি পাইল ও ক্রমে ক্রমে সকলে সমবেত হইয়া, পরে মোস্লেম-রাজধানী গজ্জনীতে উপনীত হইল ।
(তব্ কত নসিরী)

সোলতান মুঈজদ্দীন গজনী প্রত্যাবর্তন করিয়া, ভ্রাতা গেরাসউদ্দীনের সহিত সাক্ষাৎ করিবার জন্য গোর নগরে যাত্রা করিলেন । তথায় হিন্দু স্থানের সমুদয় অবস্থা তাঁহার নিকট বিবৃত করিয়া জ্যেষ্ঠের অল্পমতি লইয়া পর বৎসরেই ৫৮৮ হিঃ ১১৯২ খৃষ্টাব্দে বহু সৈন্য সমভিব্যাহারে আবার ভারতে প্রবেশ করিলেন ।

মুঈজদ্দীন নামক এক ব্যক্তি যিনি এই অভিযানে সোল্তানের সঙ্গে ছিলেন তাঁহারই প্রমুখাৎ তব্ কত নসিরীর ইতিবৃত্ত-লেখক অবগত হইয়া-ছিলেন যে—মোহাম্মদ গোরীর সহিত এইবার এক লক্ষেরও অধিক উৎকৃষ্ট অশ্বারোহী বর্ণাবৃত সেনা ছিল ।

সোলতান সারহিন্দ দুর্গে পৌছিবার পূর্বেই অবগত হইলেন যে—হিন্দু সেনাগণ দীর্ঘ ১৩ তের মাস কাল দুর্গাবরোধ করিয়া থাকায়, দুর্গাভ্যন্তরস্থ অভয় সংখ্যক মোস্লেম-সেনা বাধ্য হইয়া শেষে তাহাদের নিকট আত্ম সমর্পণ করিয়াছে ; এবং শক্র-সৈন্য সরস্বতী নদী-তীরে নারায়ণ নামক স্থানে অবস্থান করিতেছে ।

এবার ভারতের প্রায় সমুদয় হিন্দু রাজশক্তি সমবেত হইয়া, মোস্লেম-অসির বল পরীক্ষার্থে প্রস্তুত হইয়াছিল। তাঁহাদের সমবেত সৈন্য, সংখ্যায় অন্যান্য তিন লক্ষ অখারোহী, তিন সহস্র হস্তী ও তত্পরি অগণিত পদাতিক সেনা ছিল।

উভয় সেনা সন্মুখবর্তী হইয়া কিয়ৎকাল অপেক্ষা করিতে লাগিল। উভয়ের মধ্যে স্বল্পায়তন ও স্বল্পসলিলা সরস্বতী নদী মাত্র ব্যবধান। যুদ্ধবিজ্ঞা-বিশারদ সোল্তান এই অবকাশে তাঁহার সৈন্য রচনা করিতে আরম্ভ করিয়া দিলেন। তিনি তাঁহার সেনাগণের মধ্য হইতে অধিকাংশ, রণ-পতাকা ও হস্তীসহ পশ্চাতে রক্ষা করিয়া, ৪০,০০০ সহস্র বর্শাধারী অখারোহী সেনাকে চারি অংশে বিভক্ত করিয়া তাহাদিগকে চারিজন উপযুক্ত সেনানীর অধীনে দিলেন ও সন্মুখ পশ্চাৎ দক্ষিণ ও বাম দিক হইতে হিন্দু সেনাগণকে প্রথমতঃ অনবরত শর নিঃক্ষেপে উত্যক্ত করিতে উপদেশ দিলেন।

মরুভূমির বালুকারণি সম অগণ্য হিন্দুসৈন্য, অগ্রপশ্চাৎ চারি শ্রেণীতে বিভক্ত হইয়া অগ্রসর হইতে আরম্ভ করিল। তাহাদিগকে অগ্রসর হইতে দেখিয়া, মহাসেনাপতি সোল্তান মোহাম্মদ, যেন পলাইয়া বাইতেছেন এইরূপ যুদ্ধ কৌশল বিস্তার করিয়া ক্রমশঃ পশ্চাৎ হটিতে লাগিলেন। হিন্দু সেনাগণ ইহাতে অধিকতর উৎসাহিত হইয়া যেমন শ্রেণী ভঙ্গ করিয়া দ্রুতবেগে মোস্লেমগণের প্রতি ধাবিত হইতে লাগিল, অমনি সূচতুর রণ-পারদর্শী অপ্রতিমতেজাঃ সোল্তান গোরী, তাঁহার পৃথক-করিয়া-রাখা সমস্ত যুদ্ধ দুর্ন্দ সৈন্য লইয়া অপরিণামদর্শী হিন্দু যোদ্ধাগণের উপর ঝাঁপাইয়া পড়িলেন।

সুশিক্ষিত আফ্গান ও তুর্কগণের বজ্র-মুষ্টি-ধৃত তরবারি ও ভল্ল সন্মুখে, তাহাদের অপেক্ষা শারীরিক ও মানসিক বলে দুর্বলক্ষীণকার হিন্দুসেনাগণ সংখ্যায় তাহাদের চতুর্গুণ হইলেও, অধিকণ তিষ্ঠিতে পারিল না।

অত্যন্ত সময় মধ্যেই হিন্দুগণ ভয়ে বিহ্বল হইয়া পরাজয়ের করাল মূর্তি সম্মুখে দেখিতে লাগিল। এবং কিছুক্ষণ মধ্যে অধিকাংশই ভূতলশায়ী হইল, অবশিষ্ট পলাইয়া আত্মরক্ষা করিল।

এই ঘোরতর যুদ্ধমধ্যে আজমীরের পৃথ্বীরাজ তাঁহার গজপৃষ্ঠ হইতে অবতরণ করিয়া অশ্বারোহণে সৈন্যগণকে উৎসাহিত করিতে ছিলেন। কিন্তু অচিরেই মোস্লেমগণ সরস্বতী-তীরে তাঁহাকে ধৃত ও সংহার করিল। দিল্লীখর গোবিন্দরায়ও এই যুদ্ধে নিহত হইলেন; সোল্তান তাঁহার ভগ্ন দস্ত দুইটা দেখিয়া তাঁহার খণ্ডিত মস্তক চিনিতে পারিয়াছিলেন।

যুদ্ধাবসানে আজমীর, দিল্লী, সলস্ত সাওরােলক প্রদেশ, হংসী, সামানা ও কাহ্ রাম, সোল্তান মোহাম্মদ গোরীর পদানত হইল ও বিজয়ী সেনাগণের হস্তে রাশীকৃত ধনরত্ন পণ্ডিত হইল।

মোহাম্মদ গোরী স্বয়ং আজমীরে গিয়া ঐ নগর অধিকার করিলেন। পৃথ্বীরাজপুত্র গোলা তাঁহাকে বিস্তর উপঢৌকন দিয়া, গোরের করদ রাজা হইয়া থাকিতে স্বীকৃত হওয়ার, সোল্তান তাঁহাকে আজমীরে তাঁহার পিতৃসিংহাসনে বসাইয়া, তথায় যাহাদিগকে বন্দি করিয়াছিলেন, তাহাদিগকে মুক্তি দান করিয়া, বিজয়ী সৈন্য লইয়া দিল্লীতে উপনীত হইলেন। আজমীরে সোল্তান কয়েকটা মস্জিদ ও বিদ্যালয় প্রতিষ্ঠিত করিয়া গেলেন।

দিল্লীখরের পুত্র, বিজয়ী বীরকে গোলার স্ত্রীর বহু ধনরত্ন উপঢৌকন দিয়া তাঁহার বশতা স্বীকার করার, তিনি দিল্লীর লুণ্ঠনাভিলাষ পরিত্যাগ-পূর্বক, স্বীয় বিশ্বস্ত ভৃত্য ও সৈন্যাধ্যক্ষ কোতব-উদ্দীনকে অনেক সেনাসহ কাহ্ রাম ও সামানা দুর্গের রক্ষণাবেক্ষণের ভারার্পণ করিয়া গজনী প্রত্যাবর্তন করিলেন। প্রত্যাবর্তনকালে মোহাম্মদ গোরী ইন্দ্রপ্রস্থ-রাজধানীতে তাঁহার অনেক সৈন্য রাখিয়া গেলেন।

এই বৎসরই কোতব-উদ্দীন সসৈন্তে কাহরাম দুর্গ হইতে বাহির হইয়া মিরাত আক্রমণ করিয়া উহা হস্তগত করেন; তৎপরে গোবিন্দরায়ের পুত্রের নিকট হইতে দিল্লী নগরী হস্তচ্যুত করিয়া লইলেন। (হিঃ ৫৮৯ খুঃ ১১৯৩) পরে তথা হইতে কোল দুর্গ (আধুনিক আলিগড়) দখল করিয়া সেইস্থানে কিছুদিন বাস করিতে লাগিলেন।

হিঃ ৫৯০ সালে সোল্তান মোহাম্মদ গোরী পুনরায় ভারতে প্রবেশ করিয়াছিলেন; এবার যমুনা-তীরবর্তী এটাওয়ার পৌছান পর্যন্ত তিনি কোন স্থানে বাধা প্রাপ্ত হইলেন নাই। এই স্থানে কান্তকুজ-রাজ জয়চন্দ্র সর্বপ্রথমে তাঁহার পথরোধ করেন; কিন্তু সামান্ত যুদ্ধের পর হিন্দুগণ সম্পূর্ণরূপে পরাস্ত হইয়া পলায়ন করিতে আরম্ভ করে। সোলতান, কনোজ লুণ্ঠন করিয়া আসাই বা আসনি দুর্গ হস্তগত করিয়া তথা হইতে বিস্তর ধনরত্ন ও অন্যান্য তিনশত বনকরেণু সংগ্রহ করিয়া বারাণসী অভিমুখে যাত্রা করিলেন।

বারাণসী নগরী বিনা আয়াসেই মোস্লেমগণের হস্তগত হইল। এই স্থানে ধর্মপ্রাণ মোস্লেম সৈনিকগণ উত্তেজিত হইয়া, হিন্দুদিগের অনেক দেবমন্দির ও দেবমূর্তি ধ্বংস করিয়াছিল।

বারাণসী হইতে প্রত্যাবর্তনকালে সোলতান, তাঁহার বিশ্বস্ত সৈন্যাধ্যক্ষ ও পরে তাঁহার গৃহীত পোষ্যপুত্র কোতব উদ্দীনকে স্থায়ীভাবে তাঁহার ভারতীয় রাজ্যের প্রতিনিধি (সুবাদার) স্বরূপ দিল্লীর সিংহাসনে বসাইয়া গজনীর পথে অগ্রসর হইলেন।

সোল্তান সিন্ধু নদী পার হইতে না হইতে মৃত আজমীর-রাজের জনৈক আত্মীয় হেমরাজ, পৃথ্বীরাজপুত্র গোলার বিরুদ্ধে অস্ত্র ধারণ করিয়া তাঁহাকে সিংহাসনচ্যুত করেন। গোলা অগত্যা কোতব উদ্দীনের আশ্রয় গ্রহণ করে। সঙ্গে সঙ্গে কোতব, কতকগুলি সৈন্ত লইয়া আজমীরে গিয়া তথায় গোলাকে মস্জিদে বসাইয়া চলিয়া আসিলেন।

এই বৎসর কোতবউদ্দীন মোস্লেমগণের হিজরী ৫৭৪ সালের পরাজয়ের প্রতিশোধ লইবার জন্ত গুজরাট আক্রমণ করিয়া ও তখাকার রাজা ভীম দেবকে সম্পূর্ণরূপে পরাভূত করিয়া, তাঁহার রাজধানী লুণ্ঠনপূর্বক বিজয় গর্ভে দিল্লী প্রত্যাবর্তন করিলেন।

অতঃপর ৫৯৯ হিজরীতে সোল্তান মোহাম্মদ গোরী ভারতে শেষ পদার্পণ করেন, কিন্তু বিয়ানা দুর্গ অধিকার করার পরই তাঁহাকে প্রত্যাবর্তন করিতে হইয়াছিল। এই সময় সোল্তান মুইজুদ্দীন, তুম ও সারাখ্‌সের মধ্যবর্তী পথে শুনিতে পাইলেন যে—তাঁহার অগ্রজ সোল্তান সৈয়দ গেমাস উদ্দীন হিরাত নগরে মৃত্যুমুখে পতিত হইয়াছেন।

ভ্রাতার মৃত্যুর পর সোল্তান মুইজুদ্দীন মোহাম্মদ গোরী, গোরের সিংহাসনে আরোহণ করিয়া তিন বৎসর নিৰ্ঝিবাদে রাজত্ব করিয়াছিলেন। এই সময়ের মধ্যে ভারতের বিষয় তাঁহাকে চিন্তাও করিতে হয় নাই। ভারতবর্ষের রাজত্ব, সোল্তান তাঁহার চিরবিখ্যস্ত সুবাদার কোতব উদ্দীনের হস্তে ক্ষুদ্র করিয়া নিশ্চিত হইয়াছিলেন।

১২০৬ খৃষ্টাব্দে সোল্তান মোহাম্মদ গোরী পার্শ্বতীর কোথার জাতির বিদ্রোহ দমন করিয়া গজনীর পথে ফিরিবার জন্ত অগ্রসর হইলেন, কিন্তু পথিমধ্যে বিদ্রোহীগণের হস্তে, তাঁহাকে প্রাণ হারাইতে হয়। এই শেষ তিন বৎসর লইয়া, গাজী সৈয়দ সোল্তান মুইজুদ্দীন মোহাম্মদ গোরী, মোট তেত্রিশ বৎসর কাল রাজত্ব করিয়াছিলেন।

গজনীর ও গোরের সম্রাট মোহাম্মদ গোরী ও তাঁহার সেনাপতি দিল্লীখর কোতব উদ্দীনের বিষয়, বাহা কিছু এই গ্রন্থে লিপিবদ্ধ হইতেছে ; তাঁহার অধিকাংশ তাঁহাদের সমসাময়িক ঐতিহাসিক হাসান্‌ নেজামীর তাজুল মোরাসির, এবং জগৎপ্রসিদ্ধ ঐতিহাসিক মেন্‌হাজ উদ্দীন ওস্‌মানের তবকতে নসিরী হইতে উদ্ধৃত হইল। শেষোক্ত ঐতিহাসিক তাঁহার

জীবনের অধিকাংশ সময় দিল্লীর সত্ৰাট-দরবারে কাটাইয়াছিলেন। তিনি তৎকালীন বাঙ্গালার রাজধানী গোড় হইতে আরম্ভ করিয়া গোরালিয়র, মাল্‌ওয়া কালিঞ্জর, শুজরাট, লাহোর প্রভৃতি ভারতের প্রধান প্রধান জনপদগুলি পরিদর্শন করিয়া, ঐ সমস্ত দেশের অবস্থা বিশেষরূপে তাঁহার প্রণীত ইতিহাসে লিপিবদ্ধ করিয়া গিয়াছেন।

একাদশ সর্গ



দিল্লী — ইলুপ্রস্থ

সোলতান কোতবউদ্দীন

কোতবউদ্দীন তুর্কিস্থানের অধিবাসী ছিলেন। বাল্যকালে, কুফার এমাম্ শ্রেষ্ঠ হজরৎ আবু হানিফার (রঃ) বংশধর কাজী জাফর উদ্দীন আবদুল আজিজ তাঁহাকে একজন ক্রীতদাস ব্যবসায়ীর নিকট হইতে ক্রয় করেন। তৎকালে কাজী সাহেব নিশাপুর ও তৎপার্শ্ববর্তী গ্রাম সমূহের শাসনকর্তা ছিলেন।

কাজী আবদুল আজিজ বালক ভৃত্যকে স্বীয় পুত্রগণের সহিত লেখা পড়া শিখাইতে লাগিলেন। কোতবও অল্প দিন মধ্যে নিজের অসামান্য মেধা ও তৎসঙ্গে অস্বাভাবিক-কৌশল ও ধনুবিদ্যায় পারদর্শিতার পরিচয় দিতে লাগিলেন। আবদুল আজিজের মৃত্যুর পর তাঁহার উত্তরাধিকারিগণ কোতবকে গজনার একজন দাস-ব্যবসায়ীর নিকট বহুমূল্যে বিক্রয় করিলেন। পরে উক্ত দাস-ব্যবসায়ী এই সর্কগণালঙ্কৃত ক্রীতদাসটিকে সোলতান মুজাজ উদ্দীন মোহাম্মদকে উপহার দিয়া তৎপরিবর্তে সোলতানের নিকট হইতে বহু অর্থ পাইয়াছিলেন। কোতবের দক্ষিণ হস্তের মধ্যমা অঙ্গুলিটা বাল্যকালেই ভাঙ্গিয়া গিয়াছিল, এইজন্য সোলতান আদর করিয়া তাঁহাকে ‘আয়বক্’ অর্থাৎ অঙ্গহীন বা প্রিয়. পাত্র বলিয়া সম্বোধন করিতেন। কোতবউদ্দীনও সেই ‘অঙ্গহীন’ উপাধিতে আপনাকে

গৌরবান্বিত মনে করিয়া, তাঁহার স্থাপিত মোস্লেম-ভারত-বিজয়-স্তম্ভ দিল্লীর কোতব-মিনার গাত্রে স্বীয় উপাধি “আয়বক্” খোদিত করিয়া গিয়াছেন।

সোল্তান মুঈজ উদ্দীন মোহাম্মদ মধ্য মধ্য গীত বাস্ত ও উৎসবের আয়োজন করিতেন। একদা এইরূপ আনন্দোৎসবের পর ভোজনাঙ্কে তিনি আনন্দিত চিত্তে দাসদাসীগণের মধ্যে বিস্তর ধন ও স্বর্ণ রৌপ্য বিতরণ করিয়াছিলেন। কোতব উদ্দীনও এই উপলক্ষে তাঁহার প্রাপ্য অংশ পাইয়াছিলেন। কিন্তু বাহিরে গিয়া তিনি তাঁহার প্রাপ্ত সমুদয় অর্থ ও সমস্ত স্বর্ণ রৌপ্য তুকা সেনা, প্রহরী ও ফারাসগণের মধ্যে বিতরণ করিয়া দিয়াছিলেন।

ইতিমধ্যে সোল্তান এঠ সংবাদ পাইয়া ও কোতব উদ্দীনের মহামুত্তবতা উপলক্ষি করিয়া, তাঁহাকে একটি দারিদ্র্যপূর্ণ রাজ কার্যে নিযুক্ত করিয়া দিলেন। এই প্রকারে দিনে দিনে তাঁহার উন্নতি হইতে হইতে শেষে ক্রীতদাস কোতব উদ্দীন, সোলতানের রাজকীয় অশ্বশালার তত্ত্বাবধায়ক পদ প্রাপ্ত হইলেন। এই সময় হইতেই ক্রমশঃ কোতবের পদোন্নতি হইতে লাগিল।

এই সময়ে খোরাসিজম্ প্রদেশের শাসনকর্তা সোল্তান সাহেব বিরুদ্ধে মোহাম্মদ গোরী যুদ্ধযাত্রা করিলেন। তাঁহার সমভিব্যাহারী কোতব উদ্দীনকে এক সময় অশ্বের খাচ সংগ্রহের জন্ত অল্পমাত্র সঙ্গী লইয়া, সেনা-নিবাস হইতে কিছু দূরে যাইতে হইয়াছিল। সে সময়ে পথে শত্রুসেনা কর্তৃক আক্রান্ত হইয়া তিনি, এই ধও যুদ্ধে অদ্ভুত বীরত্ব প্রদর্শন করিয়া-ছিলেন; কিন্তু শেষে বিপক্ষ হস্তে বন্দী হইয়া সোল্তান সাহেবের নিকট নীত হইলেন ও তথায় কারারুদ্ধ হইয়া থাকেন।

সোল্তান সাহেবের সহিত যুদ্ধে মোহাম্মদ গোরীর পরিশেষে জয় হইল। তখন বিজয়ী সেনাগণ কোতব উদ্দীনকে কারামুক্ত করিয়া শৃঙ্খলিত

অবস্থাতেই তাঁহাকে সোলতান মুজ্জউদ্দীনের সমীপে উপস্থিত করিলেন। ইহার কিছুদিন পরে সোলতান, তাঁহার উপর কাহ্‌রাম দেশের শাসনভার অর্পণ করিলেন। এই স্থান হইতে কোতবউদ্দীন মিরাত্ জয় করেন ও পরে মিরাত্ হইতে ফিরিয়া আসিয়া দিল্লী হস্তগত করেন।

মিরাত্ ও দিল্লী জয়-কালে মোসলমান সেনাগণ ক্রুদ্ধ ও ধর্ম্মাক্র হইয়া বে সকল দেবমন্দির ধ্বংস করিয়াছিল; কোতবউদ্দীন সেই সকল স্থানে একেশ্বর উপাসনার জন্য মসজিদ নির্মাণ করাইয়াছিলেন।

এই সমস্ত যুদ্ধ-ব্যাপারে লিপ্ত থাকা-কালে রণতরুর হইতে তথাকার শাসনকর্ত্তা কেওরাম-উল্-মুল্ক হাম্‌জা, সংবাদ প্রেরণ করিলেন যে—মৃত আজমীর-পতির ভ্রাতা হিরাজ, বিদ্রোহী হইয়া পৃথ্বীরাজপুত্রকে তথা হইতে বিতাড়িত করিয়া দিয়াছে, এবং আজমীর-রাজ রণতরুরে, আসিয়া তাহার নিকট আশ্রয় লওয়ার, হিরাজ তাঁহার রাজ্য পর্য্যন্ত আক্রমণ করিবার উদ্যোগ করিতেছে।

এই সংবাদ পাইয়া কোতব উদ্দীন সেই সময়ের সংসাহসী ও দৃঢ়প্রতিজ্ঞ আমীর সবিকুল্-মুল্ক নসরু উদ্দীনের উপর তাঁহার অবর্ত্তমানে রাজ্যরক্ষার ভারার্পণ করিয়া, মরুদেশ ও পর্ব্বত উল্‌জ্বন পূর্ব্বক রণতরুরন অভিমুখে যাত্রা করিলেন।

হিরাজ, বীরপুঙ্গব কোতবউদ্দীনের আগমন সংবাদ পাইয়াই আজমীর পরিত্যাগ পূর্ব্বক পলায়ন করিল। পৃথ্বীরাজপুত্র তাঁহার হৃত সিংহাসন পুনঃপ্রাপ্ত হইলেন ও উপচৌকন স্বরূপ তিনি কোতবউদ্দীনকে অপরাপর বহু মূল্যবান দ্রব্যের সহিত তিনটি সুবর্ণ নির্ম্মিত বৃহদাকারের তয়মুজ পাঠাইয়া দিলেন।

কোতব উদ্দীন দিল্লী প্রত্যাবর্ত্তন করিয়া, তাঁহার এই সমস্ত বিজয়-বার্ত্তা স্বহস্তে গোর-পতির নিকট লিখিয়া পাঠাইলেন। সোলতান

মুইজউদ্দীন গোরী, এই আনন্দ-সংবাদ পাইয়া কোতব উদ্দীনকে স্বীয় রাজধানীতে ডাকিয়া পাঠাইলেন।

গজ্জনী পৌছিয়া কোতবউদ্দীন সম্রাটের হস্ত চুষনের অধিকার পাইয়া ছিলেন; এবং সোলতান গোরী তাঁহাকে পৃথিবীর যাবতীয় রাজত্ববর্গের অপেক্ষা অনেক উচ্চ সম্মানে সম্মানিত করিয়া, বিস্তর মণিমুক্তা, মূল্যবান মুদ্রা, খেলারাত ও দাস দাসী উপহার দিয়াছিলেন। এই উপলক্ষে সোলতান প্রধান মন্ত্রী জিরাউল্ মুল্কের উদ্দান-বাটীতে অতিশয় সমারোহের সহিত ভোজের আয়োজন করিয়াছিলেন বটে, কিন্তু কোতবউদ্দীন হঠাৎ পীড়িত হইয়া পড়ায়, সোলতান তাঁহাকে নিজপ্রসাদে লইয়া গিয়াছিলেন।

ভারতে প্রত্যাবর্তন কালে কাশ্মীরের শাসনকর্তা তাজ-উদ্দীন এল্‌দাজ, কোতবের প্রতি অতিশয় সম্মান প্রদর্শন করিয়া তাঁহাকে বহু অমুরোধে কয়েক দিবস স্বীয় রাজধানীতে অবস্থান করিতে বাধ্য করিয়াছিলেন। শেষে তাঁহার পরমা স্ত্রীরী কন্যাকে অনেক যৌতুকের সহিত কোতব উদ্দীনের হস্তে সমর্পণ করিয়াছিলেন।

কোতব উদ্দীন দিল্লী কিরিয়া আসিয়া নগরের মধ্যস্থলে একটি বৃহৎ মসজিদ নির্মাণ করাইলেন।

১১৯৪ খৃষ্টাব্দে কোতব উদ্দীন গজ্জনীপতির পুনঃ ভারত-আগমনের সংবাদ পাইয়া, একটি হস্তীপুচ্ছ পূর্ণ বোঝাই করিয়া ও উৎকৃষ্ট একশত অশ্ব সঙ্গে লইয়া তাঁহার সহিত সাক্ষাৎ করিলেন।

এই অভিযানে কোতবউদ্দীন সম্রাটকে পঞ্চাশৎ সহস্র বর্ষধারী উৎকৃষ্ট অঘারোহী সেনা দিয়া সাহায্য করিয়াছিলেন, এবং এই সৈন্য লইয়াই কোতবের সাহায্যে সোলতান, অনায়াসে কাশ্মীর ও যারানসী জয় করিয়াছিলেন।

প্রত্যাবর্তন সময়ে সোলতান মোহাম্মদ গোরী থান্গড় (আধুনিক বিয়ানা) দুর্গের নিকট দিয়া যাইবার কালে দুর্গের দিকে একবার চক্ষু ফিরাইলেন। দুর্গাধিপ কুড়ার পাল সকলের সমক্ষে তাঁহার প্রসিদ্ধ দুর্গের দৃঢ়তা ও তাঁহার সেনাবলের অহঙ্কার করিতেন; কিন্তু সোলতানের অধীনস্থ মোস্লেম বীরগণের অলোক-সামান্য দৃঢ়তা ও তেজোব্যঞ্জক আকৃতি দেখিয়া দুর্গাধক্ষ মনে মনে প্রমাদ গণিতে লাগিলেন, এবং যুদ্ধারম্ভের পূর্বেই সম্রাটের সমক্ষে আগমন করিয়া নিজের জীবন ভিক্ষা চাহিলেন এবং সাষ্টাঙ্গে ভূপতিত হইয়া মৃত্তিকা চুষন করিলেন।

সোলতান থান্গড়ের রাজত্বে বাহাউদ্দীন তোঘরিল নামক একজন বিচক্ষণ রাজনীতিজ্ঞকে শাসনকর্তা নিযুক্ত করিয়া, গোয়ালিয়রের দিকে অগ্রসর হইলেন। হিঃ ৫৯২।

গোয়ালিয়র দুর্গ তৎকালীন ভারতের দুর্গমালার মধ্যে বিশেষ সমৃদ্ধিশালী ও সংরক্ষিত দুর্গ ছিল। ইহা একটা উচ্চ পর্বতোপরি অবস্থিত। মোহাম্মদ গোরীর আজ্ঞা পাইয়া যখন তাঁহার বীর সেনাগণ একত্রে তাহাদের রক্তপিপাস্ব তরবারিগুলি শত্রুর চক্ষুর সমক্ষে উন্মুক্ত করিল; তখন তাহাদের উজ্জ্বল প্রভা বিদ্যুতের ন্যায় বিধম্মীগণের চক্ষু বলসাইয়া দিতে লাগিল। পৌত্তলিকগণ দিব্য চক্ষে ঐ তীক্ষ্ণধার অসির চাকচিকের মধ্যে যেন ঝাল সূর্পের স্মৃতিস্ম বিবদস্ত দেখিতে পাইয়া ভয়ে জড় সড় হইয়া গেল।

রায় শশাঙ্ক পাল বহু উত্তম এবং বহু চেষ্টা করিয়াও কোন মতে তাঁহার সৈন্যগণের উৎসাহ বর্দ্ধন করিতে কৃতকায্য হইতে পারিলেন না। যে দিকেই তিনি ফিরিতে লাগিলেন, সেই দিকে দেখিতে পাইলেন যেন বিপদ করাল মুখ ব্যাদান করিয়া তাঁহাকে গ্রাস করিতে অগ্রসর হইতেছে। এই সময় এস্লামের রণ-উল্লাস “আল্লাহো আকবর” ধ্বনি, ক্ষণে ক্ষণে

তাঁহার কণ বধির করিতে লাগিল। রাজা শশাঙ্ক পাল ভয়ে বিহ্বল হইয়া সোলতানের অধীনতা স্বীকার করিলেন ও তাঁহার করদ রাজা হইয়া থাকিত বাধ্য হইয়া, তাহার নিদর্শন স্বরূপ দশটা হস্তীপৃষ্ঠে অনেক উপঢৌকন বোঝাই করিয়া সোলতান সমীপে পাঠাইয়া দিলেন।

সোলতান গোয়ালিয়র-রাজকে স্বীয় করদ রাজা মধ্যে গণ্য করিয়া লইয়া, তথা হইতে গজনী প্রত্যাবর্তনের পথে অগ্রসর হইতে লাগিলেন। কোতব উদ্দীন তাঁহাকে বিদায় করিয়া দিয়া দিল্লী ফিরিয়া গেলেন।

১১২৫ খৃষ্টাব্দে কোতব উদ্দীন আজমীরের বিদ্রোহ দমন করিতে গিয়া গুজরাটের নাহারওয়াল প্রদেশের উন্নত অবস্থা দেখিয়া ও তথাকার রাজার আন্তরিক মোস্লেম-বিদ্রোহিতার পরিচয় পাইয়া, তাহার রাজ্য আক্রমণের সঙ্কল্প করিলেন; এবং সেইদাক্ষণ গ্রীষ্মের সময় একদিন প্রত্যুষে সূর্যোদয়ের পূর্বে সিংহ-বিক্রমে তাহার উপর আপতিত হইলেন। কিন্তু সূর্যোদয়ের পর হইতে গ্রীষ্ম ক্রমশঃ অসহ্য হইতে থাকায়, লৌহ-বর্ষাবৃত মোস্লেম সেনাগণ রণক্ষেত্রে আর তিষ্ঠিতে পারিল না, শেষে তাহাদিগকে আজমীরের পথে ফিরিয়া আসিতে বাধ্য হইতে হইল।

ইহার পরই কোতব উদ্দীন গজনীর মহোন্নত রাজাধিরাজ সোলতান মোহাম্মদ গোরীর নিকট এই সমস্ত অবস্থা লিখিয়া রাজ্যশাসন ও বিস্তার কার্যে সত্রাটের অমুমতি ও সাহায্য প্রার্থনা করিলেন। সোলতান মহাপরাক্রমশালী রাজ-প্রতিনিধির এবস্থিৎ নম্রতা দর্শনে অতিশয় সন্তুষ্ট হইয়া, কোতব উদ্দীনের উপর তাঁহার অধীনস্থ হিন্দুস্থান-সম্বন্ধে ষড়্ছা শাসনের অমুমতি প্রদান করিলেন; তৎসঙ্গে তাঁহার সাহায্যার্থে জাঁহান খাহালওয়ান আসাফ উদ্দীন আরসুলান, নাসের উদ্দীন হোসায়েন, ইজ্জত উদ্দীন, এবং সুরফ উদ্দীন মোহাম্মদ জাহাহ্ নামক বিখ্যাত সেনাপতিগণের অধীনে বহু তুর্ক সেনা পাঠাইয়া দিলেন।

গজ্‌নৌ হইতে এই অদম্য সাহসী বীরবাহু মোস্লেম সেনাদল শীত ঋতুর প্রারম্ভেই আসিয়া, কোতব উদ্দীনের সৈন্যগণের সহিত যোগ দিল। তৎপরে বীর-কেশরী কোতব উদ্দীন, এই সেনা সত্তার লইয়া ৫৯৩ হিজরীর সফর মাসের মধ্যভাগে ১১৯৭ খৃষ্টাব্দে জানুয়ারী মাসে নাহার-ওয়ারা দমনে বহির্গত হইলেন।

পালি ও নন্দুগ পার্বতীর দুর্গ সমীপে গমন পূর্বক তাঁহারা দেখিতে পাইলেন যে—“জড়োপাসক” পেচকেরা তাহাদের গর্ভ ছাড়িয়া মোস্লেম সেনার আগমন-বার্তা পাইয়া কোথায় পলায়ন করিয়াছে। তৎপরে অনুসন্ধান করিতে করিতে অবগত হইলেন যে—তাহারা তাহাদের দলপতি কর্ণরায় ও ভীম দেবের অধীনে, আবু পর্বতের নিম্ন দেশে একটি গিরিবজ্রের প্রবেশ-দ্বারে অবস্থান করিতেছে।

এই স্থানে ইতি পূর্বে জগৎ প্রসিদ্ধ বীর সোলতান মোহাম্মদ শাম গোরী আহত হওয়ার, কোতব এই স্থানটিকে অশুভ স্থান জানে, হিন্দু সৈন্যগণকে তথায় আক্রমণ করিতে বিরত হইলেন।

বিধর্মী জড়োপাসকগণ মোস্লেম-সেনাগণের এই বিধা অবলোকন করিয়া, ঠহা ভীকৃত্যর লক্ষণ বিবেচনার গিরিবজ্র পরিত্যাগে ক্রমে মোস্লেম সেনার সম্মুখীন হইল, এবং কিছুক্ষণ পর্যন্ত উভয় সেনা পপম্পর পরম্পরের সম্মুখীন হইয়া যুদ্ধে প্রস্তুত হইতে থাকিল; কেহ কাহাকে আক্রমণ করিল না।

১৩ই রবিওন্ আউমন্ শনিবার দিবা গতে রাত্রে, মোস্লেম সেনা শিবির পরিত্যাগ পূর্বক বহির্গত হইয়া, প্রাতে বিধর্মীগণের উপর বীর হৃদ্বারে নিপতিত হইল। দেখিতে দেখিতে তাহারা পৌত্তলিক রক্তের নদী বহাইয়া, বেলা দুই প্রহরের মধ্যে, জড়োপাসকগণকে প্রায় শেষ করিয়া ফেলিল। হিন্দুগণের অধিকাংশ নেতা মোস্লেম সেনা

হস্তে বন্দি হইল। এই সময় মধ্যে প্রায় পঞ্চাশৎ সহস্র হিন্দু সেনা, রণক্ষেত্রে মোস্লেম তরবারির আঘাতে ভুলুষ্ঠিত হইতে দেখিয়া, অবশিষ্ট বিধর্মীগণ রণে ভঙ্গ দিয়া পার্বত্য অরণ্যে ও পর্বত-গুহার লুক্কায়িত হইয়া জীবন রক্ষা করিল। রাজা কর্ণরায় ইতিমধ্যে যুদ্ধ ক্ষেত্র হইতে পলায়ন করিতে কৃতকার্য হইয়াছিল।

বিধর্মীগণের স্ত্রীপাকার মৃত দেহে পর্বত ও উপত্যকা ভূমি একাকার হইয়া গেল। এই যুদ্ধে মোস্লেম-সেনাগণ বিংশতি সহস্রাধিক হিন্দুসেনা বন্দি করিয়াছিলেন ও তৎসঙ্গে বহু হস্তী, অশ্ব ও যুদ্ধাস্ত্র তাহাদের হস্তগত হইয়াছিল।

যুদ্ধাবসানে সুদৃশ্য নদ নদী ও উর্বরা ক্ষেত্র পরিপূর্ণ নাহার ওয়ালা রাজত্ব (অর্থাৎ নদী পরিপূর্ণ ভূভাগ) এবং সমস্ত গুজরাট প্রদেশ তেজস্বী মোস্লেম বীরগণের হস্তগত হইল। বিজয়ী মোস্লেম বীর কোতব উদ্দীন, গুজরাটের সুশাসনের বন্দোবস্ত করিয়া তথা হইতে আজমীরের ভিতর দিয়া দিল্লী প্রত্যাবর্তন করিলেন।

৫৯৯ খিজরী ১২০২ খৃষ্টাব্দে কোতব উদ্দীন কালিঞ্জর আক্রমণে বহির্গত হইলেন। এই অভিযানে কোতব পুত্রাপেক্ষা প্রিয় পাত্র, তাঁহার জামাতা সাম্-উদ্দীন আলতামাশ্কে তাঁহার সঙ্গে লইয়াছিলেন। কালিঞ্জর-রাজ পরমার, খোলা ময়দানে মোস্লেম যোদ্ধাগণের সহিত কিছুক্ষণ যুদ্ধিয়া, শেষে জঙ্গল মধ্যে পলায়ন করিয়া আত্মরক্ষা করিলেন, কিন্তু অল্পদিন মধ্যেই আবার কোতব উদ্দীনের নিকটে আসিয়া আত্মসমর্পণ করিলেন। রাজার পূর্বপুরুষগণ সোল্তান মাহ্-মুদের নিকট হইতে ষে রূপ ব্যবহার পাইয়া-ছিলেন, বশুতঃ স্বীকার করায় দিল্লীস্থর কোতব উদ্দীনও তাঁহার প্রতি সমভাবে সদ্যবহার করিতে লাগিলেন।

রাজা পরমারের হঠাৎ মৃত্যু হওয়ার তাঁহার দেওয়ান অজদেব,

সিংহাসনাক্রুত হইয়া দিল্লীশ্বরের বিরুদ্ধে বিদ্রোহ ঘোষণা করিলেন ও ঐ বৎসরই ২০ রজব গোম্বারে মোস্লেম-বাহিনীর সহিত যুদ্ধে সম্পূর্ণরূপে পরাজিত হইয়া, তদবধি কোথায় নিরুদ্দেশ হইয়া গেলেন।

এসলাম সম্ভানগণ সগর্বে আবার কালিঞ্জরের প্রসিদ্ধ সুদৃঢ় দুর্গ হস্তগত করিল। এবার নগরের সমস্ত দেবালয়গুলি ভূমিসাৎ করিয়া সঙ্গে সঙ্গে তাহার স্থানে সুদৃশ্য মস্জিদ নিৰ্ম্মাণ আরম্ভ হইল। কিছুদিন মধ্যে পবিত্র আজান ধ্বনিতে এককালের ঘোর ঈশ্বর-বিদ্রোহী প্রতিমা পরিপূর্ণিত কালিঞ্জর নগর মুখরিত হইয়া উঠিল। এই সময় পৌত্তলিকতার চিক্ৰমাত্র কালিঞ্জরে অবশিষ্ট রহিল না। প্রায় পঞ্চাশৎ সহস্র বিধর্মী পৌত্তলিক খোলা ময়দানে, সমবেত হইয়া কেহ ইচ্ছায়, কেহ অনিচ্ছায় ও ভয়ে যখন পবিত্র এসলাম ধর্মের শীতল ছায়ার আশ্রয় গ্রহণ করিল, তখন তাহাদের কৃষ্ণবর্ণে সমতল-ক্ষেত্র মসীময় বিবেচিত হইতে লাগিল। কোতব উদ্দীন কালিঞ্জরের বিজিত সিংহাসনে হাজ্জ্বার-উদ্দীন হাসানকে বসাইয়া, রোহিলখণ্ড প্রদেশের বাদাউনাতিমুখে যাত্রা করিলেন।

এই সময় গজনীর অধীশ্বর সোল্তান মোহাম্মদ গোরী, কোতব উদ্দীনের নিকট পত্র প্রেরণ দ্বারা তাঁহাকে পোধ্যপুত্ররূপে গ্রহণ করিয়াছেন অবগত করিলেন, এবং এই সঙ্গে অধিকতর আত্মীয়তার নিদর্শন স্বরূপ বারাগসী-জয়ে প্রাপ্ত অতীব সুদৃশ্য শ্বেত হস্তীটি তাঁহাকে পাঠাইয়া দিয়াছিলেন। কোতব উদ্দীন যতদিন বাঁচিয়া ছিলেন, গজনীপতি-প্রদত্ত এই হস্তীতে তিনি প্রায়ই আরোহণ করিতেন। আশ্চর্যের বিষয় এই যে সম্রাট কোতব উদ্দীনের অকস্মাৎ মৃত্যুর তৃতীয় দিবসে ঐ শ্বেত হস্তীরও প্রাণবায়ু বহির্গত হইয়াছিল।

হিঃ ৬০২ সালে কোতব উদ্দীন লাহোর যাত্রা করেন ও সেই বৎসর ১৮ জেম্বুদ মঙ্গলবারে তিনি লাহোরের সিংহাসনে রাজাধিরাজরূপে

অভিযুক্ত হইয়াছিলেন। অতঃপর সম্রাট গজনী গমন করিয়া ও রাজধানী সোলতান মোহাম্মদ গোরীর ভ্রাতৃপুত্র গেরাস-উদ্দীন মাহমুদ মোহাম্মদ শ্রামের হস্তচ্যুত করিয়া স্বয়ং সিংহাসনারূঢ় হইয়া, মাত্র চল্লিশ দিন তথায় অবস্থান ও রাজত্ব করিলেন; তৎপরে দিল্লী প্রত্যাবর্তন করিলেন।

হিঃ ৬০৭ সালে ১২১০ খৃষ্টাব্দে সম্রাট কোতব উদ্দীন লাহোরে অখারোহণে চৌগান (পলো) খেলিবার কালে দৈবক্রমে অশ্ব হইতে পড়িয়া যান; সঙ্গে সঙ্গে অশ্বটিও তাঁহার উপর আসিয়া পড়ায়, জিনের লৌহ নিশ্চিত উচ্চ ভাগটা সম্পূর্ণরূপে সম্রাটের বক্ষস্থলে বিদ্ধ হইয়া তাঁহার মৃত্যু হয়।

কোতব উদ্দীন বিংশতি বৎসর কাল রাজত্ব করেন, তন্মধ্যে শেষ চারি বৎসর তিনি পারশ্ব, ইম্পাহান, গজনী ও আসমুদ্র ভারতের অধিকাংশের রাজাধিরাজ হইয়া দিল্লীর সিংহাসন আলোকিত করিয়া ছিলেন। তাঁহার রাজত্বকালে তদীয় সেনাপতি এখতিয়ার উদ্দীন মোহাম্মদ বখতিয়ার খিলিজী বাঙ্গালা বেহার জয় করেন।

(তাজুল মাসাসীর)

দ্বিতীয় খণ্ড ।



বাঙ্গালায় মোসলমান রাজত্ব

নবদ্বীপ, লক্ষণাবতী (গোড়), সুবর্ণগ্রাম, পাণ্ডুরা,
খণ্ডয়াসপুর-টাঁড়া, রাজমহল, ঢাকা ও
মুর্শিদাবাদ,—পলাসীক্ষেত্র

স্বঃ ১২০০—১৭৩৭

প্রথম সর্গ



গাজী এখ্‌তিয়ার উদ্দীন মোহাম্মদ বখ্‌তিয়ার খিলিজী ।

বখ্‌তিয়ার বাল্যকাল হইতেই অতিশয় সাহসী, বুদ্ধিমান ও উদ্ভোগী পুরুষ ছিলেন । তিনি অল্প বয়সেই তাঁহার জন্মস্থান ও আত্মীয় স্বজনগণকে পরিত্যাগ করিয়া, প্রথমতঃ গোর ও তথা হইতে ক্রমে গজ্‌নীতে আসিয়া সোল্তান সৈয়দ মুঈজুদ্দীন মোহাম্মদ গোরীর শরণাপন্ন হন, এবং তথাকার রাজদরবারে দিওয়ানেআরজে (আরজীর দপ্তর খানার) চাকুরী প্রাপ্ত হইলেন । কিন্তু এই মসীজীবীর কার্য্য তাঁহার মনঃপূত না হওয়ার, তিনি এই উপজীবিকা পরিত্যাগপূর্ব্বক গজ্‌নী হইতে হিন্দুস্থানে চলিয়া আসিলেন । দুর্ভাগ্যক্রমে দিল্লীতেও লেখনী ধারণ ব্যতীত জীবিকা উপার্জনের

অন্য উপায় না দেখিয়া তিনি অধুনিক রোহিলখণ্ডের অন্তর্গত বাদাউন নগরে গিয়া, তথাকার পরাক্রান্ত শাসনকর্তা হেজ্‌বার উদান হাসানের আশ্রয় গ্রহণ করিলেন ও তাঁহার সেনাদলে ভর্তি হইলেন।

কিছুদিন পরে বখ্‌তিয়ার অযোধ্যায় গিয়া মালেক হেসাম উদ্দীনের অধারোহী সেনাদলে মিশিয়া, কয়েকটি ক্ষুদ্র ক্ষুদ্র বিদ্রোহ দমনে অমানুষিক বীরত্ব প্রকাশ করায় ; তাঁহার নিকট হইতে সাল্‌মাত ও সাহ্‌লাস্ত নামক দুইটি গ্রামের জায়গীর প্রাপ্ত হইয়াছিলেন।

এই সময় হইতেই বখ্‌তিয়ারের উন্নতির সূতপাত্র হইল। এখান হইতে তিনি বেহার ও মুঙ্গেরে কয়েকটি ক্ষুদ্র অভিযান করিয়া অশ্ব ও যুদ্ধাস্ত্র সংগ্রহ করিতে আরম্ভ করিলেন। তাঁহার অসাধারণ বীরত্ব দেখিয়া খিলিজী বংশের অনেক লোক দলে দলে তাঁহার পতাকার নিম্নে আসিয়া জুটিতে লাগিল। ক্রমে বখ্‌তিয়ার খিলিজীর বীরত্ব কাহিনী দিল্লীর সোলতান কোতব উদ্দীনের কর্ণগোচর হওয়ার, গুণগ্রাহী সম্রাট গুণের পরিচয় পাইয়া, বখ্‌তিয়ার খিলিজীকে যথাযোগ্য সম্মান প্রদর্শন স্বরূপ খেল্লাত, কটীবন্ধ ও তরবারি উপহার পাঠাইয়া দিলেন।

বখ্‌তিয়ার খিলিজী, স্বভাবসুন্দর তুর্ক জাতির মধ্যে অতিশয় কদাকার-দর্শন ছিলেন ; এবং তাঁহার জীবনের প্রারম্ভকাল হইতে সকল স্থানেই উৎকৃষ্ট কর্মচারীগণের চক্ষুশূল হইবার ইহাও তাঁহার একটা প্রধান কারণ ছিল। তাঁহার এই কদর্যা চেহারা ও অসুষ্ঠু অঙ্গপ্রত্যঙ্গের আরও কদর্যতা বৃদ্ধি করিয়াছিল তাঁহার বাহু যুগল। হাত দুইখানি তাঁহার এতাদৃশিক অপরিমিত লম্বা ছিল যে—বখ্‌তিয়ার সোজা হইয়া দাঁড়াইলে তাঁহার হস্তের অঙ্গুলি তাঁহার জানুসন্ধির অনেক নীচে আসিয়া পৌঁছিত।

দিল্লীশরের উৎসাহ পাইয়া বখ্‌তিয়ার পূর্ণতেজে বেহার আক্রমণ করিলেন। ৬৯৬, হিঃ ১১৯৯ খৃষ্টাব্দ—

এই অভিযানে বীরপুঙ্গব বখ্‌তিয়ার খিলজী মাত্র দুইশত অশ্বারোহী সম্ভিবাগারে বিহার দুর্গের দ্বারদেশে আসিয়া উপস্থিত হইলেন। তাঁহার সৈন্য মধ্যে নেজাম উদ্দীন ও শামস-উদ্দীন নামক দুই ভ্রাতা ছিলেন। তৎকালে নসিরী ইতিবৃত্তলেখক আবু-ওমর মেন্‌হাজ্জুদ্দীন খৃষ্টীয় ১২৪৩ সালে লক্ষণাবতী নগরে উক্ত শামস-উদ্দীনের মুখে মগধ আক্রমণ-সংক্রমে যাচা শুনিয়াছিলেন, তাহা তিনি স্বীয় ইতিহাসে এইরূপ লিপিবদ্ধ করিয়াছেন—

“যখন এই মাত্র দুইশত মোসলেম অশ্বারোহী, অদম্য সাহসী বীরকেশরী বখ্‌তিয়ারের অধীনে বিহার দুর্গদ্বারে গিয়া উপস্থিত হইল, তখন মগধ-রাজ তাঁহার সমুদয় সৈন্য লইয়া, অতি অল্পক্ষণের জন্ত দুর্দ্বর্ষ এসলাম সম্ভানগণকে বাধা প্রদান করিতে কৃতকার্য হইয়াছিলেন। শেষে মগধ-রাজ এই মুষ্টিমের বীরগণের শৌর্য্য বীৰ্য্য দর্শনে ভীত হইয়া নিলজ্জভাবে রাজধানী পরিত্যাগপূর্ব্বক পলায়ন করিলেন। পূর্ব্ভারতের বিদ্যাভ্যাসের কেন্দ্র বিহার, তখন বিনা আয়াসেই মোসলেমগণের হস্তগত হইল। বখ্‌তিয়ারের সেনাগণ দুর্গ প্রবেশে লুণ্ঠন আরম্ভ করিয়া দিল। মুণ্ডিত মস্তক ব্রাহ্মণগণ যে যেদিকে পারিল পলায়ন করিতে লাগিল। এই সময়ে তাহাদের মধ্যে অনেককেই যে উত্তেজিত সেনাগণের তরবারির নিম্নে প্রাণ বিসর্জন দিতে হয় নাই তাহা নহে। পরে রানীকৃত পুস্তক, বিজেতাগণের হস্তগত হওয়ার, তাঁহারা তখন এই দুর্গটিকে একটা প্রকাণ্ড পাঠাগার বলিয়া বুদ্ধিতে পারিলেন। কিন্তু বহু চেষ্টায়ও ওই সমস্ত সংস্কৃত ভাষায় লিখিত পুস্তকের পরিচয় বুঝাইয়া দিবার জন্ত একজনকেও পাওয়া গেল না। তখন দুর্গ ও নগর উভয়ই জনশূন্য। হিন্দি ভাষায় বিহার শব্দের অর্থ মরুৎ বিদ্যালয় বা বিশাল মঠ।

মগধ-বিজয়ের পর বহু ধন রত্ন লইয়া বখ্‌তিয়ার দিল্লীতে কোতব

উদ্দীনের দরবারে পৌঁছিলেন, এবং তথায় দিল্লীশরের নিকট যথেষ্ট সমাদর ও অভ্যর্থনা পাইলেন। কিন্তু দিল্লীশরের দরবারের ওমরাহগণের উচ্চাভাল লাগিল না। বখতিয়ার খিলজী তাহাদের চক্ষুশূল হইলেন; তখন তাহারা এই তেজস্বী নবীন সেনাপতির ধ্বংসের জন্ত নানা উপায় উদ্ভাবন করিতে লাগিল। শেষে সকলে পরামর্শ করিয়া একদিন সম্রাট-সমীপে মোহাম্মদ বখতিয়ারের অসীম বীরত্ব ও সাহসের প্রশংসা করিতে করিতে, সেনাপতি মস্ত হস্তীর বল ধারণ করেন—একবাক্যে সকলে বলিয়া উঠিল। তাহারা ইহাতে ক্ষান্ত না হইয়া একদিন কথা প্রসঙ্গে সম্রাটের নিকট বখতিয়ারের একটি মস্ত হস্তীসহ যুদ্ধ দর্শনাভিলাষ প্রকাশ করিয়া, সম্রাট সকাশে অনুরোধ করিল।

সম্রাট কোতবউদ্দীন, মোহাম্মদ বখতিয়ারের সম্মতি গ্রহণ পূর্বক, তৎক্ষণাৎ তাহার পিলখানা হইতে সর্বপেক্ষা দুর্দান্ত ও বলশালী হস্তী আনিবার আদেশ করিলেন। সঙ্গে সঙ্গে এক মহাকায় উচ্চুখল বারণ, খেত প্রাসাদের সম্মুখস্থ বৃহৎ প্রাঙ্গণে আসিয়া উপস্থিত হইল। সেনাপতি বখতিয়ার খিলজী গাত্রাবরণ উন্মোচন পূর্বক কোমর বাঁধিয়া, মাত্র একটি যুদ্ধ কুঠার হস্তে হস্তীকে আক্রমণ করিলেন, এবং সঙ্গে সঙ্গে উহার শুণ্ডে এরূপ প্রচণ্ডবেগে কুঠারাঘাত করিলেন যে,—হস্তী চীৎকার করিতে করিতে পলায়ন করিল।

চতুর্দিকের ধন্য ধন্য শব্দে ও করতালিতে প্রাঙ্গণ মুখরিত হইয়া উঠিল। কোতবউদ্দীন নিজ হস্তে সেনাপতিকে নানা উপঢৌকনে পরিতুষ্ট করিয়া, সম্রাট ওমরাহগণকে স্বীয় কার্যের অনুসরণ করিতে ইঙ্গিত করিলেন।

বখতিয়ার খিলজীর সম্মুখে ধনরত্নের ঢেরী লাগিয়া গেল; কিন্তু মহামুত্তব সেনাপতি উহাতে চক্ষুক্ষেপণও না করিয়া, বরং নিজ হইতে

আরো কিছু উহাতে দিয়া, সমস্ত ধনরত্ন সম্রাট প্রাসাদের দাস-দাসীগণের ও দীন-দুঃখীদিগের মধ্যে বিতরণ করিয়া দিলেন।

এইবার তিঃ ৫৯৯ সালে ১২০২ খৃষ্টাব্দে এখ্ তিয়ার উদ্দীন মোহাম্মদ বখ্ তিয়ার, দিল্লীখর সোল্তান কোতবউদ্দীনের নিকট হইতে খেলুয়াত ও মগধের শাসন-কর্তৃত্বের সনন্দ পাইলেন; এবং সঙ্গে সঙ্গে চতুর্দিকে তাঁহার রাজ্য বৃদ্ধি করিবার অমুমতি প্রাপ্ত হইলেন।

বেহারে প্রত্যাভর্তন করিয়া নব-অধিকৃত রাজ্যের সুবন্দোবস্ত করিতে তাঁহার ৫৯৯ হিজরী কাটিয়া গেল। এই সময়ে মধ্যে লোক প্রেরণ করিয়া তিনি বাঙ্গালার ও উহার তৎকালীন রাজধানী নবদ্বীপের সম্বন্ধে অন্বেষণ লইতে লাগিলেন।

বাঙ্গালার মসনদে সেই সময় নবদ্বীপে বৃদ্ধ রাজা লক্ষণ সেন উপবিষ্ট ছিলেন। এদিকে বখ্ তিয়ার খিলজীর বেহার-বিজয়-বার্তা ঘোষিত হওয়ার, মগধ দেশ, লক্ষণাবতী বিভাগ, বঙ্গদেশ ও কামরূপ বিভাগ, তাঁহার নামে প্রকম্পিত হইতে লাগিল।

নদীয়ার রাজা রায় লক্ষণ সেনের জন্ম সম্বন্ধে এইরূপ জনশ্রুতি আছে—
রাজা লক্ষণ বা লাক্ষণের অশীতি বৎসর বয়স পর্য্যন্ত নবদ্বীপের সিংহাসনে বসিয়া সমস্ত বাঙ্গালা দেশ শাসন করিয়াছিলেন। তাঁহার পিতৃদেব লক্ষণ সেনের মৃত্যুকালে তদীয় মাতা পূর্ণ গর্ভবতী ছিলেন; এই জন্ম পূর্বতন রাজা লক্ষণ সেনের অপুত্রক অবস্থার মৃত্যু হওয়ার, রাজসভাসদগণ গর্ভবতী রাণীকে সিংহাসনে বসাইয়া, তাঁহার কোড়ে রাজ মুকুট রক্ষা করিয়া, তাঁহাকেই রাজ-সম্মান প্রদান করিলেন।

ক্রমে রাণীর প্রসবের সময় অতি নিকটবর্তী হইয়া আসিল। তখন তিনি রাজধানীর সমুদয় জ্যোতির্কিদকে আহ্বান করিয়া, ঐ লগ্নে পুত্র প্রসূত হইলে, পুত্রের ভবিষ্যৎ উন্নতি কি প্রকার হইবে জিজ্ঞাসা করিলেন।

জ্যোতির্বিদগণ চিন্তা ও তর্ক-বিতর্কের পর একমত হইয়া বলিলেন যে,— এই মুহূর্তে সম্ভান ভূমিষ্ঠ হইলে সেই সম্ভানের ভবিষ্যৎ বড়ই অমঙ্গলকর হইবে ও সেই পুত্র কোন মতে রাজ্য প্রাপ্ত হইতে পারিবে না। কিন্তু আর পাঁচ দণ্ড কাল পরে পুত্র প্রসূত হইলে, সেই পুত্র রাজা হইয়া অশীতি বৎসর রাজত্ব করিবে।”

“রাজমাতা এই সংবাদ শুনিয়া, তাঁহার উরুধর একত্রে কঠিন ভাবে বন্ধন করিয়া ও মস্তক নিম্নদিকে রাখিয়া তাঁহাকে বুলাইয়া রাখিতে আজ্ঞা করিলেন। রাজ্যীর অহুমতি মত সঙ্গে সঙ্গে কার্য্য করা হইল। দুই ঘণ্টা কাল এই অবস্থায় থাকার পর, যখন জ্যোতিষীগণ—“এই সুপুত্র জন্মিবার উপযুক্ত সময়” প্রকাশ করিলেন, তৎক্ষণাৎ রাজ্যীর ইচ্ছিত ক্রমে তাঁহাকে নামাইয়া দেওয়া হইল ও তাঁহার উরুধর বন্ধন মুক্ত করিয়া দেওয়া হইল। পরক্ষণেই লক্ষণের বা লক্ষণ জন্মগ্রহণ করিলেন। কিন্তু পুত্র প্রসবের সঙ্গে সঙ্গেই পুত্র মাতৃহারা হইল। দারুণ যন্ত্রণার রাণীর প্রাণবায়ু প্রসবের সঙ্গেই বহির্গত হইয়া গেল।

লক্ষণ একজন পরম দয়ালু ও স্মার বিচারক রাজা ছিলেন। দিল্লীখর কোতবউদ্দীনের স্মার তাঁহার অন্তঃকরণও অতীব মহৎ ও উদার ছিল

মোহাম্মদ বখতিয়ার, সোল্তান কোতবউদ্দীনের নিকট চাইতে বিদায় গ্রহণে বেহারে আসিয়া, মগধের সিংহাসনে অধিকৃত হইলেন। অচিরে লক্ষণ সেন তাঁহার বাহুবলের পরিচয় পাইলেন। ক্রমে বখতিয়ার খিলজীর বল-বীর্য্য বাহুল্যের সর্বত্র প্রচার হইয়া পড়িলে, রাজ্যের জ্যোতির্বিদগণ ও ব্রাহ্মণ মণ্ডলী রাজা লক্ষণ সেনের নিকট উপস্থিত হইয়া তাঁহাকে অবগত করিলেন যে,—

“ব্রাহ্মণগণের বহু পুরাতন গ্রন্থসমূহে তাঁহারা দেখিয়াছেন যে, তাঁহাদের দেশ শেষে তুর্কদিগের অধিকারভুক্ত হইবে; আর সেই

সময়ও প্রায় নিকটবর্তী হইয়া আসিয়াছে, ওদিকে তুর্কীরাও মগধ জয় করিয়াছে ও সম্ভবতঃ পর বৎসর বাঙ্গালা আক্রমণ করিবে।”

এই কথা বলিয়া সেই সময়ের স্বদেশ-হিতৈষী বাঙ্গালী ব্রাহ্মণমণ্ডলী তাহাদের চির-স্বাধীন রাজাকে মোসলমানগণের সহিত ভয়ে সন্ধিসূত্রে আবদ্ধ হইতে উপদেশ দিলেন।

রাজা লক্ষণ তখন ব্রাহ্মণগণকে সযোজন করিয়া বলিলেন—“যে মহাবীর বাঙ্গালা দেশ জয় করিবেন, তাঁহার কোন বিশেষ লক্ষণ আপনারা অবগত হইয়াছেন কি?”

ব্রাহ্মণ—“মহারাজ! আমরা এই পর্য্যন্ত জানিতে পারিয়াছি যে—সেই বীরপুরুষের বাহুদ্বয় অস্বাভাবিক দীর্ঘ, এমন কি সরলভাবে দণ্ডায়মান হইলে, তাঁহার হস্তদ্বয় তাঁহার হাঁটুর নিম্নদেশ পর্য্যন্ত অবতরণ করিবে।”

ব্রাহ্মণগণের উক্তি শুনিয়া রাজা লক্ষণ, মোহাম্মদ বখতিয়ারের অবয়বের সূক্ষ্মানুসূক্ষ্মরূপে বর্ণনা শুনিবার জন্য গোপনে দূত প্রেরণ করিলেন। পরে দূতমুখে তাঁহার করি-শুণ্ড-সন্নিভ আজাতুলন্বিত বাহু যুগলের বর্ণনা অবগত হইয়া, বৃদ্ধ রাজা আতঙ্কে জড়সড় হইতে লাগিলেন।

এই ব্যাপারের, পর হইতে, ক্রমে রাজ্যের বহুতর ব্রাহ্মণ, নবদ্বীপ তথা বঙ্গদেশ পরিত্যাগ পূর্বক পুরীধামে গিয়া জগন্নাথের মন্দিরের নিকট আশ্রয় লইলেন; অনেকে কামরূপের দিকে অগ্রসর হইলেন। রাজা লক্ষণ, অতিশয় ভীত হইলেও তাঁহার রাজ্য ও রাজধানীর মমতা সহজে পরিত্যাগ করিতে পারিলেন না।

পর বৎসর ১২০৩ খৃষ্টাব্দে মোহাম্মদ বখতিয়ার খিলিজী বেহার হইতে পূর্বাভিমুখে বাঙ্গালার দিকে অগ্রসর হইতে লাগিলেন। পরে রাজধানী নবদ্বীপের নিকটবর্তী হইলে, তাঁহার বীর সৈন্যগণের মধ্য হইতে

সপ্তদশ জন অখারোহী মাত্র সঙ্গে লইয়া তিনি রাজধানীর মধ্যে প্রবেশ করিলেন। বখ্‌তিয়ার এই সময় কাহারও প্রতি কোনরূপ অত্যাচার না করিয়া নীরবে বিনা বাধা-বিঘ্নে বরাবর অগ্রসর হইতে লাগিলেন।

নগরবাসিগণ এই সমুদ্রত বগু দৃঢ়কায় সুগৌরাজ অখারোহীগণের স্মৃষ্টাম তেজঃপুঞ্জ ব্যাপক বদন মণ্ডলে পুরুষোচিত দৃঢ়তার অভিনব চিহ্ন প্রকটিত দেখিয়া, ভয়ে গোপনে থাকিয়া তাঁহাদিগকে অনিমেঘ লোচনে অবলোকন করিতে ৭৩ সঙ্গে সঙ্গে সর্বাঙ্গঃকরণে তাঁহাদের অপরূপ রূপ ও তেজস্বিতার ভূয়সী প্রশংসা করিতে লাগিল। প্রাসাদ-দ্বারের প্রহরী ক্ষুদ্রকায় বঙ্গীর সেনাগণ, এই অষ্টাদশ জন বিশালদেহ মোস্লেম-অখারোহীকে দেখিয়া সত্বরে পথ ছাড়িয়া দিল।

এই প্রকারে প্রাসাদ-দ্বারে উপনীত হইয়া, এই সামান্য সেনা কম্বজন কোষ হইতে অসি নিষ্কোষিত করিতেই, চতুর্দিক হইতে ভীতি-বিহ্বল সঙ্করণ চিৎকার-ধ্বনি উথিত হইতে লাগিল।

বৃদ্ধ রাজা এই সময় স্বর্ণ ও রৌপ্য নির্মিত ভোজন-পাত্রে নানাবিধ ভক্ষ্য দ্রব্য লইয়া নাখ্যাত্তিক আহারে বসিয়াছিলেন। হঠাৎ বাতিরের এই ভয়বহ বিকট করুণ চীৎকার ধ্বনির দিকে তাঁহার মন আকৃষ্ট হইল, এবং তৎসঙ্গেই দেখিলেন,—মোহাম্মদ বখ্‌তিয়ার প্রাসাদ অন্তঃপুরে প্রবেশ করিয়া তাঁহার সম্মুখেই নিকটস্থ কয়েকজন প্রহরীকে তরবারি মুখে শমন সদনে প্রেরণ করিলেন।

এই অবস্থা দর্শনে রাজা লক্ষণ স্বীয় স্ত্রী-পুত্র পরিত্যাগপূর্বক, প্রাসাদের পশ্চাৎ দ্বার দিয়া পলায়ন করিয়া নিজ প্রাণ রক্ষা করিলেন। অচিরে তাঁহার সমস্ত ধন রত্ন, তৎসঙ্গে স্ত্রী, কন্যা ও অন্তঃপুরবাসিনী রমণীগণ, বিক্রমী মোস্লেম সেনাগণের হস্তে পতিত হইলেন। বিস্তর হস্তী ও রাজার রত্নাগারের সমস্ত রত্ন বখ্‌তিয়ার খিলিজীর হস্তগত হইল। বখ্‌তিয়ারের

পশ্চাৎ পরিত্যক্ত সেনাগণ নগর মধ্যে আসিয়া পৌছিবার পূর্বেই, তিনি রাজধানী অধিকার করিয়া রাজসিংহাসন দখল করিয়াছিলেন।

বৃদ্ধ রাজা গঙ্গাগর্ভ দিয়া নৌকাযোগে পলায়ন করিয়া উড়িষ্যাভিমুখে চলিয়া গেলেন, এবং তথায় জগন্নাথ ধামে পৌছিয়া অল্পকাল মধ্যেই মৃত্যুমুখে পতিত হইলেন।

নবদ্বীপ অধিকারের পর বীর বাহু বখতিয়ার যে স্থানে ভাগীরথী পার তইয়াছিলেন, নদীয়া জেলার শান্তিপুরের অনতিদূরে সেই স্থান অত্যাধি “বখতিয়ার ঘাট” বলিয়া প্রসিদ্ধ আছে। কিন্তু কালে কালে গঙ্গা তথা তইতে অনেক সারিয়া আসায়, ঐ স্থান একটা ক্ষুদ্র গ্রামে পরিণত হইয়াছে।

বখতিয়ার খিলিজী নবদ্বীপ লুণ্ঠণ ও ধ্বংস করিয়া, তথা হইতে লক্ষণাবতী নগরে রাজধানী প্রতিষ্ঠিত করিলেন। এই স্থানের নাম করণ হইল গোড়। এই গোড় নগর গঙ্গার পূর্ব পার্শ্বে রাজমহল হইতে প্রায় ২৫ মাইল দক্ষিণে মালদহ জেলার অবস্থিত। স্থানটী বহুপূর্বে বঙ্গদেশের পুরাতন রাজধানী ছিল; এবং ইহার পরে মোগল সম্রাট হুমায়ুন, এই নগরের পুনঃসংস্কার করিয়া ইহার নাম জেন্নাত-আবাদ রাখিয়াছিলেন।

তৎকালে গঙ্গানদী গোড়ের পাদদেশ ধৌত করিয়া প্রবাহিত হইত। এক্ষণে উহা ভয়ানক জঙ্গলময় হইয়া, ব্যাঘ্র প্রভৃতি হিংস্র-খাপদ-সকুল অরণ্যে পরিণত হইয়াছে! গঙ্গাও এক্ষণে উহার পশ্চিমে চারি মাইল হইতে স্থানে স্থানে বার মাইল সরিয়া পড়িয়াছে।

গোড়ের ভগ্নাবশেষ হইতে অনুমান করা যায় যে, তৎকালীন, গঙ্গা-তীরবর্তী এই অতীব সমৃদ্ধিশালী মোস্লেম-বাজালার রাজধানী, অন্যান্য ১৫ মাইল দীর্ঘ ও তিন মাইল প্রস্থ স্থান ব্যাপিয়া বিরাজমান ছিল। এখনও নিবিড় অরণ্য মধ্যে কৃষ্ণ মর্শ্বর-নির্মিত কারুকার্য-খচিত মসজিদের ভগ্নাবশেষ, এবং মধ্যে মধ্যে অত্যাচ্ছ অর্দ্ধভগ্ন তোরণ ও

বৃহদায়তন জলাশয় সকল বিদ্যমান আছে। বঙ্গ-বেহার একত্রিত হওয়ার, রাজধানী লক্ষণাবতী এই যুক্ত প্রদেশের কেন্দ্রস্থান হইয়াছিল।

গোড়ে রাজধানী স্থাপিত করিয়া, মোহাম্মদ বখ্‌তিয়ার খিলিজী নানা স্থানে মসজিদ, বিদ্যালয় ও পাহনিবাস নির্মাণ করাইলেন। বঙ্গ-বেহার জয়ের পর বখ্‌তিয়ার খিলিজী ইচ্ছা করিলে, অনায়াসে নিজকে স্বাধীন রাজা বলিয়া ঘোষণা করিতে পারিতেন। কিন্তু তিনি তাহা না করিয়া আজীবন দিল্লীশ্বরের করদ রাজা হইয়া রহিলেন। বঙ্গ-বিজয়ের পর বখ্‌তিয়ার খিলিজী দিল্লীশ্বর এই জয়ের নিদর্শন, কোতব উদ্দীনকে বহু হস্তী ও প্রচুর ধন রত্ন উপঢৌকন পাঠাইয়া দিয়াছিলেন। (তবকত-নসিরী)।

অত্যল্পকাল মধ্যে সমস্ত বঙ্গদেশে মোসলমান শাসন প্রতিষ্ঠা করিয়া, এবং প্রত্যেক প্রধান প্রধান ঘাটগুলিতে আবশ্যিক মত সৈন্য রক্ষা করিয়া; এই যুদ্ধ-দুর্শদ মহাবীর বখ্‌তিয়ার, হিমালয়ের পরপারে তিব্বত ও তাহার উত্তর পশ্চিমে পূর্ব-তুর্কিস্তান, জয়ের আশা মনোমধ্যে পোষণ করিতে লাগিলেন। এই সঙ্কল্প-সাধন জন্য তিনি দশ সহস্র কষ্টসহিষ্ণু উৎকৃষ্ট অশ্বারোহী সংগ্রহ করিলেন; এবং প্রসিদ্ধ সেনাপতি মোহাম্মদ শেরাণ খিলিজীর হস্তে রাজ্যভার অর্পণ করিয়া, ঐ সমস্ত অশ্বারোহী সেনা সমভিব্যাহারে উত্তরের পার্বত্য প্রদেশ অতিক্রম করিতে আরম্ভ করিলেন। এই সময় মহাবীর বখ্‌তিয়ার পথের উত্তর পার্শ্বের ক্ষুদ্র ক্ষুদ্র রাজ্যগুলি করায়ত্ত করিতে করিতে ক্রমশঃ অগ্রসর হইতে লাগিলেন।

কোচ্ ও মিচ জাতীর রাজা, বখ্‌তিয়ারের শরণাপন্ন হইয়া, আলি নাম ধারণে এসলাম ধর্ম গ্রহণ করিলেন। এই অভিযানে উক্ত কোচ রাজা আলি, বখ্‌তিয়ার খিলিজীর পথ প্রদর্শক হইয়া, তাঁহাকে বর্ধন নগর পর্য্যন্ত পৌছিয়া দিয়াছিলেন।

এই বর্ধন নগরের প্রান্তদেশে বৃহৎ ও সুপ্রশস্ত নদ ব্রহ্মপুত্র প্রবাহিত

দেখিয়া, মোস্লেম সেনাগণকে দশদিন ধরিয়া নদের উপরের দিকে ক্রমশঃ অগ্রসর হইতে হইয়াছিল। শেষে তাঁহারা একটি পর্বতসঙ্কুল অপ্রশস্ত স্থানে দ্বাবিংশতি খিলানযুক্ত একটি বহু পুরাতন প্রস্তরময় সেতু দেখিতে পাইয়া, তৎসাহায্যে ব্রহ্মপুত্র পার হইয়া গেলেন।

যুদ্ধ-বিজ্ঞাবিশারদ সুনিপুণ সৈন্তাধ্যক্ষ বখ্‌তিয়ার খিলিজী, এই সেতু রক্ষণাবেক্ষণের জন্ত একজন তুর্কী ও একজন খিলিজী নেতার অধীনে উপযুক্ত সংখ্যক সৈন্ত রক্ষা করিয়া, কামরূপ রাজের রাজ্য মধ্যে উপস্থিত হইলেন। রাজা এই সংবাদ পাইয়া ও পূর্ব হইতেই বিজয়ী মোস্লেম সেনাগণের অসাধারণ রণ-কৌশলের পরিচয় পাইয়া, ভয়ে মোহাম্মদ বখ্‌তিয়ারের সহিত সখ্যতা-সূত্রে আবদ্ধ হইবার প্রস্তাব প্রেরণ করিলেন ; এবং তৎসহ ইহাও বলিয়া পাঠাইলেন যে—কিছু দিন তাঁহার রাজ্যে অপেক্ষা করিলে, তিনিও মোসলমানগণের সহিত তিব্বত অভিযানে যোগ দিতে পারিবেন।

বখ্‌তিয়ার, রাজার উপদেশে কর্ণপাত না করিয়া পূর্ণতেজে অগ্রসর হইতে লাগিলেন। তৎপরে পঞ্চদশ দিবস ক্রমান্বয়ে যাইবার পর, মোস্লেম-সেনাগণ তাহাদের ইঙ্গিত উপত্যকায় গিয়া উপস্থিত হইলেন। ঐ স্থানে একটি প্রকাণ্ড তিব্বতীয় দুর্গ ছিল। দুর্গ মধ্যস্থ সেনাগণ দুর্গ-প্রাকারের উপর হইতে মোস্লেমগণের উপর শর নিক্ষেপু আরম্ভ করিয়াছিল। ক্রমে উভয় পক্ষে ঘোরতর যুদ্ধ বাধিয়া গেল। শেষে সমস্ত দিন যুদ্ধের পর এসলামের সেনাগণ জয়লাভ করিল বটে, কিন্তু বখ্‌তিয়ার যুদ্ধফল সমালোচনা করিয়া দেখিলেন যে,—মাত্র জন কয়েক বিপক্ষ সেনা বন্দি করা ভিন্ন তাঁহারা এই যুদ্ধে আর কোন প্রকারেই লাভবান হ'ন নাই।

তৎপরে ঐ সকল বন্দির মুখে যখন বখ্‌তিয়ার খিলিজী অবগত হইলেন যে, ১৫ মাইল দূরে কুরুমপত্তন নগরে অন্যান্য সাড়ে তিন লক্ষ ধনুধারী

তুর্ক সেনা অবস্থান করিতেছে, তখন তিনি ঐস্থান আক্রমণ করা যুক্তি-সঙ্গত নহে বিবেচনার তথা হইতে প্রত্যাবর্তন করিতে লাগিলেন।

তিক্রম হইতে কামরূপ প্রত্যাবর্তন করিতে তাঁহাদিগকে পথে ৩৫টি ক্ষুদ্র-বৃহৎ গিরিবর্জ অতিক্রম করিতে হইয়াছিল; এবং ঐ প্রদেশের লোকেরা সেই সময় মোসলমানগণকে বিপদে ফেলিবার অভিপ্রায়ে তাহাদের গ্রামগুলিতে অগ্নি-সংযোগ করিয়া দূরে সরিয়া পড়িয়াছিল। এই কারণে প্রত্যাবর্তন কালে সেনাগণের আহার ও অশ্বের খাড়াভাবে তাঁহাদের কষ্টের অবধি রহিল না। অধিকাংশ সময় তাহাদিগকে ঘোড়ার মাংস খাইয়া ক্ষুন্নিবৃত্তি করিতে হইয়াছিল।

তৎপরে কামরূপের ভিতর দিয়া ব্রহ্মপুত্র নদের সেই প্রস্তরময় সেতুর নিকট গিয়া বখ্ তিয়ার খিলিজী দেখিলেন যে, কামরূপ-রাজ ঐ সেতু ভাঙ্গিয়া দিয়াছে; এবং অবগত হইলেন যে তৎপূর্বে তাঁহার নিযুক্ত দুইজন মোসলমান সেনানী পরস্পর বিবাদ করিয়া তথা হইতে উভয়েই সরিয়া পড়িয়াছিল। অশ্বারোহী সেনাসহ খরশোতা ব্রহ্মপুত্র উত্তীর্ণ হইবার একমাত্র উপায় সেতু, কামরূপের রাজা কর্তৃক এইরূপে ভগ্ন হইয়াছে দেখিয়া মোস্লেম-বীর ক্রোধান্বিত হইয়া নিকটবর্তী হিন্দুদিগের একটা প্রকাণ্ড দেবালয় ধ্বংস করিলেন ও তন্মধ্যস্থ বিগ্রহ সকল ভূমিসাৎ করিলেন।

সেই সময় কামরূপ-রাজ মোস্লেম সেনাগণকে কিপয় দেখিয়া, তাহাদিগকে চতুর্দিক হইতে অবরুদ্ধ করিবার পথ অন্বেষণ করিতে লাগিলেন। সূচত্বর বখ্ তিয়ার এই অবস্থা প্রতিবিধানে তাঁহার সেনাগণকে উৎসাহিত করিয়া, তাহাদিগকে ভীমবেগে জড়োপাসকগণের উপর গিয়া পড়িয়া, বিধর্মী-গণকে নরকে প্রেরণ করিতে আজ্ঞা প্রদান করিলেন। সঙ্গে সঙ্গে পৌত্তলিক-রক্তে মন্দির-প্রাঙ্গণ রঞ্জিত হইল। অবশিষ্ট হিন্দু সেনাগণ যে যেদিকে পারিল পলায়ন করিল।

অতঃপর সেনাপতি নদী পার হইবার জন্ত বৃক্ষ ছেদন দ্বারা ভেলা প্রস্তুত করাইতে লাগিলেন, এমন সময় নদের একস্থান দিয়া অখারোহীগণ ইাটিয়া পার হইতে পারিবে এইরূপ জনরব উঠায়, সেনাগণ সেই স্থানে গিয়া ব্রহ্মপুত্র পার হইবার উপায় দেখিতে লাগিল ও পূর্ববর্তী অনেকে নদের ঐ অগভীর স্থান দিয়া পরপারে যাইতে কৃতকার্য্যও হইল। কিন্তু হঠাৎ ভীষণ স্রোতে নদী গর্ভস্থ বালুকারাশি অপসারিত হওয়ায়, বিস্তর মোস্লেম সেনাকে প্রাণ বিসর্জন দিতে হইয়াছিল।

শেষে অবশিষ্ট অল্প সংখ্যক সৈন্যসহ বখ্‌তিয়ার খিলিজী ব্রহ্মপুত্র পার হইয়া আসিয়া, মোস্লেম ধর্ম্মে নব-দীক্ষিত কুচবেহারের রাজা আলি মিচের আতিথ্য গ্রহণ করিলেন। তথা হইতে দেবকোটে পৌছিয়া সেনাপতি কঠিন পীড়িত হইয়া পড়িলেন। অবশেষে ৬০২ হিজরী ১২০৫ খৃষ্টাব্দে প্রসিদ্ধ বঙ্গ-বিজেতা গাজী মোহাম্মদ এখ্‌তিয়ার উদ্দীন বখ্‌তিয়ার খিলিজী কঠিন পীড়িতাবস্থায়, তাহার পূর্ব সহচর ও অধীনস্থ কুনি দেশের শাসনকর্তা, বিশ্বাসঘাতক আলি মবুদান খিলিজীর ছুরিকাঘাতে রোগ শয্যায় ইহলীলা সম্বরণ করিলেন। বখ্‌তিয়ারের মৃতদেহ দেবকোট হইতে বেহারে লইয়া গিয়া সমাধিস্থ করা হইল।

এই স্থান হইতে আমরা এক প্রকার ভারতের অন্ত্যান্ত দেশ ও মোস্লেম বিজীত আফগানিস্তান, পারস্য, ইরাক, মিসর এবং ইউরোপের মোস্লেম অধিকৃত স্থানগুলির নিকট হইতে বিদায় গ্রহণ করিয়া, কেবল আমাদের জন্মভূমি বাঙ্গালা ও তাহার পশ্চিম ও দক্ষিণ পার্শ্ববর্তী বেহার ও উৎকলের মোস্লেম কীর্ত্তি সকল লিপিবদ্ধ করিতে থাকিব। তবে ভারতের বিভিন্ন রাজ্যের সহিত যে যে স্থানে ইহার ঘনিষ্ঠ সম্বন্ধ থাকিবে, সেই সকল বিষয় বাধ্য হইয়া মধ্য মধ্য আমাদিগকে উল্লেখ করিতে হইবে।

দ্বিতীয় সর্গ



সেরাগ

মালেক ঈজ্জদীন মোহাম্মদ সেরাগ খিলিজী, মগধ আক্রমণ কালে মহারথী বখ্‌তিয়ারের সহিত তাঁহার সেনা শ্রেণীভুক্ত হইয়া আসিয়া-
ছিলেন। তৎপরে মগধ হইতে যে মাত্র অষ্টাদশ জন অখারোহী নবদ্বীপে
আসিয়া, দ্বাজা লক্ষণসেনের রাজ্য অধিকার করেন, তন্মধ্যে এই মহাবীর
সেরাগ অন্ততম।

নবদ্বীপ বিজয়কালে রাজার সৈন্যগণ, অনেকগুলি হস্তী লইয়া পলাইয়া
জঙ্গলের মধ্যে আশ্রয় লইয়াছিল। মহাবীর সেরাগ এই সংবাদ পাইয়া,
কাহাকেও কিছু না বলিয়া একাকী তাহাদিগের অনুসরণ করিয়া, অরণ্য
মধ্যে তাহাদিগকে আক্রমণ করিলেন। এ দিকে তিন দিন তাঁহাকে
অনুপস্থিত দেখিয়া বখ্‌তিয়ার খিলিজী, তাঁহার এই অদম্য সাহসী বীরের
প্রাণের আশঙ্কা করিতে ছিলেন। হঠাৎ চতুর্থ দিবসে সংবাদ পাইলেন
যে—মহারথী সেরাগ বঙ্গরাজের ত্রিশটি বিপুলকায় যুদ্ধ হস্তী চালকসহ
ধৃত করিয়া অসীম সাহস প্রদর্শনে অরণ্য মধ্যে একাকী তাহাদিগকে
আটকাইয়া রাখিয়াছেন। তখন মোহাম্মদ বখ্‌তিয়ার, সেরাগের সাহায্যার্থে
কয়েক জন অখারোহীকে পাঠাইয়া দিলেন। অচিরে ঐ হস্তীযুথ বিজয়ী
বীর সমীপে আনীত হইল।

বখ্‌তিয়ার খিলিজীর মৃত্যুর সংবাদ পাইয়াই সেরাগ, রাজধানী গোড়

হইতে দেবকোটে উপস্থিত হইলেন। তথা হইতে আলিময়দান ষটিত সমস্ত ব্যাপার অবগত হইয়া, তাহার এই বিশ্বাসঘাতকতার উপযুক্ত প্রতিফল দিবার জন্ত ময়দানের রাজধানী নারকোটিতে গমন করিলেন; এবং আলি ময়দানকে তথায় গ্রেফতার করিয়া, নগর কোতওয়াল ইস্পাহানীর জিম্মায় বন্দি করিয়া রাখিয়া গোড়ে প্রত্যাবর্তন করিলেন। এই সময় সমস্ত মোসলেম সেনাপতিগণ এক মত্ হইয়া মোহাম্মদ সেরাণকে বাঙ্গালার মসনদে অধিষ্ঠিত করেন। (তব্কত-নসিরী)

এদিকে আলি ময়দান কোতওয়ালকে (নগরের প্রধান বিচারক) উৎকোচ প্রদানে বশীভূত করিয়া, দিল্লী পলাইয়া গিয়া, সম্রাট কোতব উদ্দীন সমীপে বাঙ্গালার সেরাণ ষটিত সমস্ত অবস্থা জ্ঞাপন করিলেন।

সম্রাট, তাঁহার অহুমতির অপেক্ষা না করিয়া সেরাণের সিংহাসনারোহণে অতিমাত্র বিরক্ত হইয়া, সমস্ত বাঙ্গালা দেশটিকে ক্ষুদ্র ক্ষুদ্র খণ্ডে বিভক্ত করিয়া ভিন্ন ভিন্ন শাসন কর্তার অধীনে অর্পণ করিবার জন্ত, অযোধ্যার শাসনকর্তা কামমাজ্জ্ রুমীর উপর লিখিত পরওয়ানা পাঠাইয়া দিলেন; এবং সৈন্ত-সামন্ত লইয়া তাঁহাকে অচিরে বাঙ্গালার যাইতে আদেশ করিলেন।

সম্রাট প্রতিনিধির আগমনবাত্তা পাইয়া, বখতিয়ার খিলিজীর নিযুক্ত গঙ্গোত্তরী খণ্ডের শাসনকর্তা হেশাম-উদ্দীন খিলিজী অগ্রবর্তী হইয়া, তাঁহাকে সঙ্গে লইয়া দেবকোটে গেলেন। কামমাজ্জ্ এই ব্যবহারে হেশাম-উদ্দীনের উপর সন্তুষ্ট হইয়া, দেবকোটের শাসনভার তাঁহারই হস্তে অর্পণ করিয়া, অপর দিকে যাইবার জন্ত যাত্রা করিলেন।

এই সময় মোহাম্মদ সেরাণ কয়েক জন খিলিজী বংশীয়, যোদ্ধার সহিত পরামর্শ করিয়া, দেবকোট আক্রমণে প্রবর্তিত হওয়ার, সম্রাট প্রতিনিধি কামমাজ্জ্কে সসৈন্তে দেবকোটে ফিরিয়া আসিতে হইল।

তখন উভয় দলে যে ঘোরতর যুদ্ধ হইল তাহাতে সেরাণ সম্পূর্ণরূপে পরাস্ত হইয়া কুচবেহারে পলায়ন করিতে বাধ্য হইলেন।

তৎপরে কাম্বাজ কুম্বী বাঙ্গালা দেশটিকে কয়েক খণ্ডে বিভক্ত করিয়া, প্রত্যেক খণ্ডে এক জন খিলিজী শাসন কর্তা নিযুক্ত করিয়া স্বরাজ্যে ফিরিয়া গেলেন।

মালেক আলাউদ্দীন আলি-মরদান খিলিজী

আলি-মরদান যে সময় দিল্লীতে গিয়া সোলতান কোতব উদ্দীনের সহিত সাক্ষাৎ করিয়া তাঁহাকে বাঙ্গালা দেশের অবস্থা পরিচয় দিতে ছিলেন, সেই সময় সোলতান গজনী যাইবার বন্দোবস্তে নিযুক্ত ছিলেন। আলি-মরদান সোলতানের সহিত তাঁহার দেহরক্ষী রূপে গজনী যাইবার অভিলাষ জ্ঞাপন করিলেন। কোতব উদ্দীনও তাঁহার উপর সন্তুষ্ট হইয়া তাঁহাকে সঙ্গে লইয়া গেলেন।

এই সময় হইতে আলি-মরদান, দিল্লীখরের সুদৃষ্টিতে পড়ায়, গজনী হইতে ফিরিয়া আসিয়া কোতব উদ্দীন তাঁহাকে বাঙ্গালার শাসনকর্তা নিযুক্ত করিয়া পাঠাইয়া দিলেন। (হিঃ ৬০৫ সাল)

হিঃ ৬০৭ সালে সোলতান কোতব উদ্দীনের মৃত্যুর পর আলি মরদান, আলাউদ্দীন খিলিজী নাম গ্রহণে দিল্লীর অধীনতা পরিত্যাগ পূর্বক, বাঙ্গালার স্বাধীন রাজা বলিয়া ঘোষিত হইলেন। এই সময় হইতে তাঁহার স্বভাবসিক নিষ্ঠুরতা ক্রমশঃ অধিক মাত্রায় বৃদ্ধি পাইতে থাকায়, দুই বৎসর মধ্যেই ১১১২ খৃষ্টাব্দে কতকগুলি খিলিজী ওমরাহ্ মিলিয়া তাঁহাকে নিহত করিয়া, মালেক হেশাম-উদ্দীন আওজকে তাঁহার শূন্য সিংহাসনে বসাইলেন।

সোল্তান গেরাস-উদ্দীন

এই প্রসঙ্গে এই নূতন বঙ্গেশ্বরের একটু পূর্ব পরিচয় দেওয়া আবশ্যিক—গোরের সম্রাট খিলজী বংশে হেশাম্-উদ্দীনের জন্ম। বয়োপ্রাপ্তে তিনি একদিন জবলুস্তানের পার্শ্বতীয় প্রদেশ পরিত্যাগ পূর্বক স্বীয় ভাগ্য পরীক্ষার্থ অশ্বতর পৃষ্ঠে মালামাল বোঝাই করিয়া তুর্কীস্থানের দিকে যাইবার কালে, পথিমধ্যে দুইজন দরবেশের সহিত তাঁহার সাক্ষাৎ হয়। হেশাম্-উদ্দীন তাঁহার স্বাভাবিক দয়ালু হৃদয় বশতঃ ফকির দুই জনকে আহাৰ্য্য ও পানীয় দিয়া পরিতৃপ্ত করেন। তৎপরে দরবেশদ্বয় পরস্পর অস্পষ্ট ভাবে কি বলাবলি করিয়া, আওজের দিকে ফিরিয়া বলিলেন যে—

“বাবা তুমি হিন্দুস্থানে যাও, তথায় মোস্লেম রাজত্বের শেষ সীমা আমরা তোমাকে অর্পণ করিলাম।”

এই কথা শ্রবণের পর হেশাম্-উদ্দীন আর অন্য কোন স্থানে না গিয়া, পত্নী সমভিব্যাহারে ভারতে আসিলেন; এবং দিল্লীতে আসিয়া সোল্তান কোতব উদ্দীনের স্নদৃষ্টিতে পড়িলেন। তৎপরে বাঙ্গলার আসিয়া সামান্ত পদ হইতে ক্রমোন্নত হইয়া, দিল্লীশ্বরের মৃত্যুকালে গঙ্গোত্তরী প্রদেশের শাসনকর্তা হইতে সক্ষম হইয়াছিলেন।

বাঙ্গলার সিংহাসনে আরোহণ কালে তিনি সোল্তান গেরাস উদ্দীন নাম ধারণ করিলেন। এই অসীম দয়ালু শাসন কর্তার অধীনে বঙ্গদেশ খুবই উন্নতির পথে অগ্রসর হইতে লাগিল।

রাজধানী লক্ষণাবতী নগরে তিনি একটা সুদৃশ্য দুর্গ নির্মাণ করেন ও গঙ্গার উত্তর তীরস্থ তাঁহার সম্মুখে এই সুবৃহৎ গোড় নগরটিকে বৃহৎ

বৃহৎ অট্টালিকা শ্রেণী, সুদৃশ্য মসজিদ, পাঠাগার, পাহাশালা, প্রভৃতি দ্বারা সম্বিত করিয়া তিনি ইহাকে অমরাবতী করিয়া তুলিয়াছিলেন। ঐতিহাসিক যেনহাজ-উদ্দীন হিঃ ৬৪১, ১২৪৩ খৃষ্টাব্দে এই লক্ষণাবতী নগরে উপস্থিত হইয়া, নগরের শোভা দর্শনে ও তৎসঙ্গে সোলতান গেরাস-উদ্দীনের অপূর্ব দানের বর্ণনা শ্রবণে, যাহা তিনি তাঁহার ইতিহাস তব্ কত নসিরীতে উল্লেখ করিয়াছেন, তাহাতে দেখা যায় যে—সোলতান একদিকে যেমন বিছোৎসাহী ও অসীম সাহসী যোদ্ধা ছিলেন, অপর দিকে তেমনি হিন্দু-মোসলমান নির্বিশেষে অপরিসীম দান ও সুবিচার দ্বারা রাজ্যের প্রজাগণকে সম্বৃত্ত রাখিয়াছিলেন।

দেশের উন্নতির দিকে সর্বক্ষণই সোলতানের তীক্ষ্ণ দৃষ্টি ছিল। তিনি অতি বৃহৎ বিস্তারিত জলাভূমির উপর দিয়া সেতু নির্মাণ দ্বারা ও তদুপরি প্রশস্ত রাস্তা প্রস্তুত করাইয়া সেই সময় দেশের প্রভূত উপকার সাধন করিয়া ছিলেন। রাজধানী হইতে গঙ্গার উত্তর পাশে এইরূপ দুইটি সেতুর উপর দিয়া আট দশ দিনের পথ চলিয়া বাইবার উপযোগী রাস্তা, একটা বীরভূম জেলার নাথোর পর্যন্ত ও অপরটি দেবকোট পর্যন্ত বিস্তৃত ছিল। বঙ্গাধিপতির দানসত্বের বিবরণ শ্রবণে, দিল্লীর সোলতান সৈয়দ শামস-উদ্দীন আলতামাশ্কেও পর্যন্ত তাঁহার সুখ্যাতি করিতে, এবং তিনি যে সর্বপ্রকারে “সোলতান” নাম ধারণের উপযুক্ত, তাহা স্বীকার করিতে হইয়াছিল। অতঃপর ঐ মহানুভব বাদশাহ্, স্বয়ং মালেক হেশাম উদ্দীনকে সোলতান গেরাস-উদ্দীন নামে অভিহিত করিয়া গিয়াছেন। এই সময়ে কামরূপ, তিব্বট ও উড়িষ্যা খণ্ডের রাজগণ বঙ্গেশ্বরের, অধীনতা স্বীকার করিয়া তাঁহাকে নিয়মমত রাজস্ব প্রদান করিতেন।

সোলতান গেরাস-উদ্দীন দশ বৎসরকাল নির্ব্বাদে রাজ্য শাসন করার পর, দিল্লীর কর প্রেরণ করিতে বিলম্ব করিতে থাকায়, দিল্লীর

আল্‌তাশ্, ১২২৫ খৃষ্টাব্দে দিল্লী হইতে সসৈন্য যাত্রা করিয়া পথে বিনা বাধার বেহার প্রদেশ হস্তগত করিলেন। এই অবস্থা দর্শনে সোলতান গেরাস-উদ্দীন গঙ্গা পার হইয়া, তাঁহার রাজ্য আক্রমণে বাধা প্রদান করণার্থ বহু সৈন্য ও পশ্চাৎ পশ্চাৎ রসদবাহী নৌকা লইয়া সম্রাটের সশুধীন হইলেন। শেষে গেরাস উদ্দীনের বন্ধুবর্গের মধ্যস্থতার দিল্লীশ্বর সন্ধি-প্রস্তাবে সম্মত হইলেন ও মালেক আলাউদ্দীনকে বেহারের মসনদে বসাইয়া দিল্লী প্রত্যাবর্তন করিলেন।

পর বৎসরেই সোলতান গেরাস, মগধ আক্রমণ করিয়া আলাউদ্দীনকে সিংহাসনচ্যুত করেন ও সম্রাট সেনাগণকে বেহার হইতে বিতাড়িত করিলেন।

সম্রাট আল্‌তাশ্ এই সংবাদে অগ্নিশর্মা হইয়া, স্বীয় পুত্র নাসির-উদ্দীন মাহ্‌মুদের অধীনে বহু সৈন্য বঙ্গের রাজধানী লক্ষণাবতীতে প্রেরণ করিলেন।


এই সময় বঙ্গেশ্বর গেরাস-উদ্দীন, পূর্ববঙ্গে কয়েকটি বিদ্রোহ দমনে নিযুক্ত থাকায়, তাঁহার সিংহাসন অনার্যাসে কুমার নাসির উদ্দীনের হস্তগত হইল। সোলতান এই সংবাদ পাঠিয়াই রাজধানীতে প্রত্যাবর্তন পূর্বক অসীম সাহসের সহিত সম্রাট সেনার উপর নিপতিত হইলেন। এই যুদ্ধে বঙ্গেশ্বর গেরাস-উদ্দীন স্বয়ং আত্মস্থ যুদ্ধ ক্ষেত্রে ও তাঁহার প্রিয় সেনাগণের মধ্যে উপস্থিত থাকিয়া, তাহাদিগকে উৎসাহিত ও তৎসঙ্গে নিজের বাহু বল প্রদর্শন করিয়া যৎপরোনাস্তি সাহসের পরিচয় দিয়াছিলেন। শেষে যুদ্ধ-কৌশলের পরাকাষ্ঠা দেখাইতে দেখাইতে অধীনস্থ কয়েকজন বীর সেনানীর সহিত রণক্ষেত্রে প্রাণ বিসর্জন দিলেন।

অতঃপর যুবরাজ নাসির উদ্দীন মাহ্‌মুদ, পিতার নামে বাঙ্গালা-বেহার শাসন করিতে লাগিলেন। তিনি পাঁচ বৎসর কাল শূন্যতার সহিত

রাজত্ব করিয়া হিঃ ৬২৬ সালে লক্ষণাবতী নগরে দেহত্যাগ করেন। সঙ্গে সঙ্গে খিলজীগণ বিজৌহী হইয়া বাঙ্গালার মসনদ পুনরধিকার করে। সম্রাট, পুত্র নাসির-উদ্দীনের মৃত্যু সংবাদ পাইয়াই দিল্লী হইতে যাত্রা করিয়াছিলেন। তিনি লক্ষণাবতী পৌছিয়া বিজৌহীগণকে দমন করিয়া, ৬২৭ হিজরীতে মালেক্ আলা-উদ্দীনকে গোড়ের সিংহাসন প্রদান করিয়া প্রত্যাবর্তন করিলেন।

এক্ষণে বঙ্গ-বেঙ্গারের বিষয় কিছুক্ষণের জন্ত স্মৃতি রাখিয়া, মধ্য ও পশ্চিম ভারতের কিঞ্চিৎ বিবরণ যথাসাধ্য সংক্ষেপে লিপিবদ্ধ করিব।

তৃতীয় সর্গ



দিল্লীশ্বর সোলতান শামস্ উদ্দীন
আবুল মোজাফ্ফর আল্‌তামাশ্ ।

আল্‌তামাশের পিতা এরালান খান তুর্কী স্থানের আল্‌বরি বংশীয় একজন প্রতিপত্তিশালী সম্ভ্রান্ত জমিদার ছিলেন। তাঁহার এই কনিষ্ঠ পুত্র আল্‌তামাশ্ দেখিতে অতীব সুশ্রী ছিলেন, এবং বালকের প্রখুর বুদ্ধির জন্ত পিতা, সকল পুত্রাপেক্ষা আল্‌তামাশ্‌কে অধিক স্নেহের চক্ষে দেখিতেন। এই কারণে হিংসাপরায়ণ জ্যেষ্ঠ ভ্রাতাগণ দ্বারা আল্‌তামাশ্‌কেও মিসরের হজরৎ ইউসুফের অবস্থায় পড়িতে হইয়াছিল।

ভ্রাতাগণ একদিন পিতৃ অমৃত্যু লইয়া আল্‌তামাশ্‌কে ঘোড়দৌড় দেখাইতে আনিয়া, তাহাকে একজন অশ্ব ব্যবসায়ীর নিকট বিক্রয় করিয়া যায়। অশ্ব ব্যবসায়ী তাহাকে বোখারায় লইয়া গিয়া তথাকার প্রধান বিচারকের নিকট বিক্রয় করে। এই দয়ালু বিচারপতি আল্‌তামাশ্‌কে পুত্রের জায় যত্নের সহিত বিচ্যাত্যাস করাইয়াছিলেন।

সম্রাট তাঁহার এই প্রভু সম্বন্ধে গল্প করিতে করিতে একদিন উল্লেখ করিয়াছিলেন যে—

এই বিচারক পরিবারে অবস্থান কালে তিনি একদিন প্রভুর জন্তু আঙ্গুর কিনিতে গিয়া মূল্য হারাইয়া ফেলেন। অগত্যা তিনি পরস্য হারাইয়া পথে দাঁড়াইয়া ক্রন্দন করিতেছিলেন; এমন সময় একজন ফকির সেই

মূল্যের আঙ্গুর কিনিয়া বালকের হস্তে দিয়া তাঁহাকে বলিয়া দিয়াছিলেন যে—“যখন তুমি ধনশালী হইবে তখন সর্বদা জরিজের প্রতি দৃষ্টি রাখিও।”

বাস্তবিক পক্ষে সৈয়দ আল্‌তামাশের ছায় পরহিতৈষী, পর-দুঃখকাতর ও বিদ্যানুরাগী এবং বয়োঃজের্ঠের মর্যাদা রক্ষাকারী সম্রাট, কৃত্রাপি দিল্লীর সিংহাসনে আরোহণ করেন নাট।

আল্‌তামাশের বিচারপতি প্রভুর লোকান্তর প্রাপ্তির পর, জনৈক হাজী বোখারি, তাঁহাকে কিনিয়া লইয়া জামাল উদ্দীন চাশ্তকে বিক্রম করে ও সেই ব্যক্তি এই ক্রীতদাসের দৈহিক সৌন্দর্য্য, বল ও গুণের পরিচয় পাইয়া, অধিক মূল্য পাইবার প্রত্যাশায় তাহাকে রাজধানী গজনী নগরে বিক্রম করিতে আনয়ন করে।

সোলতান মঈজ-উদ্দীন মোহাম্মদ শাম, এই সুন্দর কাঙ্ক্ষিবিশিষ্ট বালকটিকে এক সহস্র স্বর্ণ মুদ্রায় ক্রম করিতে চাহিলেন। কিন্তু জামাল উদ্দীন তাহাতে সম্মত না হওয়ায় সোলতান, গজনী নগরে তাহার বিক্রম এক কালীন বন্ধ করিবার আজ্ঞা দিলেন। তৎপরে জামাল বালককে লইয়া বোখারায় গেলেন, এবং তিন বৎসর পরে পুনরায় তাহাকে গজনীতে লইয়া আনিলেন। এই সময় কোতাব উদ্দীন, নাহারওয়লা ও গুজরাট জয় করিয়া গজনী প্রত্যাবর্তন করিয়াছিলেন।

তিনি বালকের দৈহিক, সৌন্দর্য্য দর্শনে, তাহাকে কিনিবার প্রস্তাব করিলেন। শেষে সোলতানের বিনামুমতিতে কেহ তাহাকে কিনিতে পারিবে না শুনিয়া, কোতাব উদ্দীন, সোলতান মোহাম্মদ গোরীর নিকট অমুমতি প্রার্থনা করেন। সোলতান তাঁহার পূর্বাদেশ প্রত্যাহার না করিয়া, রাজ-প্রতিনিধির প্রতি তাঁহার রাজধানীর বাহিরে গিয়া দাস-ব্যবসায়ীর নিকট হইতে ক্রীতদাস ক্রম করিবার আদেশ দিলেন। সেই মত বিক্রেতা বালকটিকে হিন্দুস্তানে আনয়ন করিয়া, কোতাব উদ্দীনকে বিক্রম করিয়া গেল।

এই রূপে আল্‌তামাশ্ তাহার বাল্য জীবন হইতে সোলতান কোতব-উদ্দীনের নিকট পুত্র নির্বিশেষে লালিত পালিত হইয়া, শেষে তাঁহার অশ্বারোহী সেনা দলে নিযুক্ত হইলেন। এই সময় হইতেই দিনে দিনে আল্‌তামাশের পদোন্নতি হইতে লাগিল।

গোয়ালিয়ার অধিকারের পর কোতব উদ্দীন তাঁহাকেই ঐ স্থানের আমীর মনোনীত করেন। আল্‌তামাশ্ তৎপরে স্বীয় বাহুবলে বারাণ দেশ জয় করিলেন। কিছু দিনের মধ্যেই আল্‌তামাশের বীরত্ব ও প্রথর বুদ্ধির পরিচয় পাইয়া সোলতান তাঁহাকে বাদাউন প্রদেশ প্রদান করিলেন।

ইহার অল্পদিন পরে সোলতান মোহাম্মদ গোরী আন্দখোদের যুদ্ধে ক্ষিতা ও কোঙ্কার জাতিগণ কর্তৃক পরাভূত হইয়া, পুনরায় উহাদের বিরুদ্ধে যুদ্ধযাত্রা করিলে, তাঁহার অল্পমতিক্রমে কোতব উদ্দীন হিন্দুস্তান হইতে সেনা লইয়া তাঁহাকে সাহায্য করিতে গিয়াছিলেন। এই অভিযানে শাম্‌সদ্দীন আল্‌তামাশ্ ও তাঁহার বাদাউন সেনা লইয়া যুদ্ধক্ষেত্রে উপস্থিত হ'ন। ঘোরতর যুদ্ধের সময় শাম্‌সদ্দীন অশ্বারোহণে বেলম্ নদোশ্রোতে অবতরণ পূর্বক পলাতক শত্রুগণকে যে প্রকারে বিধ্বস্ত করিয়াছিলেন, গুণগ্রাহী বীর সম্রাট শত মুখে তাহার গুণ কীর্তন, করিতে লাগিলেন ও শেষে অধীনস্থ ভারতের, শাসনকর্তা কোতব উদ্দীনের দ্বারা একখানি ছাড়পত্র লিখাইয়া লইয়া, তন্মুহূর্ত হইতে আল্‌তামাশের দাসত্ব শৃঙ্খল মোচন করিয়া দিলেন।

কোতব উদ্দীনের মৃত্যুর পর তাঁহার প্রধান সেনাপতি আলি এন্‌মাইল, ওমরাহের সহিত পরামর্শ করিয়া, বাদাউন হইতে আল্‌তামাশকে ডাকিয়া পাঠাইলেন। শাম্‌সদ্দীন আল্‌তামাশ ৬০৭ হিঃ ১২১০ খৃষ্টাব্দে দিল্লীর সিংহাসনে আরোহণ করিলেন। তিনি স্বীয় ভূজবলে দিল্লীর সমস্ত শত্রুকে একে একে পরাভূত করিয়াছিলেন। সম্রাট ১২১৭ খৃষ্টাব্দে

লাহোরের অধিপতি বিক্রোহী নাসিরউদ্দীন কাবচাকে সম্পূর্ণরূপে পরাজিত করেন।

১২২৫ খৃষ্টাব্দে গোড় দমনের পর বৎসর সত্রাট মধ্য ভারতের প্রসিক দুর্গ রণতম্বর (রণ-স্তু-ভ্রমর অর্থাৎ যুদ্ধ স্তুভের ভ্রমর) জয় করিতে বহির্গত হইলেন। কথিত আছে যে—ইতিপূর্বে সপ্ততিতম বারেরও অধিক এই দুর্ভেদ্য দুর্গ বিভিন্ন রাজশক্তি দ্বারা আক্রান্ত হইয়াছিল; কিন্তু এ পর্য্যন্ত কোন শক্তিই ইহা জয় করিয়া রক্ষা করিতে পারে নাই। কয়েক মাস কাল অবরোধের পর দুর্গ মোসলমানগণের হস্তগত হইল। পর বৎসর হিঃ ৬২৪ সালে সত্রাট, সওয়ালেকের পার্শ্বতীর দুর্গ-মন্দির আক্রমণ করিলেন। এই দুর্গ জয়ে বিপক্ষের অনেক ধন রত্ন মোসলেম সেনাগণের হস্তে পড়িল।

তৎপরে সোলতান আল্‌তামাশ্ মুলতান ও উচ্ পদানত করিয়া সমস্ত সিন্ধু দেশ ও সমুদ্র তীরবর্তী দেবাল পর্য্যন্ত শাসনাধীনে আনাগন করিলেন। এই অভিযানে তব্কত-নসিরী লেখক আবু ওমর মেন্‌হাজ-উদ্দীন সত্রাটের সঙ্গে ছিলেন। অতঃপর সত্রাটের দিল্লী প্রত্যাবর্তনের পর ৬২৬ হিজরীর রবি-উল-আউয়ল্ মাসের ২রা তারিখে, দিল্লীশ্বরের জন্ত এন্‌লাম জগতের রাজধানী বাগ্‌দাদের খলিফার নিকট হইতে সত্রাট, এবং তাঁহার পুত্রগণের জন্ত উপাধি ও বহু মূল্যবান খেলয়াত আসিয়া পৌছিল।

এই সমস্ত আনন্দময় বিষয়ক কথোপকথন ও বাদানুবাদ চলিতে থাকা কালে, বঙ্গের রাজধানী লক্ষণাবতী হইতে সত্রাট তনয় কুমার সৈয়দ নাসির উদ্দীন মাহ্‌মুদের মৃত্যুর নিরানন্দময় সংবাদ ও তৎসঙ্গে খিলিজীগণের পুনঃ বিক্রোহবার্তা আসিয়া সত্রাট-অস্তঃপুর ও হাশ্শমরী দিল্লী নগরী শোকে অিয়মান করিয়া তুলিল।

৬২৯ হিজরীতে সত্রাট গওয়ালিয়রে অভিযান করেন। রাজা দেববল্ দেব আত্ম সমর্পণ করার পরিবর্তে পূর্বেই যুদ্ধ ঘোষণা করিলেন। সত্রাট-

সৈন্য পূর্ণ একাদশ মাস কাল দুর্গাবরোধ করিয়া রহিল। এই অভিযানেও ঐতিহাসিক মেন্‌হাজ উদ্দীন সম্রাট সৈন্য সমভিব্যাহারে গিয়াছিলেন। তিনি সম্রাট শিবিরে ঈদ-আল-আজ্‌হা নামাজের পর খোত্বা পাঠের অল্পমতি পাইয়া কৃতার্থ হইলেন। ৬৩০ হিজরীর ২৬ সফর মঙ্গলবার প্রসিদ্ধ গোয়ালির দুর্গ মোসলমানগণের হস্তগত হইল। রাজা দেবদল্ দেব রাত্রি যোগে পলাইয়া আশ্রয়লাভ করিলেন।

মেন্‌হাজ উদ্দীন গোয়ালির নগরের প্রধান কাজীর পদ প্রাপ্ত হইলেন।

১২৩৪ খৃষ্টাব্দে সম্রাটের সৈন্যগণ মালওয়া আক্রমণ করিয়া ঐ দুর্গ ও ভিলসা নগর পদানত করে। এই ভিলসা নগরে তিন শতাব্দী পূর্বে নির্মিত দুই শত দশ হস্ত পরিমাণ উচ্চ একটি দেব মন্দির ছিল। ভিলসা হইতে মোসলেম সেনাগণ উজ্জয়িনী নগরে অভিযান করিয়া ও তথাকার মহাকালের মন্দির ধ্বংস করিয়া, মহাকালের প্রতিমূর্তি এবং ১৩১৬ বৎসর পূর্বে উজ্জয়িনী-রাজ বিক্রমাদিত্যের প্রতিমূর্তি দিল্লীতে লইয়া আসিল।

২৬ বৎসর রাজত্ব করিবার পর, ৬৩৩ হিজরী ২০ সাবান তারিখে সম্রাট আবুল মোজাফ্‌ফর আলতাশ্ দিল্লীতে জ্বর রোগে ইহখাম ত্যাগ করিলেন ও কোতবমিনারের সন্নিকটেই সমাধিস্থ হইলেন।

আলতাশ্‌শের মৃত্যুর পর তাঁহার মধ্যম পুত্র রোকন্-উদ্দীন ফিরোজ শাহ্ দিল্লীর সিংহাসনে উপবেশন করার পর, তাঁহার স্বাভাবিক দানশীলতা ও নম্রতা ক্রমশঃ বিপরীত দিকে চালিত হইয়া তাঁহাকে অদ্বিতীয় অহিতাচারী ও লম্পট করিয়া তুলিল; এবং তিনি এই অসৎ স্বভাবের বশবর্তী হওয়ার দিল্লীর রাজকোষ শূন্য হইতে আরম্ভ হইল। দিল্লীখবরের এই অবস্থা দর্শনে তাঁহার সভাসদগণ ও প্রজামণ্ডলী সকলেই তাঁহার উপর দারুণ অসন্তুষ্ট হইয়া, মাত্র সাত মাস কাল সিংহাসনাধিকারের পর, তাঁহাকে

ও তাঁহার সকল অনর্থের মূলীভূত রাজমাতা শাহ্-তোবুকানকে বন্দী করিয়া, সোল্তান আল্-তামাশের সুযোগ্যা জ্যেষ্ঠা কন্যা রেজিয়াকে ৬৩৪ হিজরীর রবি-ওল্-আউয়ল্ মাসে দিল্লীর রাজসিংহাসনে অধিরূঢ় করিলেন।

সোল্তানা রেজিয়া সৰ্ব্বগুণালঙ্কতা রাজ্ঞী ছিলেন। তিনি পিতার ন্যায় প্রথর বুদ্ধিমতী, জ্ঞানবতী, উদার ও সুবিচারিকা ছিলেন। এই সময়ে সৈন্ত চালনার পরামর্শ দানেও তাঁহার ঈশ্বরদত্ত অসাধারণ ক্ষমতা ছিল। এক কথায় কেবল পুরুষরূপে জন্মগ্রহণ ব্যতীত রাজাধিরাজের যত প্রকার গুণাবলী থাকিতে হয়, সোল্তানা রেজিয়াতে তাহার কোনটাই অপ্রতুল ছিল না। তাঁহার মাতা মৃত সম্রাটের প্রধানা মহিষী ছিলেন; এবং সোল্তান আল্-তামাশের বরাবরই ইচ্ছা ছিল যে—তাঁহার পর তাঁহার সিংহাসনে যেন তাঁহার এই সৰ্ব্বগুণালঙ্কতা কন্যা বসিতে পারেন।

রেজিয়ার সিংহাসনারোহণে কেবল মাত্র পুরাতন মন্ত্রী নেজামুল-মুল্ক জোনারদী অসম্মুখে ছিলেন; এবং তিনি সম্রাজ্যের বিভিন্ন দেশ হইতে বিস্তর লোক ও সৈন্ত সংগ্রহ করিয়া, দিল্লীর বাহিরে আসিয়া বিজ্রোহের ধ্বজা উন্মুক্ত করিলেন। এই সময় অযোদ্ধার শাসনকর্তা নাসির-উদ্দীন তাবাসী স্বীয় সেনা সহ সোল্তানার সাহায্যার্থ আসিতে থাকা কালে তিনি বিজ্রোহীগণ কর্তৃক বন্দি ও নিহত হন।

এই অবস্থা দর্শনে সোল্তানা রেজিয়া স্বয়ং নগরের বাহিরে গিয়া, গম্বুনার কূলে শিবির সন্নিবেশ করিলেন। তৎপরে দুই একটা খণ্ড যুদ্ধের পর বিজ্রোহীগণের মধ্যে অনেকেই ক্রমশঃ সোল্তানার শরণাপন্ন হইয়া তাঁহার আশ্রয় ভিক্ষা করিল। অবস্থা দেখিয়া প্রধান বিজ্রোহী নেজাম-উল্-মুল্ক পলায়ন করিয়া শেষে বারদারের পার্শ্বত্যা উপত্যকায় প্রাণ হারাইলেন।

অতঃপর সোল্তানা রেজিয়ার ক্ষমতা অপ্রতিহত ভাবে উত্তরোত্তর বৃদ্ধি পাইতে লাগিল। অচিরে তিনি লক্ষণাবতী হইতে দেবাল পর্য্যন্ত

সমস্ত নরপতির নিকট হইতে রাজাধিরাজের সম্মান প্রাপ্ত হইলেন ও সকলেই তাঁহার বশতা স্বীকার করিল।

সন্ধ্যাট শামসদ্দীনের মৃত্যুর পর, হিন্দুগণ আবার একত্র হইয়া রণতরুর দুর্গ আক্রমণ করিয়া উহা অবরোধ করিয়া থাকে। সোল্তানা রেজিয়া এই সংবাদ পাইয়া সেনাপতি কোতব-উদ্দীন হাসান্ গোরীকে দুর্গেদ্বারে প্রেরণ করিলেন। সেনাপতি কোতব তথায় পৌছিয়া দুর্গাভ্যন্তরস্থ মোসলমানগণকে দুর্গের বাহিরে আসিতে বলিয়া, দুর্গ মধ্যস্থ অনেক পুরাতন স্থতি ধ্বংস করিয়া দিয়া দিল্লী প্রত্যাবর্তন করিলেন।

এই সময় রাজ্যের অধ্ব-শালার তত্ত্বাবধায়ক আমীর জামাল-উদ্দীন ইয়াকুভকে অনেকের সেই অধিকার অবহেলা করিয়া সোল্তানা, তাঁহার দেহরক্ষীগণের নামকের পদে উন্নীত করায়, তুর্কী সেনানী ও ওমরাহ-গণের গাভ্রদাহ উপস্থিত হইল।

সোল্তানা রেজিয়া পুরুষবেশে হস্তী আরোহণে প্রায়ই ভ্রমণে বাহির হইতেন।

১২৩৬ খৃষ্টাব্দে লাহোরের শাসনকর্তা মুঈজদ্দীন কবির খান বিদ্রোহী হইয়া উঠায়, সোল্তানা রেজিয়া তাহাকে দমন করিবার জন্য স্বয়ং সসৈন্তে লাহোর যাত্রা করিলেন। মুঈজদ্দীন সোল্তানার আগমণ বার্তা শ্রবণে তাঁহার নিকট উপস্থিত হইয়া সন্ধির প্রার্থী হইল। এই সন্ধির পর সোল্তানা অবগত হইলেন যে—সারহিন্দের মালেক্ আলতুনিয়া বিদ্রোহী হইয়া উঠিয়াছে ও তাঁহার নিজ দরবারের বহু ওমরাহ উক্ত বিদ্রোহীকে সাহায্য করিতেছে। এই সংবাদ প্রাপ্তে তিনি হিঃ ৬৩৭ সালের ৯ই রমজান বুধবারে বহু সৈন্ত লইয়া, সারহিন্দেব বিদ্রোহ দমন করিতে গেলেন। তথায় তুর্কগণ প্রথমতঃ তাঁহার দেহরক্ষী সেনাগণের

অধ্যক্ষ আমীর জামাল-উদ্দীন ইয়াকুতকে নিহত করিয়া, সোল্তানাকে বন্দি করিল ও তাঁহাকে সারহিন্দ দুর্গে অবরোধ করিল।

ইত্যবসরে মুঈজউদ্দীন বাহ্রাম শাহ্ দিল্লীর সিংহাসনে আরোহণ করিলেন। তখন মালেক্ আলতুনিয়া দুর্গ মধ্যস্থ বন্দিনী সোল্তানা রেজিয়াকে মুক্ত করিয়া, তাঁহার সৈন্তের সহিত মিলিত হইয়া, উভয়ে নব সম্রাটের সহিত যুদ্ধে অবতীর্ণ হইলেন। এই যুদ্ধে মালেক ও রেজিয়া উভয়েই বন্দী হইয়া ৬৩৮ হিজরীর ২৪ রবি-ওল্-আউয়ল্ তারিখে নিহত হইলেন।

সোল্তানা রেজিয়া তিন বৎসর ছয় দিন রাজত্ব করিয়াছিলেন।

বাহ্রামের পর আলাউদ্দীন মসুদ শাহ্ দিল্লীর বাদশাহ্ হইলেন। তৎপরে সোলতান নাসিরউদ্দীন মাহমুদ হিঃ ৬৪৪ সালের ২৩ মোহাব্বরম ১২৪৬ খৃষ্টাব্দে ১০ জুন রবিবারে দিল্লীর সিংহাসনারোহণ করিলেন।

এই সোলতান-মোয়াজ্জম নাসের উদ্দীন, পরলোকগত সোলতান আলতামাশের কনিষ্ঠ পুত্র। ইহার প্রধান সেনাপতি খান আজম্ উলুগ্ খান একজন বিচক্ষণ রণপণ্ডিত ছিলেন। সিংহাসনারোহণের প্রথম বৎসরেই সম্রাট এই প্রসিদ্ধ সেনাপতিকে কনোজের নিকটবর্তী চতুর্দিকে উচ্চ প্রাচীর বেষ্টিত নন্দন নগরের বিদ্রোহী হিন্দুদিগকে দমন করিতে প্রেরণ করেন। দুই দিবস যুদ্ধের পর উলুগ্ খান নন্দন নগর রসাতলে দিয়া, এবং প্রধান বিদ্রোহী রাজা উপাধিধারী দল্কা মাল্কীকে বন্দি করিয়া দিল্লী প্রত্যাবর্তন করিলেন। এই আক্রমণের ফলে সেনাপতি উলুগ্ খান, অপরাপর লুণ্ঠিত দ্রব্যের মধ্যে ১৫০০ শত উৎকৃষ্ট অশ্ব পাইয়াছিলেন। রাজত্বের চতুর্থ বৎসরে সম্রাট, স্বীয় কন্যার সহিত সেনাপতি উলুগ্ খানের পুত্রের বিবাহ দিলেন।

মলওয়ার রাজা বিদ্রোহী জাহির দেবকে দমন করিবার জন্ত সম্রাট, ৬৪৯ হিজরীর ২৫ সাবান তারিখে সেনাপতি সহ সৈন্তে

গোয়ালিয়র, চান্দেয়ী, বাজাওয়ার এবং মালওয়ার ভিতর দিয়া গমন করিয়া মালওয়ার দুর্গ আক্রমণ করিলেন। রাজার অধীনে দুই লক্ষ পদাতিক ও পাঁচ সহস্র অশ্বারোহী সেনা থাকা সত্ত্বেও খান আজম উলুগ্ খান, অসীম বিক্রম প্রদর্শনে অল্পকাল মধ্যে রাজ সৈন্তগণকে হতাহত ও বিতাড়িত করিয়া দুর্গ অধিকার করিলেন।

সম্রাটের একাদশ বৎসর রাজত্ব কালে ১২৫৫ খৃঃ অযোধ্যার নওরাব কতলু খান বিদ্রোহী হইয়া উঠার। তাঁহার বিরুদ্ধে সম্রাট প্রধান সেনাপতি উলুগ্ খানকে প্রেরণ করিলেন। কতলু কালিজরে পলায়ন করিয়া তথা হইতে মেবারের পর্বত-সঙ্কুল উপত্যকার ভ্রমণ করিতে করিতে যোধপুর হইতে ৮৪ মাইল দক্ষিণ-পশ্চিমে আবু পর্বতের নিকটবর্তী শাড়ু দেশে গিয়া, তথাকার হিন্দু রাজা দেও পালের আশ্রয় গ্রহণ করিল। উলুগ্ খান ৬৫৫ হিঃ রবি-ওল্-আউয়ল্ মাসে ঐ রাজ্য আক্রমণ করিয়া হিন্দু সেনাগণকে সম্পূর্ণরূপে পরাস্ত করিলেন। রাজা দেওপালের সেনাগণ, সুশিক্ষিত সম্রাট সৈন্তের সম্মুখে তিষ্ঠিতে না পারিয়া পলায়ন করিতে লাগিল দেখিয়া, উলুগ্ খান, তাহাদের পশ্চাদ্ভাবন করিয়া তাহাদিগকে নিধন করিতে করিতে চতুর্দিকে পর্বত বেষ্টিত সামূর উপত্যকার সামূর দুর্গ পর্য্যন্ত গিয়া পৌঁছিলেন। ইতিপূর্বে এই সামূর উপত্যকা ভূমি কখনও এমলামের অসি দর্শন করে নাই। এই যুদ্ধে দিল্লীশ্বরের সেনাগণ এত অধিক হিন্দু সেনা বধ করিয়াছিল যে—তাহা বর্ণনার বাহিরে ও গণনার বহির্ভূত।

সোলতান নাসির-উদ্দীন ১২৬০ খৃষ্টাব্দে ইহলীলা সম্বরণ করেন।

নাসির-উদ্দীনের মৃত্যুর পর, প্রধান সৈন্তাধ্যক্ষ খান-আজম্ উলুগ্ খান, সোলতান গেরাস-উদ্দীন বোল্‌বান নাম-ধারণ পূর্বক দিল্লীর সিংহাসনে আরোহণ করিয়া দ্বাবিংশতি বৎসর পর্য্যন্ত রাজত্ব করেন।

যুদ্ধ বয়স পর্য্যন্ত ইনি অতিশয় যুগ্মা শ্রিয় ছিলেন ও এক-একবার সৈন্ত-সামন্ত লইয়া যুগ্মা করিবার ছলে, বাগ্‌দাদের নিকটবর্তী হলাকু দেশের জঙ্গল পর্য্যন্ত অগ্রসর হইতেন।

পঞ্চদশ বৎসর রাজত্বের পর সোলতান গেমাস্-উদ্দীন বঙ্গদেশে তোঘ্‌রেলের বিদ্রোহী হওয়ার সংবাদ পাইলেন। এই শাসনকর্ত্তা তোঘ্‌রেলকে গেমাস্‌ই লক্ষণাবতীর মস্‌নেদে বসাইয়াছিলেন। তোঘ্‌রেল জাজ্‌ নগর (টিপারা) আক্রমণ করিয়া উক্ত দেশ লুপ্তনে বিস্তর ধনরত্ন ও হস্তী পাইয়াছিলেন। কিন্তু তাহার কিছুমাত্র দিল্লীতে সম্রাট সকাশে প্রেরণ না করিয়া সমস্তই আত্মসাৎ করিলেন। তৎপরে তোঘ্‌রেল সোলতান মুগীসউদ্দীন নাম ধারণে নিজেকে স্বাধীন রাজা বলিয়া ঘোষণা করিলেন।

সম্রাট প্রথমতঃ আমীর খানের অধীনে তোঘ্‌রেলকে দমন করিবার জন্ত সৈন্ত পাঠাইয়া দিলেন। সেনাপতি আমীর খান সরযু (গাগ্‌রা নদী) পার হইয়া লক্ষণাবতীর দিকে অগ্রসর হইতে থাকা কালে, তোঘ্‌রেল বহু সংখ্যক হিন্দু ও মোস্‌লমান সৈন্ত এবং হস্তিসহ তাঁহাকে আক্রমণ করিলেন ও আমীর খানের সেনাদলকে সম্পূর্ণরূপে পরাস্ত করিয়া দিলেন।

পর বৎসর সোলতান গেমাস্-উদ্দীন লক্ষণাবতী আক্রমণের জন্ত অধিক সংখ্যক সৈন্ত প্রেরণ করিয়াছিলেন। কিন্তু পূর্ব বৎসরের ত্যায় সম্রাট সেনা এবারও পরাজিত হইল।

এইবার সম্রাট স্বয়ং তোঘ্‌রেলের বিরুদ্ধে যুদ্ধ যাত্রা করিলেন; এবং গুঙ্গা ও যমুনা বক্ষে বহু নৌকা প্রস্তুত করিয়া রাখিতে আদেশ প্রদান করিলেন। সম্রাট তাঁহার এই অভিযানে দিল্লী হইতে সামান্য আসিয়া, তথাকার শাসনকর্ত্তার পুত্র বাকারা খানকে সেনা সহ নিজ সম্ভিবিয়াহায়ে লইলেন।

এইরূপে বৃহৎ বাহিনীসহ দিল্লীখর স্বয়ং বাঙ্গালার শাসনকর্তার বিরুদ্ধে অগ্রসর হইতেছেন সংবাদ পাইয়া, বঙ্গেশ্বর তোঘ্‌রেলও তাঁহার সম্মুখীন হইবার জন্য উপযুক্ত সংখ্যক সেনা সংগ্রহ করিতে লাগিলেন। দারুণ বর্ষার সোলতানের বাঙ্গালায় পৌঁছিতে অনেক বিলম্ব হইয়া গেল। তৎপরে সোলতান গেরাস-উদ্দীন জাজ্ নগরের পথে অগ্রসর হইয়া, লক্ষণাবতী হইতে ৪০ ক্রোশ দূরে শিবির সন্নিবেশ করিলেন। দিল্লীখরের রাজধানীর (গোড়ের) দিকে আগমন সংবাদ পাইয়া, তোঘ্‌রেলও সৈন্তে জাজ্ নগরের দিকে গমন করিলেন। উভয় পক্ষে যে যোরতর যুদ্ধ বাধিল, তাহাতে বঙ্গেশ্বর তোঘ্‌রেল পরাজিত হইয়া আত্মরক্ষার্থে পলায়ন করিতে বাধ্য হইলেন।

তখন সোলতান গেরাস উদ্দীন কয়েক দিবস মাত্র গোড়ে' অবস্থান পূর্বক, এই ঐতিহাসিক (তওয়ারিখে ফিরোজ শাহী লেখক) জিন্নাউদ্দীন বাবুনীর মতামত, সেপাহ্‌সালার হেশাম-উদ্দীন ওকিলদারকে লক্ষণাবতীর সামরিক শাসনকর্তা নিযুক্ত করিয়া, স্বয়ং পলাতক তোঘ্‌রেলের পশ্চাদ্ধাবন করিলেন।

সোলতান সোনার গাঁয়ে উপস্থিত হইয়া তথাকার রাজা দানুজ রায়কে সন্ধিসূত্রে আবদ্ধ করিলেন ও পলাতক তোঘ্‌রেলের উপর লক্ষ্য রাখিতে 'অনুমতি' করিয়া, নিজে•যে কোন প্রকারে হউক তোঘ্‌রেলের রক্ত দর্শনে প্রতিজ্ঞাবদ্ধ হইলেন।

সম্রাটসেনা জাজ্ নগর পর্য্যন্ত অগ্রসরণ করিয়াও তোঘ্‌রেলকে ধৃত করিতে পারিল না। পরে এক সময় ঐ নগরের নিকটবর্তী স্থানে তোঘ্‌রেলের সৈন্ত-শিবির দেখিতে পাইয়া সম্রাট সেনাপতি মোকাদ্দেয়, ভীম বেগে তাঁহাকে আক্রমণ করিলেন। তোঘ্‌রেল জিন শূন্য অশ্বারোহণে কিছু দূর পলাইয়া গিয়া, শেষে নদীতে ঝাঁপ দিলেন। মোকাদ্দেয়ও

অশ্ব হইতে অবতরণ করিয়া নদীগর্ভে তরবারির আঘাতে বঙ্গেশ্বরের শিরশ্ছেদন করিলেন।

তৎপরে সোল্তান গেরাস-উদ্দীন, বাকারা খানকে বঙ্গ-বেহার ও যুক্তপ্রদেশের শাসনকর্তা নিযুক্ত করিয়া, তাঁহাকে সিংহাসনে বসাইয়া দিল্লী প্রত্যাভর্তন করিলেন।

চতুর্থ সর্গ

সোলতান নাসির-উদ্দীন বাকারা খান

নাসির উদ্দীন ১২৮৬ খৃষ্টাব্দে বাংলার সিংহাসনে আরোহণ করিয়া বিশেষ সুখ্যাতির সহিত রাজ্য শাসন করিয়াছিলেন।

এই সুবেদার বাকারা খান ও তৎপুত্র দিল্লীশ্বর কায়কোবাদের সরযুতীরে অভিনব মিলন সম্বন্ধে আমি আমার ঐতিহাসিক কাহিনী “জান্‌কী বাঈ” গ্রন্থে বিশেষরূপে বর্ণনা করিয়াছি। বঙ্গেশ্বর নাসিরউদ্দীন ফিরোজ শাহ্ পরবর্তী মহা প্রতাপাশ্রিত বীর-কেশরী সম্রাট আলাউদ্দীনের রাজত্বকালে, কিছু দিন শাস্তির সহিত বাংলার মসনদে উপবিষ্ট ছিলেন।

এই স্বদেশ-প্রেমিক সুবাদারের রাজত্ব কালে গ্রন্থকর্তার স্বশুর বংশের পূর্বপুরুষ আনওয়ার-উদ্দীন খান, স্বীয় নমাকিত “আনওয়ারপুর পরগনার” (জেলা ২৪ পরগনার অন্তর্ভুক্ত) জায়গীর প্রাপ্তে দিল্লী হইতে বাংলার আগমন করেন।

তৎপরে ৬৯৯ হিঃ ১২৯৯ খৃঃ সোলতান আলাউদ্দীন খিলজী বঙ্গদেশকে দুই ভাগে বিভক্ত করিয়া, পশ্চিমবঙ্গ ও দক্ষিণ পশ্চিমাঞ্চল লইয়া রাজধানী লক্ষণাবতী বা গোড় নগর, নাসির উদ্দীনের শাসনাধীনে ও পূর্ববঙ্গে সোনার গাঁ (আধুনিক ঢাকা নগর হইতে পূর্ব দক্ষিণ ১৩ মাইল দূরে অবস্থিত ছিল, এক্ষণে প্রায় সমস্তই নদী গর্ভে লীন হইয়া

গিয়াছে) রাজধানী প্রতিষ্ঠিত করিয়া উহা বাহাদুর খানের শাসনাধীনে দিলেন। বাহাদুর খান দিল্লীখর আলাউদ্দীনের জীবদ্দশা পর্য্যন্ত নব্বত্কার সহিত পূর্ববঙ্গের কর্তৃত্ব করিয়াছিলেন।

১৩১৭ খৃষ্টাব্দে কুমার মোবারক দিল্লীর সিংহাসনে আরোহণ করায়, বাহাদুর খান নিজমূর্তি ধারণপূর্বক নিজকে সমস্ত বাংলা দেশের স্বাধীন রাজা বলিয়া ঘোষণা করিলেন, এবং নিজ নাম বাহাদুর খানের পরিবর্তে বাহাদুর শাহ্ দিয়া মুদ্রাঙ্কণ করিলেন।

সম্রাট অগত্যা ১৩২৪ খৃষ্টাব্দে বাহাদুরের বিরুদ্ধে অভিযান করিতে বাধ্য হইলেন। দ্বিহতে পৌছিবার পর সিংহাসনচ্যুত রাজা নাসির উদ্দীন তাঁহার সহিত সাক্ষাৎ করিয়া, সম্রাটকে অনেক ধনরত্ন উপঢৌকন দিয়া, তাঁহার অপহৃত রাজ্য লক্ষণাবতী পুনঃপ্রাপ্ত হইলেন।

বাহাদুর শাহ্ ক্ষমা চাতিয়া প্রাণ ভিক্ষা পাইলেন বটে, কিন্তু সম্রাট তাঁহার রাজত্ব তাঁহার করে প্রত্যর্পণ না করিয়া, বিরাম খানের হস্তে অর্পণ করিলেন। এই অভিযানে সম্রাট দ্বিহট অধিকার করিয়া তথায় একটি বিভিন্ন রাজ্য প্রতিষ্ঠা ও আহমদ খানকে ঐ নব রাজ্যের অধিপতি নির্বাচিত করিয়া দিল্লী প্রত্যাবর্তন করিলেন।

১৩২৫ খৃষ্টাব্দে নাসির-উদ্দীন বাকরাখানের মৃত্যুর পর সম্রাট মোহাম্মদশাহ্, কাদের খানকে লক্ষণাবতীর শাসনকর্তা নিযুক্ত করিলেন। এই নব নিযুক্ত সুবেদার ও সোনার গাঁয়ের সুবেদার বিরাম খান উভয়ে চতুর্দশ বৎসরকাল নির্বিবাদে রাজত্ব করিয়াছিলেন।

এই সময় ১৩৩৮ খৃষ্টাব্দে বিরাম খানের মৃত্যু হয় ও সম্রাট দক্ষিণাঞ্চলের অধিকাংশ জয় করিয়া, দিল্লী হইতে রাজধানী উঠাইয়া লইয়া, রাজা রাম দেবের পুরাতন রাজধানী দেবগরি—তৎকালীন দৌলতাবাদে—প্রতিষ্ঠিত করিবার জন্ম ব্যস্ত ছিলেন। এই সুযোগে মৃত

শাসনকর্তা বিরামের পার্শ্বের জনৈক ক্ষমতাপন্ন ব্যক্তি ফখরুউদ্দীন, সম্রাটের বিনামূল্যে সোনারগাঁ অধিকার করিয়া, সোলতান সেকেন্দার নাম গ্রহণপূর্বক স্বাধীন নরপতি বলিয়া ঘোষণা করিলেন।

সম্রাট এই সংবাদ শ্রবণে গোড়ের শাসনকর্তা কাদেরখানকে সেকেন্দারের বিরুদ্ধে যুদ্ধ ঘাড়া করিয়া, উহাকে সোনার গাঁয়ের সিংহাসন-চ্যুত করিবার আদেশ প্রেরণ করিলেন। ধোরতর যুদ্ধের পর ফখরুউদ্দীন সেকেন্দার পরাজিত ও রাজ্যভ্রষ্ট হইয়া অরণ্য মধ্যে আশ্রয় গ্রহণ করিলেন। কিন্তু অল্পদিন মধ্যেই গুপ্তঘাতক দ্বারা কাদের খানকে হত্যা করিয়া ও সঙ্গে সঙ্গে তাহার সেনানীগণকে প্রচুর অর্থের প্রলোভনে বশীভূত করিয়া, পুনরায় ১৩৪০ খৃষ্টাব্দে বাংলার স্বাধীন রাজা হইয়া নিজ নামে মুদ্রা প্রস্তুত করিতে লাগিলেন।

দিল্লীর সিংহাসন এই সময় খুবই দুর্বল হইয়া পড়িয়াছিল। এই সময় ফখর উদ্দীন বা সোলতান সেকেন্দার, স্বীয় রাজধানী সুবর্ণগ্রাম হইতে আসিয়া গোড় আক্রমণ করিলেন; কিন্তু বিরামের সেনাপতি আলাউদ্দীন কর্তৃক পরাভূত ও নিহত হইলেন। এই আলাউদ্দীন সম্রাটের অনুগ্রহপ্রার্থী হইয়া মাত্র দেড় বৎসর কাল রাজত্ব করার পর স্বীয় বৈমাত্রেয় ভ্রাতা হাজী ইলিয়াস কর্তৃক নিহত হন।

সোলতান শামস্-উদ্দীন হাজী ইলিয়াস।

হাজী ইলিয়াস, তৎপরে সোলতান শামস্ উদ্দীন নাম গ্রহণে বঙ্গের সিংহাসনারোহণ করিয়া নম্রতা প্রদর্শন দ্বারা সাধারণের এত অধিক প্রিয়-পাত্র হইয়া পড়িলেন যে, অচিরে সকলেই তাঁহার ভ্রাতৃ-হত্যার বিষয় ভুলিয়া গেল।

শামস্-উদ্দীন নিজ রাজ্যের সুবন্দোবস্ত করিয়াই সূর্যপ্রথমে রাজ্য

বুদ্ধির আশায় জাজ্ নগর (আধুনিক টিপারা রাজ্য) আক্রমণ করিলেন এবং ঐ রাজ্য জয় করিয়া বহু হস্তী ও ধনরত্ন লইয়া রাজধানীতে প্রত্যাবর্তন করিলেন।

একাদশ বর্ষকাল নির্বিবাদে বাঙ্গালার সিংহাসনে স্বাধীন রাজা রূপে রাজত্ব করার পর, বারানসী প্রদেশের এক অংশে অনধিকার প্রবেশের জন্য সম্রাট ফিরোজ শাহ ৭৫৪ হিজরীর শেষ ভাগে ১৩৫৩ খৃষ্টাব্দে বহু সৈন্য লইয়া বাংলা আক্রমণ করিলেন।

এই সময় সোলতান শামস-উদ্দীন মালদহের নিকট পাণ্ডুরায় রাজধানী স্থাপন করিয়াছিলেন ; এবং তিনি স্বীয় পুত্রকে রাজধানীতে রাখিয়া সর্বসম্মত একদালী দুর্গে যাত্রা করিলেন।

সম্রাট পাণ্ডুরায় নিকটবর্তী যেস্থানে আসিয়া শিবির সন্নিবেশ করিয়াছিলেন, সেই স্থানের নাম এখনও ফিরোজাবাদ বলিয়া প্রসিদ্ধ আছে। দিল্লীস্থর ফিরোজশাহ্ স্বয়ং এই স্থান হইতে অশ্বপৃষ্ঠে যাইয়া পাণ্ডুরায় আক্রমণ করিয়া শামস-উদ্দীনের পুত্রকে বন্দি করিলেন ও রাজধানী অধিকার করিলেন।

পরে পাণ্ডুরায় হইতে সম্রাট সৈন্য একদালী দুর্গ আক্রমণ করিল। কিছুদিন অবরোধের পর বঙ্গেশ্বর সম্রাটের সহিত সন্ধি স্থাপন করিয়া তাঁহাকে অনেক হস্তী ও বিস্তর উপঢৌকন দিয়া সম্মুখে করিলেন, এবং তাঁহার রাজ্যের সীমা নির্দিষ্ট করিয়া লইলেন ৭৫৫ হিঃ।

গৌড় নগরের ঠিক মধ্যস্থলে সম্রাট ফিরোজ শাহ, বাঙ্গালা বিজয়ের নিদর্শন স্বরূপ স্বীয় নামাঙ্কিত যে বিজয়স্তম্ভ নির্মাণ করাইয়া ছিলেন ; সেই ফিরোজ-মিনার এখনও অর্ধভগ্নাবস্থায় মস্তক উত্তোলন করিয়া সম্রাটের নাম চিরস্মরণীয় করিয়া দণ্ডায়মান রহিয়াছে।

৭৫৫৭ হিঃ ১৩৫৭ খৃষ্টাব্দে বঙ্গেশ্বর সোলতান শামস-উদ্দীন স্বীয়

দূত তাজদ্দীন সহ সত্রাট-সমীপে কতকগুলি হস্তী পাঠাইয়া দিয়া বকুত্বের নিদর্শন প্রদর্শন করিলেন। সত্রাট তদ্বিনিময়ে রাজদূত সারেক-উদ্দীন দ্বারা বজেশ্বরকে অনেকগুলি আরব ও তাতার দেশীয় উৎকৃষ্ট ঘোটক পাঠাইয়া দিয়াছিলেন। কিন্তু সারেক-উদ্দীন বিহারে পৌছিয়া শামস-উদ্দীনের মৃত্যু সংবাদ শুনিয়া আর অগ্রসর হইলেন না।

ইলিয়াস হাজী, সোলতান শামস-উদ্দীন নাম ধারণপূর্বক ষোল বৎসর পাঁচ মাস কাল বাংলার স্বাধীন ভাবে রাজত্ব করিয়াছিলেন। তিনি গোড় হইতে পাণ্ডুরায় আসিয়া নূতন রাজধানী প্রতিষ্ঠিত করেন। শামস-উদ্দীনের রাজত্বকালে বাংলার সীমা সমস্ত বিহার প্রদেশ ও গণ্ডক নদী পার্বন্ত বিস্তৃত ছিল।

সেকেন্দার সাহ

তিন দিবস অতিবাহিত হইতে না হইতে অমাত্যবর্গ, ইলিয়াস পুত্র সেকেন্দার শাহকে পিতৃ সিংহাসনে বসাইলেন। প্রজাবর্গের হিত সাধনই এই নব নৃপতির জীবনের প্রধান ব্রত ছিল।

সেকেন্দার দিল্লীশ্বরকে সন্তুষ্ট করিবার অভিপ্রায়ে তাঁহার দরবারে বহুশূল্য উপঢোকন পাঠাইবার উদ্যোগ করিতে লাগিলেন; এমন সময় ৭৬১ খৃষ্টাব্দের প্রারম্ভে দিল্লীশ্বর ফিরোজ শাহ, বঙ্গদেশে স্বীয় ক্ষমতা বিস্তার করিবার আশায় সৈন্যসহ যাত্রা করিয়াছেন, অবগত হইয়া তিনি উপঢোকন প্রেরণে ক্ষান্ত হইলেন।

প্রবল বর্ষার জল সত্রাটকে জাফরাবাদে শিবির সন্নিবেশ করিয়া অপেক্ষা করিতে হইয়াছিল এই সময়ের মধ্যে বজেশ্বর দিল্লীর অধীনতা স্বীকার করিবেন কিনা জিজ্ঞাসা করিয়া দূত প্রেরণ করায়, সেকেন্দারশাহ তাচ্ছিল্যতা প্রদর্শনে প্রস্তাবে অসম্মত হইলেন।

বর্ষার শেষে সম্রাট সৈন্তে পাণ্ডুরায় আসিয়া উপস্থিত হইলেন। পিতার আদর্শে বঙ্গেশ্বরও ৭৬১ হিজরীর ১৬ জমাদিয়ল্ আউয়ল তারিখে দুর্ভেদ্য একদালী দুর্গাভ্যন্তরে আশ্রয় লইলেন। অবশেষে ৪৮টা হস্তী ও অনেক অর্থ ও রত্নাদি উপঢৌকন দিয়া, এবং বাৎসরিক কর দিতে স্বীকৃত হওয়ার সম্রাট বঙ্গদেশ পরিত্যাগ করিয়া চলিয়া গেলেন।

১৩৬১ সালে সেকেন্দার সাহ রাজধানী পাণ্ডুরায়, সুবিখ্যাত এবং বাঙ্গলা দেশের মধ্যে সর্বাধিক বৃহদায়তন নির্মাণ আদির মসজিদের সুদৃশ্য কার্য আরম্ভ করিলেন। আমরা যে জমিমাণের সেকেন্দারী গঞ্জের নাম শুনিয়া থাকি, তাহা এই সেকেন্দার শাহের প্রবর্তিত মাপ।

সোলতান সেকেন্দার শাহের দুইটা পত্নী ছিল। কিন্তু দ্বিতীয় স্ত্রীর গর্ভে অনেকগুলি সন্তান হওয়া সত্ত্বেও তিনি প্রথমা মহিষীর একমাত্র পুত্র গেরাস-উদ্দীনের উপর হিংসা করিতেন। সোলতান সেকেন্দার এই ব্যবহারের বড়ই বিরোধী ছিলেন। তদ্রূচ জ্যেষ্ঠ পুত্র গেরাসের মনে নানারূপ ভয়ের সঞ্চার হওয়ার, তিনি মুগরায় বাহির হইবার ভান করিয়া স্বর্ণগ্রামে চলিয়া গিয়া তথায় অনেক সৈন্ত সংগ্রহ করেন। তৎপরে কুমার গেরাস-উদ্দীন তাঁহার সংগৃহীত সেনা লইয়া পাণ্ডুরায় দিকে আসিতে থাকা কালে, পিতা সন্দেহ পরবশ হইয়া পুত্রকে আক্রমণ করিলেন।

এই সংঘর্ষে গেরাস-উদ্দীন তাঁহার সেনাগণকে বিশেষরূপে সতর্ক করিয়া দিয়াছিলেন যে—যেন কোন মতে যুদ্ধে তাঁহার পিতা আহত না হ'ন। কিন্তু দৈবদুর্ভাগ্যকে সেকেন্দার শাহ্ সাজাতিকরূপে আহত হইলেন। এই সময় পুত্র গেরাস, পিতার মস্তক ক্রোড়ে তুলিয়া লইয়া যৎপরোনাস্তি বিলাপ ও ক্রন্দন করিয়াছিলেন এবং পিতার নিকট ক্ষমা ভিক্ষা চাহিয়াছিলেন। রাজ-পিতা পুত্রকে আশীর্বাদ করিতে করিতে যুদ্ধক্ষেত্রে চিরনিদ্রায় অভিভূত হইলেন। (১৬৬৭ খৃষ্টাব্দ)

সোলতান গেয়াস-উদ্দীন আবল-মোজাফ্‌ফর আজম্‌ শাহ্

পিতার মৃত্যুর সঙ্গে সঙ্গে গেয়াস-উদ্দীন, আজম্‌ শাহ্‌ নাম ধারণ করিয়া পিতৃ-সিংহাসনে আরোহণ করিলেন। সোলতান গেয়াস-উদ্দীনের স্ত্রীর স্ত্রী-বিচারক রাজা বঙ্গের সিংহাসনে কৃত্রাপি অধিষ্ঠিত হন নাই বলিলেও অত্যুক্তি হয় না। ইনি নিজে যেমন স্ত্রীবিচারক ছিলেন তেমনি স্ত্রীর বিচারের মর্যাদাও রাখিতেন।

এক সময় সোলতান গেয়াস-উদ্দীন ধর্মবিদ্‌ঘা অভ্যাস করিতে থাকা কালে, হঠাৎ তাঁহার হস্ত-নিষ্কিণ্ণ একটা তীর এক বিধবার পুত্রের গাত্রে বিদ্ধ হয়। বিধবা তৎক্ষণাৎ কাজী-উল-কোজ্জাত কাজী সেরাজ উদ্দীনের এজলাসে উপস্থিত হইয়া বঙ্গেশ্বরের বিরুদ্ধে অভিযোগ করিল। 'বিচারক সোলতান গেয়াস উদ্দীনের মান রক্ষা অপেক্ষা আইনের ও ধর্মের মর্যাদা রক্ষা কর্তব্য বিবেচনা করিয়া, বঙ্গেশ্বরের নামে সমন বাহির করিলেন।

সোলতান ধর্মাধিকরণের সমন পাইয়া একখানি ক্ষুদ্র তরবারি বস্ত্র মধ্যে লুক্কায়িত করিয়া কাজীর এজলাসে উপস্থিত হইলেন। কাজী ধর্মাধিকরণের আসনে উপবিষ্ট থাকাবস্থায় তাঁহার প্রতি রাজোচিত কোন বিশেষ সম্মান প্রদর্শন না করিয়া, প্রথমতঃ সোলতানকে সমস্ত ব্যাপার বুঝাইয়া বলিলেন। পরে অল্পমতি সূচক স্বরে সোলতানের প্রতি আদেশ প্রদান করিলেন যে,—“আপনি অর্থের দ্বারা বা যে কোন প্রকারে পারেন বিধবাকে সন্তুষ্ট করুন; নতুবা আইনের কঠোর দণ্ড আপনাকে গ্রহণ করিতে হইবে।”

তখন সোলতান বহু অর্থ দিয়া বিধবাকে সন্তুষ্ট করিলেন এবং বিধবাও কাজীর নিকট সেই মত দরখাস্ত দাখিল করিয়া তাঁহার অভিযোগ উঠাইয়া লইল। অতঃপর বিধবার মোকদ্দমা নিষ্পত্তি করণান্তে কাজী সেরাজ-উদ্দীন

বিচারাসনে হইতে নামিয়া সোলতান গেয়াস-উদ্দীনকে রাজোচিত সম্মান প্রদর্শন করিলেন। তখন বস্ত্রাভ্যন্তর হইতে তরবারি বাহির করিয়া উহা প্রদর্শনে সোলতান, কাজী সেরাজ উদ্দীনকে উদ্দেশ্য করিয়া বলিলেন—

“আপনার ঞ্চার-বিচারে কোনরূপ পক্ষপাতিত্ব দেখিলে এই তরবারি আজ আপনার মস্তক দ্বিখণ্ডিত করিত। এক্ষণে আমি পরম দয়ালু খোদাতাআলাকে ধন্যবাদ দিতেছি ও মনে মনে অহঙ্কৃত হইতেছি যে আমার রাজত্বে আপনার ঞ্চার ঞ্চার-বিচারক বিদ্যমান আছে, এবং আমার এমন একজন বিচারপতি আছেন যে ঞ্চার বিচারের নিকট তিনি কোন পাখিব শক্তির মর্যাদাই রক্ষা করেন না”।

তখন কাজী সাহেব বিচারাসনের নিম্ন হইতে একগাছি বেত্র বাহির করিয়া বলিলেন—

“আমি পরম করুণাময় আল্লাহতাআলা সমীপে শপথ করিয়া বলিতেছি যে যদি আপনি শাস্ত্রের ও আইনের বিধান ও আমার আদেশানুযায়ী দণ্ড গ্রহণ করিতে বিরুদ্ধি করিতেন; তাহা হইলে এই বেত্রাঘাতে আপনার পৃষ্ঠদেশ এতক্ষণ কাল ও নীল বর্ণ ধারণ করিত।”

সোলতান কাজীর উপর যৎপরোনাস্তি সন্তুষ্ট হইয়া, এই ঞ্চারবান বিচারককে প্রচুর অর্থ দানে সন্তুষ্ট করিলেন।

সোলতান গেয়াস-উদ্দীন নিজে বখেষ্ট বিদ্যা অর্জন করিয়াছিলেন বলিয়া তাঁহার দরবারে বিদ্যানের খুবই সমাদর ছিল। সোলতান তাঁহার সহপাঠী প্রসিদ্ধ ধাশ্বিক ও সিদ্ধপুরুষ কোতব-উল্-আলমের সহিত, বীরভূম জেলার নাগর নগরের সংসার বিরাগী মহাজ্ঞানী হামিদ উদ্দীনের নিকট একত্রে ধর্মজ্ঞান ও পরমার্থ-তত্ত্ব শিক্ষা করিয়াছিলেন। এই মহা সিদ্ধপুরুষ হামিদউদ্দীন পরে বীরভূমের বহু জড়োপাসক হিন্দুগণকে পবিত্র এসলামের ক্রোড়ে টানিয়া লইয়াছিলেন।

পঞ্চম সর্গ



রাজা গণেশ

সোলতান গেয়াস-উদ্দীনের রাজত্বকালে ভেতুড়িয়া পরগণার জনৈক ব্রাহ্মণ জমিদার গণেশ অতিশয় প্রবল হইয়া উঠিয়া রাজা উপাধি প্রাপ্ত হন। তিনি গেয়াস-উদ্দীনের রাজ সভায় প্রবেশ করিয়া যোগ্যতা প্রদর্শনে ক্রমে রাজস্ব বিভাগের অমাত্যের পদ প্রাপ্ত হইয়াছিলেন।

সোলতান-পুত্র সায়েফ-উদ্দীনের পর তিনি নিঃসন্তান থাকায়, ওমরাহগণ তাঁহার পোষ্যপুত্র শামস-উদ্দীনকে রাজা মনোনীত করিলেন। কিন্তু এই সম্পূর্ণ অক্ষম শাসনকর্তাকে অধিক দিন রাজ্য ভোগ করিতে হয় নাই।

১৩৮৫ খৃষ্টাব্দে রাজা গণেশ তাঁহার বিরুদ্ধে বিদ্রোহী হইয়া, অপরাপর সমস্ত মোসলমান ওমরাহগণের সাহায্যে শামস-উদ্দীনকে যুদ্ধে পরাস্ত ও নিহত করিয়া পাণ্ডুরায় আসিয়া বঙ্গের সিংহাসন অধিকার করেন। রাজা সিংহাসনে আরোহণ করিয়া দেখিলেন যে, তাঁহার চতুর্দিকের পদস্থ মোসলমান ওমরাহগণ এতাদিক প্রভূত বলশালী যে—তাঁহাদের সঙ্গে সামান্য দ্বন্দ্ব করিলে তাঁহার সিংহাসনচ্যুত হওন অনিবার্য। এই অবস্থা বিবেচনা করিয়া রাজা গণেশ সমুদয় আফ্গান ও তুর্কী ওমরাহগণকে প্রভূত ভূসম্পত্তি দানে পরিতুষ্ট করিবার চেষ্টা করিতে লাগিলেন ; তৎসহ তিনি ধার্মিক এবং বিদ্বান মোসলেমগণের জ্ঞান বৃদ্ধি ধার্য্য করিয়া দিলেন।

এইরূপে রাজ্যের সমুদয় মোসলমানগণের সহিত যথাসাধ্য সদ্যবহার করিয়া রাজা গণেশ, সাত বৎসরকাল শাস্তির সহিত রাজত্ব করিতে পারিয়াছিলেন।

ক্রমে নানা প্রকার সদ্যবহার প্রদর্শনে রাজা গণেশ, মোসলমানগণের নিকট নিজ আত্মাকে একরূপ অনুগ্রহভুক্ত প্রতিপন্ন করিয়াছিলেন যে— তাঁহার মৃত্যুর পর মোসলমানেরা তাঁহাকে এসলাম ধর্মাবলম্বী বিবেচনায় তাঁহার মৃতদেহ সমাধিস্থ করিতে চাহিয়াছিল।

প্রবাদ আছে যে রাজা গণেশ হিন্দু মোসলমানের মধ্যে সখ্যতা বৃদ্ধি করণ কল্পে, নিজে বুদ্ধি খাটাইয়া হিন্দুগণের মধ্যে সত্যপীরের পূজা প্রচলিত করেন। পরে হিন্দুরা উহার সত্যনারায়ণ নাম করণ করিয়াছেন।

গণেশের সময় কোন মুদ্রা প্রচলিত হয় নাই। তাঁহার রাজত্বকালে যে মুদ্রা প্রচলিত ছিল তাহাতে বায়েজিদ শাহের নামাকিত দেখা যায়। এই কারণে অনেকে রাজা গণেশের মোসলমান নাম বায়েজিদ বিবেচনা করিয়া থাকেন।

সোলতান জালাল-উদ্দীন মোহাম্মদ শাহ্

রাজা গণেশের জীবিতাবস্থায় তাঁহার জ্যেষ্ঠ পুত্র যত্ন ওরফে জিতমল্ল, পূর্বেলিখিত সিদ্ধ পুরুষ কোতব-উল্-আলমের নিকটে এসলাম ধর্মে দীক্ষিত হইয়া জালাল উদ্দীন নাম গ্রহণ করেন।

সিংহাসনারোহণের পর সোলতান জালাল-উদ্দীন মোহাম্মদ শাহ্, মোসলমান ধর্মের একজন মহা উদ্যোগী শিষ্য হইয়া পড়িলেন; এবং সুবর্ণগ্রাম হইতে প্রসিদ্ধ ধর্ম যাজক সেথ জাহেদকে আনয়ন করিয়া তাঁহার পরামর্শ মত সমস্ত ধর্মকার্য্য, এমন কি রাজ কার্য্য পর্যন্ত চালাইতে আরম্ভ করিলেন।

সোলতান জালাল উদ্দীন পাণ্ডুরা হইতে পুনরায় গোড়ে রাজধানী উঠাইয়া লইয়া গিয়া বহু অর্থব্যয়ে লক্ষণাবতীর পুনঃ সংস্কার করিতে লাগিলেন। এই সময় হইতে জালাল, পূর্ণ উদ্যমে তাঁহার রাজত্বের মধ্যে চতুর্দিকে এসলাম ধর্ম প্রচার করিতে থাকার, অনেক পৌত্তলিক জড়ো-পাসনা পরিত্যাগ করিয়া, পবিত্র এসলাম ধর্মের আশ্রয় গ্রহণ করিয়াছিল। জালাল উদ্দীন গোড়ে ও রাজ্যের সর্বত্র বিস্তর মসজিদ ও বৃহৎ বৃহৎ পুষ্করিণী ও পাহাশালা নির্মাণ করাইয়া গিয়াছেন। এখনও পর্য্যন্ত তাঁহার ঐ সমস্ত বৃহৎ কীর্তির ভগ্নাবশেষ গুলি স্থানে স্থানে “জালালী” নামে অভিহিত হইয়া সোলতান জালাল-উদ্দীনকে চিরস্মরণীয় করিয়া রাখিয়াছে।

জালালের রাজত্বকালে দিল্লীর সিংহাসন সোলতান চতুর্থ মোহাম্মদের দুর্বল হস্তে ন্যস্ত থাকার, তিনি বিনা বাধা বিঘ্নে অষ্টাদশ বর্ষকাল স্বাধীন ভাবে বঙ্গের সিংহাসন উজ্জ্বল করিয়াছিলেন।

দিল্লীশরের এই দুর্বলতার সময়ে হিঃ ৮০১ সালে ভারতের মোগল সম্রাটগণের পূর্ব পুরুষ তৈমুরলঙ্গ, ভারত আক্রমণ করিয়া সম্রাটকে অধিকতর বিপন্ন করিয়াছিলেন। এই বিপ্লবের সূচনার বাজলা দেশের ন্যায়, আজীম শাহের অধীনে গুর্জর প্রদেশ, দেলাওয়ারের অধীনে মালব খণ্ড ও কর্ণাট হইতে আরম্ভ করিয়া সমস্ত অযোধ্যা প্রদেশ, জৌনপুরে খাজে জাহানের অধীনে “স্বাধীন-পূর্ব-রাজত্ব” নামে এক নূতন রাজ্য, খেজের শাহের অধীনে লাহোর, দেবালপুর ও মুলতান প্রদেশ; এবং গালেবের অধীনে সামানা প্রদেশ, প্রভৃতি প্রসিদ্ধ প্রসিদ্ধ ভারতের প্রায় সমস্ত প্রদেশ গুলিই দিল্লীর অধীনতা শৃঙ্খল কর্তন করিয়া, এক একটা স্বাধীন মোসলমান রাজ্যে পরিণত হইল।

সোলতান জালাল-উদ্দীন যথার্থ ন্যায় বিচারের সহিত অষ্টাদশবর্ষ কাল রাজত্ব করার পর গোড় নগরে ১৪০৯ খৃষ্টাব্দে মানবলীলা সম্বরণ করেন।

আহম্মদ শাহ

জালাল-পুত্র আহম্মদ শাহ হিঃ ৮১২ সালে ১৪০ খৃঃ পিতৃ-সিংহাসনে আরোহণ করেন। এই রাজা সুবিচার দ্বারা অচিরে হিন্দু মোসলমান উভয় সম্প্রদায়ের প্রিয় পাত্র হইয়া উঠিলেন। কিন্তু তিনি পিতার স্থায় ভেজস্বী ছিলেন না দেখিয়া জোনপুররাজ সোলতান এব্রাহিম, বহু সৈন্য লইয়া বাংলা আক্রমণ করিলেন।

বঙ্গেশ্বর এই প্রবল প্রতিদ্বন্দ্বী জোনপুর রাজের সহিত প্রতিযোগিতা করা তাঁহার ক্ষমতাতীত বিবেচনা করিয়া, তৈমুর-পৌত্র শাহ্ রোধের নিকট দূত প্রেরণ করিয়া তাঁহার সাহায্য প্রার্থনা করিলেন। দিল্লীর অবস্থা সে সময় এতাদিক শোচনীয় হইয়া পড়িয়াছিল যে, শাহ-রোধ পারস্য দেশে হেরাতে রাজধানী প্রতিষ্ঠিত করিয়া তথায় অবস্থান করিতে থাকিলেও, তিনি হিন্দুস্থানের সম্রাট বলিয়া ঘোষিত হইতেন।

তাতার সম্রাট শাহ-রোধ, বঙ্গেশ্বরের দূতকে সমাদরে গ্রহণ করিয়া, বৎপরোনাস্তি ভয় প্রদর্শক একখানি পত্র লিখিয়া হাজী আবদুল করিমের হস্তে উহা সোলতান এব্রাহিমের নিকট পাঠাইয়া দিলেন : দুর্দান্ত-প্রতাপ তাতার সম্রাটের এই ভীতি প্রদর্শক পত্র প্রাপ্তি মাত্র জোনপুর রাজ এব্রাহিম, বঙ্গদেশীয় সমুদয় বন্দিগণকে মুক্ত করিয়া দিলেন ও তদবধি আর কখনও বাঙ্গলা আক্রমণের চিন্তা করেন নাই।

হাজী আবদুল করিমের সহিত তাতার রাজ, মোলানা আবদুর রহিম নামক একজন দূতকে গোড়ে পাঠাইয়া দিয়াছিলেন। কিছু দিন গোড়ে অবস্থান করিয়া এই উভয় দূত একত্রে প্রত্যাবর্তন পথে, অর্ণবপোতারোঠনে অশ্বরু উপসাগরের মধ্য দিয়া হেরাত যাইবার সঙ্কল্প করিলেন। কিন্তু কালিকাট বন্দরের নিকট জাহাজ ভাঙ্গিয়া যাওয়ার

তঁাহাদিগকে তথাকার শাসনকর্তা জামোরিণের নিকট আত্ম-পরিচয় দানে আশ্রয় লইতে হইয়াছিল। শাসনকর্তা, প্রবল প্রতাপাবিত সম্রাট শাহ্-রোখের নাম শ্রবণে তঁাহাদিগকে অতি যত্নের সহিত আশ্রয় দিয়া, পরে স্বীয় দূত সমভিব্যবহারে হেরাতে পাঠাইয়া দিয়াছিলেন।

আহম্মদ শাহ্ আঠার বৎসর রাজত্ব করিয়া ১৪২৬ খৃষ্টাব্দে ৮৩০ তিঃ মৃত্যুমুখে পতিত হ'ন। সোলতান আহম্মদ শাহের রাজত্বকালে চট্টগ্রামের প্রসিদ্ধ সাধু বদর-উদ্দীন বা পীর বদরের মৃত্যু হয়। এখনও নৌকার মাঝিরা নদীতে কোন বিপদে পতিত হইবার সম্ভাবনা দেখিলে এই পীর বদরের নাম উচ্চারণ করিয়া বিপদ উদ্ধারের প্রত্যাশা করিয়া থাকে।

ষষ্ঠ সর্গ



ইলিয়াস্ সাহাবংশ

আহম্মদ সাহের অপুত্রক অবস্থার মৃত্যু হওয়ার, ওমরাহ্‌গণ হাজী ইলিয়াস্ সোল্তান শামস্‌উদ্দীনের বংশধর জনৈক যুবককে গোড়ের সিংহাসনে বসাইলেন।

এই নব শাসন কর্তার নাম হইল সোল্তান নাসের-উদ্দীন আবুল মোজাফ্‌ফার মাহ্‌মুদ সাহ্‌। মাহ্‌মুদের রাজত্ব কালে দিল্লীর সহিত জৌনপুরের যুদ্ধ চলিতে থাকায়, তিনি শান্তির সহিত ৮৩০ হিঃ হইতে ৮৬২ হিজরী পর্যন্ত রাজত্ব করিতে পারিয়াছিলেন ও এই সুদীর্ঘ সময় মধ্যে রাজধানীর অবস্থা অনেক উন্নত করিয়া তুলিয়াছিলেন।

তৎপরে সোল্তান-কুমার রোকণ-উদ্দীন বারবাক সাহ্‌, বঙ্গদেশ শাসন কালে, আফ্রিকা হইতে কাফ্রি আনাইয়া তাঁহার সেনাদল পরিপুষ্ট করিতে লাগিলেন। তাঁহার সময়ে বঙ্গীয় সেনাদলের মধ্যে আট হাজার উৎকৃষ্ট অশ্বারোহী ও পদাতিক নিগ্রো পল্টন ছিল। এই কাফ্রিগণ ক্রমশঃ সোল্তানের বিশ্বাসভাজন হইয়া উচ্চ পদে উন্নীত হইতে লাগিল। বঙ্গের উদাহরণে সেই সময় দাক্ষিণাত্য ও গুজরাটের রাজাগণও আবিসীনীয় সৈন্য বৃদ্ধি করিয়াছিলেন।

সপ্তদশ বর্ষ কাল সুখ্যাতির সহিত ও যত্ন সহকারে প্রজা পালন করিয়া, বারবাক সাহ্‌, ১৪৭৪ সালে জ্যেষ্ঠ পুত্র ইউসুফ সাহের উপর রাজ্য-ভার

অর্পণ করিয়া মানবলীলা সম্বরণ করেন। সোল্তান বাব্বকের প্রস্তুত সিংহদ্বার এবং দুর্গ প্রকার ও সুগভীর গড়, অত্যাপি গোড়ে বিদ্যমান আছে। রোকন-উদ্দীনের শাসনকালে একজন প্রসিদ্ধ পর্তুগীজ ভ্রমণকারি ও ঐতিহাসিক রাজধানী লক্ষণাবতী নগরে আসিয়া, তাহার সৌন্দর্য দর্শনে বিমোহিত হইয়া গিয়াছিলেন। তাঁহার লেখা হইতে অবগত হওয়া যায় যে—তৎকালে গোড়ের লোক সংখ্যা অন্যান্য দ্বাদশ লক্ষ ছিল। এই সময়ে সম্রাট-বহুল লোদী দিল্লীর সিংহাসনে উপবিষ্ট ছিলেন।

শামস-উদ্দীন ইউসফ্ সাহ্

এই নব শাসনকর্তা একজন অতি ধীর প্রকৃতি, ধর্মপরায়ণ, বিচক্ষণ, বিদ্বান ও আইনজ্ঞ নরপতি ছিলেন। তাঁহার রাজ্যের মধ্যে বিচারকগণ যাহাতে সুবিচার করেন ও কোন মতে অবিচার প্রশ্রয় না পায়, তৎপ্রতি সর্বক্ষণ তাঁহার তীক্ষ্ণ দৃষ্টি ছিল। প্রতি সপ্তাহে সমস্ত আদালতের বিচার সম্বন্ধীয় বিবরণ তাঁহার নিকট পাঠাইতে হইত ও তিনি নিজে সেই সমুদয় কাগজ-পত্র পুঙ্খানুপুঙ্খরূপে দেখিয়া, তন্মধ্যস্থ বাবতীর কুট সমস্যাগুলি মীমাংসা করিয়া দিতেন। বিচারকগণ সর্বক্ষণ তাঁহার ভয়ে থরহরে কম্পান থাকিতেন।

ইউসফ্ সাহ্-বাবতীর প্রজা-মণ্ডলীর নিকট অতি সুখ্যাতির সহিত সাড়ে সাত বৎসর কাল রাজত্ব করিয়া তাহাদের প্রীতিবর্দ্ধন করিয়াছিলেন হিঃ ৮৮৭।

সোল্তান ফতেহ্ সাহ্ ১৪৭২ খৃষ্টাব্দে রাজ্য প্রাপ্ত হইয়া প্রবল প্রতাপশালী হাব্‌সী, বারিক কর্তৃক ১৪৯০ খৃষ্টাব্দে নিহত হ'ন। তাঁহার নিধনের পর উক্ত হাব্‌সী, সোলতান সাহ্‌জাদা নাম ধারণে গোড়ের সিংহাসনারোহণ করিলেন। কিন্তু আট মাসের মধ্যেই এই মতপায়ী

হাব্‌সী শাসনকর্তা আর একজন আবিসীনীয়, মালেক্ আন্দিল কর্তৃক রাজ-অস্ত্রপু্রে নিহত হইয়াছিল।

অতঃপর ওমরাহগণ ও মালেক্ আন্দিল স্বয়ং মৃত সোলতান ফতেহ্ সাহের মহিবীকে, তাঁহার দুই বৎসরের পুত্রের অভিভাবক স্বরূপ বঙ্গের সিংহাসনে আরোহণ করিতে অস্বরোধ করিলেন। কিন্তু উক্ত মোস্লেম রমণী কোন মতে এই পুরুষোচিত কার্যে হস্তক্ষেপ করিতে স্বীকৃত না হওয়ায়, জনসাধারণে আন্দিলকে ফিরোজ সাহ্ নাম দিয়া রাজ্যাসনে বসাইলেন। ১৪৯১ খৃষ্টাব্দ।

ফিরোজ সাহ্ আন্দিল

সোলতান ফিরোজ সাহ্ আন্দিল ইতিপূর্বে কতেহ্ সাহ্ ও সোলতান সাহ্ জাদার সেপাহ্-সালার নিযুক্ত থাকিয়া, যথেষ্ট বীরত্বের ও রণকৌশলের পরিচয় দিয়াছিলেন। এই কারণেই তিনি প্রথমাবস্থায় সকলেরই প্রিয়পাত্র হইয়া উঠিলেন।

তাঁহার তিন বৎসর রাজত্বকালের মধ্যে তিনি গরীব দুঃখীগণকে প্রচুর অর্থ বিতরণে পরিতুষ্ট করিয়াছিলেন। একদা তিনি প্রধান মন্ত্রীর উপর রাজকোষ হইতে এক লক্ষ টাকা বিতরণের আদেশ প্রদান করেন। মন্ত্রী, রাজ-খনাগার হইতে এককালে এত অর্থ বিতরণার্থে বাহির করিতে ইতস্ততঃ করিয়া, একত্রে এক লক্ষ টাকার সমষ্টি দেখিলে সোলতানের মত পরিবর্তন হইতে পারিবে ভাবিয়া, তাঁহার দরবারে আসিবার পথপার্শ্বে ঐ টাকা গাদা দিয়া রাখিয়াছিলেন। দরবারে আসিবার কালে পথপার্শ্বে এত টাকা দেখিয়া ফিরোজ সাহ্ উত্তর কারণ জিজ্ঞাসা করায়, মন্ত্রী উত্তর দিলেন যে—“জাফানার আদেশ মত ঐ টাকাগুলি দরিদ্রগণকে বিতরণ করিতে হইবে।” তাহাতে সোলতান—“এই কয়টা মাত্র টাকা”

বলিয়া বিতরণার্থে উহার সমষ্টি দ্বিগুণিত করিবার অঙ্গুমতি দিয়া গেলেন ।
অনন্তর মন্ত্রীকে বাধ্য হইয়া দুই লক্ষ টাকা বিতরণ করিতে হইল ।

ফিরোজ সাহের মৃত্যুর পর তাঁহার জ্যেষ্ঠ পুত্র নাসের উদ্দীন মাহমুদ সাহ্ গোড়ের সিংহাসনে আরোহণ করেন ও একবৎসর কাল পর্য্যন্ত প্রভূত ক্ষমতাপালী প্রধান অমাত্য হেব্জ খানের ক্রৌড়া পুতুলী হইয়া থাকার পর, মন্ত্রীর অত্যাচারে প্রপীড়িত হইয়া জনৈক ক্ষমতাপালী ওমরাহ্ সিদ্দী বাদার-দেওয়ান সাহায্যে তাহাকে হত্যা করেন । অল্পদিন মধ্যে সিদ্দী বাদার, মাহমুদ সাহ কেও হত্যা করিয়া হিজরী ৯০০ সনে আবু নসর মোজাফ্ফর সাহ্ নাম ধারণে গোড়ের মসনদ অধিকার করিলেন ।

আবু নসর মোজাফ্ফর সাহ্ .

মোজাফ্ফরের ছায় নৃশংস অত্যাচারী আর কোন মোসলমান নরপতি বাঙ্গলার সিংহাসন কলঙ্কিত করেন নাই বলিলেও অত্যাচারি হয় না । মোজাফ্ফরের অত্যাচারে প্রপীড়িত হইয়া ৯০৩ হিজরীতে (১৪৯৭ খৃঃ) রাজ্যের সর্দার ও ওমরাহ্ গণ, মন্ত্রী সৈয়দ হোসেনের অধীনে মোলতানের বিরুদ্ধে অস্ত্র ধারণ করিলেন, এবং তাঁহাকে রাজধানীর মধ্যেই এক প্রকার অবরোধ করিয়াছিলেন । সেই সময় মোজাফ্ফর সাহের অধীনে পাঁচ সহস্র উৎকৃষ্ট অবিসানীর যোদ্ধা এবং ২৫০০০ হাজার আফ্গান ও বাঙ্গালী পণ্টন থাকার, তিনি চারি মাস কাল শত্রুগণের সহিত সমভাবে যুদ্ধিতে লাগিলেন ।

এই সময় দুর্দান্ত মোলতান নিষ্ঠুরতার পরাকাষ্ঠা প্রদর্শন করিয়াছিলেন । প্রত্যহই যুদ্ধে বন্দিদিগকে তিনি শ্বহস্তুে তরবারির আঘাতে নিহত করিয়া আনন্দ উপভোগ করিতে লাগিলেন ।

অবশেষে স্বীয় সৈন্তগণকে শত্রুগণের সহিত সম্মুখ যুদ্ধ করিবার উপযুক্ত

যনে করিয়া, সোলতান মোজাফ্ফর তাঁহার সমুদয় সৈন্যসহ নগরের বাহিরে আসিয়া, সৈয়দ হোসেনকে আক্রমণ করিলেন। তখন নগর প্রান্তে যে ঘোরতর যুদ্ধ বাধিয়া গেল, তাহাতে নিষ্ঠুরাবতার মোজাফ্ফর রণক্ষেত্রে নিহত হইলেন। গোড় প্রান্তুর রুধির সিক্ত কর্দ্দমে ও অন্যান্য ২৬০০০ সহস্র যোদ্ধার মৃতদেহে এক অতি বীভৎস আকার ধারণ করিল।

সপ্তম সর্গ



হোসায়েন সাহি বংশ

সৈয়দ আলাউদ্দীন হোসায়েন সাহ

অত্যাচারী মোজাফ্ফারের নিধনের পর সোলতান আলাউদ্দীন ১৪৯৯ খৃষ্টাব্দে গোড়ের সিংহাসনে আরোহণ করিলেন।

এই মক্কা নিবাসী সঙ্ঘশজাত প্রসিদ্ধ সৈয়দ হোসায়েন, সাম্রাজ্যাবস্থার বাঙ্গলার আসিয়া ক্রমে প্রধান মন্ত্রীর পদে উন্নীত হইয়া ছিলেন; এবং মোজাফ্ফর সাহের বধের পর সর্বসাধারণের ইচ্ছামতে বাঙ্গলার সিংহাসন গ্রহণ করিয়াছিলেন।

হোসায়েন সাহ প্রথমেই অবিসীনীর্ষগণকে রাজ্য হইতে বিতাড়িত করিবার উপায় উদ্ভাবন করিতে লাগিলেন। প্রথমতঃ তিনি সমস্ত হাব্‌সীগণকে তাঁহার সেনাদল হইতে বরখাস্ত করিলেন। তাহারা অন্ত কোথায়ও স্থান না পাইয়া শেষে গুজরাট ও দাক্ষিণাত্যে যাইতে বাধ্য হইল ও তথায় সিদ্ধি নামে পরিচিত হইতে লাগিল।

আলাউদ্দীন গুণীর আদর করিতেন। তিনি অনেক সঙ্ঘশজাত কর্ম-দক্ষ ব্যক্তিকে, হিন্দু-মোসলমান্‌ নির্বিশেষে রাজ্যের প্রধান প্রধান কার্যে নিযুক্ত করিয়া সর্বসাধারণের প্রিয়পাত্র হইয়া উঠিয়াছিলেন।

অতঃপর তাঁহার দেশ জয়ের স্পৃহা বলবতী হইয়া উঠিল। তখন তিনি প্রভূত সৈন্য সংগ্রহ করিয়া আসাম ও কামরূপ অভিযান করিলেন।

অচিরে উক্ত প্রদেশস্বয়ের হিন্দু রাজাগণকে যুদ্ধে সম্পূর্ণরূপে পরাস্ত করিয়া, তিনি স্বীয় পুত্রকে বিজীত প্রদেশের শাসনকর্তা নিযুক্ত করিয়া রাজধানীতে প্রত্যাবর্তন করিলেন।

জৌনপুরের রাজা সাহ্ হোসেন, দিল্লীখর সম্রাট সেকেন্দার সাহের সৈন্যগণের নিকট পরাভূত হইয়া বাঙ্গলায় আসিয়া, সোলতান আলাউদ্দীনের আশ্রয় প্রার্থী হইলেন। সোলতান তাঁহার উপযুক্ত রক্তি নির্ধারণ করিয়া দিয়া, তাঁহাকে অতি সম্মানের সহিত তাঁহার জীবনান্তকাল পর্য্যন্ত নিজ রাজ্যে আশ্রয় দিয়াছিলেন। উক্ত রাজার সমাধি এখনও পর্য্যন্ত গোড়ের প্রান্তভাগে বিদ্যমান আছে।

১৪৯৯ খৃষ্টাব্দে সম্রাট সেকেন্দার লোদি বেহার জয় করিয়া বঙ্গদেশ আক্রমণ করেন; কিন্তু তোগলকপুর পর্য্যন্ত পৌছিয়া অবগত হইয়াছিলেন যে—বঙ্গেশ্বর-পুত্র কুমার দানিয়েল, সন্ধির জন্ত তাঁহার পিতা কড়ক শ্রেণিত হইয়া, সম্রাটের নিকট আগমন করিতেছেন।

সম্রাট স্বভাবতই শান্তিপ্ৰিয় ছিলেন। সে কারণ আর অগ্রসর না হইয়া, দুইজন ভদ্র বংশীয় রাজ দূতকে কুমারের উদ্দেশে পাঠাইয়া দিলেন। তৎপরে পূর্ণ ক্ষমতা প্রাপ্ত উভয় পক্ষীয় রাজদূত, পাটনা জেলাস্থ বাড় নগরে মিলিত হইয়া অল্প দিনের মধ্যেই এই সন্ধি সর্ব্বে সম্মত হইলেন যে—দিল্লীখর আর বাঙ্গলা আক্রমণ করিবেন না, এবং বেহার তিব্বত ও সারণ প্রভৃতি যে সমস্ত জেলা ইতি পূর্বে জৌনপুর রাজ্যের অন্তর্গত ছিল ও যাহা এক্ষণে সম্রাটের অধিকারে আছে উহা দিল্লীখরেরই থাকিবে; উহার কোন অংশ বঙ্গেশ্বর তাঁহার নিজের বা আশ্রিত জৌনপুর রাজার জন্ত দাবি করিতে পারিবেন না। বঙ্গেশ্বর ও দিল্লীখর, অতঃপর কেহ কাহারও শত্রুর সহ মিলিত হইয়া কাহারও বিপক্ষতাচরণ করিবেন না।

সন্ধি পত্র স্বাক্ষরের পর হইতে ১৫২০ খৃষ্টাব্দ পর্য্যন্ত সোল্তান হোসায়েন সাহ্ নিব্বিবাদে রাজত্ব করিয়াছিলেন।

এই হোসায়েন সাহের রাজত্ব কালে নবদ্বীপে জগন্নাথ বিশ্বেশ্বর পুত্র, বৈষ্ণবগণের ধর্মগুরু (নিমাই) চৈতন্য দেবের প্রেমে, বঙ্গীয় হিন্দু নর-নারী উন্মত্ত হইয়া উঠিয়াছিলেন। অনেকে তাহাদের চিরাত্যস্ত মংস্ মাংস পরিত্যাগ করিয়া বিষ্ণু-প্রেমে মাতিয়া, এই দীর্ঘকাল গোরবর্ণ সন্ন্যাসীর পশ্চাৎ পশ্চাৎ নাচিয়া গাহিয়া বেড়াইতে লাগিলেন।

চতুবিংশতী বৎসর বয়স্ক কাল পর্য্যন্ত চৈতন্যদেব সংসারী ছিলেন; এবং প্রথমা স্ত্রী লক্ষ্মীদেবীর সর্পাঘাতে মৃত্যুর পর তিনি দ্বিতীয় বার দারপরিগ্রহ করেন। তাঁহার এই পত্নীর নাম ছিল বিষ্ণুপ্রিয়া। এই সহধর্মিনীকে পরিত্যাগ করিয়া তৎকালের বিশ্বস্তর মিশ্র (চৈতন্য) ১৫০৯ খৃষ্টাব্দে কাটোয়ার গিয়া, কেশব ভারতীর নিকট সন্ন্যাস ধর্মে দীক্ষিত হইয়া, শ্রীকৃষ্ণ চৈতন্য নাম গ্রহণ করিলেন। তৎপরে চৈতন্যদেব পুরুষোত্তম (পুরী) গিয়া, বিস্তর নগরবাসীকে বৈষ্ণব ধর্মে দীক্ষিত করিলেন। ক্রমে তথা হইতে দক্ষিণাপথ ভ্রমণের পর বরাবর উত্তরাভিমুখে গমন করিয়া, শ্রীকৃষ্ণের সাধের হারকা নগর প্রভৃতি বেড়াইয়া, বঙ্গের রাজধানী গোড়ে উপস্থিত হ'ন।

এই সময় গোড়েশ্বর সোল্তান আলাউদ্দীন হোসায়েন সাহ, একদিন প্রাসাদের ছাদ হইতে গঙ্গার শোভা দেখিতেছিলেন। এমন সময় দেখিতে পাইলেন যে—অনেক লোক দল বাঁধিয়া নাচিতে নাচিতে ও তারস্বরে গাহিতে গাহিতে একজন সন্ন্যাসীর পশ্চাৎ পশ্চাৎ গঙ্গা তীরস্থ পথাবলম্বনে অগ্রসর হইতেছে। এই অবস্থা দর্শনে সোল্তানের সন্ন্যাসীর প্রতি ভক্তির উদ্রেক হওয়ায়, তিনি সহর কোতওয়ালকে ডাকিয়া বলিয়া দিলেন যে—সন্ন্যাসীর প্রতি যেন কোন অত্যাচার না হয়; তিনি যথেষ্ট নগর মধ্যে ভ্রমণ করিতে পারিবেন।

চৈতন্যদেব জীবনের শেষকাল জগন্নাথ ক্ষেত্রেই যাপন করিয়াছিলেন। সোল্তান হোসায়েন সাহের যেমন রাজ্য বৃদ্ধির দিকে দৃষ্টি ছিল, তদ্রূপ রাজ্যের উন্নতির দিকেও তাঁহার তীক্ষ্ণ দৃষ্টি ছিল। ইঁহার রাজত্ব কালে বাঙ্গলার বিভিন্ন স্থানে বহু প্রকাণ্ড প্রকাণ্ড জলাশয় খনন, পাহাশালা নির্মাণ ও বড় বড় রাস্তা প্রস্তুত হইয়াছিল। গোড়ের বিশাল সাগর-দিঘী, মৈয়দ আলাউদ্দীন হোসায়েন সাহের এক অদ্ভুত কীর্তি। মানব হস্ত খোদিত এই অপূর্ব জলাশয়ের তুলনা জগতে বিরল। গভীরতা, পরিচ্ছন্নতা এবং জলের স্বচ্ছতার, সাগরদিঘির স্থান এখনও পর্য্যন্ত কোন বৃহদায়তন নৈসর্গিক হ্রদের নিম্নস্তরে নহে। গোড়ের অপর সুস্বাদু স্বচ্ছ-সলিলা বৃহদায়তন পিন্নাস-ওয়ারী দিঘী, সাগরের পূর্বে কাটান হইয়াছিল। হোসায়েন সাহ্ গোড় হইতে জগন্নাথ ধাম পর্য্যন্ত সুপ্রসস্ত রাজবস্ত্র নির্মাণ করেন; এবং এই পথের পার্শ্বে দূরে দূরে অনেক প্রকাণ্ড প্রকাণ্ড দীর্ঘিকা খনন করাইয়াছিলেন।

সোল্তান শাস্তির সহিত প্রজামণ্ডলী ও সর্বসাধারণের প্রিয় পাত্র হইয়া ২৩ বৎসর সুশাসন করার পর ১৫২০ খৃষ্টাব্দে তাঁহার প্রিয় লক্ষণাবতী নগরে দেহ রক্ষা করিলেন।

নাসের্ উদ্দীন আবুল মোজাফ্ফর নসরৎ সাহ্

পিতার মৃত্যুর পর তাঁহার অষ্টাদশ পুত্রের মধ্যে সর্বজ্যেষ্ঠ নসরৎ সাহ্, আবুল মোজাফ্ফর নাম ধারণে পিতৃ সিংহাসনে আরোহণ করিলেন। নসরৎ অতিশয় দয়ালু প্রকৃতির লোক ছিলেন। সিংহাসনারোহণের পরই তিনি ভ্রাতাগণের পিতৃ নির্দ্ধারিত বৃত্তি বিগুণিত করিয়া দিলেন।

এই সময় প্রসিদ্ধ মোগল সম্রাট বাবরের ভারত আক্রমণে, মোগল পাঠানে যুদ্ধ বাধিয়া যায়। বঙ্গেশ্বর এই সুযোগ পাইয়া দিল্লীখর সেকেন্দার

লোদির সহিত পিতৃ সন্ধি লঙ্ঘন পূর্বক ত্রিহৃত রাজ্য আক্রমণ করিয়া তথাকার রাজার প্রাণ নাশ করেন, এবং তাহার রাজ্য অধিকার করিয়া স্বীয় ভগ্নীপতি আলাউদ্দীনকে ঐ রাজ্য প্রদান করেন। তৎপরে সোল্তান, হাজীপুর অধিকার পূর্বক অপর পিতৃ-জামাতা সেনাপতি মখ্‌ছম আলমের প্রতি ঐ রাজ্যভার হস্ত করেন। পরে তথা হইতে গঙ্গা পার হইয়া মুঙ্গের দুর্গ অধিকার করিয়া, সেনাপতি কোতব খানকে মুঙ্গেরের শাসনকর্তা নিযুক্ত করিলেন।

১৫২৬ খৃষ্টাব্দে বিখ্যাত পানিপথের যুদ্ধে মোগল বীর মহাপরাক্রান্ত বাবর, দিল্লীশ্বর এবরাহিম লোদীকে সম্পূর্ণরূপে পরাজিত করিয়া, দিল্লীর সিংহাসন অধিকার করিলেন। পাঠান রাজত্বের এই সমূহ বিপদের সময় বহুসংখ্যক ওমরাহ্, এমন কি সম্রাট এবরাহিম লোদীর সহোদর মাহমুদ লোদী পর্য্যন্ত বঙ্গদেশে আসিয়া গোড়েখরের আশ্রয় গ্রহণ করিয়াছিলেন। সোল্তান নসরৎ সকলেরই পদোপযুক্ত বৃত্তি নির্দ্ধারিত করিয়া দিয়াছিলেন।

এই সময়ে দিল্লীশ্বর এবরাহিম লোদীর একটা বয়স্কা কন্যা, খুল্লতাত মাহমুদের সহিত গোড়ে আসিয়াছিল। মাহমুদ লোদী, ঐ সম্রাট-নন্দিনীকে সোল্তানের করে সমর্পণ করিয়াছিলেন। এই রাজকীয় বিবাহে গোড় নগরে কিয়দিবস সমারোহের পরাকাষ্ঠা হইয়াছিল।

১৫২৯ খৃষ্টাব্দে মাহমুদ লোদী অনেক বঙ্গী ও আফ্‌গান সেনা সংগ্রহ করিয়া পৈতৃক সম্রাজ্য অধিকারের চেষ্টা করিয়াছিলেন। সম্রাট বাবরও সেই সময় আগ্রা পরিত্যাগে ক্রমশঃ পূর্ব দিকে অগ্রসর হইতে লাগিলেন। গঙ্গাতীরে তিদেরির নিকটে উভয় সৈন্যের সাক্ষাৎ হইল। মোগল সেনাগণের অসীম ক্রমতা, বিশেষতঃ মোগল অশ্বারোহীগণের দুর্দর্ষ আক্রমণের ফলাফল চিন্তা করিয়া, তাহারা গঙ্গা পার হইতে থাকা কালেই, বঙ্গীর

সেনাগণ পলায়ন করিতে আরম্ভ করিল ও সোন নদী উত্তীর্ণ না হওয়া পর্য্যন্ত মাহমুদ লোদীর সেনাগণ আর পশ্চাৎ দিকে ফিরিল না।

সোলতান নসরৎ শাহ বঙ্গীয় সেনাগণের এই অবস্থা শ্রবণে সম্রাটের নিকট বহু উপচোকন প্রেরণ করিয়া সন্ধির প্রস্তাব করিলেন। সোন ও গঙ্গার সঙ্গম স্থান মুনীর নগরে সন্ধি পত্র সাঙ্করিত হইল। এই সন্ধির প্রধান সর্ত্ত হইল যে—বঙ্গেশ্বর অতঃপর মাহমুদ লোদীকে আর কোন সাহায্য করিবেন না।

২০৭ হিঃ ১৫৩০ খৃষ্টাব্দে বাদশাহ্ জহীর-উদ্দীন মোহাম্মদ বাবর, আগ্রার মৃত্যুমুখে পতিত হইলেন।

সম্রাটের মৃত্যুর পর পাঠানগণ আর একবার সম্রাট পুত্র হুমায়ূনের বিরুদ্ধে অস্ত্র ধারণ করিয়াছিল। মাহমুদ এইবার সৈন্য সংগ্রহ করিয়া জোনপুরের মোগল শাসনকর্ত্তা জোনারেদ বারলামকে পরাভূত করিয়া তাঁহার রাজ্য হস্তগত করিলেন। অপর দিক হইতে গুর্জর রাজ সোলতান বাহাদুর, ক্রমশঃ দেশ জয় করিতে করিতে মিন্দু দুর্গ অধিকারের পর চতু-রিংশ সহস্র সৈন্য লইয়া অগ্রার প্রান্তভাগ পর্য্যন্ত অগ্রসর হইয়াছিলেন।

শেষ জীবনে সোলতান নসরৎ শাহ্ হঠাৎ পরিবর্তিত হইয়া বড়ই অত্যাচারী হইয়া পড়িয়াছিলেন। তিনি এই সময়ে সাধারণের দারুণ অসন্তোষভাজন হইয়া পড়ায়, একদিন গোড়ে তাঁহার পিতৃ সমাধি দর্শনাঙ্কে প্রত্যাবর্তন করিতে থাকা কালে, সমভিব্যাহারী একজন হাবসী তাঁহাকে হত্যা করে। (১৫৩৩ খৃঃ ৯৪০ হিজরী)।

নসরৎ শাহ্ গোড় নগরে বিখ্যাত সুবর্ণ মসজিদ নির্মাণ করেন; এবং রাজপ্রাসাদ সম্বলিত দুর্গাভ্যন্তরে সুপবিত্র কদম-রমুল রক্ষা করিয়া, তাহার উপর সৌধ নির্মাণ করিয়াছিলেন। এই কদম-রমুল সৌধাভ্যন্তরে যে পরম পবিত্র মহাপুরুষ হজরত মোহাম্মদ (দঃ) এর পদচিহ্ন অঙ্কিত

একখণ্ড প্রস্তর রক্ষিত হইরাছিল, তাহা ইতিপূর্বে শাহ্ জালাল নামক একজন সাধু পুরুষ আরব দেশ হইতে অতি বড়ের সহিত পাণ্ডুর আনয়ন করেন। তৎপরে সোল্তান হোসারেন শাহ্ উহা একখানি মণি-মাণিক্য-খচিত বস্ত্রাবৃত করিয়া গোড়ে আনয়ন করিয়াছিলেন।

গেয়াম-উদ্দীন মাহ্-মুদ শাহ্

নসরতের ভ্রাতা ততীর মাহ্-মুদ শাহ্ ১৫৩৩ খৃষ্টাব্দে গেয়াম-উদ্দীন নাম ধারণে বঙ্গের সিংহাসনে আয়োজন করিলেন। প্রথমেই তিনি ভ্রাতুষ্পুত্র আলাউদ্দীন ফিরোজ শাহ্কে নিহত করিয়া তাঁহার পথ নিষ্কটক করেন। তাঁহার এই নিষ্ঠুর আচরণে বিরক্ত হইয়া তাঁহার ভগ্নীপতি হাজিপুরের শাসনকর্তা মখ্-দুম-আলম্ তাঁহার বিরুদ্ধে বিদ্রোহের পতাকা উড্ডীন করিয়া, প্রসিদ্ধ বীর সের আফ্-গানের সহিত সখ্যতা সংস্থাপন করিলেন। শের আফ্-গান সুর, সেই সময় বেহারের শাসনকর্তা মাহ্-মুদ লোহানির নাবালক পুত্র জেলাল লোহানির অভিভাবক নিযুক্ত ছিলেন। এই শের আফ্-গান সুর পরে ভারত সম্রাট হুমায়ূনকে বিতাড়িত করিয়া দিল্লীর সিংহাসন অধিকার করিয়াছিলেন।

মাহ্-মুদ শাহ্ তাঁহার অধীনস্থ মুঙ্গেরের শাসনকর্তা কোতব খাঁনকে বেহার আক্রমণ করিতে অহুরোধ করিলেন। এই সময় শের শাহ্ সুর সন্ধির প্রস্তাব করা সত্ত্বেও কোতব, তাঁহার অধীনস্থ বঙ্গীর সেনাগণকে শেরের মুষ্টিমের আফ্-গান সেনা অপেক্ষা সর্বপ্রকারে ক্ষমতামাণী বিবেচনা করিয়া, সন্ধির প্রস্তাবে অসম্মত হইয়া যুদ্ধে অবতীর্ণ হইলেন। উভয় পক্ষে ঘোরতর যুদ্ধ বাধিয়া গেল। ইতিমধ্যে কোতব খাঁন তীর বিদ্ধ হইয়া হস্তী পৃষ্ঠ হইতে পড়িয়া গিয়া মৃত্যুমুখে পতিত হওয়ার, তাঁহার সৈন্যগণ নামক বিহীন হইয়া রণক্ষেত্র পরিত্যাগে পলায়ন করিতে লাগিল।

এই যুদ্ধের ফলে বহু যুদ্ধোপকরণ ও বিস্তর রণহস্তী শেরের হস্তগত হইয়াছিল।

বঙ্গেশ্বর এই পরাভবে অপমানিত হইয়া, বিস্তর সৈন্য সংগ্রহ করিয়া কোতব পুত্র এব্রাহিম খানকে শের শাহ্ সুরের বিরুদ্ধে প্রেরণ করিবার বন্দোবস্ত করিতে রহিলেন। এমন সময় দৈবনির্ভঙ্কন বশতঃ বেহারের বালক শাসনকর্তা জালাল-উদ্দীন, স্বীয় অভিভাবক শের শাহের ব্যবহারে উত্যক্ত হইয়া, অনেক অনুর সহ আসিয়া বঙ্গেশ্বরের আশ্রয় গ্রহণ করায়, মাহমুদ শাহ্ এই দুর্দান্ত আফ্গানের বিরুদ্ধে অভিযানের যথেষ্ট উপকরণ পাইয়া বসিলেন।

শের অবস্থা দেখিয়া বেহার দুর্গাভ্যন্তরে আশ্রয় গ্রহণ করিলেন। দুর্গ প্রাকার যথেষ্ট প্রশস্ত হইলেও উহা সামান্য মৃত্তিকা নির্মিত থাকায়, বাঙ্গালী সেনাগণের ঐ দুর্গ সহজে অধিকার করিবার আশা হইতেছিল। তাহারা সেনাপতির আদেশ ক্রমে দুর্গের চতুর্দিক অবরোধ করিয়া রহিল। কিছুদিন অবরোধের পর সেনাপতি এবরাহিম, বঙ্গেশ্বরের নিকট আরও সৈন্য চাহিয়া পাঠাইলেন। কিন্তু ঐ সহকারী নরবল পৌছিবার পূর্বেই শের, তাহার দুর্দর্ষ অল্প সংখক আফ্গান সৈন্য লইয়া দুর্গ মধ্যে হইতে বাহির হইলেন ও প্রচণ্ড বেগে বাঙ্গালী সেনাগণের উপর পতিত হইয়া, অত্যল্পকাল মধ্যে তাহাদের সেনাপতিকে হত্যা করিলেন; এবং সমস্ত বাঙ্গালী পন্টনকে জালাল উদ্দীন সহ বেহার হইতে বিতাড়িত করিয়া দিলেন। জালাল পুনরায় গোড়ে আসিয়া সোল্তানের আশ্রয় লইলেন। (১৫৩৫ খৃষ্টাব্দ)

এই যুদ্ধাবসান হইতেই বঙ্গেশ্বরের সিংহাসন টলিতে লাগিল। পর বৎসর হিঃ ৯৪৩ সনে, শের চুনারের প্রসিদ্ধ পার্শ্বতীয় দুর্গ অধিকার করিয়া সসৈন্যে বঙ্গদেশাভিমুখে ধাবিত হইলেন। রাজমহল ও সাহেব গঞ্জের নিকটবর্তী তেলিয়াগড়ি ও শিকরিগলির গিরিবর্ত্তন অতিক্রম

করিবার সময় আফ্গান সেনাগণকে একটু বেগ পাইতে হইয়াছিল। অবশেষে তথায় বাঙ্গালী সেনাগণকে পরাজিত করিয়া, শের বাঙ্গালার প্রবেশ করিলেন। সোলতান মাহমুদ যুদ্ধে পরাজিত হইয়া রাজধানী গোড়ের দুর্গে আশ্রয় লইলেন এবং দিল্লীস্থর হুমায়ূনের নিকট সাহায্য প্রার্থনা করিয়া দূত প্রেরণ করিলেন। এই সময় সম্রাট হুমায়ূন বেহারে উপস্থিত থাকিয়া, চূনারদুর্গ অধিকারের চেষ্টায় নিযুক্ত ছিলেন।

শেরশাহ্ স্বীয় পুত্র জালাল ও সেনাপতি খওয়াস খাঁকে গোড়ে রাখিয়া বেহার গমন করিলেন। অচিরে দুর্গ মধ্যে খাদ্য দ্রব্যের অভাব হওয়ায়, সোলতান মাহমুদ অশুচর সহ নৌকাযোগে পলায়ন করিয়া হাজীপুরে পৌঁছিলেন। লক্ষণাবতী আফ্গানদিগের হস্তগত হইল। তাহারা দুর্গ প্রবেশে মাহমুদের দুই পুত্রকে বন্দি করিয়া, শেষে তাহাদিগকে হত্যা করিল।

এদিকে বেহারের পথে আফগান সেনাগণ সোলতান মাহমুদের অনুসরণ করিতে থাকায়, তাঁহাকে বাধ্য হইয়া আফ্গানগণের বিরুদ্ধে অস্ত্রধারণ করিতে হইল। এই খণ্ডযুদ্ধে সোলতান সামান্য আহত হইয়াছিলেন। অবশেষে অতিকষ্টে, সম্রাট হুমায়ূনের চূনার দুর্গ অবরোধ করিয়া থাকাবস্থায়, সোলতান তাঁহার নিকট পৌঁছিলেন।

সম্রাট, বঙ্গেশ্বরের মুখে সমস্ত বিবরণ অবগত হইয়া, চূনার অধিকারের পরই বাঙ্গালার স্যাসিয়া মাহমুদকে তাঁহার হারান সিংহাসনে পুনঃ প্রতিষ্ঠিত করিতে প্রতিজ্ঞাবদ্ধ হইলেন।

১৪৫ হিজরীর প্রারম্ভে চূনার দুর্গ অধিকার করিয়া সম্রাট, বাঙ্গালার দিকে অগ্রসর হইতে লাগিলেন। সম্রাট যখন শুনিতে পাইলেন যে— আফ্গানগণ তেলিগাড়ি ও শিকরিগলির গিরিপথ অবরোধ করিয়া, বঙ্গ প্রবেশের প্রধান রাস্তা দুইটা বন্ধ করিয়া দিতেছে, তখন তিনি উহাদিগকে হুটাইয়া দিবার জন্য সৈন্যধ্যক্ষ জাহাঙ্গির কুলি বেগকে প্রেরণ করিলেন।

শের আফ্গান সুর-পুত্র জালালের সহিত জাঁহাঙ্গির কুলির ঘোরতর যুদ্ধ বাধিয়া গেল। অবশেষে জাঁহাঙ্গির বিস্তর সেনাক্ষয় করিয়া ও স্বয়ং যুদ্ধ ক্ষেত্রে আহত হইয়া, সম্রাট সমীপে প্রত্যাবর্তন করিতে বাধ্য হইলেন।

এইবার সম্রাট তাঁহার সমস্ত বাহিনী লইয়া জালালকে আক্রমণ করিলেন। জালাল পশ্চাৎপদ হইয়া ক্রমে গোড়ে গিয়া, পিতার সহিত মিলিত হইল। তখন বিতাড়িত সোলতান নাস্তুর, মোগল সৈন্যের সহিত আবার বাঙ্গালার আসিবার জন্ত পূর্ব মুখে অগ্রসর হইতেছিলেন, কিন্তু কাহালু গাঁয়ে পৌঁছিয়া জালাল কর্তৃক তাঁহার পুত্রদ্বয়ের নিধনবাস্তা শ্রবণে নাস্তুর, শোকে ত্রিস্তান ও জীর্ণ হইয়া পথেই প্রাণত্যাগ করিলেন। (১৫৩৮ খৃষ্টাব্দ ৯৪৫ হিজরী)।

বাদশাহ্ হুমায়ুন

ভারত সম্রাট হুমায়ুন, বঙ্গদেশের দ্বার স্বরূপ প্রসিদ্ধ গিরিপথদ্বয় অধিকার করিয়া ক্রমশঃ রাজধানী গোড়ে আসিয়া পৌঁছিলেন। ইত্যবসরে চতুর চুড়াঙ্গি শের সাত্ বঙ্গের রাজকোষের সমুদয় অর্থ, ছয় কোটির অধিক স্বর্ণ মুদ্রা সংগ্রহ করিয়া লইয়া স্বীয় সৈন্য সমভিব্যাহারে ঝাড় খণ্ডের পার্বত্য পথ দিয়া, তাঁহার জন্মস্থান সসুরামে গমন করিলেন ও তথায় প্রভূত চাতুর্য্য জাল বিস্তারে রোটার্দ্‌ দুর্গ অধিকার করিয়া, তন্মধ্যে অবস্থান করিতে লাগিলেন।

হুমায়ুন অনার্মানে রাজধানী লক্ষণাবতী অধিকার করিলেন। নগর-বাসীগণ সসন্মানে তাঁহাকে অভ্যর্থনা করিল। বাদশাহ্ গোড়ের সৌন্দর্য্য দর্শনে প্রীত হইয়া, রাজধানীর নাম “জোন্নাভ আবাদ” (স্বর্গ নগর) রাখিলেন। এই সময়ের সিক্কায় বাদশাহের নামের সহিত জোন্নাভাবাদ নাম দেখা গিয়া থাকে।

গোড় জয়ে সম্রাট এতদধিক প্রীত হইয়াছিলেন যে—তদবধি তিন মাস

কাল তিনি আনন্দে বিভোর হইয়া, অল্প কোন কার্ষোই হস্তক্ষেপ করেন নাই। ক্রমে বাঙ্গালার জল বায়ু মোগলদিগের অসহ্য হইতে লাগিল ও দেখিতে দেখিতে অনেকেই পীড়িত হইয়া পড়িলেন।

ইতিমধ্যে ১৫৩৯ খৃষ্টাব্দে সম্রাটের ভ্রাতা বিদ্রোহী হইয়া উঠায় বাদশাহ্ হুমায়ুন, জাহাঙ্গির-কুলি বেগকে বাঙ্গালার সুবাদার নিযুক্ত করিয়া, এবং সেনাপতি এব্রাহিমকে পাঁচ হাজার উৎকৃষ্ট অশ্বারোহী সহ সুবাদারের সহকারিতায় রাখিয়া, আগ্রার অভিমুখে যাত্রা করিলেন। সম্রাট অতি কষ্টে বঙ্গের ভরাগঙ্গা সসৈন্তে পার হইয়া গেলেন। এই সময় শের আফগান পুনর্বার বঙ্গ সিংহাসন লাভের আশায়, রোটাস্ হুর্গ হইতে বহির্গত হইয়া কর্মনাশা নদীর তীরে চৌমার নামক স্থানে সম্রাট সেনার গতিরোধ করিলেন।

এই স্থানে তিন মাস কাল যাবৎ অবস্থান করিতে বাধ্য হইয়া, মোগল সেনাগণকে বড়ই বিপন্ন হইতে হইয়াছিল। জ্বর পীড়ায় তাহাদের মধ্যে অনেকে মৃত্যুমুখে পতিত হইতে লাগিল। শেষে শের সাহের গুরু দয়ুবেশ খলিল্ বাদশাহের নিকট আসিয়া সন্ধির প্রস্তাব করায়, সম্রাট অগত্যা সন্ধির প্রস্তাবে বাধ্য হইলেন।

চতুর শের শাহ্ পবিত্র কোব-আন্ স্পর্শে সম্রাটের অধীনস্থ বাঙ্গালার সুবাদার হইয়া থাকিবেন ও সম্রাটের গমনে বাধা প্রদান করিবেন না স্বীকার করিয়া, সেই রজনীতেই অকস্মাৎ মোগল সৈন্তের উপর আপতিত হইয়া অতর্কিত আক্রমণে সম্রাট সেনাগণকে সম্পূর্ণরূপে পরাজিত করিলেন।

সম্রাট হুমায়ুন কতকগুলি অশ্বারোহী সেনা সহ গঙ্গা পার হইতে গিয়া গঙ্গাগর্ভে নিমজ্জিত হইতেছিলেন, এমন সময় একজন জলবাহী ভিস্তি তাহার চর্মশক বায়ুপূর্ণ করিয়া তৎসাহায্যে অতি কষ্টে সম্রাটকে পার করিয়া দিয়া তাঁহার প্রাণ রক্ষা করিল। হুমায়ুনের প্রায় আট হাজার অশ্বারোহী উৎকৃষ্ট মোগল সৈন্ত গঙ্গাগর্ভে প্রাণ হারাইল।

অষ্টম সর্গ

সুর বংশ

ফরিদ উদ্দীন আবুল মোজাফ্ফর শের শাহ্.

এই স্থানে এই ভারত বিজয়ী মহাযোদ্ধা শের শাহের একটু পূর্ব ইতিহাস দেওয়া আবশ্যিক।

বাল্যকালে এই আফগান যোদ্ধার নাম ছিল ফরিদ। ইহার পিতার নাম হোসেন শাহ্ সুর ও পিতামহের নাম এব্রাহিম সুর।

শের শাহ্ ছল-চাতুর্য্যে, পরবর্ত্তী মহারাষ্ট্রীয় যোদ্ধা শিবাজীর সম্পূর্ণ-রূপে সমকক্ষ না হইতে পারিলেও, শৌর্য্য বীর্য্যে ও রাজনীতিক্ষেত্রে তিনি যে শিবাজী অপেক্ষা বহু উন্নত ছিলেন, এ কথা সকল ঐতিহাসিককেই স্বীকার করিতে হইবে।

এব্রাহিম সুর, সম্রাট বহলুল লোদীর সময়ে আফগানিস্থানের পার্শ্বত্যা উপত্যকা হইতে আসিয়া, দিল্লীতে সম্রাট সৈন্ত মধ্যে প্রবেশাধিকার প্রাপ্ত হ'ন। তৎপরে সম্রাট পুত্র সেকেন্দার লোদীর রাজত্ব কালে, আমীর জামাল জৌনপুরের শাসনকর্ত্তা নিযুক্ত হইলে, তিনি এব্রাহিম-পুত্র হোসেন শাহ্ সুরকে সঙ্গে লইয়া আসিয়াছিলেন ও যুবক হোসেনের গুণগ্রাহী হইয়া শাসনকর্ত্তা, জামাল, অল্লাদিন মধ্যে তাঁহাকে সম্ভ্রাম ও টোণ্ডা জেলাদ্বয়ের জাগীরদার নিযুক্ত করিলেন, এবং রাজকরের পরিবর্ত্তে তাঁহাকে পাঁচ শত অশ্বারোহী সেনা প্রতিপালন করিবার অনুমতি দিলেন।

এই সময় হোসেনশাহের পুত্র ফরিদ শাহ সুর পিতার নিকট হইতে জোনপুরে গিয়া, তথাকার শাসনকর্তা জামালের পল্টনে ভর্তি হইলেন। পিতা বিদ্যাভ্যাসের জন্ত ফরিদকে অনেকবার পত্র লিখিয়া আহ্বান করা সত্ত্বেও ফরিদ, কোন মতে জোনপুর ছাড়িয়া আসিতে সম্মত হইলেন না। জোনপুরে থাকিয়া ফরিদ ফার্সী ভাষা উত্তম রূপে শিক্ষা করিয়াছিলেন। সঙ্গ সঙ্গ কাব্য ও ইতিহাসে তাঁহার বিশেষ বাৎপত্তি জন্মিয়াছিল।

চতুর্থ বৎসরে হোসেন স্বয়ং জোনপুরে আসিয়া তাঁহার এই ছোট পুত্র ফরিদ সুরের উপর স্বীয় জায়গীরের ভারার্পণ করায়, অগত্যা তিনি জোনপুর পরিত্যাগ করিয়া সম্রামে আসিতে বাধ্য হইলেন ও তথায় সুবিচার ও সঙ্গ সঙ্গ ছুষ্টির দমন দ্বারা অল্পকাল মধ্যেই সকলের প্রিয়পাত্র হইয়া উঠিলেন। এই সময় কিছু দিনের মধ্যে বিমাতার চক্রান্তে পড়িয়া ফরিদ ও তাঁহার সহোদর নেজাম সুরকে সম্রাম পরিত্যাগ করিয়া আগ্রায় বাহিতে হইয়াছিল।

আগ্রায় পৌছিয়া ভ্রাতাঘর সত্ৰাট এরাফিম লোদীর এক জন প্রধান ওমরাহ্ দওলৎ খানের নিটক চাকুরীতে ভর্তি হইলেন। ফরিদ সুর স্বীয় অসাধারণ বুদ্ধি ও তৎসঙ্গে তাঁহার দৈহিক ক্ষমতা প্রদর্শন দ্বারা উক্ত ওমরাহের এতদূর প্রিয়পাত্র হইয়া পড়িলেন যে—তাঁহার পিতার মৃত্যুর পর দওলৎ খান সত্ৰাটকে অনুরোধ করিয়া তাঁহার পিতৃ জায়গীর ফরিদ সুরকে অর্পণ করিতে সক্ষম হইয়াছিলেন। এই সময়ে মোগল-বীর-শার্দুল বাবর পাণিপথের যুদ্ধে এরাফিম লোদীকে পরাজিত ও নিহত করিয়া দিল্লীর পাঠান সিংহাসন অধিকার করায়, সমস্ত দেশ বিশৃঙ্খল হইয়া পড়িল।

ফরিদ বেহারাধিপতি সোলতান মোহাম্মদের নিকট আশ্রয় লইলেন। একদা সোলতানের সন্তিত মুগয়্যার বাহির হইয়া ফরিদ একটা বৃহদাকার ব্যাঘ্রকে আক্রমণ করিয়া সোলতান সমক্ষে উক্ত শার্দুলটিকে তরবারির

আঘাতে বধ করায়, তাঁহার এই অসামান সাহসিকতার ও ক্ষিপ্ৰকারিতার পুরস্কার স্বরূপ সোলতান মোহাম্মদ, ফরিদ শাহ সুরকে “শের খান” উপাধিতে ভূষিত করিলেন। ক্রমে শের খান সোলতানের অধিকতর প্রিয়পাত্র হইয়া তাঁহার পুত্র জালালের রক্ষক ও শিক্ষক নিযুক্ত হইলেন।

১৫৩৩ খৃষ্টাব্দে সোলতান মোহাম্মদের মৃত্যুর পর তাঁহার অপ্রাপ্ত-বয়স্ক পুত্র জালাল, বেহারের সিংহাসনে আরোহণ করেন। এই সময়ে শের শাহ সুর ঐ অল্পবয়স্ক সোলতানের অভিভাবক নিযুক্ত ছিলেন। তৎপরে যে প্রকারে সমস্ত বেহার প্রদেশ শের শাহের তত্ত্বগত হইল তাহা পূর্বে অধ্যয়ে বর্ণিত হইয়াছে।

১৫৩৯ খৃঃ, ডিসেম্বরী ৯৪৬ সালে শের শাহ, সত্ৰাট, হুমায়ুনকে অক্কাব-যুদ্ধে সম্পূর্ণরূপে পরাস্ত করিয়া, তাঁহার পাসাদাবন না করিয়া বঙ্গদেশে প্রত্যাবর্তন করাই যুক্তিসঙ্গত বিবেচনা করিলেন, এবং বরাবর গোড়ে আসিয়া পৌঁছিলেন। নগর ঘারে জাহাঙ্গীর কুলি বেগ প্রথমতঃ শেরের গতিরোধ করিলেন বটে, কিন্তু শেরের অগণ্য দুর্দ্ধম আফগান সেনার নিকট জাহাঙ্গীরের সৈন্য অধিকক্ষণ তিষ্ঠিতে পারিল না। শের শাহ সুর অচিরে নগর অধিকার করিলেন এবং পর দিবসই গোড়ের সিংহাসনে আরোহণ পূর্বক বঙ্গ-বেহারের স্বাধীন রাজা বলিয়া ঘোষিত হইলেন।

তোত্ফাতে আকবরশাহী লেখক আব্বাস খান উল্লেখ করিয়াছেন যে—তিনি শের সাহের এক জন সহকারী আল্-হায়দৎ খানের মুখে শুনিয়াছিলেন যে, সত্ৰাট হুমায়ুনের সহিত যুদ্ধ জয়ের পর যখন সত্ৰাটমহিষী অক্কাব ভদ্র মহিলাগণের সহিত পর্দার বাহিরে আসিলেন, তখন শের শাহের দৃষ্টি সেই দিকে পতিত হইল; অননি তিনি অস্থ হইতে অবতরণ করিয়া রমণীগণের প্রতি ব্যথেষ্ট সম্মান প্রদর্শনে তাঁহাদিগকে সান্ত্বনা দিয়াছিলেন। শের, সঙ্গে সঙ্গে তাঁহার সমস্ত সৈন্য মধ্যে প্রচার করিয়া

দিলেন যে—“যদি কেহ কোন মোগল রমণী, এমন কি তাঁহাদের কোন দাসী পর্য্যন্তও বন্দী করিয়া থাক, সত্বর তাহাদিগকে সম্মানের সহিত আনিয়া সম্রাজ্ঞীর নিকট পৌছাইয়া দাও।”

এইরূপে কয়েক দিনের মধ্যেই তিনি সমস্ত মোগল রমণীগণকে, তাহাদের দাসীগণ সমভিব্যাহারে আগ্রায় পাঠাইয়া দিয়া, স্বীয় মহত্ব ও উদারতার পরিচয় দিয়াছিলেন।

অতঃপর শের সাহের এই বিজয় বার্তা চতুর্দিকে ঘোষিত হইতে লাগিল। এই সময় লাহোরের শাসনকর্তা আলি-ইসা খান খানে আজম ; আজম্ হুমায়ূন সরওয়ারী, বাবিন লোদী, প্রভৃতি প্রধান প্রধান পাঠান সর্দারগণ একত্রে শের শাহকে ভারত সম্রাট বলিয়া ঘোষিত হইতে এবং মোগলগণকে ভারত হইতে বহিষ্কৃত করিয়া সিন্ধু পারে ভাড়াইয়া দিবার জন্ত বিশেষ অনুরোধ করিতে লাগিলেন।

শেষে সমস্ত পাঠান সর্দার গণকে একত্রিত করিয়া শের শাহ সুর, স্বীয় জন্ম তিথিতে ও তাঁহার ঠিক ভূমিষ্ট হইবার লগ্নে সিংহাসনারূঢ় হইয়া মস্তকে রাজ ছত্র ধারণ করিলেন ; এবং “শাহ্ আলম্ শেরশাহ্” নাম ধারণ পূর্বক নিজ নামে খেৎবা পড়িতে ও মুদ্রা চালাইতে অনুমতি দিলেন। তৎপরে সাত দিবস ধরিয়া রাজধানীতে সমস্ত পাঠানদিগের মধ্যে আমোদ আহ্লাদ ও নৃত্য গীত চলিতে লাগিল।

শের শাহ্ হুমায়ূনকে বিতাড়িত করিয়া তাঁহার পশ্চাদ্ধাবন করিতে করিতে কাশ্মির ও কনোজ দেশ অধিকার করিলেন। এই সময় তিনি সেনাপতি ইসা খানকে গুজরাট জয় করিবার জন্ত ও স্বীয় পুত্র কোস্তব খানকে দিল্লী এবং আগ্রার দিকে গোলযোগ বাধাইয়া দিবার মানসে চান্দেৱীর দিকে প্রেরণ করিলেন।

এই সংবাদ পাইয়া সম্রাট হুমায়ূন তাঁহার দুই ভ্রাতা, মির্জা হিন্দোল ও

মির্জা আন্কারিকে কোতবের দমনের জন্য পাঠাইয়া দিলেন। শের শাহ মনে করিয়াছিলেন, তাহার পুত্র কোতব খান চান্দেরীর দিকে গেলে মালবের শাসনকর্তা নিশ্চয় শেরের নাম শুনিয়া কোতবকে সাহায্য করিবেন। কিন্তু মালবরাজ সম্রাট ভ্রাতাঘরের আগমন বার্তা শ্রবণে পাঠানগণের কোনই সাহায্য করিলেন না। সম্রাট ভ্রাতাঘর শেরশাহ পুত্রকে সম্পূর্ণরূপে পরাস্ত করিয়া হুমায়ুন সকাশে উপস্থিত হইলেন। এই যুদ্ধে কোতব নিহত হইল।

শেরশাহ, পুত্রের মৃত্যু ও তৎসঙ্গে মান্দু (মালওয়া) রাজা তাঁহাকে কোন সাহায্য করেন নাই অবগত হইয়া, একদিকে যেমন আন্তরিক শোক পাইলেন, অপর পক্ষে মালবরাজের উপর তেমনি রাগান্বিত হইলেন। এদিকে মোগল সৈন্যগণ এই বিভয়ে উল্লাসিত হইয়া, তাহাদের দল বৃদ্ধি করিতে লাগিল। হুমায়ুন এই বিশাল মোগল বাহিনী লইয়া হিঃ ৯৪৬ সালের জিল-কদ ১৫৪০ খৃষ্টাব্দের এপ্রেল মাসে কনোজে আগমন করিলেন। গঙ্গার অপর তীরে শেরশাহও তাঁহার সৈন্য সমাবেশ করিয়া অবস্থান করিতে ছিলেন। ইতিমধ্যে খাওয়ারাস্ খান সসৈন্তে শের শাহের সাহায্যে আসিতেছেন অবগত হইয়া, শের তাচ্ছিল্য ভাবে সম্রাট সমীপে দূত হস্তে এই মর্মে পত্র প্রেরণ করিলেন যে—

“আমি গঙ্গা তীরে আপনার জন্য অপেক্ষা করিতেছি। আপনি ইচ্ছা করিলে গঙ্গা পার হইয়া আসিয়া আমার সহিত যুদ্ধ করিতে পারেন; বা আপনার অভিমত অবগত হইতে পারিলে; আমি নদী পার হইয়া যাইয়া আপনার সহিত যুদ্ধে প্রবৃত্ত হইতে প্রস্তুত আছি। আপনার অতিক্রমি ড্রাপন করিবেন।”

সম্রাট পত্র প্রাপ্তে শেরের দূত প্রমুখাৎ প্রতি-উত্তর দিলেন যে—“শের

খানকে বলিও, তিনি গঙ্গা তীর হইতে করেক ক্রোশ হাটিয়া গেলে, আমিই গঙ্গা পার হইয়া তাঁহার সহিত সাক্ষাৎ করিব।”

শেরশাহ দূত মুখে এই সংবাদ পাইয়া তাঁহার সৈন্ত লইয়া করেক ক্রোশ সরিয়া গেলেন। ইত্যবসরে সম্রাট নৈসেতু প্রস্তুত করিয়া গঙ্গা পার হইতে লাগিলেন। এই সময় শেরের জনৈক সৈন্তনাথ্যক্ষ, সমস্ত মোগল সেনার গঙ্গা পার হইবার পূর্বে তাহাদিগকে আক্রমণ করিবার জন্ত শের শাহকে বিস্তর অনুরোধ করায় প্রকৃত বীরসিংহ শেরশাহ উত্তর দিয়াছিলেন—

“সর্ব শক্তিমানের কৃপায় সম্রাট সৈন্তাপেক্ষা আমার সেনা বল কোন অংশে কম নহে। আমি প্রতিজ্ঞা ভঙ্গ করিয়া আর তরুণতার আশ্রয় লইব না।”

তৎপরে শেরশাহ গড় খাত খনন দ্বারা নিজের সেনার অবস্থিতি সুদৃঢ় করিতে লাগিলেন। এমন সময় খাওয়ারাস খান আসিয়া পৌছিল। সেই দিনই শের, সম্রাটের রসদ আনয়নকারী সৈন্ত-গণকে আক্রমণ করিয়া খাণ্ড দ্রব্য সহ প্রায় তিন শত উষ্ট্র ও বহু সংখ্যক ভারবাহী বলদ স্বীয় শিবিরে তাড়াইয়া আনিতে কৃতকার্য হইলেন।

হিজরী ৯৪৭ সালের ১০ই মোহাররম তারিখে উত্তর পক্ষে প্রকৃত যুদ্ধ আরম্ভ হইল। শেরশাহ তাঁহার প্রকাণ্ড বাহিনীকে এইরূপে সাজাইয়া ছিলেন :—

তাঁহার সৈন্তের মধ্যস্থলের পরিচালন ভার শের নিজ হস্তে লইলেন। এই স্থানে হায়বৎ খান, মসনদ আলি, ইসা খান, কোতব খান লোদী, হাজী খান, বোলন্দ খান, সরমৎ খান, সাদের খান এবং বিজলী খান প্রভৃতি মহারথীগণ তাঁহার সহকারী থাকিলেন। সৈন্তের দক্ষিণাংশ তাঁহার পুত্র জেলাল খান; তাজ খান, সোলায়মান খান কেররাণী ও জালাল খান আলোদি প্রভৃতিকে সঙ্গে লইয়া রক্ষা করিতে লাগিলেন।

বাম পার্শ্বে শের শাহের অপর পুত্র আদেল খান; কোতব খান ও হোসায়েন জালুওয়ানী প্রভৃতিকে লইয়া রহিলেন।

যুদ্ধান্তে পাঠান গণের দক্ষিণ বাহু, নোগল সৈন্যগণ ভগ্ন করিতে সমর্থ হইয়াছিল। তথাপি জেলাল খান স্বয়ং ও তাঁহার অধীনস্থ আরও তিন জন যোদ্ধা রণে ভঙ্গ দেন নাই। এই অবস্থা দর্শনে শেরশাহ পুত্রের সাহায্যার্থে স্বয়ং তথায় আসিবার উপক্রম করিতে ছিলেন, এমন সময় কোতব খান লোদী তাঁহাকে ফিরাইয়া লইয়া গিয়া তাঁহার নিজ স্থানে থাকিতে বলিলেন ও বুঝাইয়া দিলেন যে—তিনি তাঁহার স্থান পরিভ্রমণ করিলে তাঁহার সমস্ত সেনাগণ ভয়ানক হইয়া পড়িবে।

তৎপরে শেরের অধীনস্থ পাঠানগণ, বীর হুকারে নোগল সেনাগণকে আক্রমণ করিয়া তাহাদিগকে ছত্রভঙ্গ করিয়া দিল। এই যুদ্ধে সম্রাট হুমায়ুন অচল অটল পর্বতের স্থায় রণক্ষেত্রে দণ্ডায়মান থাকিয়া, তাঁহার সেনাগণকে উৎসাহিত ও স্বয়ং বর্গনাতীত সাহস ও বীরত্ব প্রদর্শন করিয়াছিলেন।

শেষে পাঠান হস্তে তাঁহার পরাভব খোদাতাআলার নির্দেশ সাব্যস্ত করিয়া, আগ্রার দিকে অশ্বের মুখ ফিরাইয়া দিলেন। (তওয়ারিখে শেরশাহী।)

কনোজের এই যুদ্ধাবসানে ভারতের সিংহাসন নোগলের হস্তে হইতে আবার পাঠানের হস্তে গেল।

১৫৪১ খ্রীষ্টাব্দে সম্রাট শেরশাহ আবার গোড়ে ফিরিয়া আসিয়া বাঙ্গালা ও বেহার প্রদেশকে কয়েকটি খণ্ডে বিভক্ত করিয়া, প্রত্যেক বিভাগে এক এক জন শাসন কর্তা নিযুক্ত করিলেন। এবং সেই সময়ের অধিতীয় বিজ্ঞ, রাজনীতিজ্ঞ ও পরম ধার্মিক কাজী ফজিলতকে এই সমস্ত বিভাগগুলির শাসনকর্তাগণের কার্য প্রণালী

পর্যবেক্ষণ করিবার জন্ত ও তদ্বিষয়ে সম্রাটের নিকট সংবাদ দিবার জন্ত নিযুক্ত করিয়া, ৯৪৮ হিজরীর শেষ ভাগে আগ্রার প্রত্যাবর্তন করিলেন।

শের শাহ তাঁহার স্বল্প রাজত্বকালের মধ্যে ভারতে অনেক সুকীর্তি করিয়া গিয়াছেন। বাঙ্গালার সুবর্ণ গ্রাম (ঢাকার নিকট) হইতে পাজাবের সিন্ধু নদ পর্যন্ত তিনি যে প্রায় আড়াই সহস্র মাইল লম্বা প্রশস্ত রাজপথ প্রস্তুত করিয়া গিয়াছেন তাহা অত্যাধি গ্রাণ্ডিওস রোড নামে জগতে প্রসিদ্ধ হইয়া রহিয়াছে। এই সুদীর্ঘ পথের পার্শ্বে আবশ্যিকমত স্থানে স্থানে বহু পাহনিবাস এবং প্রত্যেক তিন মাইল অন্তরে কূপ খনন করিয়া তিনি প্রজাগণের বৎপরোনাস্তি হিতসাধন করিয়া গিয়াছেন। এতদ্ভিন্ন এই প্রকাণ্ড রাজপথের পার্শ্বে বহু স্থানে খোদা-তাআলার উপাসনার জন্ত মসজিদ স্থাপন করিয়া তাহাতে রাজব্যয়ে ধর্মোপাসক এমাম নিযুক্ত করিয়া গিয়াছিলেন। তাঁহার স্থাপিত ঐ সকল পাহনিবাসে ধর্ম ও জাতি নির্বিশেষে সকল অতিথিকেই সরকারি ব্যয়ে আহাৰ্য্য দেওয়া হইত।

শেরশাহ ডাকে চিঠি পত্র গমনাগমনের সুবিধার জন্ত ঘোড়ার ডাকের সৃষ্টি করেন। তাঁহার রাজত্বকালে সওদাগরগণ নির্ভয়ে ও নির্বিঘ্নে এক স্থান হইতে অপর স্থানে মালামাল লইয়া যাইতে পারিত, এবং পথিমধ্যে রাজকীয় পাহশালার উহা নিঃসঙ্কোচে রক্ষা করিতে পারিত।

১৫৪৫ খৃষ্টাব্দে ৯৫২ হিজরীর ১২ রবিওলু-আউয়লু তারিখে কালিজর ভ্রমণে শের শাহ সুরের মৃত্যু হয়। মৃত দেহ তথা হইতে সম্বরামে আনিয়া তাঁহার পূর্বদেশ মতে তাঁহার স্বইচ্ছায় নির্মিত চতুর্দিকে জল বেষ্টিত অতীব সুদৃশ্য সমাধি মধ্যে সমাধিস্থ করা হয়।

শের শাহ মাত্র পাঁচ বৎসর কাল ভারত-সিংহাসন অধিকার করিয়া ছিলেন; তৎপূর্বে পঞ্চদশ বৎসর তিনি নিয়ত যুদ্ধ কার্য্যে ব্যাপৃত ছিলেন।

শের শাহের দ্বিতীয় পুত্র সেলিম শাহ সুর দিল্লীর সিংহাসনে আরোহণ করিয়া কাজী ফজিলতকে সরাইয়া দিয়া তাঁহার স্থানে স্বীয় আত্মীয় মোহাম্মদ খান সুরকে বঙ্গের সুবাদার নিযুক্ত করিলেন। মোহাম্মদ খান, সম্রাট সেলিম শাহের জীবদ্দশা পর্যন্ত দিল্লীর অধীনতা স্বীকার করিয়া বঙ্গে সুশাসন করিতেছিলেন। ১৬০ হিঃ ১৫৫৩ খৃষ্টাব্দে মোহাম্মদ আদেল শাহ দিল্লীর সিংহাসন অধিকার করার, মোহাম্মদ শাহ সুর, শামস উদ্দীন আবুল মোজাফ্ফর মোহাম্মদ শাহ নাম ধারণে, স্বাধীন বঙ্গেশ্বর বলিয়া ঘোষিত হইলেন ও স্বনামে যুদ্ধা চালাইতে লাগিলেন।

১৫৫৫ খৃষ্টাব্দে বঙ্গেশ্বর মোহাম্মদ শাহ সুর জৌনপুর অঞ্চলের কিয়দংশ হস্তগত করেন। তৎপরে হিজরী ১৬২ সালে তিনি বহু সংখ্যক বাঙ্গালী সেনা লইয়া ছাপরা ঘাট নামক স্থানে উপস্থিত হইলে, তথায় সম্রাট আদেল শাহের প্রধান অমাত্য হিম্বর সহিত যুদ্ধে নিহত হ'ন। এই যুদ্ধে বঙ্গেশ্বরের প্রায় সমস্ত সেনাই নিধনপ্রাপ্ত হইয়াছিল। যে কয়েকজন আফ্গান ও মরাঠ পলায়ন করিতে পারিয়া ছিলেন, তাঁহারা আধুনিক এলাহাবাদ দুর্গের নিকট জোসী নামক স্থানে আসিয়া নিহত মোহাম্মদ খানের পুত্র খেজের খানকে, বাহাদুর শাহ্ উপাধি দিয়া সিংহাসনারূঢ় করিলেন।

বাহাদুর শাহ্

বাহাদুর শাহ্ গোড়ে প্রত্যাভর্তন করিয়া দেখিলেন যে—তাঁহার পিতার মৃত্যুর সংবাদ পাইয়া সাহ্ বাজ খান নামক এক ব্যক্তি দিল্লীখরের অধীনতা স্বীকারে গোড়ের সিংহাসন অধিকার করিয়া আছেন। স্ত্রীর বিচারক মোহাম্মদ খানের পুত্রের আগমন বার্তা শুনিয়া, বঙ্গীয় সেনাগণের অধিকাংশই সাহ্ বাজকে পরিত্যাগ পূর্বক বাহাদুরের পতাকাধীনে আসিয়া উপস্থিত হইতে লাগিল। সাহ্ বাজ বন্দি ও নিহত হইলেন।

তৎপরে বাহাদুর শাহ স্বীয় সৈন্য বৃদ্ধি করিতে লাগিলেন ও ১৫৫৬ খৃষ্টাব্দে দিল্লীখর মোহাম্মদ আদেল শাহের বিরুদ্ধে যুদ্ধ ঘোষণা করিলেন।

যুদ্ধের নিকটবর্তী সুরজগড়ে যে ঘোরতর যুদ্ধ হইল, তাহাতে দিল্লীখর আদেল শাহের সেনাগণ সম্পূর্ণরূপে পরাস্ত হইল। গোড়েশ্বরের বিজয়ী সেনাগণ সত্রাটের অনেক যুদ্ধাস্ত্র ও কতকগুলি কামান লইয়া বিজয় গর্বে বঙ্গে ফিরিয়া আসিলেন। অতঃপর বাহাদুর স্বাধীন রাজা হইয়া গোড়ে রাজত্ব করিতে লাগিলেন।

ছয় বৎসর রাজত্বের পর হিঃ ৯৬৮ সালে গোড় নগরে বাহাদুর শাহের মৃত্যু হয়।

অপুত্রক অবস্থায় বাহাদুর শাহের মৃত্যু হওয়ার, তদীয় ভ্রাতা জেলাল উদ্দীন গোড়ের সিংহাসন অধিকার করিলেন। কিন্তু তিন বৎসর মধ্যেই তিনি পরলোকগত হওয়ার হিঃ ৯৭১ সালে তাঁহার পুত্র রাজা হইয়াছিলেন; আবার গেরাসউদ্দীন তাঁহাকে বধ করিয়া মাত্র একাদশ মাস কাল গোড়ের রাজ্য শাসন করিয়াছিলেন। তৎপরে কেবুরাণ বংশীয় তাজ-খান তাঁহার বিনাশ সাধন করিয়া সিংহাসন অধিকার করিলেন।

কেবুরাণী বংশ

এই কেবুরাণী বংশীয়গণ, সত্রাট শের শাহ সুর ও তাঁহার পুত্র সেলিম শাহের সময়ে ভোজপুর এবং খাওয়ারসপুর টাঁড়ার নিকটবর্তী গ্রাম সমূহের অধিকারী ছিলেন। তাজ খান কেবুরাণী সম্বল দেশের শাসনকর্তা ছিলেন; কিন্তু সত্রাট আদেল শাহের সহিত সাক্ষাৎ করিতে গিয়া, সত্রাট ও মন্ত্রী উভয়ের কুদৃষ্টিতে পড়িয়া, নিজ রাজধানী হারাইয়া তাঁহাকে তাঁহার জন্মস্থান ভোজপুরের দিকে আসিতে হইল।

সেই সময় প্রসিদ্ধ হিমু বাব্বাল আদেল শাহের প্রধান মন্ত্রী ছিলেন,

ক্রমে চুনারের নিকট হিমুর সহিত তাঁহার সংঘর্ষণ ঘটিল। তাজ পরাজিত হইলেন ; কিন্তু সঙ্গে সঙ্গে অল্প প্রবল শত্রু দ্বারা দিল্লী আক্রমণের সংবাদ পাইয়া হিমু তাজ খানের অনুসরণ পরিত্যাগ পূর্বক রাজধানী প্রত্যাবর্তন করিতে বাধ্য হইলেন।

তাজ খানের দ্বিতীয় ভ্রাতা সোলেমান কেবুরাণী, সম্রাট সেলিম শাহের সময় বেহারের শাসনকর্তা ছিলেন।

হিঃ ৯৭২ সালে তাজ খানের মৃত্যুর পর তদীয় ভ্রাতা সোলেমান কেবুরাণী গোড়ে আসিলেন ; কিন্তু গোড়ের সিংহাসনে কোন রাজাই অধিক দিন বসিতে পারেন নাই, এবং ঐ সিংহাসন অধিকার করিলে রাজাদিগের পরমাণু অল্প হয় বিবেচনায়, সোলেমান গোড় হইতে টাঁড়া বা টাঙা নামক স্থানে রাজধানী স্থানান্তরিত করিলেন। এই সময় মহানুভব সম্রাট আকবর দিল্লীর সিংহাসন আলোকিত করিতেছিলেন। সোলতান সোলেমান মসনদে বসিয়া সম্রাট দরবারে বিস্তর উপঢৌকন পাঠাইয়া দিলেন।

সোলতান সোলেমান কেবুরাণী

সোলতান সোলেমান বঙ্গ-বিহারের পূর্ণাধিকার পাইয়া, অনেক সৈন্যসহ শুদূচ রোটার্দ্‌ দুর্গ আক্রমণ করিলেন ও কয়েক মাসাবধি ঐ দুর্গ অবরোধ করিয়া রহিলেন।

এই সময়ে সম্রাট আকবর জোনপুরে আগমন করিয়াছেন অবগত হইয়া রোটার্দ্‌ দুর্গাধিপ ফতেহ-খান, দূত প্রেরণে সম্রাটের সাহায্য প্রার্থনা করেন। বাদশাহ আকবরও এইরূপ সুরোগ খুঁজিতেছিলেন। তিনি তৎক্ষণাৎ একদল উৎকৃষ্ট মোগল সেনা দুর্গাধ্যক্ষের সাহায্যে পাঠাইয়া দিলেন।

সোলেমান কেবুরাণী বাদশাহ্ সেনার আগমনবার্তা পাইয়া দুর্গ পরিত্যাগে বাঙ্গালার চলিয়া আসিলেন ।

এই উপলক্ষে সম্রাট উড়িষ্যা দেশের রাজাকে, তাঁহার সহিত সন্ধি করিবার জন্ত দূত হোসেন খানের দ্বারা আদেশ প্রেরণ করিলেন । বাদশাহ আরও বলিয়া পাঠাইলেন যে—যত্বাপি সোলেমান কেবুরাণী তাঁহার কোন বিপক্ষতাচরণ করে, রাজা তৎক্ষণাৎ বঙ্গদেশ আক্রমণ করিবেন ও এই বিষয়ে দিল্লীখর সর্বতোভাবে উৎকল রাজের সাহায্য করিবেন । চারিমাস পরে উড়িষ্যারাজ বহু হস্তী ও মূল্যবান উপহার সহ সম্রাট দূত হোসেন খানকে দিল্লীতে পাঠাইয়া দিলেন । এই সময়ে জগন্নাথ (পুরী) উৎকল দেশের রাজধানী ছিল ।

১৫৬৭৬৮ অব্দে সম্রাট আকবর পাঞ্জাব লইয়া বড়ই বিব্রত, হইয়া থাকায়, সোলেমান কেবুরাণী এই অবসরে উড়িষ্যা আক্রমণ করিলেন ও স্বল্পায়াসে উৎকল রাজ্য অধিকার করিলেন । পরে ১৫৬৯ খৃষ্টাব্দে উড়িষ্যা ভূমে সমস্ত সুবন্দোবস্ত করিয়া দিয়া তথায় একজন বিশ্বস্ত প্রতিনিধি রাখিয়া রাজধানী টাঁড়ায় প্রত্যাবর্তন করিলেন ।

পর বৎসর সোলতান, কোচ-বেহার আক্রমণ করেন ; কিন্তু উড়িষ্যা খণ্ডের লোক বিদ্রোহী হইয়া তাঁহার শাসনকর্তাকে তাড়াইয়া দিয়াছে সংবাদ পাইয়া সোলেমান, স্বীয় রাজধানী টাঁড়ায় ফিরিয়া আসিলেন ও একদল সৈন্য প্রেরণে উড়িষ্যা পুনঃ দখল করিলেন ।

সোলতান সোলেমান কেবুরাণী বঙ্গ-বেহার-উড়িষ্যার সম্পূর্ণ স্বাধীন রাজা হইলেও, কখনও স্বাধীন সম্রাটের কোন চিহ্ন বা কখনও মস্তকে রাজছত্র ধারণ করেন নাই । মধ্যে মধ্যে তিনি দিল্লীর দরবারে, অনেক উপঢৌকনও পাঠাইয়া দিতেন ।

অবশেষে প্রজাপালনে অতীব শাস্তির সহিত রাজত্ব করিয়া শেষে

প্রজাবর্গকে শোক সাগরে ভাসাইয়া বঙ্গেশ্বর সোলায়মান হিঃ ৯৮১ খৃঃ ১৫৭৩ সালে স্বীয় রাজধানী টাড়াইয়া ইহলীলা সম্বরণ করিলেন।

উড়িষ্যা পুনঃ বিজয়ের জন্য বঙ্গেশ্বর তাঁহার জনৈক সেনানী কালাপাহাড়কে উৎকলরাজ মুকুন্দ দেবের বিরুদ্ধে প্রেরণ করিয়াছিলেন। এই কালাপাহাড় পূর্বে হিন্দু ছিলেন ও সেই সময় তাঁহার নাম কালাচাঁদ ছিল। মোস্লেম ধর্ম গ্রহণের পর, ইনি একজন ভয়ানক হিন্দু বিগ্রহঘেষী হইয়া উঠিলেন। উড়িষ্যা জয়ের পর কালাপাহাড় বিস্তর দেবালয় ও দেবমূর্তি ধ্বংস করিয়াছিলেন।

সোলতান সোলেমান কেবুরাণীর জ্যেষ্ঠ পুত্র বায়েজিদ, নামে মাত্র কয়েক মাস পিতৃ সিংহান প্রাপ্ত হইয়াছিলেন। তৎপরে তাঁহার দ্বিতীয় পুত্র দায়ুদ, আবল-মোজাফ্ফর নাম ধারণ করিয়া সিংহাসনারূঢ় হইয়া সম্রাট আকবরের বশুতা সম্পূর্ণ অগ্রাহ্য করিয়া, বঙ্গ-বিহারে নিজ নামে খোত্বা পাঠ ও মুদ্রা প্রচলিত করিলেন।

সোলতান আবল-মোজাফ্ফর দায়ুদ শাহ্ কেবুরাণী

দায়ুদ শাহ্, বঙ্গের রাজস্ব ভাণ্ডারে রাশিকৃত অর্থ, এবং তাঁহার অধীনে ৪০,০০০ সহস্র অশ্বারোহী, ১,৪০,০০০ পদাতিক, বিংশতি সহস্র সর্কপ্রকারের কামান, ৩,৬০০ হস্তী ও কয়েক শত রণতরী প্রস্তুত দেখিয়া, দিল্লীশ্বরের সহিত প্রতিদ্বন্দ্বীতা করিয়া মোগলগণকে ভারত হইতে তাড়াইয়া দিবার জন্য তাঁহার প্রবল বাসনা হইল।

দায়ুদ প্রথমতঃই দিল্লীশ্বরের সেনাপতি খান জমানের নিম্নিত, গাজীপুরের পশ্চিমে তাঁহারই নামে অভিহিত জামানিরা-দুর্গ অধিকার করিলেন।

দিল্লীশ্বর আকবর এই সময় সোরাষ্ট্রে (গুজরাট) বিক্রোহ দমনে নিযুক্ত ছিলেন। এই সংবাদ পাইয়া সম্রাট তাঁহার প্রধান সেনাপতি,

তৎকালীন জোনপুরের শাসনকর্তা মোন্সেয় খানের প্রতি বেহার আক্রমণের আদেশ প্রেরণ করিলেন। দায়ুদ এই সময় হাজীপুরে ছিলেন, এবং তাঁহার সেনাপতি লোদী খান, রোটাস্ দুর্গে প্রকাশভাবে বিজ্রোহের পতাকা উড়্‌ডীন করিয়াছিলেন।

হঠাৎ খান-খানান মোন্সেয় খানের অধীনে বহুসংখ্যক মোগল-সৈন্য, পাটনা ও হাজীপুর অঞ্চল আক্রমণ করায়, লোদী খানের সহিত সশ্রী-সেনাপতির কয়েকটা খণ্ডযুদ্ধ হইল। এই যুদ্ধের ফলাফল দায়ুদের পক্ষে ততদূর সুবিধাজনক না হওয়ায় দায়ুদ শাহ্, কতলু খান ও জনৈক বাঙ্গালী সর্দার শ্রীধরের পরামর্শে লোদী খানের উপর সন্ধিহান হইয়া উহাদের সাহায্যে তাঁহাকে বন্দী ও অস্ত্রায় মতে নিহত করিলেন। তৎপরে খান-খানানের নিকট এই মর্মে সন্ধির প্রস্তাব পাঠাইলেন যে—

“মোগল সৈন্য বেহার পরিত্যাগ করিয়া গেলে বঙ্গেশ্বর, দিল্লীর রাজ-কোষে নগদ দুই লক্ষ টাকা ও লক্ষ টাকার মূল্যবান দ্রব্য ও রেশমী বস্ত্র এবং মসলিন্ প্রভৃতি উপঢৌকন পাঠাইয়া দিবেন।”

খান খানান মোন্সেয় খান, দায়ুদ শাহ্, কেয়রাণীর পিতার সহিত বাল্য-সৌহার্দ স্বরণ করিয়া এই সন্ধির প্রস্তাবে সম্মত হইলেন। কিন্তু যখন তিনি সন্ধিপত্র সাঙ্করিত হইবার পূর্বে, দায়ুদ কর্তৃক নৃশংসভাবে সেনাপতি লোদী খানের হত্যার বিষয় সংবাদ পাইলেন; তখন এই অবিবেচক রাজার নির্দিষ্ট আচরণে ক্রোধান্বিত হইয়া, সন্ধিপত্র ছিঁড়িয়া ফেলিয়া সসৈন্তে পাটনার আগমন করিলেন।

তখন দায়ুদ অনন্তোপায় হইয়া মোগলগণকে বাধা প্রদান করিবার জন্য সোন ও গঙ্গার সঙ্গমস্থলে গিয়া উপস্থিত হইলেন। তথাকারে যুদ্ধে মোগলগণ জয়লাভ করায়, দায়ুদ দুর্গমধ্যে আশ্রয় লইলেন, এবং মোগলেরা দুর্গ অবরোধ করিয়া রহিল। ইতিমধ্যে দিল্লীশ্বর স্বয়ং হিঃ ৯৮২ সালের

১৬ই রবিবসুমানি তারিখে বহু সেনা ও সামরিক তরী লইয়া আগ্রা হইতে পাটনার নিকটে আসিয়া পৌঁছিলেন। পরদিন সন্ধ্যাট পাঁচ পাহাড়ি হইতে দুর্গাভ্যন্তরের অবস্থা পর্যবেক্ষণ করিয়া সেনাগণকে দুর্গ আক্রমণের আদেশ দিলেন।

এই সময় সন্ধ্যাট দেখিতে পাইলেন যে—গঙ্গার পরপার হাজীপুর হইতে দুর্গমধ্যে অবরুদ্ধ পাঠান সেনাগণের রসদ আনীত হইতেছে। তিনি তৎক্ষণাৎ খান আলমের অধীনে ৩,০০০ সহস্র সেনা দিয়া এবং বেহারের জনৈক রাজা গজপতি রায়ের প্রতি খান আলমকে সাহায্য করিবার আদেশ দিয়া, হাজীপুর আক্রমণ করিতে প্রেরণ করিলেন। গজপতি রায় এই সময় সৈন্তে ইচ্ছাপূর্বক সন্ধ্যাটের স্মরণাপন্ন হইয়া তাঁহাকে সর্বপ্রকারে সাহায্য করিতেছিলেন।

মোগল সেনাগণ সৈন্যধ্যক্ষ খান আলমের অধীনে মহাবিক্রমে হাজীপুর দুর্গ আক্রমণ করিল। সন্ধ্যাট এই সময় গঙ্গার অপর পারে শাহাম খানের অধীনস্থ ভোপ-খানার নিকট দাঁড়াইয়া দুর্বীক্ষণ যন্ত্র সাহায্যে যুদ্ধের অবস্থা দেখিতেছিলেন। তিনি অবস্থা বুঝিয়া তিনখানি বৃহৎ সামরিক তরী সেনা পরিপূর্ণ করিয়া, তাঁহার পূর্বে প্রেরিত মোগল সৈন্তগণের সাহায্যার্থে পাঠাইয়া দিলেন। শত্রুপক্ষও এই তরী কয়খানির গতিরোধার্থে অনেকগুলি সশস্ত্র যোদ্ধাপূর্ণ নৌকা প্রেরণ করিল। কিন্তু সন্ধ্যাটের রণতরীগুলি বিপক্ষের নৌকাগুলিকে যুদ্ধে হটাইয়া দিয়া, খান-আলমের সেনাদলে গিয়া মিলিত হইল।

হাজীপুরের যুদ্ধে মোগল সেনার সম্পূর্ণ জয় হইল। অচিরে হাজীপুর-দুর্গ তাহাদের হস্তগত হওয়ার, সেনাপতি খান-আলম দুর্গাধিপ কাতেহ খানের ছিন্নমস্তক ও তৎসঙ্গে বহু পাঠান সেনার ছিন্নমুণ্ড নৌকাযোগে সন্ধ্যাট সমীপে প্রেরণ করিলেন। সন্ধ্যাট আকবর আল্লাহ্ তাআলাকে

আন্তরিক ধন্যবাদ দিয়া ঐ ছিন্নমুণ্ডগুলি আবার দায়ুদ খানের নিকট পাঠাইলেন। দায়ুদ খান এই অবস্থার তাঁহার অধীনস্থ বিশ্বস্ত সেনাপতি ফাতেহ্ খান ও পাঠান সেনাগণের ছিন্নমস্তক দর্শনে ভীত হইয়া পলায়নের পথ আবিষ্কার করিতে লাগিলেন। সেই রাত্রি দুই প্রহরের সময় দ্রুতগামী নৌকাযোগে গোড়াধিপতি দায়ুদ খান, পাটনা পরিত্যাগে বঙ্গদেশে পলায়ন করিলেন। শ্রীধর রায়, বাহাকে দায়ুদ সেই সময় রাজা বিক্রমাদিত্য পদে সম্মানিত করিয়াছিলেন, তিনিও দায়ুদ খানের সহগামী হইলেন। (খোয়াজা নেজাম-উদ্দীন আহমদ প্রণীত তবকত'-ই-আকবর শাহী)

দুর্গ মধ্যস্থ বিংশতি সহস্র পাঠান যোদ্ধা তাহাদের রাজা ও অধ্যক্ষ দায়ুদ খানের এবস্থি আচরণ দেখিয়া, বিশৃঙ্খল ভাবে চতুর্দিকে পলায়ন করিতে লাগিল। দায়ুদের মন্ত্রী গোজার খান এই সময় বিস্তর হস্তী লইয়া পলাইতে থাকা কালে, পুনপুন নদীর সেতুর উপর গেলে, সেতু ভাঙ্গিয়া গেল। তাহাতে অনেক লোক নদীগর্ভে নিমজ্জিত হইল।

সেই রাত্রেই বঙ্গাধিপতির গোপনে পলায়ন বার্তা শ্রবণে, বাদশাহ আকবর খোদাতালাকে আন্তরিক ধন্যবাদ দিয়া, মহাসেনাধ্যক্ষ খান খানান মোন্সেন খানকে নগরে প্রবেশ করিতে আজ্ঞা দিলেন। খান খানান বঙ্গেশ্বর পরিত্যক্ত ৫৬টা হস্তী অচিরে সম্রাট সমীপে আনিয়া উপস্থিত করিলেন। প্রকৃত পক্ষে এই পাটনা জয়ই মোগলগণের বঙ্গ বিজয় হইয়া গেল।

বাদশাহ আকবর সূর্যোদয়ের পর চারি ঘণ্টা কাল পাটনার অবস্থান করিয়া, এবং বিদ্রোহী প্রজাবর্গকে তিনি যে ক্ষমা করিলেন এই অভিমত প্রচার করিয়া ও তাহাদের মধ্যে প্রধান প্রধান ব্যক্তিবর্গকে ডাকিয়া বুঝাইয়া দিয়া; এবং তৎসঙ্গে সেনাপতি খান খানানের হস্তে বিজিত প্রদেশের ও

মোগল সেনাগণের ভারার্পণ করিয়া, স্বয়ং কতকগুলি সেনা সহ বঙ্গেশ্বরের অমাত্য ও সেনাপতি গোজার খানের পশ্চাৎদাবন করিলেন।

সত্ৰাট অশ্বসহ পুনপুন নদী সত্তরণ করিয়া পার হইয়া যাওয়ার, তাঁহার সমভিব্যাহারী সেনানী ও সেনাগণ সকলেই এই মহান বাদশাহের প্রদর্শিত পথ অনুসরণ পূর্বক নদী পার হইয়া, পূর্ণবেগে বিপক্ষ দমনে অগ্রসর হইতে লাগিলেন।

পাটনা হইতে ৬০ মাইল দূরবর্তী গঙ্গাতীরে দরিয়াপুর নামক স্থানে তাঁহারা গোজার খানের সাক্ষাৎ পাইলেন ও তথায় তাঁহাকে সম্পূর্ণরূপে পরাজিত করিয়া প্রায় চারি শত রণহস্তী হস্তগত করিলেন।

তৎপরে দরিয়াপুরে ছয় দিবস অবস্থান করিয়া ভারতেশ্বর, পাটনার প্রত্যাবর্তন করিলেন ও খান খানানের তন্খা শতকরা ত্রিশ টাকা বৃদ্ধি করিয়া দিয়া, তাঁহাকে বাঙ্গালার শাসনকর্তা নিযুক্ত করিয়া এবং তাঁহার অধীনস্থ সৈন্য সমষ্টির উপর, রাজা টোডরমলের অধীনে আরও বিংশতি সহস্র অশ্বারোহী সেনা দিয়া, রাজধানী প্রত্যাবর্তন করিলেন। এই সমস্ত ঘটনা দিল্লীশ্বরের উনবিংশতি বর্ষ রাজত্বকালে ঘটিয়াছিল।

এদিকে দায়ুদ খান তেলিগাড়িতে পৌঁছিয়া উক্ত গিরিপথ রক্ষার্থে তথাকার সেনাপতিকে বিশেষরূপে সাবধান করিয়া দিয়া, রাজধানী টাডার গমন করিলেন।

মোসলেম খান, গোরখপুরের রাজা সংগ্রাম ও গিধোড়ের রাজা পুরণ মলের সাহায্যে গঙ্গাতীরবর্তী শূর্যগড়, মুন্দের ও ভাগলপুর অধিকার করিয়া, তেলিগাড়ির সম্মুখে উপস্থিত হইলেন। পাঠান সেনাগণ সত্ৰাট সৈন্যের আগমনবার্ত্তা পাইয়া, হাজীপুরের সেনাগণের হুদ্দিশা স্বরণে বিনাযুদ্ধে ষাঁটি পরিত্যাগ পূর্বক প্রস্থান করিল। মোগলেরা একজন সেনাক্ষয় না করিয়াও বঙ্গ প্রবেশের এই দ্বার অধিকার করিলেন।

এই সংবাদে বঙ্গেশ্বর দায়ুদ এককালীন হতাশ হইয়া, তাঁহার সমুদয় মূল্যবান দ্রব্য হস্তী পৃষ্ঠে বোঝাই দিয়া উড়িয়াভিমুখে সরিয়া পড়িলেন। খান খানান মোন্সেয় খান ১৫৭৪ খৃঃ ৯৮২ হিজরীর ৪ঠা জমাদি-য়স্-সানি বঙ্গদেশের রাজধানী টাড়া নগর বিনা বাধায় অধিকার করিলেন।

দায়ুদ খান তাঁহার দুই বিশ্বস্ত বন্ধু শ্রীহরি ও জানকী বল্লভকে বিক্রমাদিত্য ও বসন্তরায় উপাধি দিয়া ও তাহাদিগকে বিস্তর ধন-রত্ন দান করিয়া দক্ষিণ প্রদেশে গিয়া বাস করিতে উপদেশ দিলেন।

নবম সর্গ



খান খানান মোন্সেয় খান

কয়েক দিবস রাজধানী টাঁড়ায় অবস্থান করিবার পর মহাসেনাপতি খান খানান, তাঁহার অধীনস্থ সেনাধ্যক্ষ রাজা টোড়রমল্লকে বহু সৈন্য সহ পলাতক রাজা দায়ুদের অনুসরণ করিতে পাঠাইয়া দিলেন ; এবং তৎসহ অপর একজন সেনাপতি মজ্জুন খানকে ঘোড়াঘাটের পাঠান শাসনকর্তা সোলেমানের বিরুদ্ধে প্রেরণ করিলেন । এই ঘোড়াঘাট দিনাজপুরের ৪৮ মাইল দক্ষিণ-পূর্বে অবস্থিত ছিল ।

মজ্জুন খান তাঁহার উপর ভারাপিত কার্য্য সহজে সম্পন্ন করিতে পারেন নাই । পাঠানেরা তাহাদের দেশ ও সম্পত্তি এবং স্ত্রীপুত্রগণের রক্ষার্থে, ভীষণভাবে যুদ্ধ করিয়া বহুতর মোগল সেনা নাশ করিয়া অবশেষে প্রায় সকলেই নিধন প্রাপ্ত হইয়াছিল । মজ্জুন খান তৎপরে স্বীয় পুত্র জবারের সহিত, ঘোড়াঘাটের শাসনকর্তা সোলেমানের পরম রূপবতী কন্যার বিবাহ দিয়াছিলেন ।

রাজা টোড়রমল্ল, কয়েক জন আর্মীর ও বহু সেনাসহ দায়ুদ খানের অনুসরণে উড়িষ্যাভিমুখে ধাবিত হইলেন । তিনি প্রথমতঃ গান্ধারগের নিকট উপস্থিত হইয়া অবগত হইলেন যে—দায়ুদ ঋণকেশরীতে অবস্থান করিয়া আপন বিক্ষিপ্ত সেনাদলকে একত্রিত করিতেছেন । রাজা তৎক্ষণাৎ খান খানানের নিকট লোক প্রেরণে আরও অধিক সেনা চাহিয়া পাঠাইলেন ।

মোনরেন্ খান রাজার সাহায্যার্থে মোহাম্মদ কুলি খানের অধীনে আরও মোগল সৈন্য পাঠাইয়া দিলেন। এই সময় রাজা টোডরমল্ল শুনিতে পাইলেন যে, বঙ্গেশ্বরের ভ্রাতুষ্পুত্র বীরবর জোনেদ খান বহু সংখ্যক সেনা সহ পিতৃব্য দায়ুদের সহিত মিলিত হইতে আসিতেছেন।

রাজা তৎক্ষণাৎ সেনাপতি আবুল কাসেম ও নজর খান বাহাদুরের অধীনে দুই দল সেনা জোনেদের বিরুদ্ধে প্রেরণ করিলেন। কিন্তু মহারথী জোনেদ অল্প আয়াসে ঐ মোগল সেনাগণকে বিতাড়িত করিয়া দিলেন; এবং বহু মোগল সেনা পাঠানের তরবারি-নিম্নে প্রাণ হারাইল।

রাজা টোডরমল্ল তখন তাঁহার স্বাভাবিক কুসংস্কার ও সন্দিক্ত চিত্তের বশবর্তী হইয়া আর অগ্রসর না হইয়া, শাসনকর্তার নিকট এই সমস্ত বর্ণনা লিপিবদ্ধ করিয়া দূত পাঠাইয়া দিলেন; এবং স্বয়ং মেদিনীপুরে অবস্থান করিতে লাগিলেন। এই স্থানে বিখ্যাত সেনাপতি মোহাম্মদ কুলি খান বিয়ুলাসের জ্বর রোগে মৃত্যু হওয়ার রাজা, ওমরাহগণের সহিত পরামর্শ করিয়া পুনরায় মেদিনীপুর হইতে মান্দারণে সরিয়া আসিলেন। একদিকে খান খানান রাজার সাহায্যার্থে শাহাম্ খান জালায়েরের অধীনে সেনা প্রেরণ করিয়া পরে, স্বয়ং বহু সৈন্য সমভিব্যাহারে রাজা টোডরমল্লের সহিত যোগ দিবার জন্য রাজধানী পরিত্যাগ করিলেন।

অচিরে উভয় সৈন্য মিলিত হইয়া, তথা হইতে সমস্ত সম্রাট সেনা একযোগে পাঠান দমনে বহির্গত হইল। কটকের নিকটবর্তী স্থান মোগল-পাঠানের রণভূমে পরিণত হইল।

১৮২ হিজরীর ২০শে জেলকদ তারিখে উভয় সৈন্য সশুধীন হইল। পাঠানেরা পূর্ব হইতে তাহাদের শিবির সশুধস্থ স্থানে গড়খাত খনন দ্বারা তাহাদের অবস্থান সুদৃঢ় করিয়া রাখিয়াছিল। উভয় পক্ষের সেনাদল সংখ্যায় প্রায় সমানই ছিল। একদিকে যেমন পাঠানদিগের বহু

রণহস্তী, অপর দিকে মোগলগণের নিকট সেইরূপ নূতন পদ্ধতির যুদ্ধাশ্রু ও বহু সংখ্যক কামান ছিল।

প্রথমতঃ খান খানান গোলন্দাজ সেনাগণকে শত্রুগণের উপর কামানের গোলা বর্ষণ করিতে আদেশ করিলেন ; যাহার ফলে বিপক্ষের রণ হস্তীযুথ এই অগ্নিবৃষ্টি অসহ বোধে চতুর্দিকে পলায়ন করিতে আরম্ভ করিল। সঙ্গে সঙ্গে মোগল বন্দুকের গুলিতে প্রথমেই বিশ্বর পাঠান ধরাশায়ী হইল।

এই সময় মহাবীর গোজার খানের অধীনে, তাঁহার স্বকীয় পরিশ্রমে সুশিক্ষিত অখারোহী সৈন্য, বীর হুঙ্কারে মোগলগণকে আক্রমণ করিয়া, প্রথমেই সম্রাট সেনাপতি খান আলমকে ধরাশায়ী করিল। সুযোগ্য সেনাপতির নিধন প্রাপ্তি দর্শনে, বহু সংখ্যক মোগল সৈন্য রণস্থল পরিত্যাগ করিয়া পলাইতে লাগিল। সেই সময় বিচক্ষণ রণ-কৌশলী খান খানান, পলায়িত মোগলগণকে অতি কষ্টে রণস্থলে রক্ষা করিতে সমর্থ হইয়াছিলেন। ঠিক এই সময়ে গোজার খান, মহা সেনাপতি খান খানানের দর্শন পাইয়া, ভীমবেগে তাঁহাকে আক্রমণ করিলেন। উভয়ে ঘৈরথ-যুদ্ধ বাধিয়া গেল। মোগল সেনাপতি, গোজার খান কর্তৃক আহত হইলেন। এই অবস্থায় মোন্সেম্ খানের অশ্ব ভীত হইয়া বাহককে লইয়া দ্রুত বেগে পলায়ন করিতে লাগিল। মোন্সেম বহু চেষ্টা করিয়াও অশ্বের গতিরোধ করিতে পারিলেন না। পাঠানবীর গোজার খান, সসৈন্তে মহাসেনাপতির প্রতি অশ্ব প্রধাবিত করিলেন, এবং প্রায় তিন মাইল পথ তাঁহাকে তাড়াইয়া লইয়া গেলেন। এমন সময় মোগল সেনানী কায়ী খানের দল পশ্চাৎদিক হইতে, প্রধাবিত পাঠানগণকে আক্রমণ করিয়া ও তাহাদের পশ্চাৎ পশ্চাৎ দৌড়িয়া, বন্দুকের গুলিতে প্রায় ঐ সামান্য সেনা দলকে শেষ করিয়া ফেলিল। শেষে মোগল সেনার বিক্ষিপ্ত অশ্বের বীর শাদ্দুল গোজার খান প্রাণ হারাইলেন।

এই সময় রাজা টোডরমল্ল ও লস্কর খান প্রভৃতি, পাঠান সেনাগণকে আক্রমণ করিয়া ও তাহাদের সৈন্যবাহ মধ্যে প্রবেশ করিয়া, বিস্তর পাঠান সেনা ধ্বংস করিয়াছিলেন। অপর সেনাপতি শাহাম্ খাম, অবশিষ্ট পাঠানগণকে ভাড়াইয়া দায়ুদ খানের নিকট পর্য্যন্ত লইয়া গেলেন। ঠিক এই সময় গোজার খানের মৃত্যু সংবাদ বঙ্গেশ্বর দায়ুদের কর্ণে পৌছিল ও সঙ্গে সঙ্গে তিনি মোগল মহাসেনাপতি খান খানানের বিজয় পতাকা উড্ডীয়মান দেখিতে পাইলেন। দায়ুদ ভয়ে রণস্থল ও রণশিবির পরিত্যাগ করিয়া কটকের দুর্গ মধ্যে পলায়ন করিলেন।

এই যুদ্ধে জয়লাভ হইলেও এত অধিক সংখ্যক মোগল সেনার মৃত্যু হইয়াছিল যে, খান খানান মোনয়েম্ খান রণস্থল হইতে আর দায়ুদের পশ্চাদ্ধাবন না করিয়া, পাঁচ দিবস রণস্থলেই অবস্থান করিয়া, মৃত সেনাগণের কবর দিবার সুবন্দোবস্তে নিযুক্ত রহিলেন; এবং আহত সেনাগণকে চিকিৎসার্থে অন্ত্র পাঠাইয়া দিতে লাগিলেন।

শেষে তাঁহার শারীরিক আঘাতজনিত কষ্ট, ক্রমশঃ অধিক বয়সাদায়ক বোধ হইতে থাকায় সেনাপতি, রাজা টোডরমল্ল প্রভৃতি কয়েকজন মোগল সেনাধ্যক্ষকে, কটক দুর্গ অবরোধ করিতে প্রেরণ করিয়া, একটু বিশ্রাম লাভের চেষ্টায় কিঞ্চিৎ দূরে গিয়া শিবিরে অবস্থান করিতে লাগিলেন। মোগল সেনাগণ দুর্গ অবরোধ করিয়া রহিল। তখন দায়ুদ খান অন্ত্রোপায় হইয়া ও বিজেতার নিকট আত্মসমর্পণই প্রকৃষ্ট উপায় বিবেচনা করিয়া, খান খানানের নিকট দূত প্রেরণ করিলেন।

বঙ্গেশ্বরের দূত আসিয়া মোগল সেনাপতিকে অস্থির সহ অবগত করিল যে—

“মোসলমান ধর্মাবলম্বীদিগকে এককালে নিগূল করিবার চেষ্টা কোন মোসলমান নরপতিরই মহৎকার্য্য বিবেচনা করা কর্তব্য নহে! এই ঘোর

বিপন্নাবস্থায় সম্রাট, বঙ্গেশ্বরকে তাঁহার হত রাজ্যের সামান্য একটু অংশ তাঁহার ও তাঁহার সহায়গণের ভরণ পোষণের জন্ত দান করিয়া তাঁহাকে অধীন সেবকরূপে গ্রহণ করুন।”

মহানুভব উদারচেতা খান খানান মোনরেম্ খান তাহাতে উত্তর করিলেন—

“দায়ুদ খান স্বয়ং উপস্থিত হইয়া এই প্রার্থনা করিলে তিনি তাহা গ্রাহ্য করিবেন ও ইহার জন্ত দয়ার অবতার সম্রাটকে বিশেষভাবে অনুরোধ করিবেন।”

পর দিবস ৯৮৩ হিঃ ১লা মোহাব্বরম ১৫৭৫ খৃঃ ১২ই এপ্রেল তারিখে খান খানান, দায়ুদ খানকে অভ্যর্থনা করিবার এবং তৎপরে তাঁহার বশ্যতা স্বীকার প্রসঙ্গ সমস্ত ওমরাহ্ গণ সমক্ষে প্রচার করিবার অভিপ্রায়ে এক মহাসভার আহ্বান করিলেন। শিবির সম্মুখে মোগল সেনাগণ শ্রেণীবদ্ধ হইয়া সশস্ত্রে দণ্ডায়মান রহিল।

বঙ্গেশ্বর দায়ুদ, তাঁহার আফগান ওমরাহ্ গণসহ মোগল শিবিরের দিকে অগ্রসর হইতে লাগিলেন। মোনরেম্ খান শিষ্টাচার প্রদর্শনে কিয়দূর অগ্রসর হইয়া, বঙ্গেশ্বরকে সম্মানের সজ্জিত অভ্যর্থনা করিলেন। এই সময়ে দায়ুদ স্বীয় কটিবন্ধ হইতে তরবারি উন্মোচন পূর্বক মোগল সেনাপতির সম্মুখে রক্ষা করিয়া বলিলেন—

“এই যুদ্ধে আমি বড়ই মর্মান্বিত হইয়াছি, যেহেতু ইহাতে আপনার জায় উপযুক্ত ও মহানুভব সেনাপতি আহত হইয়াছেন।”

খান খানান তৎপরে বঙ্গেশ্বরের হস্ত ধারণে তাঁহাকে উপযুক্ত আসনে বসাইলেন এবং স্বয়ং পার্শ্বে বসিয়া নানা বিষয়ক কথোপকথন আরম্ভ করিলেন। ইত্যবসরে, নানা প্রকার সুখাদ্য ও পানীয় আনীত হইল; তখন উভয়ে একত্রে আহার বসিলেন।

আহারাশ্বে সন্ধিপত্র স্বাক্ষরিত হইল। দায়ুদ ভবিষ্যতে কখনও সম্রাটের বিরুদ্ধে অস্ত্র ধারণ করিবেন না, বা সম্রাটের কোন শত্রুপক্ষকে কখনও সাহায্য করিবেন না স্বীকার করিলেন ; এবং সম্রাটের তরফ হইতে তিনিও উড়িষ্যা প্রদেশ ভোগ করিবার অনুমতি পাইলেন।

অতঃপর খান খানান একখানি মণিমুক্তা-খচিত বহুমূল্য তরবারি আনয়ন করিয়া, দিল্লীশরের নামে স্বহস্তে উহা দায়ুদ খানের কটিবন্ধে সংলগ্ন করিয়া দিয়া বলিলেন—

“প্রবল প্রতাপাশ্রিত ভারত সম্রাট জালাল উদ্দীন মোহাম্মদ আকবর বাদশাহের নামে, আমি এই তরবারি আপনাকে অর্পণ করিতেছি, আপনি সেই মহানুভব সম্রাটের উদ্দেশ্যে ইহার সদ্যবহার করিবেন।”

পরদিন মহাসেনাপতি কটক পরিত্যাগ পূর্বক খণ্ডাসপুর' টাঁড়া অভিমুখে যাত্রা করিলেন ; এবং ১০ই শফর তারিখে রাজধানীতে গিয়া পৌঁছিলেন। এই সময় ঘোড়া-ঘাটের পাঠানেরা জালাল উদ্দীনের পুত্রের অধীনে, পুনরায় দলবদ্ধ হইয়া, মোগল শাসনকর্তা মজ্জুন খানকে বিতাড়িত করিয়া দিয়া, গোড় পর্য্যন্ত অগ্রসর হইয়াছিল ; কিন্তু মহাসেনাপতির আগমন সংবাদে, তাহারা ভয়ে ছত্রভঙ্গ হইয়া, চিরদিনের তরে অরণ্য মধ্যে লুকায়িত হইল।

মোন্সেম খান উৎপরে গোড়ে আগমন করিলেন, এবং এই মনোহর সৌন্দর্য্যশালী নগরের শোভা দৃষ্টে আকৃষ্ট হইয়া, লক্ষণাবতী নগরেই রাজধানী পুনঃ প্রতিষ্ঠিত করিলেন। এই বৎসরের দারুণ বর্ষাশ্বে গোড়ে মহামারী উপস্থিত হইল। প্রত্যহ সহস্র সহস্র লোক জ্বর দুর্দীপ্ত রোগে মৃত্যুমুখে পতিত হইতে লাগিল। শেষে উহা এমন অবস্থার দাঁড়াইল যে— মৃত দেহের সংকার করা অসাধ্য হইয়া উঠিল। এমন কি মোসলমানের মৃতদেহ পর্য্যন্ত সমাধি অভাবে নদীজলে নিক্ষিপ্ত হইতে লাগিল।

আমীর-উল-ওমারা খান খানান মোন্সেম খান পীড়িত হইয়া দশম দিবসে ৭ই রজব তারিখে দেহত্যাগ করিলেন। ষাটবিংশতিবর্ষ রাজত্ব-কালে ৫৭৭ খৃষ্টাব্দে সম্রাট আকবর আজমীরে অবস্থান করিতে থাকার সময়, এই উদারচেতা সংসাহসী যুদ্ধ পারদর্শী মহাসেনাপতি মোন্সেম খানের মৃত্যু সংবাদে শোকে অভিভূত হইলেন ও সঙ্গে সঙ্গেই আবার সংবাদ পাইলেন যে—দায়ু? খানও সন্ধির শর্ত লঙ্ঘন করিয়া খাওয়ারামপুর টাঁড়া আক্রমণ করিয়াছেন; এবং অস্থায়ী সামরিক শাসনকর্তা, সেনাপতি শাহেমু খান জেলায়ের বাঙ্গালা পরিভ্যাগে হাজিপুর ও পাটনা অঞ্চলে পলাইয়া গিয়াছেন।

বাদশাহ্, খান খানানের স্থলে পাঞ্জাবের শাসনকর্তা হোসায়েন কুলি খানকে, খান-জাহান উপাধি ভূষিত করিয়া, বঙ্গের সুবাদার নিযুক্ত করিলেন। মোন্সেম খান অপুত্রক থাকায় তাঁহার মৃত্যুর পর, তাঁহার বহু ধন সম্পত্তি সম্রাট সরকারে বাজেয়াফ্ত হইল।

এই নব-নিযুক্ত শাসনকর্তা ইতিপূর্বে যখন জৌনপুরের সুবাদার ছিলেন, সেই সময় বহু অর্থব্যয়ে গোমতীর উপর যে প্রকাণ্ড ও প্রশস্ত সেতু নির্মাণ করিয়াছিলেন, তাহা অদ্যাবধি দর্শক বৃন্দের চক্ষে যেন নূতন বলিয়া প্রতীয়মান হইয়া থাকে। এই প্রস্তর নির্মিত সেতু এত প্রশস্ত যে, গাড়ী ও মনুষ্যাদি যাতায়াতের যথেষ্ট পথ ছাড়িয়া দিয়াও, এই সেতুর উপর, উভয় পার্শ্বে বাজার বসিয়া থাকে, (তারিখ-ই-সোলতান নেজামী)

হোসায়েন কুলি খান খান-জাহান

নব-শাসনকর্তা খান জাহানের লাহোর হইতে সেনা সস্তার সহ বঙ্গদেশে পৌঁছিতে বিলম্ব হওয়ার, বঙ্গের এই গোলযোগের একমাত্র কারণ। এই কারণে সম্রাট জনৈক তুর্কী সেনাপতি মোবহান কুলির হস্তে

পত্র পাঠাইয়া, হোসায়েন কুলি খান খান-জাহানকে, পাঠান ভয়ে বহু পরিত্যক্ত সমস্ত আমীর ও জায়গীরদারকে সঙ্গে লইয়া, সত্বর দায়ুদের বিরুদ্ধে যাত্রা করিতে অনুমতি দিলেন। এই সময় সোবহান কুলি ২২ দিনে প্রায় দেড় সহস্র মাইল পথ অতিক্রম করিয়া খান-জাহানের হস্তে রাজকীয় ফরমান পৌছিয়া দিয়াছিলেন।

হোসায়েন প্রথমতঃই তেলিগাগড়ীর নিকট উপস্থিত হইয়া দেখিলেন যে,—তিন সহস্র পাঠান সেনা ঐ গিরিপথ রক্ষা করিতেছে। সঙ্গে সঙ্গে উহাদিগকে আক্রমণ করিয়া খান-জাহান, তাহাদের অন্যান্য অর্ধেক সৈন্য বিনাশ করিলেন। এই সময় দায়ুদ ৫০,০০০ অশ্বারোহী পাঠান যোদ্ধা সংগ্রহ করিয়া, টাঁড়া পরিত্যাগ পূর্বক সসৈন্তে আকুমহলে (পরবর্তী রাজমহল) অবস্থান করিতেছিলেন। আকুমহল এক পার্শ্বে গঙ্গা ও অপর দিকে পর্বতমালার দ্বারা সুরক্ষিত থাকায়, স্থানটি বেশ দুর্ভ্রাক্রমণ্য স্থান ছিল। সেনাপতি খান-জাহান এই আকুমহলে পাঠানগণকে আক্রমণ করিতে বাধ্য হইলেন বটে, কিন্তু কয়েক মাস অবরোধ করিয়া তাহাদের কোনই অপকার সাধনে সমর্থ হইলেন না। ইতিমধ্যে মোগল সেনা মধ্য হইতে জনৈক সাহসী সেনানী, খাজা আবু দুলাহ্ অল্প সংখ্যক সেনা সহ পাঠানগণের গড়ের অতি নিকটে গিয়া পৌছিয়াছিলেন। তখন দায়ুদের সেনাগণ গড়ের বাহিরে আসিয়া, সেনাপতি সহ মোগলগণকে সমূলে ধ্বংস করিল। এই খণ্ডযুদ্ধে আবু দুলাহ্ অসাধারণ বীরত্ব প্রদর্শন করিয়াছিলেন—(তবকত-ই-আকুবরী)

সম্রাট সমীপে এই অপ্রত্যাশিত নৈরাশ্রময় সংবাদ পৌছিবামাত্র, তিনি বেহারের শাসনকর্তা মোজাফ্ফর খানকে ঐ প্রদেশের সমুদয় সেনা লইয়া সত্বর খান-জাহানের সাহায্যার্থে যাইবার অনুমতি প্রেরণ করিলেন। মোজাফ্ফর পাটনা ও ত্রিহত হইতে ৫০০০ সহস্র অশ্বারোহী সহ

গিরা খান-জাহানের সহিত মিলিত হইলেন। হিঃ ৯৮৪ সালের ১৫ রবিওল-আখের তারিখে এই সংযুক্ত মোগল সৈন্য, আগ্রা হইতে প্রেরিত তাহাদের প্রধান যুদ্ধাঙ্গ কামানগুলি লইয়া মহাতেজে পাঠানগণকে আক্রমণ করিল। পাঠানবীর দায়ুদ খানও স্বীয় খুল্লতাত-ভ্রাতা অদম্য সাহসী জোনেদ খান কের্‌রাণীর অধীনস্থ সুশিক্ষিত পাঠান সেনা সহ মোগলগণের প্রচণ্ড আক্রমণের গতি রোধ করিতে লাগিলেন। তুমুল যুদ্ধ মধ্যে দায়ুদের প্রধান সহায় জোনেদ, শত্রু পক্ষের কামানের গোলায় উরুভঙ্গ হইয়া ভূপতিত হইলেন। তাঁহার সঙ্গে সঙ্গে, এই সাজাতিক আগ্নেয় অস্ত্র বহু সাহসী পাঠান সেনাপতি মৃত্যুমুখে পতিত হওয়ায়, সেনাগণ রণে ভঙ্গ দিতে লাগিল। দায়ুদ খান বন্দি হইলেন, এবং বঙ্গের শাসনকর্তা সেনাপতি খান জাহানের আজ্ঞাক্রমে, মহাবীর দায়ুদ খানের ছিন্নমস্তক সত্রাট সমীপে প্রেরিত হইল। যুদ্ধাবসানে মোগলেরা অনেক হস্তী ও অসংখ্য যুদ্ধাঙ্গ হস্তগত করিয়া- ছিলেন। ২৩৬ বৎসর রাজত্বের পর দায়ুদ খানের সঙ্গে সঙ্গে বঙ্গের পাঠান রাজসূর্য্য চিরদিনের তরে অস্তমিত হইল (১৫৭৬ খৃষ্টাব্দ)

দায়ুদ খান দেখিতে অতীব সুপুরুষ ছিলেন। বন্দি অবস্থায় সেনাপতি হোসায়েন কুলি খানের নিকট আনীত লইলে, তিনি প্রথমতঃ দায়ুদের প্রতি মৃত্যু দণ্ডাজ্ঞা প্রচার করিতে, কোন মতে সম্মত হ'ন নাই। শেষে অধীনস্থ সমস্ত সেনানীগণের সমবেত অনুরোধে অনন্তোপায় হইয়া, সত্রাট প্রতিনিধি খান-জাহানকে, বঙ্গের শেষ পাঠান নরপতির প্রতি নিষ্ঠুর প্রাণদণ্ডাজ্ঞা দিতে হইয়াছিল।

দশম সর্গ।



মোগল শাসনাধীনে বঙ্গ-বেহার-উড়িষ্যা।

হোসায়েন কুলী খান খান-জাহান

রাজমহল জয়ের পর খান-জাহান, পাঠানগণের সমুদয় হস্তীযুগ ও যুদ্ধাস্ত্র সহ দায়ুদের সমস্ত সম্পত্তি হস্তগত করিয়া, রাজা টোডর মল্ল দ্বারা উক্ত সম্রাট আকবর শাহের নিকট পাঠাইয়া দিলেন। সঙ্গে সঙ্গে মোজাফ্ফর খানের অধীনে পলায়িত শত্রুগণের অহুসরণে একদল সৈন্য প্রেরণ করিলেন। পাঠানেরা এই সময় বেহারের পার্শ্বতীয় দেশে আশ্রয় লইয়াছিল। মোজাফ্ফর খান ভারাপিত কার্যা সুচারুরূপে সম্পন্ন করিয়া, সুবাদারের আদেশ মতে রোটাস্ দুর্গ আক্রমণ করিলেন। কিছু দিন অবরোধের পর রোটাস্ দুর্গ মোগলদিগের হস্তগত হইল (১৫৭৮ খৃঃ ৯৮৬ হিঃ)

খান-জাহান এই সময় উড়িষ্যায় একদল সৈন্য প্রেরণ করিয়া, মৃত দায়ুদের পরিবারবর্গকে বন্দী করিতে ও তাঁহার তথাকার সমস্ত সম্পত্তি অধিকার করিতে আদেশ দিলেন। তৎপরে কুচবেহার অধিকার করিয়া, তিনি তথাকার স্বাধীন রাজাকে দিল্লীশ্বরকে কর দিতে বাধ্য করিলেন। কুচবেহারের রাজা তদবধি দিল্লীর পদানত হইয়া রহিলেন :

৯৮৬ হিজরীর শেষ ভাগে সুবাদার খান-জাহান, মৃত্যুর পূর্বে সমস্ত বঙ্গদেশ, তৎসহ বেহার ও উড়িষ্যা বিভাগ সম্পূর্ণরূপে মোগল-সাম্রাজ্যভুক্ত করিয়া দিয়াছিলেন।

মোজাফ্ফর খান

খান-জাহানের মৃত্যুর পর সম্রাট, রোটাস্ বিজয়ী বীর মোজাফ্ফর খানকে বাঙ্গালা-বেহার-উড়িষ্যার শাসনকর্তা নিযুক্ত করিলেন। এই নব শাসনকর্তাকে সৈন্ত বিভাগে ও রাজকীয় অপরাপর কার্যে অধিক মনো-নিবেশ করিবার অবসর দিবার জন্ত, বাদশাহ তাঁহার রাজস্ব বিভাগের কার্যে সাহায্যার্থ রায় পুত্র দাস ও মীর আদহামকে, সাধারণ বেতন বিভাগে রীজবী খানকে এবং আবুল ফতেহ্ খানকে প্রধান বিচারকের পদে নিযুক্ত করিলেন।

এই নূতন বন্দোবস্তের ফলে, মোজাফ্ফর খান প্রথম বৎসরেই বাঙ্গালার রাজস্ব হইতে দিল্লীর দরবারে পাঁচ লক্ষ টাকা উদ্ধৃত্ত ও অনেক হস্তী পাঠাইতে পারিয়াছিলেন।

তৎপরে সম্রাটের আদেশ মতে মোজাফ্ফর খান, যে সকল মোগল সেনাপতি পাঠান জায়গীরদারগণের জায়গীর গ্রাস করিয়া বসিয়াছিলেন, তাঁহাদের নিকট আয়-ব্যয়ের হিসাব চাহিলেন। ইহাতে বালেশ্বরের জায়গীরদার খালেদী খান ও ঘোড়াখাটের বাবা খান (যিনি কাকশাল পাঠানগণকে বশীভূত করিতে পারিয়াছিলেন) বিদ্রোহের পতাকা উজ্জ্বল করিলেন। অল্পকাল মধ্যে অনেক জায়গীরদার তাহাদের দলে মিলিত হইল ও সকলে গঙ্গা পার হইয়া গোড় নগর অধিকার করিল। ক্রমে বঙ্গের সমস্ত জায়গীরদার বিদ্রোহীগণের পতাকা-নিরে সম্মিলিত হইয়া, বিদ্রোহের তুমুল বহি প্রজ্জ্বলিত করিল, শেষে সম্রাটের রাজকোষ লুণ্ঠন আরম্ভ করিয়া দিল।

তৎপরে টাড়া অধিকার করিয়া বিদ্রোহীগণ, দুর্গমধ্যে অবরুদ্ধ রাজবন্দী মৈফুদ্দীন হোসাইনকে অবরোধমুক্ত করিয়া, তাঁহাকে দলপতি

মনোনীত করিল; এবং সঙ্গে সঙ্গে সুবাদার মোজাফ্ফর খানকে হত্যা করিল। (১৫৮০ খৃঃ ৯৮৮ হিঃ)

দিল্লীখর তাঁহার শাসনকর্তার প্রাণবধে যত দুঃখিত না হইয়াছিলেন, তাঁহার স্বজাতীয় ও স্বশ্রেণীভুক্ত অন্যান্য ত্রিংশ সহস্র সেনার সহিত আবার যুদ্ধ করিতে হইবে ভাবিয়া ততোধিক চিন্তিত হইলেন।

রাজা টোডর মল্ল

বঙ্গের এই বিদ্রোহ দমনের জন্ত বাদশাহ আকবর, বহু সৈন্য সমভি-
ব্যাহারে রাজা টোডর মল্লকে পাঠাইয়া দিলেন এবং তাঁহার প্রতি এই
আজ্ঞা দিলেন যে—পথে যাইবার কালে দিল্লীর ফরমান প্রদর্শনে তিনি
সমস্ত মোগল শাসনকর্তা ও জায়গীরদারকে যেন এই বিদ্রোহ দমনার্থে
সঙ্গে লইয়া যান।

জোনপুরের শাসনকর্তা মোহাম্মদ মাসুম তিন সহস্র উৎকৃষ্ট অশারোহী
সহ তাঁহার সমভিব্যাহারী হইলেন।

৯৮৮ হিজরীর জমাদিয়ল্-আখের মাসে রাজা মুঙ্গেরে আসিয়া
পৌছিলেন। এখানে আসিয়া তিনি অবগত হইলেন যে—বিদ্রোহীরা
ত্রিংশ সহস্র অশারোহী সহ ৩৮ মাইল দক্ষিণে ভাগলপুরে শিবির সন্নিবেশ
করিয়া অবস্থান করিতেছে এবং যুদ্ধের জন্ত প্রস্তুত হইয়া আছে।
এইরূপে উত্তর সেনা অবস্থান করিতে থাকাকালে, কয়েকটি খণ্ড
যুদ্ধ হইয়া গেল।

রাজা টোডর মল্ল প্রত্যহই ডাক যোগে দিল্লীখরের নিকট উত্তর
সেনার অবস্থা সম্বন্ধে সংবাদ প্রেরণ করিতে লাগিলেন। সত্ৰাট অবস্থা
অবগত হইয়া, বিপক্ষ দলকে খাতাভাবে বিপদে ফেলিবার সিদ্ধান্তে
উপনীত হইলেন ও অধিক মূল্য স্বীকারে চতুর্দিক সমুদয় খাত সামগ্রী

কিনিয়া লইবার উপদেশ দিয়া, জয়মুদ্দীন কাম্বুহ্ ও দরিয়া খানের হস্তে পাঁচ লক্ষ টাকা পাঠাইয়া দিলেন।

ক্রমে সম্রাট শিবিরে খাণ্ড্রব্য অত্যধিক মূল্যে বিক্রীত হইতেছে শুনিয়া, দলে দলে লোকে সেই স্থানে তাহাদের উৎপন্ন খাণ্ড্রব্য লইয়া আসিতে লাগিল। এইরূপে অল্পদিন মধ্যেই বিপক্ষ শিবিরে রসদের অভাব অশুভূত হইতে আরম্ভ হইল। এই সময় বিদ্রোহী দলের প্রধান সহায় বাবা খান কাক্শাল জ্বর রোগে টাঁড়ায় মৃত্যুমুখে পতিত হইলেন। এই সকল কারণে বিদ্রোহী সৈন্যদল ছত্রভঙ্গ লইয়া পড়িল ও কথক মাসুম কুলির অধীনে বেহার যাত্রা করিল। মজ্জুন খান কাক্শাল পুত্র জব্বারী খান, বহু সেনা সহ টাঁড়ায় গিয়া উপস্থিত হইলেন। আরব বাহাদুর পাটনা জয়ের আশায় দ্রুতগতি পাটনার সন্নিকটে গিয়া উপস্থিত হইলেন।

রাজা পাটনা রক্ষার্থে একদল সম্রাট সৈন্য প্রেরণ করিয়া, স্বয়ং সাদেক খান সহ তাঁহার সমস্ত সৈন্য লইয়া বেহারের দিকে অগ্রসর হইলেন। সাদেক খান একজন বিচক্ষণ যুদ্ধবিদ্যা বিশারদ প্রবীণ রণনিপুণ সৈন্যাধক্ষ ছিলেন। জান বেগ ও উলুগ খান, তাঁহার দুইজন সহকারী সেনানায়ক বিপক্ষ কর্তৃক নিশাযোগে আক্রান্ত হইয়া প্রাণ হারাইল; কিন্তু সাদেক বিপুল বিক্রমে শেষ পর্য্যন্ত যুদ্ধ করিয়া বিপক্ষ দলকে সম্পূর্ণরূপে পরাজিত ও বিতাড়িত করিয়া দিলেন। বিদ্রোহী মাসুম খান পলাইয়া গিয়া বাঙ্গালার আশ্রয় লইলেন। এই যুদ্ধাবসানে সমুদয় বেহার প্রদেশ বিদ্রোহী শূন্য হইয়া, সম্রাটের পুনঃ হস্তগত হইল।

অতঃপর সম্রাট, আজম্ খানকে বেহারের শাসনকর্তা নিযুক্ত করিয়া, ৫,০০০ সহস্র অশ্বারোহী সহ তাঁহাকে আগ্রা হইতে বেহারে পাঠাইয়া দিলেন; এবং সঙ্গে সঙ্গে শাহবাজ্ খানকে রাজা টোড়র মলের সাহায্যার্থ বহু সেনা সহ বঙ্গদেশাভিমুখে প্রেরণ করিলেন।

শাহ্বাজ হাজীপুরের সন্নিকটে উপস্থিত হইয়া অবগত হইলেন যে—
বিদ্রোহী আরব বাহাদুর, রাজা গজপতির স্মরণাপন্ন হইয়া, তাঁহার নিকট
অবস্থান করিতেছে। তিনি তৎক্ষণাৎ রাজার বিরুদ্ধে যুদ্ধ ঘোষণা করিয়া,
আরব বাহাদুরকে বিতাড়িত করিয়া দিলেন। রাজা গজপতি শাহ্বাজের
বশ্যতা স্বীকার করিয়া প্রাণ বাঁচাইল।

এই সময় বঙ্গ-বেহারের বিদ্রোহ লইয়া এতাদিক বিব্রত হইয়া পড়া
সত্ত্বেও, আকবরের স্ত্রী সাহসী কস্মিষ্ঠ বোদ্ধা কেন বে স্বয়ং বঙ্গের
বিদ্রোহ দমন করিতে আসিলেন না, এই কথা অনেকেরই মনে উদয় হইতে
পারে। কিন্তু ইতিহাস পাঠক-পাঠিকারা একটু বিবেচনা করিয়া দেখিলেই
হৃদয়ঙ্গম করিতে পারিবেন যে—সেই সময়ে মালব খণ্ড ও গুজরাটের
বিদ্রোহ লইয়া সম্রাট মহাব্যস্ত থাকায়, এবং বাদশাহের সহোদর মির্জা
মোহাম্মদ হাকিম, তাঁহার রাজধানী কাবুল হইতে হিন্দুস্তান আক্রমণের
ষড়যন্ত্র করিতে থাকায়, সম্রাট আকবর এই মহা সঙ্কটাবস্থায় কোন দিকে
যাইবেন কিছুতেই স্থির করিতে পারেন নাই।

অবশেষে সম্রাটকে বাধ্য হইয়া কাবুল যাত্রা করিতে হইয়াছিল।
৯৯০ হিজরীর ১০ রজব শুক্রবার মহামাত্র ভারত সম্রাট, দুস্তর পার্বতীয়
প্রদেশের রাজধানী কাবুল নগরে গিয়া পৌঁছিলেন। মির্জা হাকিম সম্রাট
সান্নিধ্যে আসিয়া ক্ষমা প্রার্থনা করায়, মহানুভব আকবর শাহ ভ্রাতার
রাজত্ব তাঁহাকে প্রত্যর্পণ করিয়া, তথায় বিংশতি দিবস অবস্থান করণান্তর
ভারতে প্রত্যাবর্তন করিলেন। তৎপরে জালালাবাদের পথ দিয়া আসিয়া,
নৌসেতু যোগে সিন্ধুনদী পার হইয়া, রমজান মাসের শেষ তারিখে লাহোরে
পৌঁছিলেন। লাহোর হইতে সৈয়দ খান, রাজা ভগবান দাস, এবং
রাজকুমার মানসিংহকে পাঞ্জাব প্রদেশের ভিন্ন ভিন্ন খণ্ডের শাসনকর্তা
নিযুক্ত করিয়া, বাদশাহ্ দিল্লী প্রত্যাবর্তন করিলেন।

কাবুল হইতে প্রত্যাবর্তন কালে ধান্মিকপ্রবর মীর আবু তোরাব, হজরত মোহাম্মদের (দঃ) পদ চিহ্নাক্ত এক খণ্ড প্রস্তর অতি ষড়ের সহিত সঙ্গে আনিতেছিলেন। দিল্লীতে ঐ সম্বন্ধে কথোপকথন হওয়ার পর, বাদশাহ্ কতিপয় পদস্থ ওমরাহগণ সহ ১২ মাইল পথ হাঁটিয়া গিয়া, উক্ত আবু তোরাবের নিকট হইতে, ঐ পবিত্র প্রস্তর খণ্ড সম্বন্ধে আনয়ন করিয়াছিলেন। প্রস্তর লইয়া আসিবার কালে মহামান্ত ভারত সম্রাট আকবর হইতে তাঁহার সমভিব্যাহারী আমীরগণ, প্রত্যেকে নির্দিষ্ট কিছু কিছু দূর পর্য্যন্ত ঐ পবিত্র প্রস্তর থানি স্কন্ধে করিয়া আনিয়াছিলেন।

এই সময় আজম্ খানের সহিত বঙ্গের সুবাদার রাজা টোডর মল্লের মনোমালিন্য ঘটবার উপক্রম হওয়ার, আজম্ খান সম্রাট সকাশে দিল্লীতে আগমন করিলেন। সম্রাটও এক বিভাগে দুই জন শাসনকর্ত্তা থাকিলে, শাস্তির পরিবর্ত্তে অশাস্তিরই অধিকতর সম্ভাবনা বিবেচনা করিয়া, রাজা টোডরমল্লকে ডাকিয়া পাঠাইলেন ও আজিম খানকে খান-আজম উপাধিভে ভূষিত করিয়া, বাঙ্গালা বেহার ও উড়িষ্যার শাসনকর্ত্তার সনন্দসহ পাঠাইয়া দিলেন ; এবং রাজধানীর যে সকল সেনা কাবুল অভিযানে সম্রাটের সহিত যাত্রা করে নাই, সম্রাট তাহাদিগকে খান-আজমের সহিত বাঙ্গালায় প্রেরণ করিলেন।

এই বৎসরই ৯৯০ হিজরী সম্রাটের অনুমতিক্রমে মোল্ল আবদুল কাদের, নকিব খান ও হাজী সোলতান খানেরশরীর সাহায্যে, মহর্ষি কৃষ্ণদেবপায়ন বেদব্যাসের মহোৎসব মন্দির প্রস্তুত, শৃঙ্গার, বীর, করুণ, অদ্ভুত, বিভৎস প্রভৃতি দশরস-উদ্দীপক মহা উপন্যাস, বনান হিন্দুদিগের দ্বিতীয় ধর্মগ্রন্থ নানা যুক্তি তর্ক পরিপূর্ণ অদ্ভুত পৌরাণিক ইতিহাস গ্রন্থ মহাতারতথানি সংস্কৃত হইতে পারস্য ভাষায় অনূবাদ করেন। ফারসী ভাষায় ঐ গ্রন্থের নাম রমজ-নানা বা প্রহেলিকার গ্রন্থ রাখা হইল। তৎপরে ৯৯৯ হিজরীর

জমাদিওল আউয়ল মাসের শেষ ভাগে, মোল্লা আব্দুল কাদের ২৫,০০০ শ্লোকযুক্ত রামায়ণ গ্রন্থের পারশ্র ভাষায় অনুবাদ সমাপ্ত করিয়াছিলেন।

আজিম খান খান আজম্

সম্রাটের নির্যোজিত নব শাসনকর্তা খান-আজম আজিম খান, একজন খুব রণকুশল সেনাপতি ছিলেন। বাঙ্গালার মসনদে বসিয়া খান-আজম স্বীয় কৌশলজাল বিস্তার করিয়া বিজোহীদিগের মধ্যে বিচ্ছেদ জন্মাইয়া, তাহাদিগকে দুর্বল করিয়া দিলেন ও পরে উহাদিগকে অক্লেশে পরাভূত করিয়া, ১৫৮২ খৃষ্টাব্দে বাঙ্গালা-বেহারের সুশাসনের পথ নিষ্কটক করিলেন। কিন্তু টাঁড়া ও গোড়ের জল-বায়ু তাঁহার সহ না হওয়ায়, তিনি সম্রাটের নিকট পদত্যাগের প্রার্থনা করিলেন।

এই সময় পাঠানেরা কতলু খানের অধীনে সমবেত হইয়া, উড়িষ্যার গোলযোগ বাধাইতে লাগিল। ক্রমে তাহারা মেদিনীপুর ও বিষ্ণুপুর পর্যন্ত অধিকারভুক্ত করিয়া লইল। শেষে ১৫৮৩ খৃষ্টাব্দের শেষ ভাগে খান-আজম উহাদিগকে দমন করিবার উদ্দেশ্যে, উড়িষ্যায় বহু সৈন্য প্রেরণ করিলেন। কিন্তু আজম খানের প্রেরিত সেনাগণ দুর্দ্ধর্ষ আফ্গানদিগের সহিত সংগ্রামে যুদ্ধে কৃতকার্য হইতে পারিবে না বিবেচনা করিয়া, পশ্চাৎ পশ্চাৎ তিনি অপর একজন সেনানী ফরিদ উদ্দিন বোখারিকে কতলু খানের সহিত সন্ধির প্রস্তাব করিতে পাঠাইয়া দিলেন।

ফরিদ উদ্দিন নিজ বংশ-স্বর্গ্যাদার গৌরবে, পাঠান দূতের প্রতি একটু তাচ্ছিল্য ভাব প্রদর্শন করায়, আফ্গানেরা অতিশয় অপমানিত হইয়া, বঙ্গেশ্বরের দূতের ব্যবহারের প্রতিফল দিবার জন্য পরামর্শ স্থির করিতে লাগিল। অবস্থা বুঝিয়া চতুর ফরিদ তথা হইতে সুরিয়া পড়িতে আরম্ভ করিলেন।

এই কথা ক্রমে যখন কতলু খানের কর্ণে উঠিল, তখন তিনি জনৈক বাহাদুর খানকে তৎক্ষণাৎ ফরিদ উদ্দীনের বিরুদ্ধে প্রেরণ করিলেন। বাহাদুরের সহিত যুদ্ধে অনেক মোগল সৈন্য প্রাণ হারাইল।

মোগল সেনাপতি এই সংবাদ শুনিয়া, বর্ধমান হইতে অগ্রসর হইয়া কতলু খানকে আক্রমণ করিলেন ও তাঁহাকে সম্পূর্ণরূপে পরাজিত করিয়া, জঙ্গল মধ্যে বিতাড়িত করিয়া দিলেন।

এই সময়ে খান-আজম শারীরিক অসুস্থতা নিবন্ধন, বাঙ্গালা পরিত্যাগ করিতে বাধ্য হওয়ার, মোগল সৈন্য আর পাঠানগণের অনুসরণ না করিয়া, রাজধানী টাড়া প্রত্যাবর্তন করিল।

পরে খান-আজম বঙ্গ-বেহারের সুবন্দবস্ত করিয়া দিয়া, হিজরী ৯৯২ সালের রবিওল আউরাল মাসে আগ্রা গিয়া পৌঁছিলেন। তথায় তিনি ভারতেশ্বর কর্তৃক বিশেষ ভাবে সমাদৃত হইয়াছিলেন। তদনন্তর দিল্লীশ্বর খান-আজমকে গুজরাটের শাসনকর্তা নিযুক্ত করিলেন।

শাহ্বাজ খান কান্দু

এই শাহ্বাজ খান প্রথমতঃ রাজা টোডর মলের অধীনে একজন বিখ্যাত সেনাপতি ছিলেন ও তাঁহার সহিত বাঙ্গালায় আগমন করিয়া, বহু যুদ্ধে অসীম সাহসিকতা প্রদর্শন করিয়াছিলেন। বিজোহী মাসুম খানকে তিনিই সম্পূর্ণরূপে পরাস্ত করিয়া, অরণ্যময় পার্বত্য দেশে বিতাড়িত করিয়া দিয়াছিলেন। তৎপরে খান আজমের শাসনকালে তিনি, ঘোড়াঘাটের পাঠানগণের সহিত যুদ্ধে তাহাদিগকে পরাভূত করিয়া, ইহাদের সমস্ত দেশ ও ক্রমে অগ্রসর হইয়া ব্রহ্মপুত্র নদ পর্য্যন্ত সমুদয় ভূখণ্ড, দিল্লীশ্বরের শাসনাধীনে আনয়ন করিতে কৃতকার্য হইয়াছিলেন।

শাহ্বাজ খানের এই অসাধারণ বীরত্বের পুরস্কার স্বরূপ সম্রাট,

খান-আজমের পদত্যাগের পর তাঁহাকেই বঙ্গ-বেহারের শাসনকর্তা নিযুক্ত করিলেন। এই সময় গোড় টাঁড়া প্রভৃতি স্থান এতাদিক অস্বাস্থ্যকর হইয়া পড়িয়াছিল যে—পশ্চিমাঞ্চল হইতে কোন ওমরাহ বঙ্গের শাসন-কর্তা হইয়াও এদেশে আসিতে সম্মত হইতেন না। এমনকি দিল্লীশ্বরের অসুরোধ রক্ষা করিয়া, তাহাদিগকে বঙ্গ-বেহারের সুবাদার হইয়াও আসিতে হইলে, তাহারা ইহা তাহাদের প্রতি সম্রাটের নির্বাসন-দণ্ড বিবেচনা করিতেন।

শাহ্বাজ খানও সেই মত প্রথমতঃ বাঙ্গালার আসিতে অসম্মত হইলেন। পরে পাছে সম্রাট অসন্তুষ্ট হ'ল ভাবিয়া, অনিচ্ছার সহিত সম্মত হইয়াছিলেন। বাঙ্গালার এই সময় ক্যাকেশ্‌হেলান্‌ দিগের আধিপত্য অতিশয় বৃদ্ধি পাইয়াছিল। তাহাদিগকে দমন করা ছঃসাধ্য দেখিয়া, সুবাদার শাহ্বাজ খান উহাদের সহিত সন্ধি করিলেন। তিনি কতলু খানের সহিতও এই মর্মে সন্ধি করিয়াছিলেন যে—কতলু বাঙ্গালার সীমার মধ্যে কোন গোলযোগ না করিয়া, কেবল উড়িষ্যা লইয়া সন্তুষ্ট থাকিবেন।

এই উভয় কার্যে হীনতা প্রদর্শনে, সুবাদার শাহ্বাজের উপর দিল্লীশ্বরের দারুণ সন্দেহ উপস্থিত হওয়ার, তিনি, ১৫৮৭ খৃষ্টাব্দে তাঁহাকে পদচ্যুত করিয়া আগ্রায় ডাকিয়া লইলেন, এবং ওমরাজের খান হেরেবির উপর বাঙ্গালা-বেহারের শাসনভার অর্পণ করিলেন। ওমরাজির খান টাঁড়ায় পৌছিয়া, অল্পদিন মধ্যেই সেই সাময়িক বাঙ্গালার দুঃস্বাস্থ্য রোগগ্রস্ত হইয়া প্রাণ হারাইলেন।

রাজকুমার মানসিংহ

অস্বরপতি রাজা ভগবান দাস আমির-উল-ওমরা ও রাজা টোডরমল ওয়াকিল-উস্-সাল্তানাত মোশরফে-দিওয়ান, উভয়েই সেই সময় সম্রাট

আকবরের সহিত পাঞ্জাবে ছিলেন! তৎপূর্বেই ১১৩ হিঃ রাজা ভগবান দাসের কন্যার সহিত সম্রাট তনয় সেলিমের (পরে বাদশাহ্ জাহাঙ্গীর) বিবাহ হয়। এই কারণে বাদশাহ্, ওয়াজির খানের মৃত্যুর পর রাজা ভগবান দাসের পুত্র সম্রাট সেনাপতি কুমার মানসিংহের উপর বঙ্গ-বেহারের শাসনভার অর্পণ করিলেন। কুমার সেই সময় পেশাওরে বিদ্রোহ দমনে নিযুক্ত থাকায়, তাঁহার বাঙ্গালার না পৌছান কাল পর্যন্ত, পাটনার শাসন-কর্তা সৈয়দ খানকে, সম্রাট অস্থায়িক্রমে বাঙ্গালার মসনদে বসিবার আদেশ প্রেরণ করিলেন।

এই বৎসর ১১৫ হিজরীর ১৯শে রজব তারিখে রাজা রায় সিংহের কন্যার সহিত বাদশাহ্, তাঁহার একমাত্র পুত্র সেলিমের পুনরায় বিবাহ দিলেন। রাজা রায়সিংহ সম্রাট কুমারের সহিত স্বয়ং পুত্রীর বিবাহ দিয়া মহা গৌরবান্বিত হইয়া, কন্যাসহ বিস্তর বহুমূল্য ও উৎকৃষ্ট যৌতুক প্রেরণে যত্ন হইয়াছিলেন—(তৎকালে আকবরী)

সম্রাটের রাজত্বের এই ষাতিশ বর্ষে, তাঁহার সেনাপতি মোহাম্মদ কাসেম খান, কাশ্মীর জয় করিয়া শ্রীনগর অধিকার করেন ও ইউসুফ খানের পুত্র ইয়াকুব খানকে বার বার যুদ্ধে পরাস্ত করিয়া, শেষে তাঁহাকে বন্দী করিয়া সম্রাট সমীপে প্রেরণ করেন। এই বৎসরই সেনাপতি জায়েন খানের সহিত মিলিত হইয়া, কুমার মানসিংহ খায়বার-পাসের যুদ্ধে পাঠানদিগের পাঁচ সহস্র অশ্বারোহী ও বিংশতি সহস্র পদাতিক সেনা বিধ্বস্ত করেন ও কাবুল, তথা খায়বারের প্রবেশ দ্বার জম্জুম জর্গ অধিকার করেন।

অতঃপর সম্রাট শ্রীনগর ও কাবুল পরিদর্শনের ইচ্ছায় স্বীয় পৌত্র কুমার মোরাদের তত্ত্বাবধানে রাজপুরীর মহিলাগণকে রক্ষা করিয়া, ১১৭ হিজরীর ২২ জমাদ্বয়স-মানি কাশ্মীর যাত্রা করিলেন ও ১লা শাবান

তারিখে ভারতবর্ষের ঐ পরম রমণীর উদ্ভান শ্রীনগরে পৌঁছিলেন। বাদশাহ কিছুদিন তথায় অবস্থানান্তর ২২ জিলুকদ কাবুলে পৌঁছিয়া, পুনরায় দুই মাস কাল কাবুলে অবস্থান করেন। কাবুলে থাকা কালে ভারতেশ্বর লাঠোর হইতে, রাজা টোডরমল্ল ও রাজা ভগবান দাসের মৃত্যু সংবাদ পাইয়া শোকে ত্রিস্তান হইয়াছিলেন। তৎপরে মোহাম্মদ কাসেম মীর বাহারের হস্তে কাবুলের শাসনভার অর্পণ করিয়া বাদশাহ ভারত প্রত্যাবর্তন করিলেন।

কুমার মানসিংহ (এক্ষণে পিতৃ বিয়োগের পর রাজা মানসিংহ) ১৫৮৯ খৃষ্টাব্দে পাটনার আসিয়া উপস্থিত হইলেন। এই সময় হাজীপুরের জমিদার পুরাণ মল্ল খেড়িয়া, বিস্তর সেনা সংগ্রহ করিয়াছেন অবগত হইয়া, সুবাদার মানসিংহ তাহার দুর্গ আক্রমণ করিলেন। পুরাণমল্ল নিজের সমস্ত হস্তী তৎসহ বিস্তর অর্থ দিয়া মানসিংহের সহিত সন্ধি করিলেন। সুবাদার সম্রাট সমীপে ঐ সমুদয় হস্তী পাঠাইয়া দিয়াছিলেন।

মানসিংহ ৯৯৮ হিজরীতে উড়িষ্যা অভিযানের জন্ত বেহারে সৈন্য সংগ্রহ করিতে লাগিলেন। বাঙ্গালার জল-বায়ু অস্বাভ্যাকর বিধানে রাজা মানসিংহ টাড়া বা গোড়ে না থাকিয়া প্রায় বেহারেই অবস্থান করিতে লাগিলেন, এবং সৈয়দ খান তাঁহার অধীনে শাসনকর্তা স্বরূপ টাড়ার রহিলেন।

অতঃপর রাজা মানসিংহ বহু সেনাসহ ভাগলপুর হইতে বর্ধমানে গিয়া পৌঁছিলেন ও তাঁহার আদেশ মত সৈয়দ খান, কাটোয়া দিয়া তাঁহার সহিত বর্ধমানে গিয়া মিলিত হইলেন। কিন্তু গোড় ও টাড়া অঞ্চলে তখনও পর্যাপ্ত মহামারীর প্রকোপ নিবৃত্তি না হইয়া বরং উত্তরোত্তর বৃদ্ধি হইতে থাকায়, সৈয়দ খান এই সময় অধিক সেনা সংগ্রহ করিতে পারেন নাই। রাজা মানসিংহ দারকেশ্বর নদীতীরে জাহানাবাদে শিবির সন্নিবেশ করিয়া, বর্ধমান প্রতীক্ষা করিতে লাগিলেন।

ইতিমধ্যে কতলু খানের পাঠান সেনাগণ মোগল শিবিরের নিকটবর্তী স্থান সমূহে লুটপাট আরম্ভ করিয়া দিল। শেষে রাজা খীর পুত্র কুমার জগৎ সিংহকে উহাদের দমনার্থ বহু সেনা সহ প্রেরণ করিলেন। চতুর চূড়ামণি কতলু খান তখন সন্ধির ভাণ করিয়া, এই অপরিণামদর্শী যুদ্ধ কৌশল অনভিজ্ঞ যুবক জগৎ সিংহকে অতি সহজে ভুলাইয়া রাখিলেন; পরে অবসর বুঝিয়া, ধেরপুর নামক স্থানে তাঁহাকে আক্রমণ করিয়া তাঁহার অধীনস্থ প্রায় সমস্ত সেনা নিঃশেষ করিলেন ও কুমারকে বন্দি করিয়া লইয়া গেলেন।

এই সময় বিষ্ণুপুরের রাজা পাঠানগণের পক্ষে ছিলেন। পাঠান সেনানী বাহাদুর খান বন্দি জগৎ সিংহের প্রাণনাশের আজ্ঞা দিলে, বিষ্ণুপুর-রাজ বহু অসুরোধ করিয়া, বাহাদুরের নিকট হইতে জগৎ সিংহের প্রাণ-ভিক্ষা লইয়াছিলেন। অতঃপর জগৎ সিংহকে পাঠান শিবিরে বন্দী অবস্থায় থাকিতে হইল।

এই সময়ে মানসিংহের শুভাদৃষ্ট ক্রমে পাঠান বীর কতলু খানের মৃত্যু হওয়ায়, তদীয় মন্ত্রী খাজা ইসা, কতলু খানের অল্প বয়স্ক পুত্রগণের পক্ষে কুমার জগৎ সিংহের প্রাণের বিনিময়ে সন্ধির প্রস্তাব করেন। রাজা মানসিংহ আপত্য স্নেহের বশবর্তী হইয়া এই শর্তে সন্ধিপত্রে স্বাক্ষর করিলেন যে—তিনি উড়িষ্যার পাঠানগণের রাজত্বে হস্তক্ষেপ করিবেন না ও পাঠানেরা উড়িষ্যার মধ্যে কেবল মাত্র জগন্নাথের মন্দির ও তৎসংলগ্ন নির্দিষ্ট কিছুদূর পর্য্যন্ত ভূভাগ, বঙ্গের সুবাদারকে ছাড়িয়া দিবেন।

এই সন্ধির পর রাজা, পুত্র জগৎ সিংহকে লইয়া পাঠানগণ প্রদত্ত দেড়শত হস্তী সমভিব্যাহারে প্রত্যাবর্তন বেহায়ে করিলেন।

উড়িষ্যা বিজয় সম্বন্ধে সুবাদার মানসিংহের এইরূপ নির্জীবতার সংবাদ পাইয়া, সম্রাট আকবর ষৎপরনাস্তি দুঃখিত হইয়াছিলেন, কিন্তু

তজ্রাপি তাঁহার অধীনস্থ সুবাদার কৃত এই সন্ধির শর্তে হস্তক্ষেপ না করিয়া স্বীয় মহানুভাবতার পরিচয় দিয়াছিলেন।

দুই বৎসর পরে খাজা ইসার মৃত্যু হওয়ার, আফগানগণ জগন্নাথক্ষেত্র আক্রমণ করিল; এবং এই কারণে রাজা, বাদশাহের নিকট আবার উড়িষ্যা আক্রমণের অনুমতি চাহিয়া পাঠাইলেন।

সম্রাটের অনুমতি পাঠিয়া সুবাদার, বেহারের সেনাগণকে ঝাড়খণ্ডের পথে মেদিনীপুরে পাঠাইরা দিয়া, স্বয়ং নৌকাযোগে টাড়ার সৈয়দ খানের উদ্দেশ্যে গমন করিলেন। তৎপরে সসৈন্তে সেনাপতি সৈয়দ খানকে সঙ্গে লইয়া সুবর্ণরেখা তীরে, যেখানে পাঠান সেনাগণ অপেক্ষা করিতেছিল, তথায় উপস্থিত হইলেন ও কিছুদিন সেইস্থানে অবস্থান করিতে লাগিলেন।

অবশেষে পাঠানগণ অধৈর্য্য হইয়া নদী পার হইয়া, মোগল সেনাগণের উপর নিপতিত হইল। এই কার্য্যে পাঠানেরা এবারও তাহাদের অগণ্য হস্তীযুথের উপরই অধিক ভরসা করিয়াছিল। কিন্তু সম্রাটের কামান-নিঃসৃত গোলায় পাঠানগণের হস্তী অধিকক্ষণ রণক্ষেত্রে তিষ্ঠিতে পারিল না। তৎপরে পাঠানগণ সমবেত হইয়া একযোগে অমিত-তেজে মোগল বাহিনীকে আক্রমণ করিল। মোগলেরা সংখ্যায় অধিক থাকা হেতু সমস্ত দিবস যুদ্ধের পর, পাঠান বীরগণ ক্রমশঃ সংখ্যায় কমিতে থাকায়, সন্ধ্যার সময় রণে ভুঞ্জ দিয়া, কটক দুর্গে আশ্রয় লইল।

কটকের দুর্গ সেই সময় জনৈক রামচন্দ্রের অধিকারে ছিল, মোগল সেনাগণ দুর্গাবরোধ করার, রামচন্দ্র অগত্যা নিজের ও পাঠানগণের পক্ষে সন্ধির প্রস্তাব করিলেন।

এই সন্ধিদ্বারা পাঠানগণ উড়িষ্যা বিভাগ হইতে চিরকালের জন্য বহিস্কৃত হইল ও বঙ্গে খলিফাবাদ জেলামাত্র জায়গীরস্বরূপ প্রাপ্ত হইল। রামচন্দ্র অতঃপর দিল্লীর অধীনস্থ জমিদার হইয়া রহিলেন।

রাজা মানসিংহ তৎপরে অস্বাস্থ্যকর গৌড় হইতে, বঙ্গ-বেহার-উড়িষ্যার রাজধানী রাজমহলে স্থানান্তরিত করিলেন ! এই নগরের উন্নতির সঙ্গে সঙ্গে ইহার নাম পরিবর্তিত হইয়া "আকবর নগর" হইল ।

১০০২ হিজরীতে দিল্লীখর তাঁহার অল্পবয়স্ক পৌত্র সোলতান খসরুকে উড়িষ্যাবিভাগের শাসনকর্তা নিযুক্ত করিয়া, তাঁহার অধীনে ৫,০০০ সহস্র সৈন্য রক্ষা করিলেন । রাজা মানসিংহ, উড়িষ্যাবিভাগের জয় কুমারের অভিভাবক হইয়া রহিলেন ; এবং সৈয়দ খান বেহার বিভাগের প্রধান সেনাপতি নিযুক্ত হইলেন ।

১০০৪ হিজরীতে কুচবেহারের রাজা লক্ষণনারায়ণ, সুবাদার মানসিংহের সহিত সাক্ষাৎ করিয়া দিল্লীখরের সম্পূর্ণ অধীনতা স্বীকার করিলেন । এই কারণে কুচবেহার রাজ্যের আত্মীয়গণ তাঁহার উপর বিরক্ত হইয়া, তাঁহার বিরুদ্ধাচরণ করিল ও লক্ষণনারায়ণ স্বীয় দুর্গমধ্যে অবরুদ্ধ হইয়া পড়িলেন ।

কুচবেহার রাজ্যের এই দুর্বস্থার সংবাদে, সেনাপতি জেহাজ খান, মোগল সেনা সমভিব্যাহারে কুচবেহার রাজ্যে প্রবেশ করিয়া, বন্দী রাজাকে মুক্ত করিয়া দিয়া, বহু ধনরত্ন সহ রাজধানী প্রত্যাবর্তন করিলেন ।

১০০৭ হিজরীতে সম্রাট আকবর, মানসিংহকে দাক্ষিণাত্য জয়ের সাহায্যের জন্ত সৈন্যসহ ডাকিয়া পাঠাইলেন । রাজার বঙ্গদেশ পরিত্যাগের সঙ্গে সঙ্গে আবার পাঠানেরা কতলু খানের পুত্র ওসমান খানের অধীনে বিদ্রোহী হইয়া উঠিল, এমনকি গেন্দেরাকের (শুভ্রকের) যুদ্ধে পাঠানেরা মোগল বাহিনীকে সম্পূর্ণরূপে পরাজিত করিতে কৃতকার্য হইয়াছিল । এই যুদ্ধে মহাসিংহের সেনাপতি প্রতাপসিং মোগল সৈন্যের নেতা ছিলেন । (আকবর নামা) ।

মোগল সেনার এই পরাজয়ের সংবাদ পাইয়া সম্রাট, পুনরায় রাজা মানসিংহকে আজমীর হইতে ডাকাইয়া, এবার বহু সৈন্য সহ বাঙ্গালায় পাঠাইয়া দিলেন। শ্রীপুর-আটাইয়ার নিকট পাঠানগণের সহিত মোগল সেনার যে যুদ্ধ হইল, তাহাতে পাঠানেরা মোগল-রাজপুত্রের আক্রমণ সহ্য করিতে না পারিয়া, রণে ভঙ্গ দিল। রাজা মানসিংহ ১০১৩ হিঃ ১৬০৪ খৃষ্টাব্দ পর্য্যন্ত বঙ্গ-বেহারের শাসনকর্তা আবার পদে নিযুক্ত রহিলেন।

এই বৎসর সম্রাট-মাতা হামিদা বানুর মৃত্যু হয়! বাদশাহ আকবর অপরাপর আমীরগণের সহিত শবদেহ স্কন্ধে করিয়া প্রাকার বেষ্টিত দিল্লীর বাহিরে, তাঁহার পিতৃ-সমাধির পার্শ্বে মাতাকে সমাধিস্থ করিলেন।

অতঃপর আবুল-মুজিদ আশফ্ খান বঙ্গ-বেহারের শাসনকর্তা নিযুক্ত হইলেন।

এই সময় সম্রাট আকবরের দেহ ভাঙ্গিয়া পড়ায়, প্রধান মন্ত্রী খান-আজিমের উপর সাম্রাজ্যের সমস্ত ভার অর্পিত হইল। সম্রাট ইদানীন্তন তাঁহার একমাত্র পুত্র সেলিমের উপর অসম্ভুট ছিলেন। অপর পক্ষে সেলিম-পুত্র কুমার খস্ক, প্রধান মন্ত্রীর কন্যাকে বিবাহ করায়, এবং রাজা মানসিংহের সহোদরার গর্ভজাত পুত্র বিধায়, সাম্রাজ্যের এই মহাপরাক্রমশালী ব্যক্তিদ্বয়, কুমার সেলিমের পরিবর্তে সম্রাট-পৌত্র কুমার খস্ককে বাদশাহের পর, সিংহাসনে বসাইবার পক্ষপাতি হইয়া উঠিলেন।

কুমার সেলিম এই সময় পিতার মৃত্যুশয্যার পার্শ্বে দুই দিবস অবস্থান করিয়া, সাধ্যমত তাঁহার সেবা শুশ্রূষা করিতেছিলেন; এই অবস্থায় বাদশাহ প্রধান মন্ত্রী ও রাজা মানসিংহকে ডাকিয়া, কুমার সেলিমকে তাঁহার সিংহাসনের উত্তরাধিকারী নিযুক্ত করিয়া সকল বিবাদের মীমাংসা করিয়া দিলেন।

১০১৪ হিজরীর ১৬ই জমাদিওল আখের তারিখে ভারত সম্রাট জালাল উদ্দীন মোহাম্মদ আকবর বাদশাহ, তাঁহার চিরপ্রিয় আগ্রা নগরে ইহুধাম পরিত্যাগ করিলেন।

জাহাঙ্গীর বাদশাহ হইয়া পুনরায় স্বীয় শ্যালক রাজা মানসিংহকে কয়েক মাসের জন্ত শাসনকর্তারূপে বাঙ্গালার পাঠাইয়া দিলেন। আট মাস পরেই সম্রাটের আজ্ঞায়, আবার তাঁহাকে বাঙ্গালা পরিত্যাগ করিয়া যাইতে হইল।

একাদশ সর্গ



কোতব-উদ্দীন খান কোকলতাশ ।

রাজা মানসিংহের পর সম্রাট জাহাঙ্গীর, কোতবউদ্দীন খানকে বাঙ্গালা-বেহার-উড়িষ্যার শাসনকর্তা নিযুক্ত করিলেন । ১৬০৬ খৃষ্টাব্দে ১০১৫ হিঃ ৯ই শফর তারিখে, এই নব নিযুক্ত শাসনকর্তা সম্রাটের নিকট হইতে খেলয়াত্ লইয়া বহু অশ্বারোহী ও পদাতিক সেনা সমভিব্যাহারে দিল্লী পরিত্যাগ করিলেন ।

বাঙ্গালার রাজধানী রাজমহলে পৌছিবার পর, বর্ধমানের শাসনকর্তা জগৎপ্রসিদ্ধ সুন্দরী মেহের-উরেনসার স্বামী আলিকুলি খান শের আফগান, রাজধানীতে উপস্থিত হইয়া, সম্রাট প্রতিনিধিকে যথেষ্ট সম্মান প্রদর্শনে অত্যর্থনা না করার অপরাধের অবস্থা ছল ধরিয়া, সুবাদার তাঁহাকে সামান্য অপরাধীর স্তায় স্বীয় রাজধানীতে আহ্বান করিলেন । শের, বঙ্গেশ্বরের এই আচরণে সম্পূর্ণ সন্দেহ পরবশ হইলো, তিনি তাঁহার নিজের অসাধারণ শারীরিক ক্ষমতার বিষয়ে এতদধিক প্রত্যক্ষীণ ছিলেন যে, রাজমহলে আসিবার সময় সামান্য দুই চারি জন সহচর ভিন্ন কোন দেহরক্ষী সেনাই তাঁহার সঙ্গে লয়েন নাই । রাজধানীতে উপস্থিত হইয়া, তিনি তাঁহার অবস্থানের জন্ত যে প্রাসাদ পাইয়াছিলেন, নিশাকালে তাহার পাহারার নিমিত্ত কোন অস্ত্রধারীও রাখিতেন না । শেষে এই অসাবধানতার জন্ত তাঁহাকে বড় বিপন্ন হইতে হইয়াছিল ।

একদা নিশাকালে ৪০ জন ঘাতক তাঁহার শয়নকক্ষে প্রবেশ করিয়া

তঁাহাকে অতর্কিত ভাবে আক্রমণ করিল। বীর-পুঙ্গব শের আফগান নিক্রান্তে উঠিয়া, তাহাদিগের মধ্যে অনেককে ধরাশায়ী করিলেন। অবশিষ্ট ঘাতকেরা পলায়ন করিয়া প্রাণ বাঁচাইল।

ইহার পর সম্রাটের অমুমতি ক্রমে সুবাদার কোতব উদ্দীন, শের আফগানকে বন্দী করিয়া, দিল্লীতে প্রেরণ করিবার আশায়, তঁাহার নিকট গিয়া, নিজে নিহত হইলেন। পরে তঁাহার সহচরগণ উপযুক্তপরি বন্দুকের গুলি বর্ষণের পর, প্রথমতঃ শেরের ঘোড়াটিকে নিহত করিল। তৎপরে ক্রমাগত ছয়টি গুলির আঘাতে শের আফগানের বীরবগু ধরাশায়ী হইল।

কোতবউদ্দীনের মৃত্যুর পর ১৬০৭ খৃষ্টাব্দে বেহারের শাসনকর্ত্তা জাহাঙ্গীর কুলি খান, বাঙ্গালার মসনদে বসিলেন।

জাহাঙ্গীর কুলি একদিকে অতিশয় ধর্মপরায়ণ হইলেও, অপর পক্ষে তিনি বড়ই নিষ্ঠুর ছিলেন। বঙ্গের প্রজাবর্গের সৌভাগ্যবশতঃ ইঁহাকে এক বৎসরের অধিককাল সুবাদার হইয়া থাকিতে হয় নাই।

এই স্থলে দিল্লীখর আকবরের পালক পুত্র এই জাহাঙ্গীর কুলির পিতৃ ভক্তির বিষয় সামান্য একটু উল্লেখযোগ্য।

সম্রাট আকবর বাল্যকাল হইতেই ভাগ্য-বিতাড়িত হইয়া, এবং কেশোরে নিরন্ত যুদ্ধ-কার্যে ব্যাপৃত থাকায়, বিচার আলোক তঁাহাকে স্পর্শ করিবার অবকাশ পায় নাই। এমন কি দিল্লীখর নিজের নাম পর্য্যন্ত লিখিতে পারিতেন না। তথাপি তঁাহার এই পুত্র জাহাঙ্গীর, পিতা সম্বন্ধে এইরূপ বর্ণনা করিয়াছেন—

‘আমার মহামান্ন পিতা নিরক্ষর থাকা সত্ত্বেও, সর্বক্ষণ মহামহা পণ্ডিত-মণ্ডলীর সংশ্রবে থাকিয়া ও তঁাহাদের সহিত সর্বদা বাক্যালাপ করিয়া, তঁাহার অভিজ্ঞতা ও ভাবাজ্ঞান এরূপ জন্মিয়াছিল, এবং মার্জিত কথোপকথনে এতাদিক ব্যুৎপত্তি হইয়াছিল যে—তঁাহাকে কেহই

অশিক্ষিত বলিয়া ধারণা করিতে পারিত না। তাঁহার অসাধারণ বুদ্ধি ও বিবেক পরিমার্জিত হইয়া, তাঁহাকে একরূপ সর্ব-কার্যক্ষম করিয়া তুলিয়াছিল যে, এই সম্পূর্ণ অশিক্ষিত সত্ৰাটের স্থায় কাব্য-রসাস্বাদন করিতে, তাঁহার রাজ-সভার আর দ্বিতীয় কেহ ছিল না। বলিলেও অত্যাঙ্কি হয় না। উৎকৃষ্ট কবিতা সকলের কোমলতা ও মাধুর্য্য সকলের অপেক্ষা সত্ৰাট অধিক হৃদয়ঙ্গম করিতে পারিতেন।”

আকবর পুত্র বাদশাহ জাহাঙ্গীর, স্বহস্ত-লিখিত জীবন চরিতে যাহা লিপিবদ্ধ করিয়া গিয়াছেন, তাহাতে তিনি সৎসাহসের পরিচয় দিয়া, কোন স্থানে নিজ দোষ ঢাকিবার আদৌ চেষ্টা করেন নাই।

বাল্যকাল হইতে জাহাঙ্গীর যে অতিরিক্ত মদ্যপায়ী ছিলেন, তাহা তিনি তাঁহার লিখিত জীবনীতে স্বীকার করিয়া গিয়াছেন। তিনি আরও বলিয়াছেন যে—

“আমার এই কু-স্বভাব, আমি আ-জীবন সংশোধনের চেষ্টা করিয়াও বিফল মনোরথ হইয়াছি। তবে ত্রিংশ বর্ষ বয়স্ক কাল হইতে রাত্রিকালে ভিন্ন দিবসে কখনও আমি মদ্যপান করি নাই। আমার শেষ জীবনের পান দোষ, কেবল আমার খাণ্ডদ্রব্য পরিপাকের সাহায্যার্থ ছিল মাত্র।”

এই নরপতি স্বয়ং মদ্যাসক্ত থাকা সত্ত্বেও, রাজ্যমধ্যে মদ্য প্রস্তুত ও বিক্রয় বন্ধ করিয়া দিবার জন্ত সাধ্যমত চেষ্টা করিয়া গিয়াছেন।

বাদশাহ জাহাঙ্গীর ঈর্ষাপরতন্ত্র হইয়া কিরূপে অমুগত নরসিংহ দেবের ঘারা, পিতার প্রিয় আমাত্য আবুল ফজলকে হত্যা করিয়াছিলেন; তাহা তিনি তাঁহার জীবনীর মধ্যে নিজ হস্তে লিখিয়া গিয়াছেন।

একদা কয়েকজন হিন্দু পণ্ডিতের সহিত ঈশ্বরের দশ অবতার সম্বন্ধে তাঁহার এইরূপ তর্ক উপস্থিত হয়—

সম্রাট বলিলেন—“সকল ধর্মেই ত’ ঈশ্বরকে অসীম-অনন্ত বলিয়া স্বীকার করে ; তবে আপনারা কেন সেই অসীম মহান্ বস্তুটিকে সীমার গণ্ডির মধ্যে আবদ্ধ করিতে চান ? যতপি আপনারা বলেন যে—এই অবতার দেহগুলির মধ্যে সেই ঐশ্বরিক আলোক বা প্রতিক্রম দেখা গিয়াছিল ; তত্বত্তরে আমি এই বলিতে চাই যে—কেবল অবতার কেন, অনেক বস্তুতেই ত’ তাহা দেখা যায়। আর যদি এই প্রতিক্রম কেবল ঐ অবতার কর্তীর প্রতিই বিশেষরূপে আরোপ করিতে চান, তাহা হইলে ইহাও দেখা যায় যে—সকল ধর্মাবলম্বীগণের মধ্যেই কোন না কোন সময়ে একরূপ অনেক লোক জন্মগ্রহণ করিয়াছেন, যাহারা অপর সকলের অপেক্ষা অত্যধিক জ্ঞান-বুদ্ধির বা বল-বীর্যের পরিচয় দিয়া গিয়াছেন ও সঙ্গে সঙ্গে বহু অলৌকিক বিস্ময়জনক ব্যাপার প্রদর্শন করিয়াছেন।”

এই সম্বন্ধে দিল্লীশ্বর স্বীয় পুস্তকে আরো লিপিবদ্ধ করিয়া গিয়াছেন যে—“শেষে হিন্দু পণ্ডিতগণকে আমার নিকট স্বীকার করিতে হইয়াছিল যে, বিশ্ব-ব্রহ্মাণ্ডের সৃষ্টি, পালন ও লয় কর্তা, একমাত্র একটা অতি বৃহৎ সামগ্রীর ধারণা তাঁহাদের ক্ষুদ্র মনের মধ্যে সঙ্কলান না হওয়ার, তাঁহারা এই মধ্যবর্তী প্রতিমূর্তিগুলির দ্বারা তাঁহাদের মনকে ক্রমশঃ উন্নত করিয়া, সেই মহান্ পরমেশ্বরের নিকট লইয়া যাইবার চেষ্টা করেন। আমি উত্তর করিলাম,—তাঁহারা এই ভ্রান্তিমূলক উপায় অবলম্বনে, কোন ক্রমেই তাঁহাদের যথার্থ ইঙ্গিত বস্তু পাইতে পারেন না। (ওরাকেয়াতে জাহাঙ্গিরী)

আলাউদ্দীন এম্লাম খান

সম্রাট-জাহাঙ্গীর, বেহারের এই যুবক শাসনকর্তাকেই জাহাঙ্গীর কুলির মৃত্যুর পর, বাঙ্গালা শাসনের সনন্দ পাঠাইয়া দিয়া, তাঁহাকে সমস্ত বেহার

পরিত্যাগ করিয়া, বঙ্গদেশে আসিতে অনুমতি করিলেন। এন্সলাম খান, রাজধানী রাজমহল হইতে উঠাইয়া লইয়া গিয়া, পূর্ববঙ্গে ঢাকা নগরে স্থাপন করিলেন। বেহারের শাসনভার আফ্জল খানের উপর হস্ত রহিল।

এই সময়ে পর্তুগীজেরা আরাকান ও চট্টগ্রামের সমুদ্রতীরে বাস করিতে থাকা নিবন্ধন, উহাদের মধ্যে অনেকেই আরাকান রাজের সৈন্ত শ্রেণীতে প্রবেশাধিকার পাইয়াছিল। রাজা পর্তুগীজদিগকে অনেকগুলি ক্ষুদ্র ক্ষুদ্র দ্বীপ দান করিয়া, তাহাদিগকে বশীভূত করিয়া রাখিয়াছিলেন। কিন্তু ক্রমে এই পর্তুগীজ জলদস্যুগণ এতদূর অত্যাচারী ও বিশ্বাসঘাতক হইয়া উঠিয়াছিল যে, রাজা বাধ্য হইয়া, তখন তাহাদিগকে বিতাড়িত করিবার উপায় উদ্ভাবন করিতে লাগিলেন। শেষে অনন্তোপায় হইয়া, আরাকান রাজকে অনেক পর্তুগীজের বিনাশ সাধন করিতে হইয়াছিল। অবশিষ্ট প্রবাসী পর্তুগীজগণ নৌকাযোগে পলাইয়া গিয়া, গঙ্গার মোহানাস্থ ক্ষুদ্র ক্ষুদ্র দ্বীপাবলীতে আশ্রয় লইয়া দস্যুবৃত্তিধারা জীবিকা-নির্বাহ করিতে লাগিল।

সম্বীপের সৈনিক শাসনকর্তা ফতেহ্ খান, পর্তুগীজ দস্যুদিগের এই অত্যাচারের প্রতিবিধান স্বরূপ, তাহাদের অধিকৃত দ্বীপগুলি অধিকার করিয়া, প্রায় সমস্ত পর্তুগীজ অধিবাসীকে বিনাশ করিলেন; তন্মধ্যে যে কয়জন পলাইতে কৃতকার্য হইয়াছিল, ফতেহ্ খান তাহাদিগকে অর্ণবপোত যোগে দক্ষিণ-সাহবাজপুর দ্বীপ পর্য্যন্ত তাড়াইয়া দিয়া, দুঃসাহসিকতার পরাকাষ্ঠা প্রদর্শন করিয়াছিলেন। শেষে এই অপরিণাম-দর্শিতার ফলেই, ফতেহ্ খানকে পর্তুগীজগণ কর্তৃক সসৈন্তে বিনষ্ট হইতে হইয়াছিল।

এই উৎসাহে উৎসাহিত হইয়া ইউরোপ খণ্ড হইতে দলে দলে পর্তুগীজ আসিয়া, ভারতে উপনিবেশ স্থাপনের ইচ্ছায় ভারতীয় পর্তুগীজগণের

সহিত যোগ দিতে লাগিল ; এবং স্থানীয় খৃষ্টান ধর্মাবলম্বীরাও তাহাদের দল পরিপুষ্ট করিতে লাগিল। এই দস্যুদল সেবাষ্টিয়ান্ গঞ্জালেসকে তাহাদের দলপতি নিযুক্ত করিয়া, সন্দ্বীপ অধিকারে প্রতিজ্ঞাবদ্ধ হইল।

১৬০৯ খৃষ্টাব্দের মার্চ মাসে গঞ্জালেস্ সন্দ্বীপ অধিকার করিয়া, তথাকার মোগল কর্মচারী ও সেনাগণকে হত্যা করিয়া, ফতেহ্ খানের ব্যবহারের প্রতিশোধ লইল।

এই সময়ে গঞ্জালেসের অধীনে এক সহস্র পর্তুগীজ, দ্বিগুণ সংখ্যক ভারতীয় সেনা, দুই শত অশ্বারোহী ও আশিটি সমরোচিত উৎকৃষ্ট কাশানবাহী রণপোত ছিল।

আরাকান রাজের ভ্রাতা আনাপোরাস্ এই সময় গঞ্জালেসের সহিত যোগ দিয়া, তাহার হত-রাজ্য অধিকার করিবার চেষ্টা করিতে লাগিল ও স্বীয় ভগ্নিকে জলদস্যু গঞ্জালেসের সহিত বিবাহ দিল।

১৬১০ খৃষ্টাব্দে আরাকান রাজের সহিত গঞ্জালেসের সন্ধি হইয়া গেল। তখন উভয় সেনা মিলিত হইয়া, মোগলগণকে বাঙ্গলা হইতে তাড়াইয়া দিবার চেষ্টা করিতে লাগিল। এই প্রকারে উহারা মেঘনার পূর্ব তীরবর্তী লক্ষ্মীপুর ও বুলোয়া বিনাযুদ্ধে অধিকার করিল। কিন্তু এই ব্যাপারের সঙ্গে সঙ্গে মোগল সেনাগণ তথায় উপস্থিত হইয়া, তাহাদিগকে প্রায় সমূলে ধ্বংস করিয়া, পলায়িত মগ ও পর্তুগীজগণকে চট্টগ্রামের শেষ সীমা পর্যন্ত তাড়াইয়া দিয়াছিল। রাজা অতি কষ্টে হস্তী আরোহণে নদী পার হইয়া প্রাণ বাঁচাইল। তৎপরে পর্তুগীজেরা বা আরকান রাজা আর মস্তক উত্তোলন করে নাই।

পর বৎসর হিঃ ১০২০, ১৬১১ খৃষ্টাব্দে সুবাদার, তাহার বিখ্যাত যুদ্ধবিদ্যা-বিশারদ বিচক্রণ সেনাপতি শোজারাত্ খানকে, পাঠান-শার্দুল কতলু খান পুত্র ওসমান খানের দমনে প্রেরণ করিলেন। বীর কেশরী

ওসমান তখন সুবর্ণ-রেখা নদীরতীরে শিবির সন্নিবেশ পূর্বক অবস্থান করিতেছিলেন। তাঁহার চতুর্পার্শ্ববর্তী স্থানগুলি প্রায় জলাভূমি হওয়ায়, তাহা মোগল অশ্বারোহীগণের পক্ষে যুদ্ধ করিবার উপযুক্ত ছিল না।

সম্রাট সেনাধ্যক্ষ শোজায়াং খান, প্রথমতঃ ওসমানের নিকট, দিল্লীশ্বরের অধীনতা স্বীকার করিবেন কি না জিজ্ঞাসু হইয়া, দূত প্রেরণ করিলেন! স্বাধীনচেতা গর্বিত পাঠান বীর ওসমান ঘণার সহিত বঙ্গেশ্বরের দূতকে ফিরাইয়া দিয়া, সেনাপতিকে যুদ্ধের জন্য প্রস্তুত হইয়া থাকিতে বলিয়া পাঠাইলেন।

দূত মুখে এই দাস্তিকতা-পূর্ণ উত্তর শুনিয়া মহাসেনাপতি শোজায়াং খান অধীনস্থ সেনানীগণকে, পাঠানদিগকে আক্রমণ করিবার জন্য প্রস্তুত হইতে অনুমতি দিলেন। অপর দিকে দুর্দর্ষ পাঠানেরাও বঙ্গেশ্বরের সেনাগণকে বাধা দিবার জন্য দৃঢ়ব্রত হইতে লাগিল।

ওসমান, তাঁহার আক্রমণকারী সৈন্য শ্রেণীর সম্মুখে হস্তীযুথ সজ্জিত করিলেন। ইঙ্গিত মাত্র ঐ সকল পর্বতাকার ভীমকায় মাতঙ্গের দল তাহাদের সম্মুখস্থ সমস্ত দ্রব্য ভূমিসাৎ করিতে করিতে, মোগল সেনার দিকে ধাবিত হইতে লাগিল।

মোগল বাহিনীর দক্ষিণ দিক, সেনাপতি সৈয়দ আদম্ ও বামদিক এফতেখার খান রক্ষা করিতেছিলেন। তাঁহারা উত্তর দিক হইতে রণক্ষেত্রে পাঠানগণকে বেষ্টিত করিলেন। এই সময় যে মহারণ আরম্ভ হইল, তাহাতে পাঠান পক্ষের বিস্তর সেনানী মোগল তরবারির আঘাতে ধরাশায়ী হইল।

মহাবীর ওসমান এই অবস্থা দর্শনে দ্বিগুণ উৎসাহে উৎসাহিত হইয়া, তাঁহার তেজবান হস্তী “বখ্তের” পৃষ্ঠে আরোহণ করিয়া, ঘোরতর যুদ্ধের কেন্দ্রস্থলে উপস্থিত হইলেন এবং উৎসাহবাক্য দ্বারা সেনাগণকে উৎসাহিত

করিতে লাগিলেন। সঙ্গে সঙ্গে এই মহাবীর করৌপ্ত হইতে শর নিষ্ক্ষেপে
যথাসাধ্য শত্রু বিনাশ করিতেছিলেন।

অবশেষে ওসমান, মোগল সেনাপতি শোজায়াং খানের নিকটে
পৌছিয়া, যে কোন প্রকারে উক্ত সেনাধ্যক্ষকে হস্তী পদতলে নিষ্পেষিত
করিবার জন্ত মাহতকে বিশেষরূপে চেষ্টা করিতে বলিলেন। শোজায়াং
এই সময় পাঠান বীরের উদ্দেশ্য বুঝিতে পারিয়া, স্বীয় অশ্ববল্লা ফিরাইয়া
পাঠান সেনাপতির হস্তী গাত্রে ভল্ল বিদ্ধ করিলেন; এবং সঙ্গে সঙ্গে
তরবারি নিষ্কোষিত করিয়া, হস্তীর শরীরের চারি স্থানে সাজঘাতিক আঘাত
করিলেন। সুশিক্ষিত রণহস্তী 'বধ্ত' আঘাত-প্রাপ্তে অধিকতর উত্তেজিত
হইয়া, সেনাপতি শোজায়াং খানকে আক্রমণ করিল ও অশ্ব সহিত
তাঁহাকে ভূপতিত করিল।

বীর-পুঙ্গব শোজায়াং তাঁহার পতিত অশ্বের দেহ ভার তইতে মুক্তি
লাভ করিয়া, দাঁড়াইয়া উঠিয়াই সর্বপ্রথমে হস্তীর সম্মুখের পদে, দুই
স্থানে তরবারীর বিষম আঘাত করিলেন ও সঙ্গে সঙ্গে তাঁহার প্রকাণ্ড
ছুরিকা ধার, তাহার গুণ্ডে আমূল বিদ্ধ করিয়া, ওসমানের বাহনটিকে
একেবারে অকর্ষণ্য করিয়া দিলেন।

এই সময়ের মধ্যে শোজায়াংয়ের অশ্ব উঠিয়া দাঁড়াইল, এবং যেমন
তিনি উহার পৃষ্ঠে আরোহণ করিতে যাইবেন, সেই সময়, বিপক্ষের অপর
একটি হস্তী, অশ্ব সহিত তাঁহার পতাকা বাহীকে ভূপতিত করায়, তিনি
পতাকা বাহীকে উৎসাহ দিয়া, তাহাকে টানিয়া লইলেন। সঙ্গে সঙ্গে
মোগল সেনাগণের খড়্গ ও বর্শার অজস্র বর্ষণে, হস্তী পলায়ন করিল।
সেনাপতি পতাকা-বাহীকে অপর একটি অশ্বে আরোহণ করাইয়া,
তাঁহাকে ঐ পতাকা ধরিতে দিলেন।

এই ভীষণ যুদ্ধের মধ্যে একটি মোগল বন্দুকের গুলি সেই সময় পাঠান

সেনাপতি ওসমানের লালাট বিদ্ধ করিল। বীরাগ্রগণ্য ওসমান এই সাজাতিক আঘাতের গুরুত্ব অনুভব করিয়াও, প্রায় আড়াই ঘণ্টাকাল রণক্ষেত্রে স্বীয় সেনাগণকে শত্রু সংহারে উৎসাহিত করিয়াছিলেন।

অবশেষে হস্তীপৃষ্ঠে অজ্ঞান অবস্থায় পাঠান-কুল-গৌরব, বীর-কেশরী ওসমান শিবিরে আনীত হইলেন। পাঠান সেনাগণ সেনাপতির হস্তী পশ্চাৎপদ হইতেছে দেখিয়া, রণে ভঙ্গ দিয়া পলায়ন করিতে লাগিল। রাত্রি দ্বিপ্রহরের সময় অদম্য সাহসী বীর ওসমানের প্রাণপাথী তাহার দেহ-পিঞ্জর পরিত্যাগ করিল। ওসমানের ভ্রাতা ওয়ালি খান এবং পুত্র মোমুদ্রেজ, সেনাপতির মৃতদেহ লইয়া রাত্রিযোগেই দুর্গ মধ্যে প্রবেশ করিল।

এই অবিশ্রান্ত যুদ্ধের পর মোগল সেনাগণ এরূপ ক্লান্ত হইয়া পড়িয়াছিল যে, প্রধান সেনাপতি শোজায়াৎ খানের হুকুম অগ্রাহ্য করিয়া, তাহারা পাঠানগণের পশ্চাদ্ধাবনে বিরত হইয়াছিল। অবশেষে মোরাজ্জম খানের পুত্র আবদুল এসলাম, কয়েকজন সেনানী ও ছয় শত অশ্বারোহী এবং চারিশত গোলন্দাজ সেনা লইয়া উপস্থিত হওয়ার, মোগল সেনাপতি তাহাদিগকেই পাঠানগণের অনুসরণ করিতে বলিলেন।

পুনরায় এই নূতন সৈন্য দ্বারা আক্রান্ত হওয়ার ওয়ালি খান অনন্তোপায় হইয়া, মোগল সেনাপতির নিকট সন্ধির প্রস্তাব করিলেন ও পরদিন মৃত সেনাপতির পুত্রগণ সমভিব্যাহারে মোগল শিবিরে উপস্থিত হইয়া, সেনাপতিকে ৪৯টি হস্তী ও অসংখ্য বহু মূল্যবান উপঢৌকন প্রদান করিলেন। শোজায়াৎ খান সমস্ত পাঠান বন্দিকে লইয়া, ৬ই শফর তারিখে জাহাঙ্গীর নগরে (ঢাকা) প্রত্যাবর্তন করিলেন। এই মহাযুদ্ধ জয়ের পর সেনাপতি শোজায়াৎ খান, দিল্লীর দরবার হইতে “রোসুম্বে জমান্” উপাধি প্রাপ্ত হইয়াছিলেন (ওয়ারকেয়াতে জাহাঙ্গীরী)।

সুবাদার এসলাম খান অতীব সুখ্যাতির সহিত বাঙ্গালা সুশাসন

করিয়া, ১০২৬ হিঃ ১৬১৭ খৃষ্টাব্দে রাজধানী ঢাকা নগরে মৃত্যুমুখে পতিত হ'ন।

সুবাদার কাসেম্ খান

বাদশাহ্ তাঁহার এই শাসনকর্তার মৃত্যুতে অতিশয় দুঃখ প্রকাশ করিয়াছিলেন ও তদীয় ভ্রাতা কাসেম্ খানকে তাঁহার স্থলে সুবাদার নিযুক্ত করিয়া, বাঙ্গালার পাঠাইয়া দিলেন। নব-সুবাদার রাজমহলে পৌছিবার পর, এস্লামের পোষ-পুত্র করিম খানের সহিত তাঁহার একটু সংঘর্ষ হইয়াছিল।

বঙ্গের সিংহাসনে উপবিষ্ট হওয়ার সঙ্গে সঙ্গে সুবাদার কাসেম্ খানকে পর্তুগীজ ও মগ দমনে নিযুক্ত হইতে হইয়াছিল। ১৬১০ খৃষ্টাব্দে আরাকান রাজ মোগল সেনার নিকট সম্পূর্ণরূপে পরাস্ত হইয়া পলায়ন করিবার পর, পর্তুগীজ দস্যুপতি গণ্জালেস্ বিশ্বাসঘাতকতা পূর্বক আরাকানের নৌসেনার কাণ্ডেনকে নিজের জাহাজে নিমন্ত্রণ করিয়া, তাহাকে হত্যা করিয়াছিল; এবং সঙ্গে সঙ্গে তাহাদের সমস্ত নৌবহর অধিকার করিয়া, সন্ধ্যাপে দীপে ফিরাইয়া আনিয়াছিল। দৃষ্টমতি গণ্জালেস্ ইহাতেও সন্তুষ্ট না হইয়া, ঐ সমস্ত অর্নবপোত সাহায্যে, রাজার পরাজয়ের পর, আরাকান উপকূলের যে সকল বন্দর মোগলদিগের হস্তগত হইয়াছিল, তাহা লুণ্ঠন করিতে ও সেই সমস্ত স্থানের গৃহগুলি দগ্ধ করিতে আরম্ভ করিল।

গণ্জালেস্ ক্রমশঃ আরাকান নদীর মধ্যে প্রবেশ করিয়া, অত্যাচার আরম্ভ করার, ব্রহ্ম রাজসেনা কর্তৃক তথা হইতে বিতাড়িত হইয়াছিল। সেই সময় পর্তুগীজ দস্যু দেখিতে পাইল যে—ইতিপূর্বে তাহার যে ভ্রাতৃপুত্রকে ব্রহ্মরাজের নিকট প্রতিভূ রাখিয়াছিল, মগেরা তাহাকে লৌহশলাকা বিদ্ধে হত্যা করিয়া, তাহার মৃতদেহ সেই অবস্থায় একটা উচ্চ

পাহাড়ের উপর প্রকাশ্য স্থানে রক্ষা করিয়াছে। কিন্তু দুর্ভাগ্যের নিষ্ঠুর হৃদয় ইহাতেও বিচলিত হইল না।

ইতিপূর্বে দম্বাপতি গঞ্জালেস্ কখনও ভারতের পর্তুগীজ রাজ-প্রতিনিধির কোন সন্ধান রাখে নাই, বা কখনও তাঁহার দ্বিগাগত হয় নাই। কিন্তু এইক্ষণে সে বিশ্বর প্রলোভন প্রদর্শনে ব্রহ্মদেশ জয়ের আশা দিয়া, গোয়ার পর্তুগীজ রাজ-প্রতিনিধি ডন্ হিরোন্ ডি ম্যাড্ভেডোর সাহায্য প্রার্থনা করিল এবং সঙ্গে সঙ্গে তাঁহাকে একটি জাহাজ পরিপূর্ণ তণ্ডুল পাঠাইয়া দিল।

পর্তুগীজ প্রতিনিধি, সিংহলের ভূতপূর্ব শাসনকর্তা ডন্ ফ্রাণসিস্ ডি মেনিসেসের অধীনে চতুর্দশটি যুদ্ধ জাহাজ প্রেরণ করিয়া, তাঁহাকে আরাকাণ আক্রমণের উপদেশ দিয়া পাঠাইলেন।

১৬১৫ সালের ৩রা অক্টোবর ডন্ ফ্রাণসিস্ আরাকাণ নদীর তীরে প্রবেশ করিলেন; এবং তথা হইতে গঞ্জালেস্কে সঠৈস্তে তাঁহার সহিত মিলিত হইবার জন্য ডাকিয়া পাঠাইলেন। ইতিমধ্যে রাজা দিনেমারগণের সাহায্যে, তাহাদের জাহাজ লইয়া ডন্ ফ্রাণসিস্কে আক্রমণ করিলেন। সমস্ত দিন নৌযুদ্ধের পর কোন পক্ষের জয়-পরাজয় বোঝা গেল না।

নবেম্বরের মধ্যভাগে গঞ্জালেস্ ৫০ খানি জাহাজ লইয়া, পর্তুগীজ কাণ্টেনের সহিত যোগ দিল। তখন ডন্ ফ্রাণসিস্ সমস্ত পর্তুগীজ জাহাজ লইয়া আবার শত্রুগণকে আক্রমণ করিলেন। সূর্যাস্ত কাল পর্যন্ত যুদ্ধ চলিতে লাগিল; এমন সময় একটি বন্দুকের গুলি লাগিয়া কাণ্টেন মৃত্যুমুখে পতিত হইলেন। এই সঙ্গে দুই শত পর্তুগীজ ডন্ ফ্রাণসিস্ ষোদ্ধা নিহত হওয়ার, গঞ্জালেস্ পলায়নের পথ দেখিতে লাগিল ও সন্দীপে সরিয়া পড়িল।

পর বৎসর আরাকাণ রাজ সন্দীপ অধিকার করিল ও মোগলদিগের

অধিকারভুক্ত সমুদ্র তীরবর্তী স্থানগুলি মধ্যে মধ্যে লুণ্ঠন করিতে লাগিল।

সুবাদার কাসেম্ খান তৎকালে আরাকাণ রাজের সেনাগণকে রাজ্যের এই দূরবর্তী প্রদেশ হইতে বিতাড়িত করিতে না পারায়, সম্রাট দারুণ অসন্তুষ্ট হইয়া, ১০২৭ হিঃ ১৬১৮, খৃষ্টাব্দে তাঁহাকে রাজধানীতে ডাকিয়া লইলেন।

এব্রাহিম খান ফতেহ্ জঙ্গ

অতঃপর দিল্লীখর নূরদ্দীন মোহাম্মদ জাহাঙ্গীর বাদশাহ্, এব্রাহিম খানকে বাঙ্গালা ও উড়িষ্যার শাসনকর্তা নিযুক্ত করিয়া পাঠাইয়া দিলেন। এব্রাহিম্ খান সম্রাজ্ঞী নূর জাহানের কনিষ্ঠ ভগ্নীকে বিবাহ করিয়াছিলেন, এবং উপযুপরি কয়েকটি যুদ্ধে জয়লাভ করিয়া “ফতেহ্ জঙ্গ” উপাধি প্রাপ্ত হইয়াছিলেন। এই সময়ে আফ্ জাল খান বেহারের শাসনকর্তা থাকায়, বেহারের উপর এই নব-নিযুক্ত সুবাদারের হস্তার্পণ করার কোন ক্ষমতা দেওয়া হইল না। তবে উড়িষ্যার শাসনকর্তা নিয়োগের ভার তাঁহার হস্তে রহিল।

সুবাদার এব্রাহিম খান ফতেহ্ জঙ্গ তাঁহার ভ্রাতৃপুত্র আহমদ বেগের উপর উড়িষ্যার শাসনভার অর্পণ করিলেন এবং স্বীয় দ্বাদশ বর্ষীয় পুত্র বালক সরেফ্ উল্লাহ্কে বর্ধমান অঞ্চলের জায়গীরদার নিযুক্ত করিলেন।

এই সুবাদারের উপযুক্ত শাসনাধীনে বাঙ্গালা সর্বপ্রকারে উন্নতির চরম সীমায় উঠিয়াছিল। কৃষি ও বাণিজ্যের উন্নতির দিকে সুবাদার এব্রাহিমের সর্বক্ষণ সূদৃষ্টি থাকায়, দেশীয় শিল্প ও বাণিজ্যের ক্রমোন্নতি হইতে লাগিল। বঙ্গদেশ ও উড়িষ্যা বিভাগের প্রজাবর্গের সুখ-সচ্ছন্দ্যের

সীমা রহিল না। এই সময় ঢাকার মসলিন ও মালদহের রেশমী বস্ত্র, শূন্য হইতে শূন্যতর ও উৎকৃষ্ট হইতে উৎকৃষ্ট প্রকারের প্রস্তুত হইতে ছিল। দিল্লীর দরবারের প্রধান পোষাক বাজালার প্রস্তুত বহুমূল্য শূদ্র বস্ত্র হইতেই প্রস্তুত হইতে লাগিল।

১৬২০ খৃষ্টাব্দে ইংরাজ ইস্ট-ইণ্ডিয়া-কোম্পানীর লোক শ্রুটি হইতে আগ্রার গিরা, সম্রাটের অনুমতি গ্রহণে পাটনার আসিয়া বস্ত্র ক্রয় করিতে থাকিলেন ও বাণিজ্যের জন্ত কুঠি নির্মাণ করিলেন। কিন্তু হাঁটা পথে আসিয়া এতদূর বাবসা করা লাভজনক নহে বিবেচনার কোম্পানি, পর বৎসরেই এই ব্যবসায় পরিত্যাগ করিতে বাধ্য হইলেন।

এব্রাহিমের শাসনকালে আফগানগণ সম্পূর্ণরূপে নিস্তেজ হইয়া পড়ায় ও আসামের শত্রুগণ বিতাড়িত হওয়ার; এবং সঙ্গে সঙ্গে আরাকানের জল-দস্যুগণের উপর রাজকীয় নৌবহর তীক্ষ্ণদৃষ্টি রাখায়, তৎকালে বাজালার প্রজাবর্গ সম্পূর্ণরূপে নিরাপদ অবস্থায় বাস করিতে লাগিলেন। কিন্তু বাজালার অদৃষ্ট অধিক দিন সুপ্রসন্ন রহিল না। এই শান্তিময় দেশে বাদশাহ-পুত্র কুমার খোররম অচিরে সমরানল প্রজ্জ্বলিত করিলেন।

দিল্লীখর নূরদ্দীন মোহাম্মদ জাহাঙ্গীর হিঃ ১০২৫ সালে স্বীয় তৃতীয় পুত্র বীরবাহু খোররমকে দক্ষিণাত্য বিজয়ে প্রেরণ করিয়াছিলেন। পরে সম্রাট তাহার এই পুত্রের বীরত্বের পরিচয় পাইয়া, তাহাকে “শাহ জাহান” (পৃথীরাজ) আখ্যায় আখ্যায়িত করিলেন।

১০২৯ হিঃ ১৬১৯ খৃষ্টাব্দে সম্রাট জাহাঙ্গীর ভূস্বর্গ কাশ্মীর-উপত্যকার মৌন্দর্য্য উপভোগ করিতে থাকা কালে, দক্ষিণপথের রাজ্যবর্গ ৬০,০০০ সহস্র অশারোহী সহ বিক্রোহের পতাকা উড্ডীন করার, শাহজাহান মাত্র ৪০,০০০ অশারোহী লইয়া উহাদিগকে পর্য্যদস্ত করিয়া, তাহাদিগকে

তাঁহাদের বাকী রাজস্ব পর্য্যন্ত মিটাইয়া দিতে বাধ্য করিলেন। এবং সেই সময় হইতে তাঁহাদের রাজস্ব, বাৎসরিক ৫৫ লক্ষ টাকা ধার্য্য করিয়া দিলেন।

১৬২১ খৃষ্টাব্দে ১০৩১ হিঃ সম্রাটের স্বাস্থ্য ক্রমশঃ ভঙ্গ হইতে থাকে। এই সময় কুমার শাহ্ জাহান দেখিলেন যে—যেমন এক পক্ষে তাঁহার জ্যেষ্ঠ ভ্রাতা সোল্তান পর্ব্বেজ জীবিত থাকিতে তাঁহার সম্রাজ্য প্রাপ্তির কোন আশা নাই, তদ্রূপ অপর পক্ষে অবলোকন করিতে লাগিলেন যে— তাঁহার বিমাতা সম্রাট-প্রিয়া নূরজাহান, তাঁহার কনিষ্ঠ ভ্রাতা শাহ্ রিয়ারকেই অধিকতর স্নেহের চক্ষে দেখেন; এবং সম্রাটের মৃত্যুর পর তিনি শাহ্ রিয়ারকেই সিংহাসনোপবিষ্ট করিবার ষড়যন্ত্র করিতেছেন।

শাহ্ জাহান এই সময় গাঞ্জাম্ অঞ্চলে বারহাম্পুরে অবস্থান করিতে ছিলেন। এই স্থানেই তিনি ১০৩১ হিজরীর ৭ই জমাদিয়ল আখের তারিখে বিদ্রোহের পতাকা উড্ডীরমান করিয়া, আপনাকে ভারত সম্রাট বলিয়া ঘোষণা করিলেন।

তৎপরে শাহ্ জাহান দিল্লীর সন্নিকটে আগমন করিয়া পিতাকে পত্র লিখিয়া অবগত করাইলেন যে—তিনি নিম্নলিখিত সৰ্ত্ত চতুষ্টয়ে সম্মত হইলে তিনি পিতৃ আদেশক্রমে তাঁহার কর্তব্য কার্য্যে ফিরিয়া যাঁইতে বাধ্য আছেন—

১। তাঁহাকে সমস্ত সম্রাট সৈন্তের প্রধান সেনাপতির পদে নিযুক্ত করিতে হইবে।

২। প্রাদেশিক শাসনকর্তাগণ, রাজস্ব সংক্রীয় সমস্ত কার্য্য তাঁহার আদেশানুসারে নির্বাহ করিবেন।

৩। রাজকীয় অস্তাগার ও বারুদ এবং গুলি গোলায় কারখানার উপর তাঁহার সম্পূর্ণ কর্তৃত্ব থাকিবে।

৪। রণতরুরের দুর্ভেদে পার্বতীর দুর্গ, তাহার স্ত্রী পুত্রগণের নিরাপদে রক্ষার জন্ত তাঁহাকে ছাড়িয়া দিতে হইবে।

সম্রাট জাহাঙ্গীর পুত্রের এই প্রগল্ভ প্রস্তাবে অতিশয় রুষ্ট হইয়া, শাহ্ জাহানকে রাজবিদ্রোহী বলিয়া প্রচার করিলেন, এবং সঙ্কে সঙ্কে তাঁহার যাবতীয় সম্পত্তি রাজকোষে জব্দ করিবার অনুমতি দিলেন। অতঃপর সম্রাট তাঁহার সমস্ত রাজভক্ত প্রজাবৃন্দকে তাঁহার সিংহাসন রক্ষার্থে আহ্বান করায়, অচিরে ৪০,০০০ অশ্বারোহী সৈন্য তাঁহার পতাকাধীনে সমবেত হইল ও এই সেনা সমভিব্যাহারে পুত্র শাহ্ জাহানের বিরুদ্ধে তিনি যুদ্ধযাত্রা করিবার সঙ্কল্প করিলেন।

এই সময় সম্রাট, পুত্রের অধীনস্থ বিদ্রোহী সেনাগণকে আক্রমণ করিবার জন্ত নিরতিশয় ব্যস্ত হইয়াছিলেন, কিন্তু প্রধান মন্ত্রী আসফ্ জাহ্ তাঁহাকে আরও অধিক সেনা সংগ্রহের জন্ত অপেক্ষা করিতে অনুরোধ করায়, বাদসাহ ইতস্ততঃ করিতে লাগিলেন। হঠাৎ পর দিবস তাঁহার প্রসিদ্ধ সেনাপতি মোহাক্বত খান, পাঞ্জাব হইতে অনেক সেনা সহ রাজধানীতে আসিয়া উপস্থিত হইলেন। তখন সম্রাট এই সম্মিলিত সৈন্য লইয়া তোগলকাবাদে বিদ্রোহী সেনাগণকে আক্রমণ করিলেন। বিদ্রোহী-গণ সম্রাটের সংযুক্ত সেনার নিকট অল্পকণ মধ্যে সম্পূর্ণরূপে পরাজিত হইল ও কুমার শাহ্ জাহান দাক্ষিণাত্যে পলায়ন করিলেন।

সেনাপতি মোহাক্বত খান ও সোল্তান পরবেজ শাহ্ জাহানকে নর্মদা তীর পর্য্যন্ত তাড়াইয়া লইয়া যাইবার পর ঐ স্থানে উভয় সৈন্যে একটা খণ্ডযুদ্ধ হইল। শাহ্ জাহান পুনরায় পরাজিত হইয়া গোলকুণ্ডায় পলায়ন করিলেন।

গোলকুণ্ডায় কিছুদিন অবস্থান করিয়া কুমার, তাঁহার ছত্রভঙ্গ সেনাগণকে আবার একত্রীভূত করিলেন; পরে বাঙ্গালা আক্রমণের জন্ত

উড়িষ্যার পথে সসৈন্তে বহির্গত হইলেন। এই সময় উৎকলাধিপতি আহমদ বেগ, মাড়ওয়ারের রাণার দৌহিত্র ও সত্ৰাট আকবরের শ্রিয় পৌত্র মহারথী কুমার শাহ্ জাহানের গতিরোধ করিতে অসমর্থ হইয়া তাঁহাকে উড়িষ্যা ছাড়িয়া দিতে বাধ্য হইলেন।

কটকে কয়েক দিন অবস্থান করিয়া এবং কুলিখানকে তথাকার শাসন কর্তা নিযুক্ত করিয়া শাহ্ জাহান, বর্ধমানে আসিয়া উপস্থিত হইলেন। তথায় অনেক পাঠান নামক সসৈন্তে কুমারের সহিত মিলিত হইল। এই স্থান হইতে শাহ্ জাহান ভগলীতে পর্তুগীজ সর্দার মেকাইল রড্রিজের নিকট তাঁহার পাশ্চাত্য ধরণের কয়েকটি কামানের সাহায্য চাহিলেন। কিন্তু তাঁহার বাঞ্ছা ব্যর্থ হইল। পরে শাহ্ জাহান দিল্লীর সিংহাসনে আরোহণ করিবার পর, রড্রিজের এই অবাধ্যতার প্রান্তফল, পর্তুগীজগণের সঙ্গে সঙ্গে সমস্ত ভগলীবাসিগণকে পর্য্যন্ত ভোগ করিতে হইয়াছিল।

বঙ্গের শাসনকর্তা এব্রাহিম খানের অধিকাংশ সেনা এই সময় চট্টগ্রাম অঞ্চলে মগ দস্যু দমনে নিযুক্ত থাকায়, তাঁহাকেও একটু বিপন্ন হইতে হইল। যাহা হউক বঙ্গেশ্বর সসৈন্তে ঢাকা হইতে রাজমহলে আসিয়া তথায় শিবির সংস্থাপন করিলেন।

এই সময় যুদ্ধ-বিদ্যা-সুনিপুন শাহজাহান দেখিলেন যে—বিলম্বে তাঁহার সকল আশা ভরসা পণ্ড হইয়া যাইবে। তখন তিনি আর কাল বিলম্ব না করিয়া বঙ্গের সুবাদারকে আক্রমণ করিলেন। এব্রাহিম খান ঐ অবস্থার রাজমহল রক্ষা করা তাঁহার ক্ষমতাতীত বিবেচনা করিয়া, সুরক্ষিত তেলিয়াগড়ী দুর্গে আশ্রয় লইলেন। এই সময়ে ঐ দুর্গ প্রাচীরের উপরিভাগে কয়েকটি কামান সজ্জিত ছিল। পরে সুবাদার ঐ দুর্গ একজন অধীনস্থ সেনানীর হস্তে ক্রমশঃ করিয়া, সসৈন্তে গঙ্গার পরপারে গিয়া শিবির সন্নিবেশ করিলেন।

শাহ্ জাহান, সুবাদারকে বন্ধ পরিত্যাগ করিয়া, পরিবারবর্গসহ দিল্লী যাত্রা করিবার বা তাঁহার অধীনস্থ হইয়া, নিজের পছন্দ মত যে কোন জেলা লইয়া তথায় সুখে বাস করিবার জন্ত পত্র লিখিলেন। কিন্তু মহানুভব সুবাদার এবরাহিম খান ফাতেহ্ জঙ্গ তদুত্তরে লিখিলেন যে—

“বাদশাহ্ তাঁহার উপর এই দেশ, এবং তাঁহার প্রজাবর্গের রক্ষণাবেক্ষণের ভারার্পণ করিয়াছেন। তাঁহার দেহে প্রাণ থাকিতে বাঙ্গালা, সেই বাদশাহ্ ভিন্ন অপর কাহারও অধীনতা স্বীকার করিবে না।”

সুবাদার এই সময় বিপক্ষের নদী পারাপারে বিঘ্ন জন্মাইবার অভিপ্রায়ে, পূর্বাঞ্চে সমস্ত নৌকা আটকাইয়া রাখিয়াছিলেন। কিন্তু কুমারের অধীনস্থ সেনানী দরিয়া খান, তাঁহার পূর্ব পরিচিত ভাগলপুরের কতিপয় জমিদারের উপর প্রাধান্ত বিস্তার করিয়া, তাহাদের জলমগ্ন করিয়া রাখা লুক্কায়িত নৌকাগুলি হস্তগত করিয়া, তৎসাহায্যে কুমার শাহ্ জাহানের অশ্বারোহী-গণকে নদী পার করাইতে লাগিলেন।

সুবাদার এব্রাহিম এই অবস্থা দর্শনে তেলিগাগড়ী দুর্গ হইতে সৈন্ত অপসারিত করিয়া লইয়া, বিক্রোহীগণকে আক্রমণ করিলেন। তাঁহার ভ্রাতুপুত্র আহমদ বেগ এই সময় ভীষণ বেগে শত্রুগণকে আক্রমণ করিলেন বটে, কিন্তু তাহাদের পরাক্রমে আহমদ পশ্চাৎপদ হইতেছেন দেখিয়া সুবাদার স্বয়ং দ্বিতীয়দল লইয়া অগ্রসর হইলেন। এই সময় সুবাদারকে তাঁহার বন্ধুবর্গ যুদ্ধ ক্ষেত্রে এক্রপ প্রকাশ স্থানে যাইতে নিষেধ করায়, তিনি উত্তর করিয়াছিলেন—

“আমার জীবনের কোনই মূল্য নাই, যদি আমি ইহাকে আমার প্রভু দিল্লীশ্বরের কার্যে না লাগাইতে পারি। আমি হয় যুদ্ধে জয়লাভ করিব, নতুবা জীবনপাত করিব।”

এই কথা বলিতে বলিতে বৃদ্ধ সুবাদার অশ্বারোহণে শত্রুবৃহ মধ্যে

প্রবেশ করিলেন। অল্পক্ষণ মধ্যে তিনি চতুর্দিকে শত্রু সৈন্য বেষ্টিতাবস্থায় সর্বদিকে ক্রধিরাঙ্ক হইয়া ভূপতিত হইলেন। সঙ্গে সঙ্গে বঙ্গের সেনাগণ যুদ্ধক্ষেত্র পরিত্যাগ করিয়া পলায়ন করিতে লাগিল।

অতঃপর শাহ্ জাহান পুনরায় গঙ্গা পার হইবার উপক্রম করিতে-
ছিলেন, এমন সময় দেখিতে পাইলেন যে—তাঁহার স্থপতি সেনানী
ক্রমী খান, বিস্ফোরক সাহায্যে তেলিগাড়ীর দুর্গ-প্রাকারে একটি
বিংশতি গজ পারমিত স্থান ভঙ্গ করিয়া, দুর্গ প্রবেশের পথ পরিষ্কার
করিয়া লইলেন।

তেলিগাড়ীর দুর্গাধিকার ও বঙ্গ-বেহারের সুবাদারের মৃত্যুতে, বঙ্গের
ভাগ্য আবার পরিবর্তিত হইল। সঙ্গে সঙ্গে সমস্ত জমিদার ও রাজ্যের
প্রধান প্রধান কর্মচারীগণ সোল্তান শাহ্ জাহানের বশতা স্বীকার করিতে
লাগিলেন।

দ্বাদশ সর্গ



শাহ্ জাহান ১৬২২ খৃস্টাব্দ

কুমার শাহ্ জাহান এই যুদ্ধ জয়ের সঙ্গে সঙ্গে বঙ্গেশ্বরের সেনাগণকে তাড়াইয়া দিয়া, তাহাদের সমুদয় নৌকাগুলি অধিকার করিলেন, এবং ঐ নৌকা যোগে তাঁহার উৎকৃষ্ট সেনাগণকে বাছিয়া লইয়া, নদী বহিয়া ঠাকায় গিয়া পৌঁছিলেন। সুবাদার এত্রাহিমের ভ্রাতৃপুত্র ভূতপূর্ব উৎকল-রাজ আহমদ বেগ, সম্রাট তনয়ের সেনাগণকে বাধু দেওয়া নিষ্ফল বিবেচনা করিয়া, কুমারকে অভ্যর্থনা করিয়া লইলেন। তৎসঙ্গে তাঁহার সমস্ত হস্তী, অশ্ব ও রাজকোষ হইতে চল্লিশ লক্ষ টাকা কুমারের হস্তে প্রদান করিলেন।

অতঃপর বাদশাহ্-নন্দন সমুদয় রাজ কর্মচারীগণকে ডাকাইয়া, তাহাদিগকে তাহাদের নির্দিষ্ট কার্যে পুনঃ নিযুক্ত করিলেন; এবং জমিদারগণকে তাহাদের পূর্ব পুরুষের অধিকৃত জায়গীর প্রত্যাপন করিয়া ও খান-খানান পুত্র দারাবকে বাঙ্গালার সুবাদার নিযুক্ত করিয়া, বিশ্বাসের প্রতিভূস্বরূপ তাঁহার পুত্রকে স্বীয় সৈন্যদলে নিযুক্ত করিয়া সঙ্গে রাখিয়া দিলেন।

ঢাকার কিছুদিন বিশ্রামের পর শাহ্ জাহান, পাটনায় আগমন করিলেন। তাঁহার আগমন বার্তা পাইয়া, কুমার আহমদ বেগের জায়গীর তুচ্ছ উচ্চ ভূখণ্ডের শাসনকর্তা মোখলেছ খান এলাহাবাদে পলাইয়া গেলেন।

শাহজাহান এইবার বঙ্গ-বেহার-উড়িষ্যার সম্পূর্ণ আধিপত্য প্রাপ্ত হইলেন। এই সময় প্রসিদ্ধ রোটার্স দুর্গাধিপতি সৈয়দ মোবারক সম্রাট পুত্রের সম্মুখীন হইয়া, তাঁহার অজ্ঞেয় দুর্গের চাবি স্বইচ্ছায় তাঁহার হস্তে প্রদান করিলেন। শাহজাহান এই দুর্গ মধ্যে তাঁহার স্ত্রী পুত্রগণকে একজন বিশ্বস্ত অনুচরের তত্ত্বাবধানে রক্ষা করিলেন। এই রোটার্স দুর্গে এই সময় তাঁহার পুত্র মোরাদ বঙ্গ জন্মগ্রহণ করেন।

ব্যোরাম বেগকে বেহারের শাসনকর্তা নিযুক্ত করিয়া, কুমার শাহজাহান তাঁহার সৈন্য শ্রেণী তিন ভাগে বিভক্ত করিলেন। এবং আবদুল্লা খানকে এক তৃতীয়াংশের অধিনায়ক করিয়া এলাহাবাদ অধিকার করিতে ও দরিয়া খানকে অপর তৃতীয়াংশ সেনা সহ অযোধ্যা জয়ে প্রেরণ করিয়া, স্বয়ং অবশিষ্ট সৈন্য লইয়া বেনারস ও জোনপুরের দিকে যাত্রা করিলেন।

এই সময় কুমার পরুবোজ ও গোহাবত খান, বঙ্গে শাহজাহানের বিজয়বার্তা শ্রবণে, বেরার ও মালওয়ার মধ্য দিয়া এলাহাবাদের নিকটবর্তী হইলেন ও তথায় আত্মসমস্ত সমস্ত বিবরণ অবগত হইলেন।

ইতিপূর্বে আবদুল্লা খান গঙ্গা পার হইয়া, রোসুম বেগকে তাড়াইয়া দিয়া এলাহাবাদ নগর অধিকার করিয়াছিলেন। অপরদিকে দরিয়া খানও অযোধ্যার পথে যাইতে যাইতে, বিনা বাধায় জোনপুর অধিকার করিয়া বসিলেন। কুমার শাহজাহান স্বয়ং গিয়া বেনারস করায়ত্ত করিলেন।

কিন্তু দিল্লীর সেনাগণের আগমন বার্তা পাইয়া, কুমারের উভয় সেনাপতি তাঁহাদের অধিকৃত স্থান ছাড়িয়া, পশ্চাৎপদ হইয়া সসৈন্তে শাহজাহানের নিকট চলিয়া আসিলেন। তখন সম্রাট-নন্দন তাঁহার সমুদয় সৈন্য লইয়া, এলাহাবাদ হইতে কয়েক মাইল পূর্বে গিয়া শিবির সন্নিবেশ করিলেন ও নিজের অবস্থান সুদৃঢ় করিতে লাগিলেন; এবং পিতৃ সেনাগণের সহিত প্রতিদ্বন্দ্বিতা করিবার জন্য অপেক্ষা করিতে লাগিলেন।

ক্রমে সম্রাটের সেনাগণ যমুনা পার হইয়া, বিক্রোহীগণের বিপক্ষে দণ্ডায়মান হইল। তৎপরে দূর হইতে কামানের গর্জনের সহিত ভীষণ যুদ্ধ বাধিয়া গেল। এই অবস্থায় সেনাপতি মোহাব্বত খান, তাঁহার অধীনস্থ সৈন্যগণকে বিক্রোহী সেনা অপেক্ষা সংখ্যায় অনেক অধিক বিবেচনা করিয়া, তাহার কিয়দংশ সৈন্য টন্সি নদী পার হইয়া বিক্রোহীগণকে পরিবেশন করিবার জন্ত প্রেরণ করিলেন। অল্পক্ষণ মধ্যেই কুমার শাহ্ জাহান পিতৃ-সেনা কর্তৃক চতুর্দিকে বেষ্টিত হইয়া পড়িলেন। এই সময় সাহসী বীর শাহজাহান অদ্ভুত বীরত্ব প্রদর্শনে মাত্র পাঁচ শত অশ্বারোহী সহ শত্রু সৈন্যের বাহু মধ্যে প্রবেশ করিলেন; কিন্তু তাঁহার অশ্ব পতিত হওয়ার, কয়েকজন অশুচরের পরামর্শে তিনি যুদ্ধক্ষেত্র পরিত্যাগ পূর্বক রোটাস্ দুর্গে পলাইয়া গেলেন।

সম্রাট সেনাও এই যুদ্ধে অতিশয় বিপন্ন হইয়া পড়ায়, এবং অনেক দূর চলিয়া আসিবার কারণে তাহাদের অশ্বগুলি নিজ্জীব প্রায় হওয়ার, সোলতান পরবেজ তদীয় ভ্রাতার পশ্চাদ্ধাবন করা আর যুক্তিসঙ্গত বিবেচনা করিলেন না। ইত্যবসরে শাহ্ জাহান রোটাস্ দুর্গ হইতে সপরিবারে পাটনার গিয়া পৌঁছিলেন, এবং ঢাকা হইতে তাঁহার শাসনকর্তা দারাব্ খানকে তাঁহার সহিত সত্বর মিলিত হইবার আদেশ প্রেরণ করিলেন। কিন্তু অকৃতজ্ঞ দারাব্ ছরভিসন্ধি বশতঃ ঢাকা পরিত্যাগ করিলেন না। এই ব্যাপারে রাগান্বিত হইয়া আবদুল্লা খান, কুমার শাহজাহানের বিনামূল্যে গুপ্তভাবে দারাবের সম্পূর্ণ নির্দোষী পুত্রটিকে হত্যা করিয়াছিল।

সম্রাট সেনা কিয়দ্বিঘ্নে বেনারসে অবস্থান করিয়া শ্রম দূর করার পর, বঙ্গের দিকে অগ্রসর হইতে লাগিল। তাহারা পাটনার পৌঁছিলে, শাহ-জাহান এতাদিক সৈন্যের বিরুদ্ধে নগর রক্ষা করা অসম্ভব বিবেচনা

করিয়া, নগর পরিত্যাগ পূৰ্বক রাজমহলে চলিয়া গেলেন। ক্রমে তথা হইতেও বিতাড়িত হইয়া, যে পথ অবলম্বনে বাঙ্গালার প্রবেশ করিয়াছিলেন, সেই পথে আবার দাক্ষিণাত্যের দিকে যাইতে লাগিলেন।

এই সময় ভূবন বিখ্যাত সম্রাট আকবরের বাল্য জীবনের অভিভাবক বায়রাম খানের পৌত্র বজ্জের শাসনকর্তা দারাব খান, তদীয় পিতা খান খানান সম্রাট দরবারে একজন বিশিষ্ট ওম্‌রাহ্‌ থাকার আশায় আশাবিত হইয়া, সাহায্য প্রাপ্তির অভিলাষে সোলতান পরবেজের নিকট উপস্থিত হইয়া আত্মসমর্পণ করিলেন। সম্রাট-তনয় পরবেজও পিতার নিকট, তাঁহাকে ক্ষমা করিবার জন্ত যথেষ্ট অনুরোধ করিয়াছিলেন। কিন্তু সম্রাট জাহাঙ্গীর স্বীয় বিদ্রোহী পুত্র খসরুর (শাহজাহান) পক্ষাবলম্বী সমস্ত লোককেই নিহত করিতে প্রতিজ্ঞাবদ্ধ হওয়ার, দারাব খানকে ক্ষমা করিতে সম্মত না হইয়া, বরং ইতর ভক্ত নির্বিশেষে সকলকে রাজ-দ্রোহিতার প্রত্যক্ষ ফল দর্শন করাইবার জন্ত, দারাবের ছিন্ন মস্তক সত্বর দিল্লীর দরবারে প্রেরণ করিতে আজ্ঞা দিলেন।

এই ঘটনার কিছুদিন পরে, সোলতান শাহজাহান, পিতার নিকট ক্ষমা প্রার্থনার আশায়, অতিশয় নম্রতার আশ্রয় লইয়া পিতাকে একখানি অনুতাপ প্রকাশক পত্র লিখিলেন। বাদশাহ জাহাঙ্গীর পুত্রের পত্র প্রাপ্তে অপত্য-স্নেহের বশবস্তী হইয়া তাঁহাকে ক্ষমা করিয়াছিলেন।

বাদশাহ-তনয় শাহজাহানের বক্ত পরিত্যাগের সঙ্গে সঙ্গে সম্রাট, তদীয় সেনাপতি মোহাক্কত খানকে ঐ প্রদেশের শাসনকার্যে নিযুক্ত হইবার জন্ত অনুমতি প্রেরণ করিয়াছিলেন। পরে পুনরায় ঐ কর্মকুশল সেনাপতিকে পুত্রের অনুসরণ করিতে অনুমতি দিয়া, তাঁহার পুত্র খানেজাদ খানকে বজ্জের সুবাদার নিযুক্ত করিয়াছিলেন।

খানেজাদ্, হিজরী ১০৩৫ সালে ইচ্ছাপূর্বক সুবাদারের পদ পরিত্যাগ করিয়া দিল্লীতে চলিয়া যান।

তৎপরে সম্রাট, মোকাবেল খানকে বাঙ্গালার ও মির্জা রোস্তুমকে বেহারের সুবাদার পদ প্রদান করিয়া, দিল্লী হইতে সনন্দ পাঠাইয়া দিলেন। মোকাবেলে দিল্লীশ্বরের পত্র বাহক দূতের প্রতি অধিক সম্মান প্রদর্শন ইচ্ছায়, কিয়দূর অগ্রসর হইয়া তাঁহাকে অভ্যর্থনা করিয়া লইয়া যাইবার জন্ত, একটা বৃহৎ নৌকারোহণে যাইতে থাকা কালে, নদীপথে নৌকা ডুবিয়া তাঁহার মৃত্যু হয়।

ইহার পর এক বৎসরের জন্ত, বাদশাহ্ জাহাঙ্গীরের রাজত্বকালের শেষ পর্য্যন্ত (১৬২৮ খৃঃ ১লা ফেব্রুয়ারী) ফেদায় খান বাঙ্গালার সিংহাসনে উপবিষ্ট থাকিয়া, সম্রাটকে ঐ সময়ের মধ্যে বিস্তর হস্তী, রেশমী, বস্ত্র ও ঢাকাই মসলিন প্রভৃতি উপঢৌকন পাঠাইয়া দিয়াছিলেন।

ত্রয়োদশ সর্গ



কাসেম খান জবুনী

শাহাব উদ্দীন মোহাম্মদ শাহজাহান, ভারতের সিংহাসনে উপবিষ্ট হইয়া বঙ্গের শাসনকর্তা ফেদায় খানকে পদচ্যুত করিয়া, তাঁহার স্থানে স্বীয় প্রিয় পাত্র কাসেম্ খানকে বঙ্গ-বেহার-উড়িষ্যার সুবাদার নিযুক্ত করিলেন।

কাসেম্ খান দেখিলেন যে—পৰ্তুগীজেরা তাঁহার রাজত্বের নানা স্থানে কুঠি নিৰ্মাণ করিয়া, অর্ধ-স্বাধীন ভাবে অবস্থান করিতেছে ৭২ সময় সময় তাহারা এমন কি সুবাদারের আজ্ঞার প্রতিও অবজ্ঞা প্রদর্শন করিয়া আসিতেছে। এই অবস্থা দর্শনে সুবাদার কাসেম্ সমস্ত বিবরণ বর্ণনা করিয়া, পৰ্তুগীজগণকে বিতাড়িত করিবার জন্ত দিল্লীখরের অহুমতি প্রার্থনা করিলেন। সম্রাট, পিতৃ-বিরোধী হইয়া একদা পৰ্তুগীজ সর্দার মেকাইল রেড্ডিজের সাহায্য চাহিয়াছিলেন, এবং সেই সর্দারের নিকট হইতে বেরূপ তাচ্ছিল্য-ব্যঞ্জক প্রত্যুত্তর পাঠিয়াছিলেন, তাহা এই ব্যাপারে সম্রাটের মনে উদ্ভিত হইল। তখন তিনি পৰ্তুগীজগণকে বঙ্গদেশ হইতে একেবারে তাড়াইয়া দিবার অহুমতি প্রদান করিলেন।

এই সময় পৰ্তুগীজেরা ভাগীরথির পশ্চিম-দক্ষিণ তীরবর্তী হুগলী নগরে প্রকাণ্ড প্রকাণ্ড কুঠি নিৰ্মাণ করিয়া, সৈন্য সামন্ত লইয়া তথায় অবস্থান করিতেছিল। ১০৪১ বিঃ ১৬৩১ খৃষ্টাব্দে সুবাদার কাসেম্ খান দিল্লীখরের

অনুমতি পাঠিয়া, সেনাপতি বাহাদুর খানকে সসৈন্তে ঢাকা হইতে মুর্শিদাবাদে প্রেরণ করিলেন। অপর একদল সেনা স্বীয় পুত্র এনারেত উল্লার অধীনে বর্ধমানের পাঠাইয়া, খাজা শেরের অধীনে একদল সৈন্ত জলপথে হুগলীর দক্ষিণে প্রেরণ করিলেন। খাজা শেরের উপর সুবাদারের এই আদেশ রহিল যে—তিনি পর্তুগীজদিগের জলপথে পলায়ন পথ ও বাহির হইতে জলপথে তাহাদের সাহায্যের পথ অবরুদ্ধ করিয়া থাকিবেন।

২ রা জেলুহজ্জ তারিখে মোগল সৈন্ত চতুর্দিক হইতে হুগলী অবরোধ করিল। পর্তুগীজেরা তাহাদের তিন মাস অবরোধ কালের মধ্যে, ভিতর হইতে মাঝে মাঝে বন্দুকের গুলিতে সুবাদার সেনাগণকে উত্যক্ত করিতে ছিল। অবশেষে ১০৪২ হিজরীর ১৪ রবিওল আউওল তারিখে সেনাপতি বাহাদুর খান কাম্বু, পর্তুগীজদিগের একটা বৃহৎ বিস্ফোরক সাহায্যে উড়াইয়া দিয়া, অনেক পর্তুগীজের প্রাণনাশ করিলেন। সঙ্গে সঙ্গে মোস্লেম সেনাগণ চতুর্দিক হইতে বিপক্ষগণকে আক্রমণ করিল। এই আক্রমণের ফলে বহু পর্তুগীজ প্রাণ হারাইল। যে সকল পর্তুগীজ জাহাজে উঠিয়া প্রাণ রক্ষা করিয়াছিল, খাজা শের তাহাদিগকেও জলে ডুবাইয়া মারিল। পর্তুগীজদিগের একখানি বৃহদায়তন জাহাজে প্রায় দুই সহস্র ২০০০০নর নারী, তাহাদের ধন সম্পত্তি লইয়া আশ্রয় লইয়াছিল। ঐ জাহাজখানি মোগল সেনা কর্তৃক আক্রান্ত হইলে, জাহাজের কাণ্ডে জাহাজের বারুদ খানার অগ্নি সংযোগ করিয়া, মুহূর্ত মধ্যে সমস্ত আরোহীকে শেষ করিয়া দিলেন।

পর্তুগীজদিগের ৬৪ খানি বৃহৎ জাহাজ ৫৭ খানি ক্ষুদ্রায়তন ও তৎসহ দুই শত ছোট এক মাস্তুলের স্পৃপ জাহাজের মধ্যে, কেবল মাত্র একখানি ক্ষুদ্র গ্রাব ও দুইখানি স্পৃপ, গোয়াল ফিরিয়া বাইতে রুতকার্য হইয়াছিল।

সুবাদার সেনাগণের প্রস্তুত নৌসেতুর মধ্যে কয়েকখানি নৌকা প্রজ্জ্বলিত পৰ্ত্তুগীজ জাহাজের অগ্নি সংযোগে পুড়িয়া না গেলে, তাহাদের এই তিন খানি তরনীও কিরিয়া যাইতে সক্ষম হইত না।

পৰ্ত্তুগীজদিগের সমস্ত সম্পত্তি মোগল সেনার হস্তগত হইল। এবং এই রোম্যান ক্যাথলিক খৃষ্ট ধর্মাবলম্বীগণের গির্জা মধ্যস্থ সমস্ত দেবমূর্তি ও তস্বির (বাহার, বিশেষতঃ এই একেশ্বরবাদী খৃষ্টানগণের ভজনালয়ে দেব দেবীর প্রতিমা রক্ষার বিষয় অবগত হইয়া, সম্রাটের বঙ্গবিজয় কালে তাঁহার প্রিয়তমা মহিষী মোম্তাজ মহল অত্যন্ত বিরক্ত হইয়াছিলেন) মোসলমানগণ ভগ্ন ও নষ্ট করিয়া দিল।

প্রায় চারি সহস্র চারিশত ৪,৪০০ পৰ্ত্তুগীজ নরনারী মোস্লেম সেনাগণের হস্তে বন্দি হইল। তন্মধ্যে বাছিয়া বাছিয়া পাঁচ শত সুদর্শন অল্পবয়স্ক স্ত্রীলোক ও বালক আগ্রায় প্রেরিত হইল। আগ্রায় গিয়া যুবতীগুলি সম্রাট প্রাসাদে ও ওমরাহগণের গৃহে স্থান পাইল ; এবং বালক গুলিকে ক্রক্ছেদ করিয়া মোসলমান করা হইল। অবশিষ্ট বন্দি গুলিকে কিছুদিন আবদ্ধ রাখিবার পর, সম্রাট তাহাদিগকে মুক্তি দিয়া গোয়ান্ন পাঠাইয়া দিলেন।

এইক্রমে হইতে ভগলী বঙ্গদেশের একটি বন্দরে পরিণত হইল ও সাতর্গা (সপ্তগ্রাম) হইতে সমস্ত সরকারী দপ্তর খানা হুগলীতে উঠাইয়া আনা হইল।

ইহার কিছুদিন পরে ঢাকার সুবাদার কাসেম খানের মৃত্যু হয়। ঢাকা নগরের মোসলমানগণ সুবাদারের মৃত্যুতে শোকাতিভূত হইয়াছিলেন। কাসেম খান একপক্ষে যেমন ধান্নিক তদনুরূপ বিছানুরাগীও ছিলেন। নিজে তিনি একজন বিখ্যাত কবি ছিলেন।

১৬৪৪ খৃষ্টাব্দে ইংরাজ কোম্পানী, সম্রাট শাহ জাহানের নিকট হইতে

ফয়মান পাইয়া, প্রথমতঃ বালেখরের নিকট সমুদ্র তীরবর্তী পিপ্লে বন্দরে কুটী-নির্মাণ করেন।

সম্রাট শাহজাহান কাসেম্ খানের মৃত্যু সংবাদ পাইয়া, জনৈক সম্বন্ধ জাত আজিম খানকে বাঙ্গালার সুবাদার পদে নিযুক্ত করিয়া পাঠাইলেন। কিন্তু এই সুবাদার বঙ্গদেশের স্তায় প্রকাণ্ড দেশ শাসনের অক্ষম যুক্ত বিবেচিত হওয়ায় ১৬৩৭ খৃষ্টাব্দে সম্রাট তাঁহাকে ডাকিয়া লইয়া, এলাহাবাদের শাসনকর্তা করিয়া দিলেন ও তাঁহার স্থানে এসলাম্ খান মুশিদীকে বাঙ্গালার সুবাদার নিযুক্ত করিয়া পাঠাইলেন।

এলাহাবাদের শাসনকর্তা থাকা কালে বাদশাহ্, আজিম খানের কুল-মর্যাদার বিশেষরূপে পরিচয় লইয়া, তাঁহার কন্যার সহিত স্বীয় পুত্র কুমার সুলজাআর বিবাহ দিয়াছিলেন।

এসলাম খান মুশিদী

ইনি একজন রাজনীতিজ্ঞ ও সমরোপযোগী প্রবীণ শাসনকর্তা ছিলেন। আবার যুদ্ধকাৰ্য্যে ব্যাপৃত থাকিতেই তিনি অধিক আনন্দ বোধ করিতেন।

১৬৩৮ খৃষ্টাব্দে চট্টগ্রামের মগ-শাসনকর্তা মেকাত্‌রে মোগল আক্রমণের ভয়ে, ভারত সম্রাটের অধীনতা স্বীকার করিলেন। মেকাত্‌রে চাকার আগমন করিয়া সম্রাট প্রতিনিধির নিকট বশুতা স্বীকার করিয়া-ছিলেন। এসলাম খান তাঁহার নিজ নীমানুসারে চট্টগ্রামের নাম "এসলামাবাদ" রাখিয়া দিলেন।

এই বৎসরেই আসামীরা প্রায় পাঁচশত নৌকাযোগে বহু সেনা লইয়া ব্রহ্মপুত্র নদ বাহিয়া বাঙ্গালা দেশে প্রবেশ করে ও নদের তীরবর্তী গ্রাম ও নগর সকল লুণ্ঠন আরম্ভ করিয়া দেয়। এই প্রকারে তাহারা, চাকার প্রায় নিকটবর্তী হইলে, সুবাদারের রণতরী গুলি আসামীগণকে আক্রমণ

করিয়া, কামানের গোলায় তাহাদের নৌকাগুলি ডুবাইয়া দিতে ও কোন কোনটিকে অগ্নি সংযোগ করিয়া নষ্ট করিয়া দিতে লাগিল। নৌসেনার মধ্যে যাহারা তাঁরে উঠিতে পারিয়াছিল, তাহারা প্রায় সকলেই মোগল অশ্বারোহীর তরবারি ও বর্ষার আঘাতে ধরাশায়ী হইল।

সুবাদার এন্সলাম খান, অবশিষ্ট পলায়িত শত্রুগণকে তাহাদের দেশ পর্যন্ত তাড়াইয়া লইয়া গেলেন। আসামে প্রবেশ করিয়া বঙ্গেশ্বর, তাহাদের পঞ্চদশটি দুর্গ অধিকার করিলেন; পরে অনেক ধন রত্নাদি সহ প্রত্যাবর্তন কালে, কুচবেহার করায়ত্ত করিয়া, বর্ষার প্রারম্ভেই রাজধানীতে ফিরিয়া আসিলেন।

ঢাকায় আসিয়া সুবাদার আদেশ পত্র পাইলেন যে—বাদশাহ্ তাঁহাকে মন্ত্রীত্ব পদ দিয়া দিল্লীতে প্রত্যাবর্তনের অনুমতি করিয়াছেন; এবং তাঁহার স্থলে নওয়াব সায়ফ খানকে সুবাদার নিযুক্ত করিয়াছেন। কিছুদিন পরে আবার দাক্ষিণাত্যের সুবাদার নিযুক্ত হইয়া গিয়া, তথায় হিঃ ১০৫৮ সালে, এন্সলাম খানের মৃত্যু হয়।

চতুর্দশ সর্গ ।



সোলতান মোহম্মদ সুজাআ—রাজমহল

১৬৩৯ খৃষ্টাব্দে সম্রাট শাহজাহানের দ্বিতীয় পুত্র চতুর্বিংশতি বর্ষের যুবক সোলতান সুজাআ, বাঙ্গালার সিংহাসনে উপবেশন করিলেন। কিন্তু পিতা, ভয়ে পুত্রকে বাঙ্গালা-বেহার-উড়িষ্যা তিনটি প্রদেশের অধিকার না দিয়া, শায়েস্তা খানকে বেহার বিভাগের শাসনকর্তা নিযুক্ত করিয়াছিলেন।

সোলতান সুজাআ রাজধানী, ঢাকা হইতে আবার রাজমহলে উঠাইয়া আনিয়া, উহার নাম আকবর নগর রাখিলেন ও তথায় অতি সুন্দর সুন্দর প্রাসাদাবলী নির্মাণ করাইলেন। রাজা মানসিংহের সময়ের দুর্গ-প্রাকার তিনি আরও সুদৃঢ় করিলেন। কিন্তু দুর্ভাগাক্রমে পর বৎসরই অগ্নিদাহে নগরের প্রধান প্রধান সুদৃশ্য প্রাসাদগুলি নষ্ট হইয়া বিস্তর ক্ষতি হইয়া গেল। গঙ্গার স্রোতের গতিও হঠাৎ পরিবর্তিত হইয়া, নগরের সৌন্দর্য্যের অবশিষ্টাংশ নষ্ট করিয়া দিল।

১৬৩৮ খৃষ্টাব্দে বাদশাহ্ শাহজাহানের একটি অল্প বয়স্ক কন্যা, পরিহিত বস্ত্রে অগ্নি সংযোগে দগ্ধ হইয়া যাওয়ার সম্রাট, মন্ত্রী আসাদ খানের অনুরোধে ইংরাজ ডাক্তার দ্বারা চিকিৎসা করাইবার জন্ত, পুরাটে লোক প্রেরণ করিলেন। এই সময় ভারতেশ্বর দক্ষিণাপথে দেশ পর্য্যটনে বাহির হইয়াছিলেন। হোরণ্ডয়েল্ জাহাজের ডাক্তার মিষ্টার গ্যাব্‌রাইল বাউটন্

সম্রাট সত্রাট শিবিরে উপস্থিত হইলেন। এবং অল্পদিন মধ্যেই সত্রাট নন্দিনীকে সম্পূর্ণরূপে আরোগ্য করিতে কৃতকার্য হইলেন।

এই ঘটনার পর বাদশাহ্ ডাক্তার বাউটনের অনুরোধে ইংরাজ ইস্ট-ইণ্ডিয়া কোম্পানীকে বিনা শুষ্ক বঙ্গদেশে বাণিজ্য করিবার অনুমতি প্রদান করিলেন।

পর বৎসর বাউটন, কুমার মোহম্মদ সুজাআর রাজধানী রাজমহলে গিয়া, সুবাদারকে তাঁহার সম্মান জ্ঞাপন করিলেন। এই সময় হেরেমের জনৈক মহিলার পাঞ্জরের বেদনা আরোগ্য করায় তিনি, সুবাদার কর্তৃক অতি সাদরে গৃহীত হইলেন।

১৬৪০ খৃষ্টাব্দে হোরওয়েল্ অর্ধবপোতে মিষ্টার ব্রিজম্যান নামক একজন ইংরাজ ভদ্রলোক ইংলণ্ড হইতে আসিয়া ডাঃ বাউটনের সহিত রাজমহলে সাক্ষাৎ করিলেন। তৎপরে ক্রমে উভয়ে অনুরোধ করিয়া সুবাদারের নিকট হইতে বালেশ্বর ও ছগলীতে কুঠী নির্মাণ করিবার অনুমতি গ্রহণ করিলেন।

১৬৪৭ খৃষ্টাব্দ পর্য্যন্ত সত্রাট-কুমার সুজাআ, স্থায় বিচার ও অতিশয় যোগ্যতার সহিত রাজ্য শাসন করিয়াছিলেন। শেষে বাদশাহ্ নিজ অভ্যাস মত পুত্রের হস্তেও অধিক ক্ষমতা দিতে ইতস্ততঃ করিয়া, পুত্রকে দেখিবার ভান করিয়া, তাঁহাকে রাজধানীতে প্রত্যাবর্তন করিতে অনুমতি করিলেন, এবং তাঁহার স্থানে নওয়াব এতেকাদ খানকে বাঙ্গালার সুবাদার নিযুক্ত করিয়া পাঠাইয়া দিলেন।

সত্রাট এই সময় লাহোরে অবস্থান করিতেছিলেন। তিনি তথায় পুত্রকে অতি সাদরে গ্রহণ করিয়া, কয়েক মাস পরেই তাঁহাকে কাবুলের শাসনকর্তা করিয়া পাঠাইয়া দিলেন।

সোলতান সুজাআ অতিশয় ধর্মভীরু, সত্যবাদী ও তাঁহার অগ্রজ

দারার ঞায় সচরিত্র এবং শাস্ত প্রকৃতির লোক ছিলেন। এতদ্ভিন্ন তাঁহার বন্ধু-বর্গের সহিত ব্যবহারে তিনি উদারতার পূর্ণ অবতার ছিলেন।

সোলতানের নম্রতা ও সুবিচারের জন্ত, তাঁহার শাসনকালে তিনি বঙ্গের সমস্ত প্রজাবর্গের প্রীতিভাজন হইয়াছিলেন। সুজাআর শুভ রাজ-দৃষ্টিতে বঙ্গদেশ, সে সময় কৃষি ও বাণিজ্য উন্নতির চরম সীমায় উঠিয়াছিল। যুদ্ধে তিনি একজন অদম্য সাহসী বীর ছিলেন, এবং তাঁহাতে একজন প্রবীণ সেনাধ্যক্ষের প্রায় সমস্ত গুণাবলী বর্তমান ছিল।

দুই বৎসর পরে সোলতান সুজাআ, আফগানিস্থান হইতে পিতৃ সন্নিধানে ফিরিয়া আসিলেন। তখন সম্রাট পুনরায় তাঁহাকে বাঙ্গালার শাসনকর্তা করিয়া পাঠাইয়া দিলেন।

১৬৫৭ খৃষ্টাব্দে সম্রাট শাহজাহানের কঠিন পীড়ার সংবাদে, তাঁহার চারি পুত্রের মধ্যে যে ষোরতর বিবাদ আরম্ভ হইল, তাহার ফলে সুজাআর ঞায় শাসনকর্তাকে হারান'র, বাঙ্গালাই সর্বাপেক্ষা অধিক ক্ষতিগ্রস্ত হইয়াছিল।

সোলতান সুজাআ বাঙ্গালা হইতে বহু সৈন্য লইয়া বারাণসী গমন করিলেন ও নোসেতু সাহায্যে তথায় গঙ্গা পার হইবার উপক্রম করিতে থাকা কালে, অবগত হইলেন যে—তাঁহার সর্ব কনিষ্ঠ ভ্রাতা সোলতান মোরাদ, গুজরাটে ভারত সম্রাট বলিয়া ঘোষণা করিয়া দিল্লীর দিকে অগ্রসর হইতেছেন।

এই সময়ে জ্যেষ্ঠ কুমার দারা, পিতার নিকট অবস্থান করিতেছিলেন। তিনি তাঁহার পুত্র সোলেমান শেকোহকে দশ সহস্র অখারোহী সহ এলাহাবাদ অধিকার করিয়া রাখিতে পাঠাইয়া দিয়া, বাদশাহকে পীড়িতাবস্থায় স্থান পরিবর্তনের অছিলায় দিল্লী হইতে আগ্রার আনয়ন করিলেন। তৎপরে সুজাআর সৈন্যে আগমন বার্তা পাঠাইয়া সোলতান

দারা, পুত্রের সাহায্যের জন্য রাজা জয়সিংহ ও দেলের খানকে বহু সেনা সহ পাঠাইয়া দিলেন।

যদিও কুমার সোলেমানের প্রতি, যে কোন প্রকারে সুলজাআকে বিতাড়িত করিবার জন্য তাঁহার পিতার আদেশ ছিল; কিন্তু কুমারের সাহায্যের জন্য রাজা জয়সিংহকে প্রেরণ করিবার কালে সম্রাট শাহজাহান, স্বয়ং জয়সিংহকে গোপনে ডাকিয়া, তাঁহার প্রতি সাধ্যমত চেষ্টাসহকারে ভ্রাতৃত্বের মধ্যে সন্ধি স্থাপন করাইতে, শেষ পক্ষে কুমার সুলজাআকে বঙ্গদেশে প্রত্যাবর্তন করাইবার পক্ষে বিহিত চেষ্টা করিতে উপদেশ দিয়াছিলেন।

বঙ্গেশ্বর সুলজাআ বারাণসীর সন্নিকটে বাহাদুরপুরে, গঙ্গার উপর নোসেতু, নির্মাণ করিতেছিলেন, এমন সময় নদীর পরপারে তিনি কুমার সোলেমানের সেনাগণকে দেখিতে পাইলেন।

বিবাদ আরম্ভ হইবার সূত্রপাতের পূর্বেই রাজা জয়সিংহ, সোলতান সুলজাআর সহিত সন্ধির প্রস্তাব করিয়া, তাঁহাকে বুদ্ধাটয়া দিলেন যে— তাঁহার জ্যেষ্ঠ দারার সহিত যুদ্ধ করিতে হইলে, কুমারকে প্রকৃত প্রস্তাবে দিল্লীশ্বরের বিপক্ষতাচরণ করিতে হইবে। যেহেতু তৎকালে কুমার দারাই বাদশাহের নামে সম্রাজ্যের সর্বসর্কা হইয়া দাঁড়াইয়াছিলেন। এবং মহামান্য ভারতেশ্বরেরও যে এই অভিলাষ, তাহা রাজা কুমারের নিকট বিবৃত করিলেন।

রাজা জয়সিংহের সং-যুক্তিতে কুমার সুলজাআ সম্মত হইয়া, স্বীয় রাজধানী প্রত্যাবর্তনের উদ্যোগ করিতেছিলেন। কিন্তু উগ্রপ্রকৃতি তরুণ বয়স্ক কুমার সোলেমান শেকোহ্ সন্ধির প্রস্তাবে অসম্মত হইয়া, প্রবীণ রাজা জয়সিংহকে তাঁহার অভিসন্ধি পূর্বাহ্নে কিছুই জানিতে না দিয়া, ১০৬৮ হিজরীর ৪ঠা রবিওল আউয়ল তারিখে রাত্রি দুই প্রহরের সময়, গঙ্গা

হাঁটিয়া পার হওয়া যায় এরূপ অল্প জল থাকা একটি স্থান দিয়া সসৈন্তে নদী পার হইয়া, তদীয় খুল্লতাতকে হঠাৎ নৈশ আক্রমণ করিলেন। এই আক্রমণে দেলের খানও কুমারের সহিত ছিলেন।

সন্ধির কথাবার্তা চলিতে থাকায়, সোলতান সুজাআ এই নৈশিক আক্রমণের বিরুদ্ধে সম্পূর্ণ অপ্রস্তুত ছিলেন। তিনি এই সময় অব্যবহিত নিদ্রায় নিদ্রিত হইয়া সন্ধির স্বপ্ন দেখিতেছিলেন। এমন সময় শত্রুর কোলাহলে তাঁহার নিদ্রাভঙ্গ হইল। সোলতান জ্বরিতে যুদ্ধ সজ্জায় সজ্জিত হইয়া তাঁহার হস্তীতে আরোহণ করিলেন। কিন্তু এই সম্পূর্ণ অপ্রস্তুত থাকা অবস্থায়, অগণিত সম্রাট সেনার সন্তিত যুদ্ধ করা তাঁহার পক্ষে অসম্ভব হইল। সুজাআ অনুচরগণ সহ শেষে পাটনার পলায়ন করিতে বাধ্য হইলেন। সঙ্গে সঙ্গে সম্রাট সেনা তাঁহার পশ্চাৎদ্বার করায়, তিনি আবার পাটনা পরিত্যাগে যুদ্ধের আশ্রয় লইলেন। তাঁহার ভ্রাতৃপুত্র সোলেমান, যুদ্ধের পর্য্যন্ত সোলতানের অনুসরণ করিয়াছিলেন। কিন্তু যুদ্ধের চূর্ণ সমীপে, পৌছিবার পর কুমার সোলেমান, আগ্রায় ফিরিয়া যাইয়া, তাঁহার অপর দুই পিতৃবিদ্রোহী খুল্লতাত আওরঙ্গজেব ও মোরাদের সংযুক্ত সেনাগণকে বাধা দিবার জন্য পিতৃ আদেশ প্রাপ্ত হইলেন।

সোলেমান চলিয়া যাইবার পর বঙ্গেশ্বর সুজাআ, তাঁহার বিক্ষিপ্ত সেনাগণকে একত্রীভূত করিবার প্রয়াস পাইতেছিলেন; এমন সময় জ্যেষ্ঠ দারার পরাজয় ও আওরঙ্গজেবের সিংহাসন অধিকার, এবং তৎসঙ্গে সম্রাট-পিতাকে অবরুদ্ধ করিবার সংবাদ পাইলেন। তখন কুমার সুজাআ অনোন্মপায় হইয়া মন্ত্রীবর্গের পরামর্শক্রমে, কনিষ্ঠ আওরঙ্গজেবের এই কৃতকার্য্যতায় তাঁহার আনন্দোৎসব বার্তা প্রেরণ করিলেন। তৎসহ তাঁহার প্রতি এই বঙ্গের সুবাদারের পদ নির্দ্ধারণকরণ জন্য, মিনতি সহকারে সম্রাট-ভ্রাতার নিকট প্রার্থনা করিলেন।

আওরঙ্গজেব তাঁহার চতুরতার জাল বিস্তার করিয়া, প্রথমতঃ ভ্রাতার দূতকে সমাদরে গ্রহণ করিলেন ও তাঁহার নিকট হইতে সুবাদার সুজাআর ও তাঁহার পরিবার বর্গের শারীরিক কুশল জিজ্ঞাসাবাদ করিয়া, দূতকে এই বলিয়া বিদায় করিয়া দিলেন—

“এ সময় সাম্রাজ্যের যেকোন অবস্থা তাহাতে তাঁহার ভ্রাতাকে বঙ্গের শাসনকর্তা নিয়োগ সম্বন্ধীয় পৃথক অনুমতি পত্র দেওয়া যায় না, এবং দিবারও আবশ্যকতা নাই। কারণ তিনি (আওরঙ্গজেব) ভারত সাম্রাজ্য সম্বন্ধে তাঁহার মহা-মহিমাম্বিত পিতার প্রতিনিধি মাত্র। বাদশাহের দুর্বলতা নিবন্ধন তিনি রাজদণ্ড ধারণে অপারক হওয়ার, তাঁহার পূর্ব নির্দ্ধারিত পদ সকলের অপলাপ হইতে পারে না।”

এই চাতুর্য্যপূর্ণ উত্তরে কুমার সুজাআ সন্তুষ্ট হইতে না পারিলেও, তিনি তাঁহার কনিষ্ঠ ভ্রাতার নিকট হইতে ইহার অধিক আশা করিতে পারেন নাই। কাজেই সুবাদার নিজের অবস্থানুযায়ী প্রস্তুত হইতে লাগিলেন।

এদিকে আওরঙ্গজেব, সম্রাটের জ্যেষ্ঠ পুত্র দারা শেখোহ্ প্রভৃতি, তাঁহার যাবতীয় শত্রুগণকে পরাস্ত করিয়া ভারত সিংহাসনের কণ্টক গুলি পরিষ্কার করিলেন।

১০৬৯ হিঃ ১৬৫৯ খ্রীষ্টাব্দে সুবাদার সুজাআ, তাঁহার মুখের মুখোব অপসারিত করিয়া, বাঙ্গালা হইতে বহু সৈন্য লইয়া কনিষ্ঠ ভ্রাতা আওরঙ্গজেবের বল পরীক্ষার্থে যাত্রা করিলেন। তিনি এলাহাবাদের নিকট বিনা বাধায় গঙ্গা পার হইয়া গেলেন। ক্রমে তথা হইতে ৩০ মাইল দূরবর্তী কাজ্‌ওয়া পর্য্যন্ত গিয়া, তিনি আওরঙ্গজেবের পুত্র মোহাম্মদ সোলতানের অধীনে দিল্লীর সেনাগণকে দেখিতে পাইলেন। তখন উত্তর সেনা, মধ্যে একটি প্রকাণ্ড সমতল ভূমি রক্ষা করিয়া, দূরে দূরে শিবির

সম্মিবেশ পূর্বক গড়খাত কাটিয়া, আপন আপন অবস্থান সুদৃঢ় করিতে লাগিল।

সুজাআ পূর্ব হইতে তাঁহার কামানগুলি, স্বীয় সেনার সম্মুখ ভাগে একধাও উচ্চ ভূমির উপর রক্ষা করিয়াছিলেন। ঠিক বেলা দুই প্রহরের সময় উভয় পক্ষের কামান গর্জনের সহিত তুমুল যুদ্ধ আরম্ভ হইল। বঙ্গেশ্বরের কামানগুলি উপযুক্ত গোলান্দাজ সেনার দ্বারা পরিচালিত হইতে থাকার, কামান নিষ্কিন্ত গোলা বিপক্ষের খুব অনিষ্ট সাধন করিতে সমর্থ হইল এবং তাহাদিগকে আরও কিছুদূর হটাইয়া দিতে কৃতকার্য হইয়াছিল।

এই সময় বিশ্বাসঘাতক মহারাজা বশোবস্ত সিংহ, তাঁহার সমস্ত রাজপুত্র ও হিন্দু সেনা লইয়া, কেবল মাত্র আওরঙ্গজেবের সেনাদলকে পরিত্যাগ করিয়া ও সস্ত্র না হইয়া, বরং দিল্লীশ্বরের সেনাগণের উপর নিপতিত হইয়া তাহাদিগকে ব্যতিব্যস্ত করিয়া তুলিল ও সম্রাট শিবিরে লুটপাট আরম্ভ করিয়া দিল।

বঙ্গেশ্বর সুজাআ সেই সময় ঐ বিষয় অবগত হইতে পারিলে, এই যুদ্ধ জয় করা তাঁহার পক্ষে সহজ সাধ্য হইত।

সমস্ত দিবস যুদ্ধের পর সোলতান সুজাআ তাঁহার কামানগুলি সহ, সমস্ত সৈন্যগণকে সুদৃঢ় গড়ের মধ্যে আসিতে অনুরমতি করিলেন। তাঁহার এই ভ্রমের ফলে সম্রাট সেনাপতি নীরজুমলা, রাত্রিযোগে সুজাআর কামান সাজাইবার সেই উচ্চ ভূমিধাও অধিকার করিয়া বসিলেন ও তদুপরি তাঁহার কামান শ্রেণী সাজাইয়া লইলেন।

পরদিবস প্রাতে তাঁহার ভ্রমের বিষয় ফল অবলোকন করিয়া সুজাআ, বাধ্য হইয়া স্বীয় সেনাগণকে আরও দূরে সরাইয়া লইতেছিলেন। এই অবসরে প্রবীণ বোদ্ধা আওরঙ্গজেব, স্বয়ং ভ্রাতাকে আক্রমণ করিলেন। সম্রাট আওরঙ্গজেব হস্তী আরোহণে যুদ্ধক্ষেত্রে অবতীর্ণ হইয়াছিলেন।

এই যুদ্ধে বাজালার সেনাগণ এতাদিক অধ্যবসায় প্রদর্শন করিয়াছিল যে—কিছুক্ষণ যুদ্ধের পর তাহারা প্রবল সম্রাট সেনাগণকে অনেক দূর হটাইয়া দিতে কৃতকার্য হইয়াছিল। সোলতান সুজাআ একটা বৃহদাকার হস্তী পৃষ্ঠে আরোহণ করিয়া, তাঁহার সেনাগণকে যুদ্ধে উৎসাহিত করিতে ছিলেন।

দূরে ভ্রাতা আওরঙ্গজেবকে সমভাবে হস্তীপৃষ্ঠে উপবিষ্ট দেখিয়া, সুজাআ স্বয়ং সম্রাটকে আক্রমণ করিলেন। এই অবস্থায় সম্রাটের একজন সেনাধ্যক্ষ তাহার হস্তী লইয়া বঙ্গেশ্বরকে বাধা প্রদান করিতে গিয়া নিহত হইল। তৎপরে সুজাআর প্রচণ্ড আক্রমণে সম্রাটের হস্তী হাটু গাড়িয়া বসিয়া পড়িল। এই সময় আওরঙ্গজেব হস্তী হইতে অবতীর্ণ হইতেছিলেন; এমন সময় সেনাপতি সুচতুর মীরজুমলা, অশ্বপৃষ্ঠে দ্রুত আগমন করিয়া তাঁতাকে সাবধান ও নিবেদন করায়, সম্রাট আর অবতীর্ণ হইলেন না। হস্তী উঠিয়া দাঁড়াইল বটে, কিন্তু কোন মতে আর অগ্রসর হইতে চাহিল না।

এই সময় আওরঙ্গজেবের হাওদার পশ্চাতে উপবিষ্ট একজন যোদ্ধা বঙ্গেশ্বরের মাহতকে বন্দুকের গুলি নিক্ষেপে ধরাশায়ী করিল। সঙ্গে সঙ্গে সম্রাটের হস্তীর মাহত দক্ষতার সহিত বঙ্গেশ্বরের হস্তীর মস্তকে উঠিয়া, উহাকে তাড়াইয়া লইয়া যাইতে লাগিল। এদিকে সম্রাটের হস্তীও ক্রমে আঘাতের গুরুত্বে অবাধ্য হইয়া উঠিল। তথাপি সম্রাট হস্তী ছাড়িয়া না দিয়া উহাকে শৃঙ্খলাবদ্ধ করিতে বলিলেন।

অপর পক্ষে সোলতান সুজাআ, তাঁহার জনৈক কর্মচারী আলিবর্দী খানের পরামর্শে, হস্তী হইতে অবতীর্ণ হইয়া অশ্বে আরোহণ করিলেন। ক্রমে বঙ্গের সেনাগণ সুবাদারের হাওদা আরোহীশূন্য দেখিয়া, তাঁহার মৃত্যু কল্পনা করিয়া যৎসম্মত দিতে লাগিল। এই সময় রাত্রি সমাগত হওয়ায়, সম্রাট আর পলাতকদিগের পশ্চাদ্ধাবন না করিয়া, শত্রু পক্ষের

কামান, যুদ্ধাস্ত্র ও বন্দাগারগুলি সেনাগণকে হস্তগত করিতে আদেশ দিলেন ।

সুবাদার সোলতান সুজাআ অতীব সাহসী ও একজন উচ্চশ্রেণীর রাজনীতিজ্ঞ হইলেও, একথা নিঃসঙ্কোচে বলা যাইতে পারে যে, তিনি যুদ্ধ বিদ্যায় সেরূপ সুপণ্ডিত ছিলেন না । বেনারস ও এলাহাবাদের এই উভয় যুদ্ধেই তিনি প্রবীণ সৈন্যাধ্যক্ষের উপযোগী পূর্বদৃষ্টি ও নিপুণতা প্রদর্শন করিতে পারেন নাই । উভয় যুদ্ধেই তাঁহার প্রধান সৈন্যাধ্যক্ষের উপযুক্ত সতর্কতার অভাবে, তাঁহার অধীনস্থ বহু সেনার প্রাণনাশ হইয়াছিল । যুদ্ধক্ষেত্রে হস্তী পৃষ্ঠ হইতে অবতরণ করা, তাঁহার একটি প্রকাণ্ড ভ্রম হইয়াছিল ।

অতঃপর যুদ্ধে পরাজিত হইয়া কুমার সুজাআ, সাধারণ লোকের বেশ গ্রহণে পাটনার পলাইয়া আসিলেন । এই সময় তাঁহার এমন মানসিক অবস্থা হইয়াছিল যে—তিনি নিজ সেনাগণকেও অবিশ্বাসের চক্ষে দেখিতে ছিলেন ।

পরদিবস প্রাতে: আওরঙ্গজেব, জ্যেষ্ঠ পুত্র মোহাম্মদ সোলতানকে দশ সহস্র অশ্বরোহী সেনা লইয়া সুজাআর অন্তঃসরণ করিতে প্রেরণ করিলেন । তিনি পুত্রের প্রতি যে কোন প্রকারে হটক তাহার পিতৃব্যকে ধৃত করিতে আদেশ দিলেন । কুমার মোহাম্মদের আগমন বার্তা অবগত হইয়া, দুর্ভাগা সুজাআ আবার মুন্ডেরে পলায়ন করিলেন ।

আওরঙ্গজেব এক্ষণে পুত্র মোহাম্মদ সোলতানের পশ্চাতে, খান খানান উপাধি ভূষিত সেনাপতি মোরাজ্জম খান মীরজুম্লাকে, বাঙ্গালা দেশ হইতে দুর্ভাগা সুজাআকে বিতাড়িত করিবার আদেশ দিয়া প্রেরণ করিলেন ।

সুজাআ মুন্ডেরে পৌছিয়া, মুন্ডের দুর্গ উত্তমরূপে পরিখা বেষ্টিত করিয়া

সুদৃঢ় করিয়া লইলেন। তথায় তাঁহার পরিত্যক্ত ও ছত্রভঙ্গ সেনাদল ক্রমশঃ আসিয়া জুটিতে লাগিল। বাঙ্গালা হইতেও অনেক সেনা তাঁহার নিকটে গিয়া পৌছিল। এই সময় বঙ্গেশ্বর তেলিগাগড়ী ও শিকুরিগলি গিরিবন্ধন করিয়া সুদৃঢ় করিয়া, এবং তথায় আবশ্যিক মত সেনা রক্ষা করিয়া, বঙ্গ প্রবেশের ঐ দুইটী পথ অবরুদ্ধ করিলেন।

এই বৎসর ১৬৫৯ খৃঃ ১০৬৯ হিঃ ৪ঠা রমজান তারিখে কুমার আওরঙ্গজেব, আবুল মোজাফ্ফর মুহিউদ্দীন মোহাম্মদ আওরঙ্গজেব বাহাদুর আলমগীর বাদশাহ গাজী নাম ধারণে সিংহাসনারূঢ় হইয়া, সমস্ত মসজিদে তাঁহার নামে খোত্বা পড়িতে আদেশ দিলেন। সঙ্গে সঙ্গে তিনি স্বীয় নামাক্রিত মুদ্রা প্রচলন করিতে লাগিলেন। (মোন্তেথাবুল লোবাব)।

কুমার মোহাম্মদ সোলতান, পাটনার খান খানান মোরাজ্জম খানের সন্তান অপেক্ষা করিতে লাগিলেন। পরে তাঁহার সহিত মিলিত হইয়া, উভয়ে বঙ্গ প্রবেশের উপায় উদ্ভাবন করিতে রহিলেন। শেষে পাটনার নিকটবর্তী জমিদারগণের সাহায্যে জারকন্দ পর্বত শ্রেণীর মধ্যবর্তী দুর্গম সেরেগটির পথ আবিষ্কার করিয়া, খান খানান মোরাজ্জম খান দ্বাদশ সহস্র অশ্বারোহী সহ বঙ্গে উপস্থিত হইলেন।

কুমার মোহাম্মদ সোলতান, অবশিষ্ট সম্রাট সেনা লইয়া মুন্দের দিকে যাত্রা করিলেন, এবং মুন্দের হইতে কয়েক মাইল দূরে শিবির সন্নিবেশ করিয়া তথায় অবস্থান করিতে থাকিলেন।

এমন সময় দুর্গ মধ্যে সুবাদার সুলজাআ সম্রাট সেনাপতির বঙ্গ প্রবেশের সংবাদ পাইয়া, দুঃখ ও বিস্ময়ের সহিত মুন্দের পরিত্যাগ করিয়া সর্বৈক্রে রাজমহলে গিয়া পৌছিলেন। মুন্দের দুর্গ কুমার মোহাম্মদ সোলতানের হস্তগত হইল।

কিছুদিন পরে কুমার ও সেনাপতি খান খানানের সৈন্ত, দুইদিক হইতে রাজমহল আক্রমণ করিল। ছয় দিবস পর্যন্ত সুজাআ এই যুক্ত-আক্রমণে বাধা প্রদান করিলেন। তৎপরে সেইস্থান নিরাপদ নহে বিবেচনা করিয়া, নিশার অন্ধকারে দারুণ দুর্ঘোষ ও ঝড় বৃষ্টির মধ্য দিয়া, নৌকারোহণে সপরিবারে টাঁড়ার গিয়া পৌঁছিলেন। সুজাআর ভাগ্যক্রমে সেই রাত্রি হইতে প্রচণ্ড বেগে ঝড় বৃষ্টি ও তুফান আরম্ভ হইয়া, নদীর জল বৃদ্ধি হইতে হইতে সম্রাট সৈন্তের বস্ত্রাবাস পর্যন্ত জলমগ্ন করিয়া দিল। এই অবস্থা দর্শনে খান খানান মোয়াজ্জম খান, আর সুজাআর পশ্চাদ্ধাবন করিতে না পারিয়া, চারি মাসকাল রাজমহলে অবস্থান করিতে বাধ্য হইলেন।

সম্রাট সেনাপতির অনিচ্ছু এই বিরাম কাল, ভাগ্যতাড়িত সুজাআকে নিরস্ত বস্ত্রের বিক্ষিপ্ত সেনাগণকে পুনঃ সংগ্রহ করিবার সুবিধা প্রদান করিল। এবার তিনি পর্তুগীজ গোলন্দাজগণের দ্বারা তাঁহার কামান সকল ছুড়িবার সুবন্দোবস্ত করাইতে লাগিলেন। তাহারা এই সুবাদারের অমানসিকতা এবং সাম্যনীতির বশবর্তী হইয়া, দলে দলে তাঁহার সৈন্ত মধ্যে প্রবেশ করিতে লাগিল।

অতঃপর সুবাদার-সেনাগণ নববলে বলীয়ান হইয়া গঙ্গা পার হইয়া, মধ্য মধ্য শত্রুসৈন্তের উপর গুলি বর্ষণ করিয়া, এবং সময় সময় রাত্রিযোগে তাহাদিগকে আক্রমণ করিয়া একরূপ ব্যতিব্যস্ত করিয়া তুলিল যে—শেষে সেনাপতি মোয়াজ্জম খানকে বাধা হইয়া রাজমহল পরিত্যাগে, গঙ্গা তীর হইতে কিছু দূরে গিয়া অবস্থান করিতে হইয়াছিল।

এই সময়ে আবার একরূপ একটা ঘটনা সংঘটন হইল, বাহাতে একদিকে যেমন সুজাআর পক্ষীয় লোকের উৎসাহ বর্দ্ধন হইল, অপর দিকে সম্রাটের তরফে তেমনি ত্রাস ও উৎকর্ষার বীজ ছড়াইয়া দিল।

আওরাজ্জেব-পুত্র কুমার মোহাম্মদ সোলতান, ইতিপূর্বে সুবাদার নন্দিনীর সহিত বাক্দত্ত হইয়াছিলেন। কেবল এই সর্বনাশক ভ্রাতৃ-বিবাদের জন্য এতাবৎকাল বিবাহকার্য সম্পন্ন হয় নাই। অনেকেই সহস্র ভাঙ্গিয়া গিয়াছে বিবেচনা করিয়াছিলেন। এমন কি কুমার সর্বক্ষণ এই যুদ্ধ কার্যে ব্যাপ্ত থাকার, তিনিও তাঁহার পরমা সুন্দরী বাক্দত্তার বিষয় সম্যক ভুলিয়া গিয়াছিলেন।

রাজকুমারী তাঁহার পিতার দুর্বস্থা দর্শনে, এই সময় স্বহস্তে কুমার মোহাম্মদ সোলতানকে করুণরসপূর্ণ একখানি পত্র লিখিলেন। তাহাতে তিনি তাঁহার ভাবী স্বামী কর্তৃক তাঁহার পিতামাতার এই দুর্ভাগ্যের জন্য আনুগতিক দুঃখ প্রকাশ করিয়াছিলেন।

এই পত্র কুমারের অন্তরে, তাঁহার পূর্ব আশঙ্কির বহি প্রজ্জ্বলিত করিয়া দিল। তিনি পিতার স্নেহ ও রাজ্য বিস্তারের আশা পরিত্যাগ করিয়া, অধীনস্থ গোলন্দাজ সেনা-নায়ক আমীর কুলি ও কাসেম আলি প্রভৃতি কয়েকজন বিশ্বস্ত অগুচর সহ, জ্যেষ্ঠতাত সুজাআর সহিত মিলিত হইতে বাহির হইলেন। মোহাম্মদ সোলতান তাঁহার সেনাগণকে পরে তাঁহার সহিত মিলিত হইবার উপদেশ দিয়া, নৌকারোহণে গোড়ের অনতিদূরে অবস্থিত বাগ্মতী নদীর তীরে, টাঁড়া নগরের নিকটবর্তী স্থানে গিয়া উপস্থিত হইলেন। এইস্থান হইতে সুবাদার সুজাআর পুত্র বোলন্দ আখতার, কতিপয় রাজসভাসদ সহ আসিয়া তাঁহাকে অভ্যর্থনা করিয়া সঙ্গে লইয়া গেলেন।

সেনাপতি মোরাজ্জমখান এই সংবাদ পাইয়া প্রথমতঃ আশ্চর্য্যান্বিত হইলেন; পরে যতই তিনি এই বিষয় চিন্তা করিতে লাগিলেন, ততই তাঁহার প্রাণে আশঙ্কার উদ্রেক হইতে লাগিল। আবার রাজমহলে প্রবেশ করিয়াও তিনি কুমারের সেনাগণ মধ্যে অতিশয় বিশৃঙ্খলতা ও

চাঞ্চল্য দর্শন করিলেন। তখন মহাসেনাপতি খান খানান স্বীয় হস্তী পৃষ্ঠে উপবেশন করিয়া, সমস্ত সৈন্য মধ্যে ভ্রমণ করিতে লাগিলেন ও তাহাদিগকে ওজস্বী ভাষায় উৎসাহ প্রদান করিতে, এবং তৎসঙ্গে কুমার মোহাম্মদের মহাত্ম্য ও পাগ্‌লামি বুঝাইয়া দিতে লাগিলেন। সৈন্যগণ এই মহাসেনাপতির সারগর্ভ উপদেশে, সম্রাট শিবির পরিত্যাগ করিয়া কুমারের সহিত মিলিত হইতে যাওয়া সম্পূর্ণ অযৌক্তিক বুঝিতে পারিয়া, সেই কার্যে নিরস্ত হইল। খান খানানও এই সময় হইতে নোসেতু প্রস্থতের অভি-প্রায়ে নৌকা সংগ্রহে নিযুক্ত হইলেন।

এদিকে খাওয়ারসপুর টাঁড়ার মহাসমারোহে সম্রাট কুমার মোহাম্মদ সোলতানের সহিত সুবাদার নন্দিনীর উদ্বাহক্রিয়া সম্পন্ন হইয়া গেল। বিবাহকালে কোন ভয় বা দুশ্চিন্তা মনোমধ্যে উদ্ভিত হইয়া, উভয় পক্ষের কাহারও উৎসাহ ভঙ্গ করিল না। কিন্তু অল্পদিন মধ্যেই, এই সমারোহ কার্য সম্পূর্ণরূপে নিবৃদ্ধি না হইতে হইতে, সম্রাট সেনার আগমনবার্তা শ্রবণে টাঁড়ার সুখস্বপ্ন ভাঙ্গিয়া গেল।

সুবাদার সুজাআ, নগর প্রাকারের দৃঢ়তার উপর বিশ্বাস স্থাপন করিতে না পারিয়া, সসৈন্তে নগরের বাহিরে গিয়া শিবির সন্নিবেশ করিলেন। এইবার সুবাদার নিজের সৈন্য বলের উপর সম্পূর্ণ আস্থা স্থাপন করিতে না পারিলেও, জামাতার কথামত তাঁহার অধীনস্থ সেনাগণের অধিকাংশ যুদ্ধকালে সম্রাট-পক্ষ পরিত্যাগে তাঁহার সহিত মিলিত হইবে বলিয়া বিশ্বাস থাকায় সুজাআ, যুদ্ধারম্ভে জামাতাকে অগ্রবর্তী সেনাগণের কেন্দ্রস্থলে প্রকাশস্থানে অবস্থান করিতে উপদেশ দিলেন।

যুদ্ধ-বিজ্ঞা-বিশারদ বাদসাহ সেনাপতি খান খানান, বিপক্ষ সেনাগণকে সমতল ক্ষেত্রে সমবেত দেখিয়া, মনে মনে খুবই সন্তুষ্ট হইলেন। তিনি অবিলম্বে যুদ্ধ ক্ষেত্রে অবতীর্ণ হইলেন, এবং দূর হইতে সর্বপ্রথমে সম্রাট

কুমারের পতাকা দেখিয়া, অধীনস্থ একজন বিশ্বাসী সেনানীকে কুমার মোহাম্মদ সোল্তানকে কোন প্রকারে ধৃত করিবার উপদেশ দিয়া, সৈন্যসহ প্রেরণ করিলেন।

প্রথমতঃ দূরের কামান গর্জনের সহিত যুদ্ধারম্ভ হইল। কিন্তু কামানের যুদ্ধে সুবাদারের পক্ষেই অধিক সুবিধা হইতেছে দেখিয়া, মোয়াজ্জম খান, তাঁহার নির্বাচিত অশ্বরোহীগণকে দূরে না থাকিয়া, কুমারের দিকে ধাবমান হইতে অনুমতি করিলেন।

এই সময় কুমার ঐ অশ্বরোহী সেনাগণকে তাঁহার পক্ষীয় লোক, এবং পূর্ব নির্দেশমত তাহারা তাঁহার সহিত মিলিত হইতে আদিত্তেছে বিবেচনা করিয়া, গোলন্দাজদিগকে কামান বন্ধ করিতে আদেশ দিলেন। পরে কুমার যখন তাঁহার এই মহাত্ম্য বৃত্তিতে পারিলেন, তখন আর ইহা সংশোধনের সময় ছিল না।

এই যুদ্ধে বাজালার অসংখ্য সৈন্য মোগল সেনাগণ কর্তৃক নিহত হইল। সুবাদার-কুমার বোলন্দ আখতার রণস্থলে সাজ্যাতিকরূপে আহত হইলেন।

সুবাদার ও তাঁহার জামাতা প্রথমতঃ নগর মধ্যে পলায়ন করিয়া আশ্রয় লইলেন, এবং রাত্রিযোগে সপরিবারে নৌকারোহণে ঢাকার দিকে সরিয়া পড়িলেন।

মহাসেনাপতি খান খানান' তাঁহার এই অপ্রত্যাশিত হঠাৎ-বিজয়ে আশ্চর্যান্বিত হইয়া গেলেন ও ধীরে ধীরে টাঁড়া নগরে প্রবেশ করিয়া সুলতানের প্রাসাদ অধিকার করিলেন। পরে এই স্থানে কিছুদিন অবস্থান করিয়া, সম্রাটের পূর্বাদেশ মত রাজ্য সম্বন্ধে সুবন্দোবস্ত মনো-নিবেশ করিলেন।

সম্রাট আওরাজ্জেব স্বীয় তনয় মোহাম্মদ সোল্তান সম্বন্ধে এই

অপ্রিয় সংবাদ শ্রবণে অতিশয় দুঃখিত ও চিন্তিত হইলেন। তিনি ভাবিতে লাগিলেন যে—এই সঙ্গে সঙ্গে হরত তাঁহার সমুদয় সৈন্য, তাঁহার পুত্রের আদর্শ অনুকরণ করিবে, এবং তাঁহার ফলে কেবল যে বাঙ্গালা তাঁহার হস্তচ্যুত হইবে তাহাই নহে, কালে সুজাআ হরত, তাঁহার সিংহাসন পর্য্যন্ত টান ধরিবে।

আওরাঙ্গজেবের অকৃত্য ছ' একটা দোষ থাকিলেও, তিনি অদ্বিতীয় সাহসী বীর পুরুষ ছিলেন। পুত্রের সংবাদ পাইয়াই তিনি সত্বর সেনা সংগ্রহ করিয়া বাঙ্গালা অভিমুখে যাত্রা করিলেন। কয়েক দিবস অবিশ্রান্ত পথ অতিক্রমের পর, টাঁড়ার তাঁহার সেনাগণের বিজয় বার্তা শ্রবণে তিনি, পরম করুণানিদানকে ধন্যবাদ দিয়া দিল্লী প্রত্যাবর্তন করিলেন। তথায় পৌঁছিয়া সত্ৰাট অতি নম্রতার সহিত অপত্য-স্নেহের পরাকাষ্ঠা প্রদর্শনে, হৃদয়গ্রাহী ভাষায় স্বহস্তে একখানি পত্র লিখিয়া, কুমারকে পিতৃসন্নিধানে প্রত্যাবর্তন করিবার জন্য দ্রুতগামী দূত হস্তে উহা পাঠাইয়া দিলেন। দূতর প্রতি সত্ৰাটের এইরূপ উপদেশ ছিল যে—যে কোন উপায় অবলম্বনে হউক সুজাআর গোয়েন্দা কর্তৃক দূতের গ্রেপ্তার হওয়া চাই। অন্তথায় কুমারের নিকট পত্র পৌঁছিবার আর দ্বিতীয় উপায় নাই বুঝাইয়া দিলেন।

যাহা হউক ঐ পত্র, শেষে মহত্ব ও উদারতার অবতার সুজাআর হস্তে পড়িল। তিনি তাঁহার স্বাভাবিক হৃদয়ের কোমলতা বশতঃ পত্র পাঠে, জামাতার ভবিষ্যৎ উন্নতির পথে বাধা না দিয়া, তাঁহাকে সত্ৰাট সন্নিধ্যে প্রেরণ করাই যুক্তিযুক্ত বিবেচনা করিলেন ও সেই মত জামাতা মোহাম্মদ সোল্তানকে সপরিবারে পিতার নিকট যাইতে অনুরোধ করিলেন।

দৃঢ়-প্রতিজ্ঞ সত্ৰাট আওরাঙ্গজেবের স্বর্ভাব তাঁহার পুত্রের অগোচর

ছিল না ; তথাপি তিনি অচিরে যৌতুক স্বরূপ স্বশ্রু প্রদত্ত বহু ধনরত্ন লইয়া, তাঁহার নিকট হইতে সম্মতিক বিদায় গ্রহণ করিলেন। পরে মহানুভব সুজাআর মহৎ অস্তুঃকরণের বহুল প্রশংসা করিতে করিতে, পিতৃ সেনাধ্যক্ষ মোরাজ্জম খানের শিবিরের অনতিদূরে আসিয়া উপস্থিত হইলেন। মহাসেনাপতি কুমারের এই অপ্রত্যাশিত প্রত্যাবর্তনের সংবাদ পাইয়া, অতি যত্নের সহিত কুমারদম্পতিকে সঙ্গে লইয়া গিয়া, তাঁহাদের প্রতি রাজোচিত সম্মান প্রদর্শন করিতে লাগিলেন।

ঘটনাক্রমে পরদিনই খান খানান, সম্রাট দরবার হইতে পত্র পাইলেন যে—কুমার মোহাম্মদ তাঁহার নিকট উপস্থিত হইলেই যেন তাঁহাকে সাবধানের সহিত দিল্লীতে পাঠাইয়া দেওয়া হয়।

কিছুদিনের মধ্যে কুমার পিতৃ সন্নিধানে গিয়া উপস্থিত হইলেন। কিন্তু সন্দিক্চিত্ত সম্রাট আওরাজ্জেব, তাঁহার এই অদম্য সাহসী বীর সরলমতি জ্যেষ্ঠ পুত্রের উপরও বিশ্বাস স্থাপন করিতে পারিলেন না। বাদশাহ, কুমার মোহাম্মদ সোলতানকে গোয়ালিয়ার দুর্গে আবদ্ধ করিলেন। এই অবস্থায় ১৬৭৬ খৃষ্টাব্দে দিল্লীশ্বরের জ্যেষ্ঠ পুত্র মোহাম্মদ সোলতানের গোয়ালিয়ার দুর্গে মৃত্যু হইল।

খান খানান মোরাজ্জম খান পশ্চিম ও উত্তর বঙ্গের সুবন্দোবস্ত করিয়া, সসৈন্তে পূর্ববঙ্গে ঢাকার দিকে অগ্রসর হইতে লাগিলেন ; এই সময়ে সুবান্দার সুজাআর সহিত মাত্র দেড় সহস্র অশ্বারোহী ছিল। তিনি আর অযথা রক্তপাতে যোগ না দিয়া, আরাকাণ্ড রাজের অধিকারভুক্ত চট্টগ্রাম বন্দরে গিয়া আশ্রয় লইলেন। তাঁহার ইচ্ছা ছিল যে—চট্টগ্রাম বন্দর হইতে জাহাজে আরব দেশে গমন করিয়া, তথায় মক্কা ও মদিনাভীর্থে অবশিষ্ট জীবন অতিবাহিত করিবেন। কিন্তু সেই সময় সমুদ্রে ঝড়ের প্রকোপে কোন অর্ণবপোত বন্দর পরিত্যাগ করিতে সাহস করিল না। অগত্যা

সুজাআ কেবলমাত্র স্বীয় পরিবারবর্গ ও চল্লিশজন বিশ্বস্ত অমুচরসহ সমুদ্র তীর দিয়া গিয়া, লাফ্ নদী পার হইয়া আরাকান রাজ্যে প্রবেশ করিলেন।

আরাকান রাজা প্রথমতঃ তাঁহাকে সাদরে গ্রহণ করিয়াছিল। পরে সম্ভবতঃ সত্ৰাট সেনাপতির উৎকোচে বশীভূত হইয়া, তাঁহার বিরুদ্ধাচরণ আরম্ভ করিল। এই সময় অর্দ্ধসত্য্য দুষ্ট ব্রহ্মরাজ, দিল্লীখর-বুমার সুজা-আর নিকট, তাঁহার কন্যার পাণিগ্রহণেচ্ছা প্রকাশ করায়, সুজাআ য়ণার সহিত উত্তর দিয়াছিলেন—

“তইমূরের বংশধর নীচবংশে কুটুস্থিতা করিয়া, হেয় হইতে চাহেন না। জাহাজ পাইলেই তিনি আরাকান রাজ্য পরিত্যাগ করিবেন।”

নীচ প্রবৃত্তি রাজা, শাহ্ জাহান পুত্রের এই উদ্ধত উত্তরে রাগান্বিত হইয়া, তাঁহাকে তৎক্ষণাৎ তাহার রাজ্য ছাড়িয়া চলিয়া যাইতে অন্তর্মতি করিল। সঙ্গে সঙ্গে স্বীয় সেনাগণকে নানাপ্রকারে উহাদিগকে উত্থাক্ত করিতে ইচ্ছিত করিল।

অচিরে রাজ-সেনাগণ আসিয়া এই অভাগা আশ্রিতগণের উপর নানা উপদ্রব আরম্ভ করিয়া দিল। উহাদের অভ্যাচারে উৎপীড়িত হইয়া, সুজাআর অমুচরগণ অস্ত্রাঘাতে তাহাদের দুই একজনকে হত্যা করিতে বাধ্য হইয়াছিল। রাজার সেনাগণও এই সুযোগ খুঁজিতেছিল। তাহার তখন সুজাআর বাসগৃহের পার্শ্ববর্তী পাহাড়ে উঠিয়া তথা হইতে উহাদের উপর প্রস্তর নিক্ষেপ আরম্ভ করিয়াছিল। এই বৃহৎ বৃহৎ নিক্ষিপ্ত প্রস্তরা-ঘাতে সুজাআর দলের অনেকেই প্রাণত্যাগ করিল। তিনি নিজেও একখানি প্রস্তরাঘাতে মুগ্ধিত হইয়া পড়িলেন। এই অবস্থার পাষাণেরা তাঁহাকে ধরাধরি করিয়া লইয়া গিয়া একটা ডোঙ্গায় তুলিল; এবং ঐ ডোঙ্গায় দুর্ভাগ্য সুজাআকে বাঁধিয়া, নদী মধ্যে ডোঙ্গা ভাসাইয়া লইয়া গিয়া,

উহার নিম্নের একখণ্ড কাষ্ঠ সরাইয়া লইল ও সঙ্গে সঙ্গে সকলে নদীজলে লাফাইয়া পড়িল। ডোঙ্গা বন্ধনাবস্থায় সম্রাট শাহ্ জাহান-তনয় সুজাআকে লইয়া জলমগ্ন হইল।

তখন দুর্ভাগা সুজাআর স্ত্রী কন্যাগণ রাজ সমীপে আনিতা হইলেন। এই সময় দুর্ভাগ রাজার কুঅভিপ্রায় বৃদ্ধিতে পারিয়া, জগৎবিখ্যাত সুন্দরী পিন্নারৌবালু স্বীয় বক্ষবস্ত্রাভ্যন্তর হইতে সুতীক্ষ্ম ছুরিকা বাহির করিয়া, পায়ণ্ড রাজাকে আক্রমণ করিয়াছিলেন; কিন্তু অপারগ হইয়া শেষে নিজবক্ষে ঐ ছুরি আমূল বিদ্ধ করিয়া চিরশাস্তি লাভ করিলেন। তাঁহার দেহাবসানের সঙ্গে সঙ্গে সুজাআর কন্যাগণ হলাহল পানে সেইস্থানে দেহত্যাগ করিলেন।

সুজাআর জ্যেষ্ঠ পুত্র ইতিপূর্বেই প্রসূরাহত হইয়া মৃত্যুমুখে পতিত হইয়াছিলেন। অত্যাগ্ন অন্নবয়স্ক পুত্রগণকে রাজা কিছুদিনের জন্য বন্দি অবস্থায় রাখিয়া, শেষে তাহাদিগকেও তাহাদের পিতার মতায় জলমগ্ন করিয়া বিনাশ করিল।

১০৭১ হিঃ ১৬৬১ খৃষ্টাব্দে ভারত সম্রাট শাহ্ জাহানের পুত্র, এবং বঙ্গ-বেহার-উড়িষ্যার সর্বজন সমাদৃত, প্রজাগণের ভক্তি-প্রীতির আধার সুবাদার, কুমার মোহাম্মদ সুজাআর ও তাঁহার স্ত্রী-পুত্র-কন্যাগণের নখর দেহের শোচনীয় অবসান হইল।

পঞ্চদশ সর্গ



নওয়াব মোয়াজ্জম খান, সৈয়দ মোহাম্মদ মীরজুমলা
খান খানান দেপাহ্ সালার

মীরজুমলা খান পারশ্ব দেশের অন্তর্গত ইস্পাতান নগরে জন্মগ্রহণ করেন। হিন্দুস্তানে আগমন করিয়া, তিনি ১০৬০ হিজরীতে তেলিঙ্গনা রাজ সোলতান আবছলা কোতব্ শাহের নিকট চাকুরী স্বীকার করিলেন। এবং তাঁহার অধীনে ক্রমে সেনানায়ক পদে উন্নীত হইলেন। এই অবস্থায় তিনি সোল্তানের পক্ষাবলম্বন করিয়া, বার্ষিক চল্লিশ লক্ষ টাকা আয়ের কর্ণাটিক্ বালাঘাট নামক রাজ্য জয় করিয়াছিলেন। পরে শক্রতা জালে বেষ্টিত হওয়ায় মীরজুমলা বাধ্য হইয়া কুমার আওরাজ্জেবের অধীনে, তাঁহার পল্টনে প্রবেশ করিবার অনুমতি প্রার্থনা করিলেন। সম্রাট-কুমার তাঁহার প্রার্থনা মঞ্জুর করিয়া, পিতা শাহ্ জাহানকে এই বিষয় মতানতের জ্ঞাত লিখিলেন।

সম্রাট, কুমারের পত্র পাইয়া, তেলিঙ্গনা রাজ কোতব্ শাহের নিকট মীরজুমলার ও তৎপুত্র মোহাম্মদ আমিনের চাকুরী বরখাস্তের ছাড়পত্র চাওয়ার, সোল্তান কোতব্ শাহ্ মীরজুমলা-পুত্র আমিনকে বন্দি করিলেন ও উহাদের পিতাপুত্রের বাবতীয় সম্পত্তি রাজ-সরকারভুক্ত করিয়া লইলেন।

কোতব শাহের এই ব্যবহারে কুমার আওরাজ্জেব মহা ক্রুষ্ট হইয়া, স্বীয় পুত্র মোহাম্মদ সোল্তানের অধীনে কোতব শাহের বিরুদ্ধে সৈন্ত প্রেরণ করিয়া, তাঁহার রাজ্য ধ্বংস করিয়া দিলেন। হিঃ ১০৬৭ সালের

১২ জমাদিয়ল-আখের তারিখে মীরজুম্লা ও তাঁহার পুত্র, কুমার মোহাম্মদ সোলতানের শিবিরে আসিয়া, তথা হইতে সম্রাট-কুমার আওরাজ্জেবের নিকট প্রেরিত হইলেন। এই বৎসরের ২৫ রমজান তারিখে মীরজুম্লা দিল্লীতে আসিয়া সম্রাট শাহজাহানের নিকট পরিচিত হইলেন। এই উপলক্ষে মীরজুম্লা সম্রাট শাহজাহানকে আড়াই লক্ষ টাকা ও অধিক মূল্যের একটি উৎকৃষ্ট বৃহৎ হীরক এবং তৎসহ অন্যান্য বহু মূল্যবান উপঢৌকন ও ৬০টি হস্তী প্রভৃতি উপহার দিয়াছিলেন। এই সমস্ত উপঢৌকনের মূল্য সর্বসমেত পনের লক্ষ টাকা ও অধিক হইবে।

মীরজুম্লা বাদশাহের নিকট হইতে মোরাজ্জম খান উপাধি পাইয়া ৬০০০ সহস্র অশ্বারোহীর নেতা হইলেন। পরে জ্যেষ্ঠ-কুমার দারা সেকোহু-এর ঘোর প্রতিবন্ধকতা সত্ত্বেও, সায়াফুল্লা খানের মৃত্যুর পর তিনি সম্রাটের প্রধান মন্ত্রীর পদে অভিষিক্ত হইয়াছিলেন।

মোরাজ্জম খান, খাজ্-ওয়ার যুদ্ধে আওরাজ্জেবের পক্ষ হইয়া তাঁহার ভ্রাতা বঙ্গেশ্বর সুজাআকে সম্পূর্ণরূপে পরাজিত করায়, তিনি তাঁহাকে মহা-সেনাপতির পদে বরণ ও খান খানান উপাধিতে ভূষিত করিলেন।

রাজমহলে অবস্থান কালে মোরাজ্জম খান ইংরাজ কোম্পানীর সোরা পূর্ণ একখানি নৌকা আটকাইয়া, তাহাদের 'পাটনার ব্যবসায়ের বিস্তার ক্ষতি করিয়াছিলেন।' তৎপরে ১৬৬০ খৃষ্টাব্দে ইংরাজেরা তাঁহার একখানি নৌকা আবদ্ধ করিতে সাহসী হইয়াছে অবগত হইয়া, তিনি ইংরাজ গণকে তাঁহার রাজ্য হইতে বিতাড়িত করিবার ভয় প্রদর্শন করেন। তাহাতে ইষ্ট ইণ্ডিয়া কোম্পানী ক্ষমা প্রার্থনা করিয়া ও বাৎসরিক তিন সহস্র টাকা শুদ্ধ দিতে স্বীকৃত হইয়া অব্যাহতি পাইয়াছিলেন।

১০৭১ বিঃ ১৬৬১ খৃষ্টাব্দে সম্রাট আওরাজ্জেবের চতুর্থ বৎসর রাজত্ব

কালে বাদশাহ্ খীর পুত্র মোহাম্মদ মোরাজ্জমের সহিত রাজা রূপসিংহের কন্যার বিবাহ দেন।

এই সময় কুচবেহারের রাজা ভীম নারায়ণ, মোগল সাম্রাজ্যের অধীনতা-শৃঙ্খল ছিন্ন করিয়া, মোগলাধিকৃত কামরূপ ও আরও দুই একটি স্থান অধিকার করেন। সঙ্গে সঙ্গে আসামের রাজা জয়দেব সিং, মোগল অধিকৃত কয়েকটি স্থান লুটপাট করিয়া, তথাকার অনেক অধিবাসীকে ধরিয়া লইয়া যায়। এই সকল প্রজার অনেকেই মোসলমান ছিল।

উপরি উক্ত অপমানের প্রতিশোধ দিবার জন্ত সুবাদার মীর জুমলা, কুমার সুজাআর ব্যাপার অবসানাশ্বেই বহু সেনা, বৃহৎ বৃহৎ কামান এবং যুদ্ধতরী লইয়া, ব্রহ্মপুত্র-তীর দিয়া গিয়া প্রথমতঃ কুচবেহার আক্রমণ করেন। কুচবেহার রাজ্যের এই অংশ জঙ্গলে পরিপূর্ণ থাকায়, সৈন্য ও কামান লইয়া সুবাদারকে বড়ই বিপন্ন হইতে হইয়াছিল। এমনকি এই মহা-সেনাপতি বঙ্গেশ্বরকে, একদিন স্বহস্তে কুঠার ধরিয়া পথ নির্মাণের জন্ত অরণ্যের মধ্যে গাছ পর্যন্ত কাটিতে হইয়াছিল। কিন্তু সুবাদারের এই উদাহরণে গর্ষিত মোগল সেনাগণ (যাহারা কেবল যুদ্ধই তাহাদের জীবনের একমাত্র ব্রত বিবেচনা করিত) অশ্ব হইতে অবতরণ করিয়া, সকলেই তখন কুঠার হস্তে জঙ্গল পরিষ্কার করিতে আরম্ভ করিল।

১০৭১ হিজরীর ২৭ রবিওল আউয়ল ১৬৬১ খৃঃ ডিসেম্বর মাসে সেপাহ্ সালার খান খানান, কুচবেহার নগর অধিকার করিলেন ও উহার নাম পরিবর্তন করিয়া আলম্গীর নগর রাখিলেন।

তদনন্তর সৈয়দ মোহাম্মদ সাদেককে এই স্থানের সামরিক শাসনকর্তা নিযুক্ত করেন, যদিও খান খানান রাগ বশতঃ তাঁহার প্রতি দেবমন্দির ভাঙ্গিয়া মসজিদ নির্মাণ করিতে অহুমতি দিয়াছিলেন; তথাপি তিনি, যাহাতে কোন প্রজার উপর অত্যাচার না হয়, তৎপ্রতি বিশেষ দৃষ্টি

রাখিবার জন্তু সামরিক শাসনকর্তার উপর আদেশ দিয়া যান। এই সময় সুবাদার স্বহস্তে কুচবেহারের সর্বশ্রেষ্ঠ মন্দির-অভ্যন্তরস্থ নারায়ণ মূর্তি উদ্ধার করতঃ তাহার ছাদে উঠিয়া, উচ্চকণ্ঠে আজানের দ্বারা মোস্লেম-বিজয় ঘোষণা করিলেন।

প্রজার সুখ-সমৃদ্ধির দিকে বিশেষ ভাবে দৃষ্টি রাখার কুচবেহারের প্রজাগণ শীঘ্রই এই নব বিজেতাগণের বশ্যতা স্বীকার করিল ও পলাতক প্রজাবৃন্দ তাহাদের পরিত্যক্ত বাসস্থানে ফিরিয়া আসিতে লাগিল। এই সময়ে রাজার পুত্র বিয়ণ নারায়ণ সুবাদার মীরজুম্ভার নিকট আসিয়া, স্বেচ্ছায় পবিত্র এসলাম ধর্ম গ্রহণ করেন।

এস্কেন্দিয়ার বেগ রাজার অঙ্গসরণ করিয়া তাঁহাকে অনেক চেষ্টায় ও ধৃত করিতে পারেন নাই। রাজা ভীম নারায়ণ তাঁহার আড়াই শত কামান অরণ্যের মধ্যে ফেলিয়া গিয়া ভূটানে পলায়ন করিলেন। ঐ সমস্ত কামান এস্কেন্দিয়ার বেগ কর্তৃক রাজধানী ঢাকায় প্রেরিত হইল।

মীরজুম্ভা তৎপরে ১,৪০০ অশ্বারোহী ও দুই সহস্র বন্দুকধারী পদাতিক সৈন্য এস্কেন্দিয়ারের অধীনে এই নব রাজ্য রক্ষণাবেক্ষণের জন্তু দিয়া, আসাম জয়ে বহির্গত হইলেন।

মহাসেনাপতি মীরজুম্ভা ১৬৬১ খৃষ্টাব্দের শেষভাগে, রাজমাটির নিকট নৌসেতু সাহায্যে ব্রহ্মপুত্র পার হইয়া আসাম প্রদেশে পৌঁছিলেন। এইস্থানে মোগল সেনাগণ আসামবাসীগণের নৈশ আক্রমণে বড়ই বিব্রত হইতে লাগিল। শেষে এই কষ্ট-সহিষ্ণু মোগল সেনাগণ, পার্শ্বতীর সিমাইন্‌ দুর্গের সন্নিকটে পৌঁছিলেন। এই দুর্গ বিংশতি সহস্র আসামী সৈন্য কর্তৃক সংরক্ষিত ছিল; এবং ঠিকার এক প্রান্ত দিয়া প্রবাহিত ব্রহ্মপুত্র বক্ষে শত্রুপক্ষের নৌবহর সর্বক্ষণ প্রহরীর কার্যে নিযুক্ত থাকিত।

সুবাদার প্রথমেই মোগল নৌসেনাগণকে বিপক্ষের এই সমস্ত তরনী

ধ্বংস করিতে বলিয়া, তিনি স্বয়ং স্থলপথে দুর্গ আক্রমণ করিলেন। মোগল কামান অতি সত্বরই আসামী নৌকাগুলিকে ছিন্ন ভিন্ন করিয়া দিল। এই অবস্থা দর্শনে দুর্গরক্ষী সেনাগণ নিশাযোগে দুর্গ পরিত্যাগ করিয়া পলায়ন করিল।

মহাসেনাপতি দুর্গ অধিকার করিয়া, ঐ দুর্গের নাম আতা-আল্লাহ্ (আল্লাহ্‌র দান) রাখিলেন ও তথায় উপবৃত্ত সংখ্যক সেনা রক্ষা করিয়া, ওই সাবান আসামের তৎকালীন রাজধানী ধেরগাঁও অধিকার করেন।

আসাম-রাজ জয়দেব সিং অরণ্যময় পার্বতীয় প্রদেশে পলাইয়া গেলেন ও তথা হইতে মধ্যে মধ্যে সৈন্য প্রেরণে মোগল সেনাগণকে উত্যক্ত করিতে লাগিলেন। এদিকে বর্ষার জল প্লাবনে সুবাদারকে সৈন্যসহ যৎপরোনাস্তি কষ্ট ভোগ করিতে হইয়াছিল।

এই স্থানে অবস্থান করিয়া সুবাদার চীনদেশ আক্রমণের আশায় পথ অনুেষণ করিতে লাগিলেন। এবং পরবর্তী বৎসরে চীন অভিযানের আশা মনমধ্যে পোষণ করিয়া, কিছুদূর পর্য্যন্ত পথও প্রস্তুত করাইয়াছিলেন। বাদশাহ্ আওরাজ্জের নিকট এই আনন্দের সংবাদ পৌঁছিতে, তিনিও চীন অভিযানে বজ্রধরকে সাহায্য করিবার জন্ত দিল্লীতে সেনা সংগ্রহ করিতে আদেশ দিয়াছিলেন। কিন্তু মীরজুম্‌লার অকাল মৃত্যুতে সমস্ত আশা-ভরসা পূর্ণ হইয়া গেল। ১৬৬২ খৃষ্টাব্দে আসাম দেশে অতিশয়বর্ষা হইয়া, সমস্ত দেশ জলমগ্ন হইয়া পড়িল। যে মোগল অশ্বারোহী সেনাগণের দশজনকে সম্মুখে দেখিলে শত শত আসামী সৈন্য ভয়ে পলায়ন করিত, এক্ষণে থাড়াভাবে তাহাদের অশ্বগুলি ক্রমে নিশ্বেজ হইয়া পড়ায়, তাহারা অকর্মণ্য হইয়া থাকিতে বাধ্য হইল।

বর্ষা ক্রমশঃ শেষ হইল বটে, কিন্তু বর্ষান্তে যে জয় দেখা দিল, তাহার প্রকোপে অনেক মোগল সেনা মৃত্যুমুখে পতিত হইল। তদুপরি

আসামীগণও নিশাযোগে দূর হইতে বিযুক্ত ভীর নিঃক্ষেপে অনেক মোগল সেনা ও অশ্ব নষ্ট করিতে লাগিল।

১০৭৩ হিজরীর রবিওল আউয়ল মাসে ভূমি শুকাইয়া পূর্বের স্তায় হইল। তখন সুবাদার মীরজুমলা, ভীকু আসামীগণের উপর তাঁহার অশ্বারোহী সেনা ছাড়িয়া দিতে লাগিলেন। এবং তাহারা এক একদলে অতি অল্প সংখ্যক মাত্র গিয়া, মেঘপালের স্তায় আসামীগণকে বিতাড়িত করিতে লাগিল। রাজা অবস্থা দর্শনে সন্ধির প্রার্থনা করিলেন। সুবাদার এই সময় ভীষণ রক্ত আমাশয় রোগে কাতর হইয়া পড়ায়, তাঁহার অধীনস্থ সেনানী দেলের খান প্রভৃতির অনুরোধে রাজার সহিত সন্ধি করিতে সম্মত হইলেন। রাজা জয়দেব সিং বঙ্গেশ্বরকে বাৎসরিক কর উপঢৌকন স্বরূপ অনেকগুলি উৎকৃষ্ট হস্তী, বহু অর্থ এবং সুবাদারের এক পুত্রের সহিত স্বীর কন্যার বিবাহ দিতে সম্মত হওয়ার, খান খানাম মীরজুমলা আসাম পরিত্যাগ করিয়া আসিবার উদ্যোগ করিতে লাগিলেন।

৬ঠি জমাদিস্-সানি তারিখে আসামরাজ, মোগল সুবাদারের নিকট ২০,০০০ সতস্র তোলা স্বর্ণ, দশ লক্ষ আট হাজার তোলা রৌপ্য, চল্লিশটি বহুদাকার হস্তী এবং দুই জন রাজ কন্যাকে (তন্মধ্যে একজন তাঁহার কন্যা ও অপর একজন নিকটবর্তী জনৈক প্রধান শাসনকর্তার কন্যা) পাঠাইয়া দিলেন। তৎপরে মোগল সরকারে বাৎসরিক কর প্রেরণের প্রতিভূ স্বরূপ, সম্রাট বংশীর চারিজন খুবককে সুবাদারের নিকট রক্ষা করিবার জন্য প্রেরণ করিলেন।


রাজা জয়দেবের হঠাৎ এই সন্ধির প্রস্তাব করিবার ও তাঁহার এই অপমান জনক শর্তে সম্মত হইবার আরও বিশেষ কারণ হইয়াছিল যে— বর্ধমান্তে যখন দেলের খান আসামীগণের বিস্তর লোকক্ষয় করিতে আরম্ভ করিলেন ও বাহাকে সম্মুখে পাইলেন তাহাকেই ধরিয়া মোগল

শিবিরে আনিয়া নানারূপ যন্ত্রণা দিতে লাগিলেন। খান খানান আসামী সেনাগণের ভীতি উৎপাদন মানসে ঐ সকল ধৃত আসামবাসীগণের কোমরে ও গলায় মৃত আসামীগণের খণ্ডিত মুণ্ডমালা ঝুলাইয়া, তাহাদিগকে নগর মধ্যে পরিভ্রমণ পূর্বক, পরে প্রকাশ্য স্থানে প্রাণনাশের আদেশ দিতে লাগিলেন। এই অবস্থা দর্শনে সমুদয় আসামীসেনা বিক্রোহী হইবার উপক্রম হওয়ায়, রাজাকে বাধ্য হইয়া সন্ধির অতি হীন প্রস্তাবেও সন্মত হইতে হইয়াছিল।

সাবান মাসের শেষে, খান খানান গোহাটীতে আসিয়া পৌঁছিলেন। এই শারীরিক দুর্বলতার সময়, কুচবেহারে পুনঃ গোলযোগের সংবাদ পাইয়া, সুবাদার উহা নিবৃত্তি করণ কল্পে তাঁহার সমভিব্যাহারী সেনা মধ্য হইতে কতক সেনা রাশেদ খান ও আস্গর খানের অধীনে কুচবেহারে পাঠাইয়া দিলেন; এবং অবশিষ্ট সেনাসহ তিনি রাজধানী ঢাকার দিকে অগ্রসর হইতে লাগিলেন। খিজিরপুর পৌঁছিয়া তাঁহার স্বাস্থ্য এককালীন ভগ্ন হইয়া গেল ও বঙ্গ-বেহারের প্রবল পরাক্রান্ত শাসনকর্তা, দিল্লীশ্বরের দক্ষিণ হস্ত স্বরূপ সেপাহ্‌সালার মহাবীর মোরাজ্জম খান মোহাম্মদ মীর জুম্লা খান খানান, হিঃ ১০৭৩ সালের ১২ রমজান তারিখে খিজিরপুরে দেহ ত্যাগ করিলেন।

এই উপযুক্ত সেনাপতি ও শাসনকর্তার মৃত্যুতে বাদশাহ ও আওরঙ্গজেব শোকে অভিভূত হইলেন। আওরঙ্গজেব স্বীয় পুত্র মোহাম্মদ মোরাজ্জমকে তাঁহার পরিবারবর্গের সাহায্য দিবার জন্ত বাঙ্গালায় পাঠাইয়া দেন।

ষোড়শ সর্গ



দাক্ষিণাত্য—শিবাজী

বাঙ্গালার যখন এই সমস্ত ব্যাপার হইতেছিল, সেই সময় দাক্ষিণাত্যে বিজাপুর রাজ আদিল্ খানের রাজ্য মধ্যে পূনার জায়গীরদার মারচাট্টা সাহজী ভৌসলার পুত্র শিবাজী মস্তক উত্তোলন করিতে লাগিলেন। তিনি প্রথমতঃ তাঁহার পিতার কার্য্য নিকাহক নিযুক্ত হইয়া, স্বীয় সাহস ও শীক্ষা বুদ্ধি প্রদর্শনে তাঁহার দলস্থ লোকের প্রিয়পাত্র হইয়া উঠিলেন। কিন্তু এই তেজস্বী যুবক বয়ঃবৃদ্ধির সঙ্গে সঙ্গে তাঁহার সদগুণ সকল পরিহার করিয়া, ধূর্ততা ও শঠতার আশ্রয় লইয়া—“শয়তানের নিষ্ঠুর পুত্র, এবং বিশ্বাসঘাতকতার পিতারূপে” পরিগৃহীত হইলেন।

তাঁহার আবাসস্থান পর্ব্বত ও জঙ্গলময় দুর্গম স্থানে ছিল। এই স্থলে পর্ব্বতোপরি তিনি মুল্লয় দুর্গ নির্মাণ করিয়াছিলেন। এই দুর্গকে দাক্ষিণাত্যের ভাষায় গাব্বুহি বলিত।

শিবাজী নানা উপায় অবলম্বনে পার্বত্য মাওয়ালি প্রভৃতি মারচাট্টা দস্যুদিগকে দলে লইয়া ক্রমশঃ তাঁহার দল পুষ্ট করিতে লাগিলেন। ক্রমে তিনি চান্দান নামক দুর্গ হস্তগত করিলেন। এই সময় বিজাপুর রাজ্যের প্রতাপ ক্রমশঃ খর্ব্ব হইতেছিল এবং এই সুযোগেই শিবাজী উত্তরোত্তর তাঁহার দল বৃদ্ধি করিতে লাগিলেন। ক্রমে এই লুণ্ঠন-লোলুপ দস্যুপতি, অধীনস্থ দস্যুদল লইয়া দূরে ও নিকটে চতুর্দিকেই লুণ্ঠন আরম্ভ করিয়া দিল।

শিবাজী পূনার ২০ মাইল দক্ষিণ-পশ্চিমে-স্থিত প্রসিদ্ধ রাজগড় দুর্গ

অধিকার করিলেন। বিজাপুরের বালক অধিপতি সেকেন্দার আলি আদিল খান বয়ঃপ্রাপ্ত হইতেই অধীনস্থ জায়গীরদার শিবাজীকে এই সমস্ত অত্যাচার ও তাঁহার দস্যুতার নিবারণ কল্পে পত্র লিখিলেন। শিবাজী তাহার বোন উস্তর না দেওয়ার, আদিল খান এই বিদ্রোহীকে দমন করিবার জন্ত, সেনাপতি আফ্জাল্ খানকে তাঁহার বিরুদ্ধে প্রেরণ করিলেন। এই মহা-পরাক্রান্ত সেনাপতি তখন শিবাজীকে দস্তুরমত ঠাসিয়া ধরিলেন। তখন এই ধৃত নির্দিয় বিদ্রোহী, সশ্রুত যুদ্ধে পরাজয় অবশ্যস্তাবী দেখিয়া, চাতুর্য্যজাল বিস্তারে স্বীয় অনুশোচনা জানাইয়া, ক্ষমা ভিক্ষার্থে মোস্লেম সেনাপতির নিকট উপযু্যপরি দূত প্রেরণ করিলেন।

কয়েকজন প্রবঞ্চক ব্রাহ্মণ দূত দ্বারা এই সন্ধি বিষয়ক কথাবার্তা চলিতে থাকা কালে, এইরূপ ধার্ষ্য হইল যে—শিবাজী নিরস্ত্র হইয়া মাত্র চারিজন অনুচর সহ তাহার দুর্গ নিয়ে সেনাপতি আফ্জাল্ খানের সচ্ছিত সাক্ষাৎ করিবার জন্ত অপেক্ষা করিবেন। আফ্জাল খানও সেই ভাবেই গিয়া শিবাজীর সচ্ছিত সাক্ষাৎ করিবেন।

উভয়পক্ষে এইরূপ দেখা সাক্ষাৎ ও কথাবার্তার বিষয় ধার্ষ্য হইবার পর, সেনাপতি আফ্জাল্ খান পাল্কি আরোহণে নির্দিষ্ট স্থানে গিয়া উপস্থিত হইলেন ও দেখিলেন—শিবাজী একাকী নিরস্ত্র হইয়া, ঘেন ভরে জড়সড় অবস্থায় তাঁহার দিকে অগ্রসর হইতেছে। মহামতি আফ্জাল্ এই অবস্থা দর্শনে, তাঁহার সশস্ত্র বাহকগণকে সরিয়া বাইতে ইঙ্গিত করিলেন। এমন সময় কপটাচার পরায়ণ বিখ্যাসঘাতক শিবাজী, তাঁহার নিকটবর্তী হইয়া ক্রন্দনের ভান করিতে করিতে সেনাপতির পদপ্রান্তে গড়াইয়া পড়িল ও ক্ষমা ভিক্ষা চাহিতে লাগিল। বিস্ময়কর মহাপ্রাণ আফ্জাল খান স্বীয় পাদদেশ হইতে শিবাজীর মস্তক উত্তোলন করিয়া, তাহাকে আলিঙ্গন

করিবার ইচ্ছায় তাহার পৃষ্ঠে দক্ষিণ হস্ত স্থাপন করিতে যাইবার কালে, প্রবঞ্চক দস্যুপতি তাহার হস্তের বস্ত্রাভ্যন্তরে লুকাইয়া রাখা ক্ষুদ্র বিছুয়া (ছুরি) অস্ত্র সেনাপতির উদরে এক্রমে প্রবেশ করাইয়া দিল যে সেই মুহূর্ত্তে তিনি মৃত্যুমুখে পতিত হইলেন ।

তৎপর হইতে দস্যুদলপতি শিবাজী দূরপ্রত্যাগত স্থল-বাণিকগণকে আক্রমণ ও বিনাশ করিয়া বহু অর্থ সঞ্চয় করিতে লাগিল ।

এই দস্যুপতির শত শত দোষের মধ্যে এই একটি গুণ ছিল যে—তিনি কখনও বিজীত দেশের কোন মসজিদ ধ্বংস বা ধর্মগ্রন্থ কোরআন স্পর্শ করা, কিম্বা স্ত্রীলোকের প্রতি অত্যাচার করেন নাই । কোন প্রকারে কোথায়ও পবিত্র ধর্মগ্রন্থ তাঁহার হস্তে পড়িলে, তিনি অতি যত্নের সহিত উহা তাঁহার কোন মোসল্‌মান অনুচরের হস্তে দিতেন ।

ক্রমে শিবাজীর অত্যাচারের বিষয় সম্রাট আওরাজ্‌জেবের কর্ণগোচর হইল । তিনি দক্ষিণপথের সুবাদার আমীরুল্ ওমরা শায়েস্তা খানকে এই দস্যুপতিকে শিক্ষা দিবার জন্য অনুমতি দেন । শায়েস্তা খান ১৬৬০ খৃ ১০১০ হিজরীর জমাদিয়ল আউয়ল্ মাসের শেষভাগে, আওরাজ্‌বাদ হইতে পুনা ও চাকনার দিকে শিবাজীর দমন উদ্দেশ্যে যাত্রা করিলেন । এই সময় শিবাজী পুনা হইতে দক্ষিণ-পূর্বে ৪০ মাইল দূরে, সুপা নামক স্থানে অবস্থান করিতেছিলেন ।

১লা রজব তারিখে আমীরুল্ ওমরা শিবগ্রামে পৌঁছিলেন । মোসলেম সেনাপতির আগমন সংবাদ পাঠিয়া শিবাজী, সুপা পরিত্যাগে অশ্রুদিকে পলায়ন করিল । সেনাপতি বিনা বাধায় সুপা অধিকার করিয়া বহু রায়কে তথাকার শাসনকর্তা নিযুক্ত করিলেন । কিন্তু বহু রায় তথা হইতে মোসলেম সেনাগণের রসদ প্রেরণ করিবার কালে, শিবাজীর অধীনস্থ দস্যুগণ, পথে তাহা লুণ্ঠন করিয়া গইতে লাগিল ।

অবশেষে সত্ৰাট সেনাগণ পুনা ও শিবগ্রাম অধিকার করিলেন। এই সময় শিবাজী সৈন্যে তাঁহার দুর্ভেদ্য চাকনা দুর্গে অবস্থান করিতেছিলেন। সেনাপতি শায়েস্তা খান এই দুর্গ আক্রমণ করিলেন এবং বহু दिবস উহা অবরোধ করিয়া থাকিতে সৈন্যগণকে উপদেশ দিলেন।

প্রায় দুই মাস কাল অবরোধের পর যখন শিবাজী কিছুতেই দুর্গের বাহির হইলেন না, তখন বাদশাহ সেনাগণ সুড়ঙ্গ খনন করিয়া তন্মধ্যে বিস্ফোরক স্থাপন দ্বারা দুর্গ প্রাকারের একাংশ উঠাইয়া দিলেন। সঙ্গে সঙ্গে সাহসী এসলাম সন্তানগণ আল্লাহতৌআলার উপর আস্থা স্থাপন পূর্বক দুর্গ প্রবেশে শিবাজীর সেনাগণের উপর মহা প্রভঞ্জন বেগে পতিত হইয়া, তাহাদিগকে বিনাশ করিতে লাগিল। সমস্ত দিন ধরিয়া যুদ্ধ চলিল; সে রাত্রি মোস্লেম সেনাগণ বিধর্মীগণের রক্ত ও শবের উপরেই অতিবাহিত করিল। পরদিন প্রত্যুষে পুনরায় শত্রুগণকে আক্রমণ করিয়া তাহাদিগকে প্রায় নিঃশেষ করিয়া সেনাপতি দুর্গ হস্তগত করিলেন। পরাজিত মারহাট্টাগণ যে কয়জন প্রাণ বাঁচাইতে পারিল, শিবাজী সহ নগর মধ্যে পলায়ন করিয়া আত্মরক্ষা করিল।

শিবাজী, রাও ভাও সিংকে আমীরুল ওমরার নিকট পাঠাইয়া দিয়া সন্ধির প্রস্তাব করিলেন। এই সময় মধ্যে মোগল সেনাপতি নগর অধিকার করিয়া, উজ্জ্বেক্ খানকে তথাকার সামরিক শাসনকর্তা নিযুক্ত করিলেন। এবং চাকনার নাম পরিবর্তন করিয়া এসলামাবাদ রাখিলেন।

বাদশাহ আওরাজজেবের ষষ্ঠ বৎসর রাজত্বকালে ১৬৬৩ খৃষ্টাব্দে আমীরুল ওমরা শায়েস্তা খান, পুনায় গমন করিয়া শিবাজীর প্রাসাদে বাস করিতে লাগিলেন ও শিবাজীকে গ্রেফতার করিবার জন্য চতুর্দিকে সৈন্য প্রেরণ করিলেন। এই সময় শিবাজী পর্বতে পর্বতে লুকাইয়া বেড়াইতে লাগিল।

স্বভাব-প্রবন্ধক মারহাট্টাগণের উপর সম্পূর্ণ অবিশ্বাস থাকায়, আমীরুল ওমরা শারয়েস্তা খান, ঐ বিশ্বাসঘাতকের দলের নগর প্রবেশ এক প্রকার বন্ধ করিয়া দিয়াছিলেন। ছাড়পত্র প্রদর্শন ভিন্ন কোন মারহাট্টার পুনঃনগরের মধ্যে যাইবার অধিকার রহিল না।

একদিন মোগল বেতনভোগী একদল মারহাট্টা পদাতিক সেনা, নগর কোতওয়ালের নিকট হইতে একটি বিবাহ সমারোহে দুইশত নিমন্ত্রিত মহারাষ্ট্রীয়গণকে নগর প্রবেশ করিতে দিবার জন্ত ছাড় লইয়াছিল। উত্তরা সন্ধ্যার সময় নগরে প্রবেশ করার পর, আর একদল মারহাট্টা, সম্রাটের মহারাষ্ট্রীয় সেনা কর্তৃক ধৃত হইয়াছে এইরূপ অবস্থা প্রদর্শন করিয়া, নিরস্ত্র হইয়া হাতে হাতকড়ি ও কোমরে রজ্জু বন্ধনাবস্থায় সন্ধ্যার অন্ধকারে নগরে প্রবেশ করিল। বলা বাহুল্য যে এই উভয় মারহাট্টা দলই শিবাজীর বেতনভোগী সেনা, এবং তাঁহারই আদেশে ও ত্বরভিসন্ধি মতে, তাহারা এই তস্করের স্থায় কার্য্যে প্রবৃত্ত হইয়াছিল।

এই মারহাট্টা সেনাগণ প্রাসাদের অবস্থা পূর্ব হইতে বিশেষরূপে অবগত ছিল। রাত্রিযোগে ইহারা কয়েকজন অস্ত্র শস্ত্রে সজ্জিত হইয়া প্রথমতঃ গবাক্ষ পথ দিয়া রক্তনশালার প্রবেশ করিল। তৎপরে সদল বলে প্রাসাদ মধ্যে প্রবেশ করিয়া যাহাকে নিরস্ত্র অবস্থায় সন্মুখে পাইতে লাগিল হত্যা করিতে আরম্ভ করিল। এই সময়ে শারয়েস্তা খান নিদ্রাভঙ্গে উখিত হইয়া বর্শাঘাতে সন্মুখস্থ একজন মারহাট্টা তস্করকে বধ করিলেন। এমন সময় একজন মারহাট্টার তরবারির আঘাতে আমীরুল ওমরার বৃদ্ধ অঙ্গুলি ছিন্ন হইয়া গেল। এইরূপ আহতাবস্থায় সেনাপতি আরও দুইজন মারহাট্টাকে জলপূর্ণ চৌবাচ্চার জলে ভল্লাঘাতে নরকে প্রেরণ করিলেন। শারয়েস্তা খানের বীর পুত্র আবুল কাতেহ্ খান, তিনজন মহারাষ্ট্রীয়কে হত্যা করিয়া স্বয়ং আহত হইয়া প্রাণত্যাগ করিলেন। এই গুপ্ত

নৈশ আক্রমণে মারহাটা দস্যুগণ অনেক নিরীহ স্ত্রীলোকের প্রাণনাশ করিয়াছিল ।

প্রাতে রাজা যশোবন্ত সিংহ আমীরুল ওমরার সহিত সাক্ষাৎ করিতে আসিয়া, বিপদকালে তাঁহার অনুপস্থিতির জন্য প্রধান সেনাপতির নিকট দুঃখ প্রকাশ ও ক্ষমা প্রার্থনা করায়, মহানুভব শায়েস্তা খান কেবল মাত্র বিক্রমের ভঙ্গিমায় বলিলেন—

“আমি মনে করিয়াছিলাম যে আমার উপর তস্করগণের এই অত্যাচারের সময়, আপনি দিল্লীখরেরই চাকুরিতে নিযুক্ত ছিলেন ।”

সম্রাট এই ঘটনা শুনিয়া অসাবধানতার জন্য আমীর ও রাজা যশোবন্ত উভয়কেই মৃত্যু তিরস্কার করিলেন ও শায়েস্তা খানকে দিল্লী প্রত্যাবর্তন করিতে অনুমতি করিলেন । তৎপরে স্বীয় পুত্র কুমার মোহাম্মদ মোরাজ্জমকে দক্ষিণাপথের প্রধান সেনাপতির পদে নিযুক্ত করিলেন । মহারাজা কুমারের অধীনস্থ সেনানী হইয়া রহিলেন ।

অতঃপর শায়েস্তা খান দিল্লী হইতে বাঙ্গালার শাসনকর্তা নিযুক্ত হইয়া আসিলেন । এই সময় শিবাজীর গুপ্ত অত্যাচার ক্রমশঃ বৃদ্ধি হওয়ায় সম্রাট, রাজা জয়সিংহের অধীনে তাঁহাকে ধৃতকরণ ও দমনার্থে আরও অনেক সৈন্য প্রেরণ করিলেন ।

রাজা জয়সিংহ আওরাজ্জাবাদে গিয়া কুমার মোরাজ্জমকে অভিবাদন করিলেন, এবং তৎপরে তাঁহার অনুমতিক্রমে তিনি পুরন্দর ও রুদার মল্ল দুর্গদ্বয় আক্রমণ করিলেন । জয় সিংহের অধীনস্থ সেনাপতি দেলের খান বীরত্বের পরাকাষ্ঠা প্রদর্শনে এই দুর্গদ্বয় হস্তগত করিয়াছিলেন ।

অতঃপর রাজা জয় সিংহ সেনাপতি দায়ুদ খানকে সাত সহস্র অশ্বারোহী সহ শিবাজীর অধিকৃত সমস্ত দেশ ও দুর্গগুলি হস্তগত করিবার জন্য প্রেরণ করিলেন । সুযোগ্য সেনাপতি দায়ুদ খান পূর্ণ পাঁচ মাস কাল ধরিয়া শত্রু

সেনাগণকে একস্থানে তিষ্ঠিতে না দিয়া, শেষে রাজগড়ের দুর্গে শিবাজীকে অবরোধ করিলেন।

অপরদিকে শিবাজীর স্ত্রী-পুত্রগণ, কান্দালা দুর্গে মোগল সেনা কড়ক অবরুদ্ধ হইল। তখন ধূর্ত শিবাজী বুঝিতে পারিলেন যে দিল্লীশ্বরের সেনাগণ কান্দালা দুর্গ মধ্যে প্রবেশ করিলে, তাঁহার স্ত্রী পরিবার বর্গ তাঁহার দুষ্কর্ষের ফল ভোগ করিবে। এই ভাবিয়া তিনি সত্ৰাটের ঐ অঞ্চলের প্রধান সেনাপতি রাজা জয় সিংহের নিকট ক্ষমা প্রার্থনা করিয়া, তাঁহার সহিত সাক্ষাৎ করিবার অভিপ্রায়ে দূত প্রেরণ করিলেন। কিন্তু রাজা, শিবাজীর ধূর্ততা ও অসত্যবাদিতার বিষয় বিশেষরূপে অবগত থাকায়, শিবাজী প্রেরিত দূতকে ফিরাইয়া দিয়া, অধীনস্থ সেনানীগণের প্রতি যে কোন মতে শিবাজীকে বন্দি করিবার জন্ত আদেশ দিলেন। এই অবস্থা দর্শনে শিবাজী, তখন কয়েকজন বিশ্বস্ত ব্রাহ্মণকে ডাকিয়া, তাঁহাদের নিকট সত্ৰাটের অধীনতা স্বীকার ও জীবজীবন অঙ্গুগত হইয়া থাকিবার সম্বন্ধে কঠিন শপথ করিয়া, উহা অবগত করিবার জন্ত তাঁহাদিগকে রাজ-সকাশে পাঠাইয়া দিলেন।

রাজা তদন্তরে,—“শিবাজী স্বয়ং বাদশাহের নিকট গিয়া তাঁহার আশুগত্য স্বীকার করিতে সম্মত আছেন কি না?”—জিজ্ঞাসা করিয়া পাঠাইলেন। শিবাজী তখন, রাজার এই প্রস্তাবে সম্মত হইয়া, রাজ-সমীপে আগমন করিবার জন্ত অতিশয় হীনতার সহিত অনুমতি প্রার্থনা করিলেন ও এবং রাজা জয়সিংহের অনুমতিতে করজোড়ে তাহার সম্মুখে আগমন করিয়া কাতরকণ্ঠে বলিলেন,—

“আপনার দাস আপনার সম্মুখে উপস্থিত ; ইচ্ছা করিলে আপনি তাহাকে রাখিতে পারেন বা মারিতে পারেন। দাস তাহার দুর্গগুলি ও কোকান প্রদেশ মহামহিমাঘিত ভারত সত্ৰাটের করে অর্পণ করিতেছে,

এবং আমার পুত্রকে ভারতেশ্বরের সেবার নিযুক্ত করিব। অতঃপর আমিও বাদশাহের অনুগত ভৃত্য স্বরূপ আপনাদের স্থায় সেই মহানুভব সম্রাটের হুকুম তামিল করিব।”

তৎপরে রাজা শিবাজীকে ঐ অবস্থায় সেনাপতি দেলের খানের শিবিরে পাঠাইয়া দিলেন। সেনাপতি সম্মানের সহিত মহারাষ্ট্রপতিকে একখানি উৎকৃষ্ট তরবারি উপহার দিয়া মানীর মান রক্ষা করিলেন।

এই বৎসর হিঃ ১০৭৬ সালের রজব ১৬৬৬ খৃষ্টাব্দের ২২ জানুয়ারি তারিখে বৃদ্ধ সম্রাট শাহাব-উদ্দীন মোহাম্মদ শাহ জাহানের মৃত্যু হয়। মৃত্যুকালে সম্রাট, পোল্ল কুমার মোহাম্মদ মোসাজ্জমকে দেখিবার অভিলাষ প্রকাশ করায়, কুমার দক্ষিণাত্য হইতে পিতামহের সহিত শেষ সাক্ষাতের আশার আসিতে ছিলেন, এমন সময় পথেই বৃদ্ধ সম্রাটের মৃত্যু সংবাদ শুনিলেন।

এদিকে বাঙ্গালার সুবাদার আমীরুল ওমরা শারেক্তা খানের পুত্র ওমেদ খান, সংগ্রাম নগর ও চট্টগ্রামের বিজোহী জমিদারগণকে দমন করিয়া ঐ উভয় দেশ অধিকার করিলেন; এবং প্রথমটির নাম আলমগীর নগর রাখিলেন ও শেষোক্তটি এসলামাবাদই রহিল।

সম্রাটের রাজত্বের এই নবম বর্ষে রাজা জয় সিংহ, শিবাজীকে সম্রাট দরবারে পাঠাইয়াছিলেন। কুমার রাম সিং ও মোখ্লেস খান, তাঁহাকে অভ্যর্থনা করিয়া আগ্রার রাজধানীতে লইয়া আসিলেন; এবং ১০৭৬ হিজরীর ১৮ই জিল্‌কদ তারিখে শিবাজী ও তাহার নবম বর্ষীয় পুত্র শম্ভু, সম্রাট আওরাজ্জেবের সমীপে নীত হইলেন।

শিবাজীর উপর দিল্লীশ্বরের পূর্ব হইতেই বিরক্তি ও অভক্তি থাকায় তিনি সেক্ষেত্রে তাঁহার প্রতি কোন সম্মান প্রদর্শন করিতে পারেন নাই। শিবাজীও আশাহুরূপ অভ্যর্থনা না পাইয়া মর্মান্বিত হইয়া, কুমার রামসিংহ

সকাশে তাঁহার এই অবমাননার বিষয় অতি দুঃখের সহিত জ্ঞাপন করিলেন।

নগরের বাহিরে রাজা জয় সিংহের প্রাসাদ পার্শ্বে শিবাজীর থাকিবার স্থান নির্দিষ্ট হইল ও রাজা জয়সিংহ আগ্রার প্রত্যাবর্তন না করা পর্যন্ত শিবাজীকে বাদশাহ দরবারে উপস্থিত হইবার ক্ষমতা দেওয়া হইল না।

শিবাজী এই সময় তাঁহার বাসভবনের চতুর্দিকে সর্কক্ষণ প্রহরী নিযুক্ত দেখিয়া স্বীয় বন্দী অবস্থা সম্যক উপলক্ষি করিলেন, এবং তাঁহার স্বাভাবিক ধূর্ত বুদ্ধি প্রয়োগে এই অবরুদ্ধ অবস্থা হইতে উদ্ধারের উপায় স্থির করিয়া ফেলিলেন।

প্রথমতঃ পীড়ার অভিনয় করিয়া শিবাজী কয়েক দিবস শয্যাগত রহিলেন, তৎপরে তাঁহার পীড়ার উপশম কল্পে ব্রাহ্মণ ও হিন্দু-মোসলমান সাধুদিগকে মিষ্টান্ন ও নানাপ্রকার খাদ্য দ্রব্য বিতরণ করিবার অনুমতি চাহিয়া সম্রাটের আজ্ঞাক্রমে একরূপ অপরিয়াপ্ত দান করিতে আরম্ভ করিয়া দিলেন। শেষে বড় বড় মিষ্টান্নপূর্ণ ঝুড়ি কাগজে ঢাকিয়া মথুরায় ব্রাহ্মণগণের উদ্দেশ্যে প্রেরণ করিতে লাগিলেন। এই সময় শিবাজীর পরামর্শ মতে আগ্রা হইতে বহু দূরে দুই তিনটি দ্রুতগামী অশ্ব পূর্বাহে রক্ষিত হইয়াছিল।

একদিন শিবাজী তাঁহার সম আকৃতির একজন অল্পগত ভৃত্যকে স্বীয় রোগ শয্যার উপর চাদর ঢাকা দিয়া শোয়াইয়া, তাহার অঙ্গুলিতে নিজ স্মরণ অঙ্গুরী পরাইয়া দিলেন। পরে ঐ ভৃত্যকে সর্কক্ষণ অঙ্গুরী পরিহিত হস্তটা বাহির করিয়া রাখিতে উপদেশ দিয়া, পিতা গুলে দুইটি বৃহদাকার ঝুড়িতে বসিয়া অপরাপর মিষ্টান্ন পূর্ণ কাগজে ঢাকা ঝুড়ির সহিত বাহিত হইয়া গেলেন।

সফর মাসের শেষ দিনে চতুর শিবাজী, তাহার এই চাতুৰ্য্যজাল বিস্তারে আগ্রা পরিত্যাগ পূৰ্বক বাহিরে গিয়া অশ্বে আরোহণ করিলেন। তৎপরে মথুরায় গিয়া শিবাজী নিজের স্ত্রী শশরাজি মুণ্ডন করিয়া, পিতাপুলে ভ্রম্য মাথিয়া সাধু সন্ন্যাসীর বেশ ধারণে যমুনা পার হইয়া, ভ্রমণ করিতে করিতে বারাণসীর দিকে অগ্রসর হইতে লাগিলেন। এই সময় তাহাদের পিতা-পুলের হস্তে বে ফাঁপা (অসার) যষ্টি ছিল, শিবাজী ঐ উভয় যষ্টির খোলের ভিতর বথেষ্ট অর্থ ও রত্ন ভরিয়া লইয়াছিলেন।

এদিকে প্রহরিগণ শিবাজীর রোগ শয্যাশায়ী বস্ত্রাচ্ছাদিত ব্যক্তিকে প্রকৃত শিবাজী মনে করিতে লাগিল; বিশেষতঃ উহার হস্তে শিবাজীর অঙ্গুরী দর্শনে তাহাদের কোনই সন্দেহের কারণ উপস্থিত হইল না। পরে শিবাজী পলায়ন করিয়াছেন অবগত হইয়া, সত্রাট চতুর্দিকে তাঁহার গ্রেফতারের জন্ত সংবাদ প্রচার করিয়া দিলেন।

বারাণসীর পথে প্রস্থান করিবার সময়, শিবাজীকে তাঁহার অল্পবয়স্ক পুত্রকে লইয়া বড়ই অসুবিধা ভোগ করিতে হইল। এ কারণ এলাহাবাদে পৌছিয়া তাঁহার পিতৃবন্ধু কৈলাশ নামধারী জনৈক ব্রাহ্মণের তত্ত্বাবধানে পুত্র সঙ্কে রাখিয়া, পুলের খরচের অপেক্ষা অধিক পরিমাণে ধন তিনি ব্রাহ্মণের হস্তে দিয়া গেলেন।

এই সময় রাজা জয় সিংহ বিজাপুর দুর্গ অবরোধ করিয়াছিলেন। সত্রাট তাঁহার প্রতি সত্বর শিবাজীর প্রধান সহায় নাথুজীকে গ্রেফতার করিয়া আগ্রায় প্রেরণ করিতে অমুমতি দিলেন। নাথু ও তাহার পুত্র আগ্রায় পৌছিয়াই, মোসলমান ধর্ম গ্রহণ করিতে ইচ্ছুক হইল। ইহাতে সত্রাট সন্তোষের সহিত নাথুজীকে মোহাম্মদ কুলি খান উপাধি দান পূৰ্বক পবিত্র এসলাম ধর্মে দীক্ষিত করিয়া, কিছুদিন মধ্যে অনেক সৈন্যসহ সেনাপতি দেলের খানের সাহায্যার্থ দাক্ষিণাত্যে প্রেরণ

করিলেন। নাথু দক্ষিণপথে গিয়া অল্পদিন মধ্যেই মোসলমান ধর্ম ত্যাগ করিয়া, পুনরায় শিবাজীর সহিত মিলিত হইয়াছিল।

শিবাজী ক্রমে ৪০।৪৫ জন সহচর সহ সন্ন্যাসী বেশে নানা স্থানে ভ্রমণ করিতে লাগিলেন। এক স্থানে তাঁহার সন্দেহের বশবর্তী হইয়া ফৌজদার আলি কুলি খান কর্তৃক ধৃত হইলেন। শিবাজী তখন ভারতের অগম্য পর্বতারণ্য প্রদেশে প্রাপ্ত লক্ষ টাকারও অধিক মূল্যের একখণ্ড হীরক ও দুইটা চুণী ফৌজদারকে দিয়া অব্যাহতি পাইয়াছিলেন।

বারাণসী পৌছিয়াও শিবাজী তথায় শাস্তি পাইলেন না। তথা হইতে তিনি বেহার ও পাটনার পলাইয়া গেলেন, এবং ক্রমশঃ ভ্রমণ করিতে করিতে শেষে, হায়দ্রাবাদে গিয়া পৌছিলেন ও তথাকার রাজা আবদুল্লা শাহ্ কোতব-উল্-মুলকের শরণাপন্ন হইলেন। হায়দ্রাবাদে গিয়া চতুর শিবাজী তাঁহার স্বভাবসিদ্ধ কল্পনা-প্রসূত বাক্-চাতুর্য্য-জাল বিস্তারে আবদুল্লা শাহকে আশ্চর্য্যরূপে প্রতারিত করিয়াছিলেন।

এই সময় শিবাজী আবদুল্লা শাহের নিকট ধর্ম সাক্ষ্য রাখিয়া শপথ করিয়াছিলেন যে—তিনি যাবজ্জীবন শাহ্ আবদুল্লাহ্‌র সমুৎসুক দাস এবং চিরানুগত হইয়া থাকিবেন। আবদুল্লা শাহও এই শ্রেষ্ঠ প্রবঞ্চকের শপথে প্রতারিত হইয়া, তাঁহার প্রার্থনা মত দুর্গ জয়ের জন্য শিবাজীর অধীনে যথেষ্ট সৈন্য প্রদান করিলেন; তৎসহ তাঁহার অপর সেনানীগণকে শিবাজীর আজ্ঞানুসারে কার্য্য করিতে উপদেশ দিলেন।

প্রতারণা ও চাতুর্য্যদ্বারা শিবাজী অল্পকাল মধ্যে এই হায়দ্রাবাদের সেনা সাহায্যে অনেক দুর্গ অধিকার করিলেন। ক্রমে বিজাপুর রাজ্যের সেতারা ও পারনালা প্রভৃতি দশবারটা সুরক্ষিত দুর্গ অধিকার করিয়া ফেলিলেন। তৎপরে সম্রাট সেনাপতি রাজা জয়সিংহ ও দেলের খানের হস্তে তুলিয়া দেওয়া তাঁহার নিজ রাজগড় দুর্গ পুনরাধিকার করিয়া,

তথায় বিদ্রোহের পতাকা উড্ডীন করিলেন। ১৬৭১ খৃষ্টাব্দে শিবাজী সুরাট অধিকার করেন ও এই স্থান লুণ্ঠন ও ধ্বংস দ্বারা বিস্তর ধনরত্ন হস্তগত করিয়াছিলেন।

সুরাট নগর ধ্বংসের সংবাদ পাইয়া বাদশাহ, দেলের খানের সাহায্যার্থে খান জাহান্কে শিবাজীর বিরুদ্ধে প্রেরণ করিলেন। দাক্ষিণাত্যে সেনাপতিদ্বয় দুইজন হাব্‌সী সর্দার সিদি ইয়াকুত ও সিদি খয়রাতের সাহায্য পাইয়া অতিশয় উপকৃত হইয়াছিলেন। তাহারাই বাহুবলে শিবাজীর সর্বাঙ্গের সুরক্ষিত দুর্গ দাণ্ডা-রাজপুরী শিবাজীর হস্তচ্যুত করিতে কৃতকার্য হইয়াছিল।

হিজরী ১০৯০ সালের ২৪ রবিবল আখের তারিখে দারুণ গ্রীষ্মের দিনে, অশ্ব হইতে অবতরণ করিবার সঙ্গে সঙ্গে অতিরিক্ত রক্ত বম্বণ হইয়া শিবাজীর মৃত্যু হয়।

—[মোহাম্মদ হাশেম্ লিখিত মোস্তে খাবল্ লোবাব ।]

সপ্তদশ সর্গ

আমীরুল্ ওমরাহ্ নওয়াজ শায়েষ্টা খান ।

মীর জুম্‌লার মৃত্যুর পর উজীর আসফ্‌জার (নূর জাহানের ভ্রাতৃপুত্র) পুত্র শায়েষ্টা খান বাঙ্গালা বেহারের সুবাদার হইয়া আসিলেন । কিন্তু ১৬৬৩ খৃষ্টাব্দে পুনা নগরে শিবাজীর প্রাসাদে তিনি স্বীয় বৃদ্ধাঙ্গুলিতে যে গুরুতর আঘাত প্রাপ্ত হইয়াছিলেন, সেই ক্ষত উদবধি আরোগ্য না হওয়ায়, তঁাহার অধীনে দাউদ খানকে প্রতিনিধি নিযুক্ত করিয়া, রাজকার্য্য পরিচালনের অহুমতি পাইলেন ।

আরাকান রাজ তখনও পর্য্যন্ত মোগলগণের দ্বারা সোলতান সুজা'আ'র হত্যার কোন প্রতিকার না পাইয়া, মোগলেরা ভীত হইয়াছেন বিবেচনায় সমুদ্র তীরবর্ত্তী মোগলাধিকৃত স্থান সকল আক্রমণ ও লুটপাট আরম্ভ করিয়া দিল । এমন কি এই মগ-দস্যুগণের ভয়ে, সুদূর ঢাকাবাসীগণকে পর্য্যন্ত এই সময় সর্ব্বক্ষণ ভ্রস্ত থাকিতে হইয়াছিল ।

শায়েষ্টা খান হিঃ ১০৭৫ সালে ১৬৬৪ খৃষ্টাব্দে ঢাকার ত্রয়োদশ সহস্র সৈন্য ও তাহাদিগের জলপথে" যাইবার উপযোগী নৌবহর প্রস্তুত করান । মগ দস্যুদিগকে বাঙ্গালা দেশ হইতে সম্পূর্ণরূপে বিতাড়িত ও তাহাদের অধিকৃত দ্বীপগুলি দখল করিবার জন্ত হোসেন বেগের অধীনে উহার মধ্যে তিন সহস্র সৈন্য জলপথে প্রেরণ করিলেন । স্বীয় পুত্র ওমেদ খানের অধীনে অবশিষ্ট সৈন্য, হোসেন বেগের সহিত মিলিত হইবার জন্ত স্থলপথে পাঠাইয়া দিলেন ।

নোসেনাগণকে লইয়া বঙ্গেশ্বরের নৌবহর ক্রমে মেঘনা নদীতে পড়িল। হোসেন বেগ সমুদ্রতীরবর্তী জগদিয়া ও আলম্গীর নগর অধিকার করিয়া সম্বীপে পৌঁছিলেন এবং তথাকার আরাকান যুদ্ধজাহাজগুলি সহজেই করায়ত্ত করিয়া লইলেন। কিন্তু এই দ্বীপের চতুর্দিকে মগেরা যে প্রকাণ্ড প্রকাণ্ড কাষ্ঠ পুতিয়া, অত্যুচ্চ সুদৃঢ় বেড়া বাঁধিয়াছিল, তাহা ভগ্ন করিয়া দ্বীপ অধিকার করিতে হোসেন বেগকে অনেক বেগ পাইতে হইল।

সম্বীপ অধিকার করিয়া সেনাপতি পর্তুগীজদিগকে পত্র দ্বারা ভয় প্রদর্শন করিলেন যে—তাহারা মগ রাজাকে পরিত্যাগ করিয়া তাঁহার আশ্রয়ে না আসিলে, তিনি তাহাদের উপর হুগলীর ব্যাপারের পুনরভিনয় করিবেন। এই ভয় প্রদর্শনের ফল হোসেন বেগ যাহা ভাবিয়াছিলেন তাহাই ফলিল। পর্তুগীজগণ এই সময় হইতে আরাকান রাজ্যের আশ্রয় পরিত্যাগ পূর্বক সম্বীপে আসিয়া উপস্থিত হইতে লাগিল।

সেনাপতি তাহাদের মধ্যে আরাকানের বিরুদ্ধে যুদ্ধে যোগদান করিতে ইচ্ছুক এমন কয়েকজনকে সঙ্গে রাখিয়া, অবশিষ্ট পর্তুগীজগণকে সুবাদারের নিকট পাঠাইয়া দিলেন। সুবাদার শামসুদ্দীন খান, ইহাদিগের বাসস্থানের জন্ত ঢাকা নগর হইতে ছয় কোশ দক্ষিণে একটা গ্রাম নির্দিষ্ট করিয়া দিয়াছিলেন। সেই স্থান এখনও ফিরিজিবাজার নামে খ্যাত। ঐ সকল পর্তুগীজের বংশধরেরা অনেকে এখনও তথায় বাস করিতেছে।

সুবাদার পুত্র উমেদ খান, ফেনী নদীর তীরে আসিয়া দেখিলেন যে—একদল মগদস্যু তাঁহার নদী পথে অগ্রসরে বাধা জন্মাইবার জন্ত, পরপারে সমবেত হইয়াছে। কিন্তু এই পুষ্কাক দৃঢ়কায় মোগল অখারোগী-গণের (যাহাদের স্বরূপ তাহারা ইতিপূর্বে কখনও অবলোকন করে নাই) বীরত্বব্যঞ্জক মূর্তি তাহাদের প্রাণে এতাদৃশিক ভয়োৎপাদন করিল যে,

আরাকান দস্যু সেনাগণ তাহাদিগকে দেখিবামাত্র দ্রুতবেগে নদীকূল ছাড়িয়া চট্টগ্রামাভিমুখে পলায়ন করিল।

এই সময় হোসেন বেগ, সহকারী সেনাগণের আগমন সংবাদ পাঠিয়া, তাহাদের সহিত মিলিবার জন্ত সম্বীপ হইতে আসিতেছিলেন; কিন্তু কামোরিয়ার বিপরীত দিক হইতে তিনি অন্যান্য তিনশত ক্ষুদ্র ও বৃহৎ আরাকান যুদ্ধ জাহাজ কর্তৃক আক্রান্ত হইলেন। এই সময় তাঁহার সমভিব্যাহারী পর্তুগীজগণ দ্বারা তিনি বিশেষরূপে সাহায্য পাইয়াছিলেন। ক্রমে সেনাপতি তীরের দিকে আসিয়া পড়ায়, উমেদ খান তাঁহার কামান ও বন্দুকধারী সৈন্যগণ লইয়া হোসেনের যুদ্ধতরী সমূহে আরোহণ করিলেন। পরদিন মগ নোসেনাগণ পুনরায় মোগলের রণতরী আক্রমণ করিলে, মোগলের কামান তাহাদিগকে বহুদূর পর্য্যন্ত বিতাড়িত করিয়া দিল।

এই যুদ্ধ-সেনা তৎপরে চট্টগ্রাম আক্রমণ করিল। তাহারা চট্টগ্রামে পৌছামাত্র দুর্গমধ্যস্থ মগ সেনাগণ যে যেদিকে পারিল পলায়ন করিতে লাগিল। মোসলেম অখারোহীগণ মগগণের পশ্চাদ্ধাবন করিয়া তাহাদের মধ্যে ন্যূনাধিক দুই সহস্র মগসেনাকে বন্দি করিলেন। এই অভিযানে দুই সহস্র তেইশটি কামান ও বিস্তর খাণ্ড দ্রব্য মোগলসেনার হস্তগত হইয়াছিল। উমেদ খান এসলামাবাদ (চট্টগ্রাম) পুনরুদ্ধার করিলেন।

শারেন্সা খান ১৬৭৭ খৃষ্টাব্দ পর্য্যন্ত বাঙ্গালার শাসনকর্তা ছিলেন। তৎপরে আগ্রার প্রত্যাভর্তন করিয়া তিনি সম্রাট কর্তৃক আগ্রা বিভাগের শাসনকর্তা নিযুক্ত হইলেন।

শারেন্সা খানের শাসন কালে ১৬৭৬ খৃষ্টাব্দে ফরাসি ও দিনেমারেরা বাঙ্গালার বাস করিবার অশ্রমতি পায়। দিনেমারেরা (ডেনিস) গঙ্গাতীরবর্তী শ্রীরামপুরে বাস করিয়া ঐ স্থানে কুঠী নির্মাণ করিতে থাকে।

নওয়াব ফেদায় খান আজিম খান

অনন্তর সম্রাট আওরাজ্জেব, ফেদায় খানকে আজিম খান উপাধিতে ভূষিত করিয়া, বাঙ্গালার সুবাদার নিযুক্ত করিয়া পাঠাইলেন। কিন্তু পর বৎসরই ঢাকা নগরে তাঁহার মৃত্যু হইল।

সোলতান মোহাম্মদ আজম্

এইবার বাদশাহের আদেশ ক্রমে তাঁহার তৃতীয় পুত্র কুমার মোহাম্মদ আজম্ বাঙ্গালার শাসনকর্তা নিযুক্ত হইয়া ১৬৭৮ খৃষ্টাব্দের ৩০শে জুন তারিখে ঢাকার আসিয়া পৌঁছিলেন। এই বৎসরের শেষভাগে মোহাম্মদ আজম্, আসামীগণের বিরুদ্ধে একদল সৈন্ত প্রেরণ করেন। মোগলেরা প্রথমেই গৌহাটি অধিকার করিল।

এই সময় বাদশাহ্ দুর্দান্ত মহারাষ্ট্র-সর্দার শিবাজীর দমনে নিযুক্ত থাকায়, সম্রাজ্যের অন্তর্ভুক্ত সেনা প্রেরণ করিয়া, মাহারাষ্ট্রা দমনের জন্য অপরাপর প্রদেশ হইতে সেনাগণকে সমবেত হইতে আদেশ দিয়াছিলেন।

১০৯০ হিঃ ৭ই রমজান ১৬৭৯ খৃঃ ১৪ই আগষ্ট তারিখে সোলতান আজম্ পিতৃ আদেশ ক্রমে সসৈন্তে ঢাকা পরিত্যাগ করিলেন। সোলতান যেক্রম ক্ষিপ্ৰগতিতে যুদ্ধ-সজ্জায় সসৈন্তে পিতৃসান্নিধ্যে গমন করিতে লাগিলেন; ইতিপূর্বে বাদশাহ্ আকবরের আগ্রা হইতে গুজরাটে মাত্র নয় দিনের প্রসিদ্ধ যুদ্ধ যাত্রা ব্যতীত, ভারতের আর কোন রাজা বা রাজ-প্রতিনিধি এইরূপ দ্রুতগতিতে সৈন্ত পরিচালনা করিতে পারেন নাই।

কুমার আজম্, তাঁহার অষ্টম বর্ষীয় পুত্র বেদার বধুতকে লইয়া রাত্রি দুই প্রহরে পাঙ্গী আরোহণ করেন ও পর দিবস সূর্যাস্ত পর্যন্ত ঐ পাঙ্গীতেই অবস্থান করিলেন। সন্ধ্যা সমাগমে পাঙ্গী হইতে নামিয়া সন্ধ্যা নামাজ পড়িয়াই অখারোহণ করেন ও পরদিন বেলা দুই প্রহর পর্যন্ত

অশ্ব পৃষ্ঠেই অবস্থান করিয়াছিলেন। এই প্রকারে পঞ্চদশ দিবসে বিস্তর নদনদী পার হইয়া ও দুর্গম পথ অতিক্রম করিয়া সোলতান বারাণসী পৌঁছিলেন। কুমারের সমভিব্যাহারী এক সহস্র উৎকৃষ্ট অশ্বারোহীর অতি অল্প সংখ্যকই তাঁহার সঙ্গে তথায় পৌঁছিতে পারিয়াছিল।

বারাণসী হইতে মাত্র ছাদশ দিবসে কুমার, আজমীর ও যোধপুরের মধ্যবর্তী স্থানে পিতৃ সন্নিক্ষানে গিয়া পৌঁছিলেন। পথিমধ্যে কুমার ও তাঁহার সেনাগণ বরাবর অশ্ব পরিবর্তন করিতে করিতে গিয়াছিলেন। এই অভিযানের শেষ দিনে কুমার মোহাম্মদ আজম্ সহচরগণের সহিত সপ্ততীতম মাইল (৭০) পথ অতিক্রম করিয়াছিলেন।

এই কঠোর অভিযানে পথে, সত্রাট নন্দন হইতে সামান্য সেনাগণকে পর্য্যন্ত একই আহায্য রুটি ও শুষ্ক ফলের উপর নির্ভর করিতে হইয়াছিল। একদিন বালক বেদার বধ্ত এই শুষ্ক খাদ্য খাইতে অপারক হইয়া, খিচুড়ি খাইবার জন্য অনুরোধ করায়, কুমারের অনুমতি ক্রমে একজন অশুচর নিকটবর্তী পাহুনিবাস হইতে একটা কাষ্ঠ নির্মিত অপরিচ্ছন্ন পাত্রে কিঞ্চিৎ খিচুড়ি আনিয়া বালককে দিল, কিন্তু দিল্লীশ্বরের পৌত্র, সত্রাট বাবরের বংশধর সেই অষ্টম বর্ষীয় বালক, অতিশয় ক্ষুধার্ত সত্ত্বেও, কাষ্ঠ পাত্রে স্থাপিত খাদ্য মুখ-বিবরে উঠাইতে বা আশ্বাদন পর্য্যন্ত লইতে পারিলেন না। অবশেষে পিতা, পুত্রকে এই বলিয়া সান্ত্বনা দিলেন—“পরওয়ার দেগারের অশুগ্রহে আমরা অধুদিনের মধ্যেই রাজভোগে পরিতৃপ্ত হইব !”

বালক বেদার বধ্ত পিতার কথায় আস্থা স্থাপন করিয়া, নীরবে তাঁহাদের সঙ্গে থাকা শুষ্ক রুটি ও শুষ্ক ফল খাইয়া পরিতৃপ্ত হইলেন।

সোলতান মোহাম্মদ আজম্ পিতার নিকট পৌঁছিয়া, পিতৃ আদেশে শিবাজীর পক্ষভুক্ত রাজপুত্র রাজাগণের বিরুদ্ধে যুদ্ধযাত্রা করিলেন।

অষ্টাদশ সর্গ



নওরাত শায়েস্তা খান আমীরুল্ ওমরা

দ্বিতীয়বার

১০৯০ হিজরীর শেষ ভাগে নওরাত শায়েস্তা খান, দ্বিতীয়বার বাঙ্গালা বেহারের সুবাদার নিযুক্ত হইয়া ঢাকার আগমন করিলেন ।

এই বার বাদশাহের অনুমতি ক্রমে শায়েস্তা খানকে হিন্দু ও খৃষ্টানদিগের উপর জিজিয়া কর বাসাইতে হইয়াছিল । রুগ্ন, অন্ধ ও খঞ্জ ব্যতীত ব্যাধিশূন্য সকল হিন্দুগণকে তাহাদের সম্পত্তির আয়ের উপর হাজারকরা সাড়ে ছয় টাকা হিসাবে ; এবং বিদেশী বাণিজ্য ব্যবসায়ী খৃষ্টান প্রজাগণকে তাহাদের মূলধনের উপর শতকরা দেড় অর্থাৎ হাজারকরা পনের টাকা হিসাবে রাজকর দিতে হইত ।

ইংরেজ কুটীওয়ালাগণ এই অতিরিক্ত কর আদারে উত্যক্ত হইয়া বাদশাহের নিকট প্রতিনিধি প্রেরণ পূর্বক, তাহাদের বাবসায় চালাইবার জন্ত চিরস্থায়ী বন্দোবস্তের ফরমান আনাঈবার চেষ্টা করিলেন । বহু কষ্ট স্বীকার ও অর্থ ব্যয়ের পর, ইংরাজ প্রতিনিধি বাদশাহী ফরমান লইয়া ১৬৮০ খৃষ্টাব্দে ৮ই জুলাই তারিখে হুগলীতে আসিয়া পৌঁছিলেন । সেইদিন ইংরাজ কোম্পানির জাহাজ ও গঙ্গাতীর হইতে সম্রাটের ফরমান প্রাপ্তির আনন্দ সূচক তিনশত তোপধ্বনি হইয়াছিল ।

ইংরাজেরা মিষ্টার হেগস্কে তাহাদের দলপতি নিযুক্ত করিয়া হুগলীতে

তঁাহার বাসস্থান নির্দিষ্ট করিয়া দিলেন ; এবং তঁাহার সম্মানের জন্য বিংশতি জন ইউরোপীয় দেহরক্ষী সেনা নিযুক্ত করিয়া রাখিলেন ।

১৬৮৫ খৃষ্টাব্দে ইংরাজ ইস্ট-ইণ্ডিয়া-কোম্পানি নওরাবের নিকট তঁাহাদের সম্পত্তি রক্ষার নিমিত্ত গঙ্গার মোহানায় একটা দুর্গ প্রস্তুতের অনুমতি প্রার্থনা করিলেন । কিন্তু ইহাতে বিপরীত ফল ফলিল । নওরাব এই বিদেশীগণকে এইরূপ অতিরিক্ত ক্ষমতা প্রদানে অস্বীকৃত হইয়া, অধিকতর সম্রাট প্রদত্ত ক্ষমতামানের বিরুদ্ধাচরণ করিতে লাগিলেন । বার্ষিক তিন সহস্র টাকা কর প্রদানের পরিবর্তে, উচ্চাঙ্গের দ্বারা আনীত বাণিজ্য দ্রব্যের মূল্যের উপর শতকরা সাড়ে তিন টাকা হিসাবে শুল্ক ধাৰ্য্য করিয়া দিলেন ; এবং দিল্লীর দরবারে লিখিয়া উচ্চা বাদশাহের অনুমোদন করাইয়া লইলেন । বলা বাহুল্য ইহাতে ইংরাজ কোম্পানির ব্যবসায়ের সমূহ ক্ষতি হইতে লাগিল ।

ইস্ট ইণ্ডিয়া কোম্পানির ইংলণ্ডীয় সভার সভ্যগণ, এই ব্যাপারে অত্যন্ত বিরক্ত হইয়া ইংলণ্ডের দ্বিতীয় জেমসের নিকট ইহার প্রতিকার স্বরূপ নওরাবের বিরুদ্ধে, এমন কি আবশ্যক হইলে দিল্লীখর মহান আওরঙ্গজেবের বিরুদ্ধে যুদ্ধ ঘোষণা করিবার অনুমতি চাহিলেন ।

রাজা জেমস তঁাহাদের প্রার্থনা অনুসারে, ভাইস এ্যাডমির্যাল নিকোলসনকে ১২টা হইতে ৭০টা কামানবাহী দশখানি মার্নিওয়ারি জাহাজ, ছয়শত গোলন্দাজ সেনা এবং মাদ্রাজের সেন্টজর্জ দুর্গ হইতে আরও চারি শত সেনা লইয়া, ইস্ট ইণ্ডিয়া কোম্পানির সেনাগণের সমভিব্যাহারে যুদ্ধে অবতীর্ণ হইতে অনুমতি প্রদান করেন ।

নিকোলসনের প্রতি ইংরাজ রাজের এই আদেশ রহিল যে—তিনি বালেশ্বর হইতে কোম্পানির এজেন্টকে সঙ্গে লইয়া প্রথমতঃ চট্টগ্রাম বন্দর অধিকার করিয়া, অতিরিক্ত দুই শত কামান দ্বারা উক্ত বন্দর সুদৃঢ়

করিয়া রাখিবেন। এই ব্যাপারে তিনি মোগল-শত্রু আয়াকান রাজের সহিত মিলিত হইবারও আদেশ পাইয়াছিলেন। এতদ্ব্যতীত তিনি হিন্দু রাজা ও জমিদারগণের সহিত সৌহার্দ্য স্থাপনের বিশেষরূপে চেষ্টা করিবেন, এইরূপ উপদেশও পাইলেন।

এইরূপে চট্টগ্রাম অধিকারের পর, এ্যাড্‌মিরাল্ নিকোলসন্ ঢাকা নগর আক্রমণ করিবেন, এইরূপ বন্দোবস্ত রহিল।

কতকগুলি অনালোচিত ঘটনা সংঘটিত হইয়া, বৃটিশ-রাজের এই সুখ-স্বপ্ন-সৌধ ও বৃটিশ রণবহরের ভারত আক্রমণ কল্পনা, ভাঙ্গিয়া চূরিয়া ওলট্ পালট্ করিয়া দিল। তন্মধ্যে বিরুদ্ধ বায়ুই তাহার প্রধান অন্তরায় হইয়া দাঁড়াইল। প্রভঞ্জন তাড়নে বৃটিশ যুদ্ধ-জাহাজগুলি সমুদ্র যাত্রাকালে পথিমধ্যে ছিন্ন ভিন্ন হইয়া পড়িল। তাহাদিগকে সদলবলে আর ভারত-মহাসাগরে প্রবেশ করিতে হইল না।

১৬৮৬ খৃষ্টাব্দে তিনজন ইংরাজ পদাতিক হুগলীর বাজারে কয়েকজন নওয়াব সেনার সহিত কলঙ্ক করিয়া, গুরুতর আহত হয়। তাহাদের রক্ষার জন্য শেষে সমস্ত ইংরাজ সেনা নওয়াব সেনাগণকে আক্রমণ করে। এই সময় নগরের বাহিরে অবস্থিত নওয়াব সেনাগণ আসিয়া তাহাদের দলস্থ সেনার সহিত যোগদান করে। এইরূপে উভয় পক্ষের মধ্যে যে ধওযুদ্ধ হয় তাহাতে ৬০ জন মোগল সেনা হত ও আহত হইয়াছিল।

এদিকে এ্যাড্‌মিরাল্ নিকোলসন্ এই অবস্থায় তাঁহার রণতরী হইতে নগরে কামান দাগিয়া প্রায় পঁচাত্তর গৃহ অগ্নিদগ্ধ করিয়া দিলেন। ফৌজদার এই ব্যাপারে ভীত হইয়া পড়িলেন ও অতিশয় নম্রতা প্রদর্শনে মিঃ চার্ণকের সহিত তাহাদের প্রস্তাবিত সন্ধি শর্তে সম্মত হইলেন।

নওয়াব শায়েরস্তা খান এই ধও যুদ্ধ ও ফৌজদার ঘটিত ব্যাপার শ্রবণ মাত্র পাটনা, মালদহ, ঢাকা এবং কাশিম বাজারের ইংরাজগণের কুটিনমূহ

দখল করিবার অনুমতি দিয়া, সঙ্গে সঙ্গে ইংরাজগণকে হুগলী হইতে বিতাড়িত করিবার জন্য সৈন্য প্রেরণ করিলেন।

হুগলীর ইংরাজ বণিকেরা এই সংবাদ পাইয়াই ২০শে ডিসেম্বর তারিখে হুগলী পরিত্যাগ করিয়া, সুতানুটি (কলিকাতা মহানগরীর মধ্যবর্তী গঙ্গার তীরবর্তী হাটখোলা) নামক স্থানে চলিয়া আসিলেন।

ফ্রেব্রুয়ারী মাসের প্রারম্ভে নওরাবের অস্বারোহী সেনা হুগলী আসিয়া পৌঁছিল। মিঃ চার্নক এই সংবাদ পাইতেই পুনরায় সুতানুটি পরিত্যাগ করিয়া, ভাগীরথী মোহনাস্থ অস্বাস্থ্যকর হিজলি দ্বীপে পলায়ন করিলেন ; এবং অনিচ্ছা সত্ত্বেও তথায় শিবির সন্নিবেশ করিয়া অবস্থান করিতে বাধ্য হইলেন। ঐ স্থানে ভাগীরথীর মধ্যে রণতরী রক্ষা করিয়া ইংরাজগণ শত্রুর আগমন পথ রোধ করিয়া রহিলেন।

মোগল সেনানী আবদুস সামাদ খান, এই স্থানের অতিশয় অস্বাস্থ্যকর জল বায়ুর বিবরণ পূর্ব হইতে অবগত ছিলেন ; এবং ঐ জল বায়ু ঘটিত মহামারী তাঁহাদের সর্বাপেক্ষা ভীষণ শত্রুতা সাধনে কৃতকার্য হইবে বিবেচনা করিয়া, তিনি আর উহাদিগকে আক্রমণ করিয়া অনর্থক সেনা ক্ষয় করিলেন না।

সেনাপতি আবদুস সামাদের অনুমান অচিরে অক্ষরে অক্ষরে ফলিয়া গেল। তিন মাসের মধ্যে অর্ধেকের অধিক ইংরাজ সেনা হিজলিতে মৃত্যুমুখে পতিত হইল ; অবশিষ্ট প্রায় সকলকেই হাসপাতালের আশ্রয় গ্রহণ করিতে হইয়াছিল।

ইহার পর মিঃ চার্নকের সহিত নওরাবের এই শর্তে সন্ধি হইল যে—নওরাব ইংরাজ বণিকগণকে তাহাদের ভিন্ন ভিন্ন স্থানের কুটিতে ব্যবসায় চালাইতে দিবেন, কিন্তু ইংরাজেরা তাহাদের কোন যুদ্ধ জাহাজ ভাগীরথী বহিয়া লইয়া যাইতে পারিবে না।

এই সন্ধির পর মিঃ চার্ণক উল্বেড়িয়ার অবস্থান করিবেন সিদ্ধান্ত করিলেন। কিন্তু মাত্র তিন মাস কাল তথায় অবস্থান করিয়া, পুনরায় সুতানুটি প্রত্যাবর্তন করিবার অনুমতি লইয়া, তথায় কুটি প্রস্তুত না হওয়া পর্যন্ত সঠিক স্ক্রু স্ক্রু চালা ঘরে বাস করিতে লাগিলেন।

ইংরাজ সেনা কর্তৃক হুগলীতে মোগল সেনা নাশের সংবাদ বাদশাহের কর্ণে পৌঁছিতেই, সম্রাট রাগাক্ত হইয়া সমস্ত ইংরাজগণকে বাঙ্গালা দেশ হইতে তাড়াইয়া দিবার অনুমতি দিলেন। এই ব্যাপারে ইংরাজগণের মধ্যে অনেকে ঢাকার বন্দী হইয়া রহিল।

নওরাব শায়েষ্টা খানের শাসনকালে, খাণ্ড দ্রব্যের মূল্য হ্রাস করিবার দিকে তাঁহার তীক্ষ্ণ দৃষ্টি ছিল। তাঁহার রাজত্ব কালে তিনি টাকার ৬৪০ পাউণ্ড (প্রায় আট মণ) পর্যন্ত চাউল বিক্রীত হইতে দেখিয়া গিয়াছেন; এবং উহা চিরস্মরণীয় করিবার উদ্দেশ্যে নওরাব, ঢাকা নগরের পশ্চিম ফটক তাঁহার নগর পরিত্যাগের সঙ্গে সঙ্গে সূদৃঢ়রূপে বন্ধ করিবার আজ্ঞা দিয়া যান। নওরাব এই আবদ্ধ ফটকের উপর লিখিয়া গিয়াছিলেন যে—যতদিন পর্যন্ত তাঁহার পরবর্তী কোন শাসনকর্তা চাউলের বাজার দর এইরূপ কমাইতে না পারিবেন, ততদিন যেন এই বন্ধ দ্বার খোলা না হয়। নওরাব সফরাজ খানের সময় পর্যন্ত এই দ্বার সেই ভাবেই বন্ধ ছিল।

শায়েষ্টা খান বৃদ্ধ বয়সে আগ্রা নগরে প্রত্যাবর্তন করিয়া, হিঃ ১১০৫ সালে দেহত্যাগ করিয়াছিলেন।

নওরাব এব্রাহিম খান

শায়েষ্টা খানের পর বাদশাহ আওরঙ্গজেব শাহজাহানের কাম্বাহার বিজয়ী সেনাধ্যক্ষ পারশা দেশীর আলি ময়দান খানের পুত্র এব্রাহিম খানকে বাঙ্গালার শাসনকর্তা মনোনীত করিলেন। এব্রাহিম খান পিতার

স্বায়ম্বুদ্ধ-বিদ্যা-বিশারদ না হইলেও, তিনি একজন নিরপেক্ষ বিচারক ও কৃষি এবং বাণিজ্যের উৎসাহ দাতা সুবাদার ছিলেন।

নওরোব শায়েরস্তা খানের শেষ জীবনের ব্যবহারে, ইংরাজ বণিকগণ বাঙ্গালা ছাড়িয়া পলাইতে বাধ্য হইয়াছিল তাহাদের মধ্যে অনেকেই ডাকায় অবরুদ্ধ হইয়াছিল। নব নিযুক্ত সুবাদার ১৬৯০ খৃষ্টাব্দের জুলাই মাসে ঐ সকল কারারুদ্ধ ইংরাজ বণিককে কারামুক্ত করিয়া, তাহাদিগকে পুনরায় নৃতন করিয়া ব্যবসারস্তের অমুমতি দিলেন।

সুবাদারের অমুমতি পত্র পাইয়া মিঃ চার্লস আবার ত্রিশজন সেনা ও অপরাপর ইংরাজ সঙ্গীগণ সহ ২৪শে আগষ্ট তারিখে সুতানুটি প্রত্যাবর্তন করিলেন। এবার সুবাদারের আদেশ ক্রমে, ভগলীর ফৌজদার মীর আলী আকবর ইংরাজ বণিকদিগকে সমাদরে অভ্যর্থনা করিয়াছিলেন।

১৬৯১ খৃষ্টাব্দে নওরোব এব্রাহিম খান, বাদশাহের নিকট হইতে 'হাসবল হোকুম' আনাইয়া মিঃ চার্লসের হস্তে সমর্পণ করিলেন। এই নৃতন অমুমতি পত্রে ইষ্ট ইণ্ডিয়া কোম্পানী মাত্র বার্ষিক তিন সহস্র টাকা প্রদানে, বিনা শুষ্ক বাঙ্গালার বাণিজ্য করিতে পারিবেন এইরূপ অমুমতি ছিল। কিন্তু এই অবাধ বাণিজ্যের অমুমতি থাকা সত্ত্বেও, নওরোবের অধীনস্থ ক্ষুদ্র ক্ষুদ্র ফৌজদারগণ এই বণিক সম্প্রদায়কে নানা প্রকারে ব্যতিব্যস্ত করিতে থাকায়, তাহারা নওরোবের নিকট তাহাদের সুতানুটির কুটির নিরাপদের জন্ত, ঐ স্থানের চতুর্দিকে পরিখা খনন ও প্রাচীর বেষ্টন করিবার অমুমতি প্রার্থনা করিল।

এই সময়ে ১৬৯২ খৃষ্টাব্দে সম্রাটের আদেশ-ক্রমে সুবাদার, ইংরাজ কোম্পানীর প্রতি বারুদ প্রস্তুতের প্রধান উপাদান শোরা ক্রয় করিবার ও চালান দিবার নিষেধ আজ্ঞা প্রচার করায়, কোম্পানীকে অত্যন্ত কতিগ্রস্ত হইতে হইল।

১৬৯৫ খৃষ্টাব্দে কাণ্ডে কীড্ করেকটা বড় বড় জাহাজ লইয়া ভারত-মহা-সমুদ্রে জল-দস্যুতা আরম্ভ করিয়া দিল। ক্রমে তাহারা উহার সীমা অতিক্রম করিয়া দুইখানি হেজাজ যাত্রীর জাহাজ লুণ্ঠন করায়, সম্রাট রাগান্বিত হইয়া ফরাসী, দিনেমার, ওলন্দাজ ও ইংরাজ সকল ইউরোপীয় কোম্পানীরই ভারতে বাণিজ্য বন্ধ করিয়া দিবার আজ্ঞা দিলেন। এই সময় কেবল মাত্র পরম দরাবীর নওয়াব এব্রাহিমের অনুগ্রহে, বাঙ্গালার ইংরাজেরা গোপনে তাহাদের ব্যবসায় চালাইতে পারিয়াছিলেন।

খ্রিঃ ১১০৭ সনে শোভা সিং নামক একজন জমিদার, বর্ধমান বিভাগের ফৌজদার রাজা কিষণ রামের সহিত বিবাদ করিয়া, উড়িষ্যা হইতে পাঠানগণের শেষ বংশাবতংশ রহিম খানকে ডাড়াইয়া আনিয়া, তাঁহার সহিত মিলিত হইয়া, বর্ধমানে বিদ্রোহের পতাকা উদ্ভূত করে; এবং যুদ্ধ ঘোষণা করিয়া প্রথমতঃই রাজা কিষণ রাম ও পরে তাঁহার পরিবারবর্গের অনেককে নিহত করিয়া, বর্ধমান রাজ্যের সমস্ত সম্পত্তি আত্মসাৎ করিয়া লয়। এই সময় রাজার একমাত্র পুত্র জগৎসিং পলাইয়া রাজধানী ঢাকার গিয়া সুবাদারকে এই দুর্ঘটনার সংবাদ দিয়াছিলেন। সুবাদার এব্রাহিম খান, যশোহরের অকস্মণ্য ফৌজদার নূরুল্লাহ্কে বর্ধমানের বিদ্রোহ দমনের আদেশ দিলেন।

এই ফৌজদার নূরুল্লাহ্ একজন ব্যবসাদার অর্থ-পিশাচ ও অকস্মণ্য রাজ কৰ্মচারী ছিলেন। বাণিজ্য দ্বারা অর্থোপার্জনই তিনি তাঁহার জীবনের মোক্ষ স্থির করিয়া লইয়াছিলেন। বঙ্গেশ্বরের হুকুমে এই যুদ্ধ বিদ্রোহ সম্পূর্ণ অপারদর্শী ফৌজদারকে তিন সহস্র অশ্বারোহী লইয়া অগত্যা যশোহর পরিত্যাগ করিতে হইল।

বিদ্রোহীগণের আগমনে ফৌজদার নূরুল্লাহ্ তাহাদিগকে আক্রমণ না করিয়া, স্বয়ং জগলীর দুর্গ মধ্যে আত্মগোপন করিলেন ও তথা হইতে

চুঁচুড়ার দিনেমার গভর্ণরের সাহায্য চাহিলেন। অবস্থা দর্শনে বিদ্রোহী সেনাগণ হুগলী আক্রমণ করিল। কাশ্মীর ফৌজদার মুক্লামাহ্ রাত্রিকালে নৌকাযোগে গঙ্গা পার হইয়া, স্বীয় প্রাণ লইয়া যশোহরে পলায়ন করিল। বিদ্রোহী শোভা সিংহের সেনাগণ তখন লুটপাট আরম্ভ করিয়া দিল।

এই সময়ে চুঁচুড়ার দিনেমার, চন্দন নগরে ফরাসী এবং সুতাহুটির ইংরাজ ব্যবসায়ীগণ, এই বিদ্রোহীগণের অত্যাচারে প্রপীড়িত হইয়া, নওয়াবের নিকট অনুমতি লইয়া, তাহাদের নিজ নিজ বাণিজ্য কেন্দ্রগুলি পরিখা বেষ্টিত করিয়া, উচ্চ প্রাচীর দ্বারা ঘিরিয়া লইয়াছিলেন; এবং ইহা হইতেই তিনটি ইউরোপীয় দুর্গের সূত্রপাত হইল।

বিদ্রোহীগণ হুগলী লুণ্ঠনের পর, চুঁচুড়া আক্রমণ করিল। কিন্তু দিনেমারগণের বন্দুক ও কামানের গোলার ভয়ে, পশ্চাৎপদ হইয়া হুগলী হইতে চারি মাইল উত্তর-পশ্চিমে ভাগীরথী তাঁরবর্তী সপ্তগ্রামে চলিয়া গেল। পরে সপ্তগ্রাম হইতে শোভা সিং, রহিম খানকে তাহাদের মধ্য হইতে বাছিয়া কতকগুলি উৎকৃষ্ট সেনা সমভিব্যাহারে নদ্বীপ ও মুরশিদাবাদ অধিকার করিতে পাঠাইয়া দিল।

শোভা সিং স্বীয় পাশব-প্রবৃত্তি চরিতার্থ করিবার আশায় বর্ধমান বিজয় কালে, রাজা কিশণ রামের একটি পত্রমা সুন্দরী যুবতী কন্যাকে গোপনে অবরুদ্ধ করিয়া রাখিয়াছিল। এক্ষণে রহিম খানকে বিদায় করিয়া দিয়া, নরপিশাচ তাহার নীচ আশা পরিপূর্ণ করিবার সুযোগ পাইল।

শোভা সিং একদা রাত্রে গোপনে রাজকুমারীর কক্ষে প্রবেশ করিয়া, তাহার বহুদিনের সঞ্চিত অভিলাষ কাধ্যে পরিণত করিবার উচ্ছাস, পাশবিক বল প্রয়োগে রাজনন্দিনীকে যেমন দৃঢ় আলিঙ্গন পাশে আবদ্ধ করিতে গেল, অননি কুমারী তাহার বক্ষ বস্ত্র মধ্যে লুক্কায়িত শাণিত ছুরিকা,

পাষাণের উদরে আমূল বিক্রি করিয়া দিয়া, নরপ্রেতের ভবলীলা সাজ করিয়া দিল। রাজকুমারী সঙ্গে সঙ্গে ঐ ছুরিকা টানিয়া বাহির করিয়া লইয়া, স্বীয় বক্ষে বিক্রি করিয়া দিয়া তৎক্ষণাৎ শাস্তিদায়িনী মৃত্যুর শরণাপন্ন হইল।

শোভা সিংহের মৃত্যুতে সমস্ত সৈন্য রহিম খানকে তাহাদের দলপতি বরণ করিয়া লইল। তদবধি রহিম খান, রহিম শাহ্ নামে অভিহিত হইতে লাগিলেন। এই সময়ে রাজমহল হইতে মেদিনীপুর পর্য্যন্ত, ভাগীরথির পশ্চিম তীরস্থ সমস্ত ভূভাগ, বিদ্রোহীগণের করতলগত হইয়া পড়িয়াছিল।

প্রত্যহ বিদ্রোহীদল বর্জিত নূতন নূতন দেশ অধিকারের সংবাদ স্রব্দাদারের কর্ণগোচর হইতে লাগিল। কিন্তু এই অলম শাসনকর্তা, স্বীয় সাক্ষী পুত্র ও সভাসদগণের উপদেশ অবহেলা করিয়া সর্বদাই উত্তর দিতেন যে—

“আম্ব-বিদ্রোহ অতীব ভয়ানক বস্তু। ইহাতে ঈশ্বরের সৃষ্ট জীবের জীবন অনর্থক নষ্ট করা হয়। বিদ্রোহীগণ আপনা হইতেই ক্ষান্ত হইবে ; না হয় তাহারা সামান্য দুই একটি দেশ অধিকার করিয়া, বাদশাহের রাজত্বের ষৎসামান্য ক্ষতি করিবে।”

এদিকে রহিম শাহ্ নুঠন ও দেশ জয় করিতে করিতে মুরশিদাবাদে পৌঁছিলেন। তথায় গিয়া তিনি প্রথমতঃ স্রব্দাদারের অধীন প্রবল পরাক্রান্ত জামগীরদার নেয়ামৎ খানকে তাঁহার অধীনতা স্বীকার ও তাঁহার সহিত যোগ দিতে আহ্বান করিলেন। নেয়ামৎ খান সর্গর্ভে উত্তর দিয়াছিলেন—

“আমি দিল্লীশ্বরের অধীন কর্মচারী, এবং তাঁহার রাজতন্ত্র প্রজা। আমি কোন মতেই তুচ্ছ বিদ্রোহীর প্রস্তাবে সম্মত হইতে পারি না।”

বিদ্রোহী সর্দার, নেয়ামতের এই উত্তরে ক্ষোভান্বিত হইয়া, তাঁহার এক দল সেনাকে, নেয়ামতকে গ্রেফতার করিবার জন্য পাঠাইয়া দিলেন। কিন্তু তাঁহার বন্ধুবর্গ ও সভাসদগণ এই কার্য্য ততদূর সহজ সাধা নহে বুঝাইয়া

দেওয়ান, রহিম শাহ্ একদল পাঠান আখারোহী সঙ্গে লইয়া স্বয়ং নেয়ামৎ খানের দমনোদ্দেশে বহির্গত হইলেন। নেয়ামতের রাজধানীতে পৌঁছিয়া রহিম অবলোকন করিলেন যে—বিপক্ষের সেনাগণ তাঁহাকে অভ্যর্থনার জন্ত প্রস্তুত হইয়া আছে।

এই সমুদয় শতাব্দীর শেষভাগে পর্য্যন্তও, যুদ্ধ সম্বন্ধে কোন কোন স্থানে এই নিয়মে অবসান হইত যে—উভয় পক্ষীয় সেনাগণ অন্তরে দণ্ডায়মান থাকিত ও দুইজন সেনাধ্যক্ষ ধৈর্য বা বন্দ্যবুদ্ধে প্রবৃত্ত হইতেন, এবং এই সেনাপতিদ্বয়ের জয়-পরাজয়ের উপরেই সমস্ত ফলাফল নির্ভর করিত।

নেয়ামৎ খানের ভ্রাতৃপুত্র তহয়ার খান একাকী আখারোহণে রণক্ষেত্রে আগমন করিয়া, প্রতিপক্ষের যে কোন একজন আফগানকে তাঁহার সহিত বন্দ্যবুদ্ধে আহ্বান করিলেন। কিন্তু তাঁহার আহ্বানে পাঠান সেনার ভিতর হইতে কেহই একাকী অগ্রসর হইতে সাহস না করিয়া, তাঁহার দলবদ্ধ হইয়া তেজস্বী তহয়ারকে আক্রমণ করিল; এবং যুবক-তহয়ারের বন্ধুবর্গ তাঁহার সাহায্যার্থে পৌঁছিবার পূর্বেই, শত্রু সেনা তাঁহাকে বেঁধেন করিয়া অস্ত্রাঘাতে দৈবধীকৃত করিল।

এই সংবাদ যখন নেয়ামৎ খানের নিকট পৌঁছিল তখন ফৌজদার, একটা সূক্ষ্ম মসুলিনের পিরতান্ গায়ে দাঁড়ইয়া ছিলেন। বীরপুঙ্গব নেয়ামৎ তাঁহার শিরস্ত্রাণ বা বর্ম পরিধান না করিয়া ঐ অবস্থায় কেবলমাত্র একখানি তরবারি গ্রহণে নিকটস্থ অশ্বে আরোহণ করিয়া, বেগে যুদ্ধক্ষেত্রে উপস্থিত হইলেন। নেয়ামৎ খান প্রথমেই বিজ্রোহী রহিমের পতাকা অবলোকন করিয়া, তথায় গিয়া উপনীত হইলেন ও সঙ্গে সঙ্গে সেনাপতির মস্তকে সবলে তরবারির আঘাত করিলেন। কিন্তু তাঁহার তরবারি রহিম শাহের লৌহ নির্মিত শিরস্ত্রাণের কোনই অনিষ্ট সাধন করিতে পারিল না দেখিয়া, তিনি রাগে তাঁহার তরবারির বিপরীত দিক (হাতল) দ্বারা

রহিম শাহের পঞ্জরে এরূপ বেগে আঘাত করিলেন যে—রহিম, নেয়ামৎ প্রদত্ত অঘাতের গুরুত্ব সহ্য করিতে অপারক হইয়া অশ্ব হইতে ভূপতিত হইলেন। বীরবর নেয়ামৎ তৎক্ষণাৎ স্বীয় অশ্ব হইতে অবতরণ করিয়া, রহিম শাহের বৃহৎ ছুরিকা টানিয়া লইয়া তাঁহার কর্ণদেশে বসাইতে গেলেন; কিন্তু রহিমের শিরস্রাণের লৌহময় শৃঙ্খল তাহাতে বাধা প্রদান করিল। এমন সময় পাঠান সেনাগণ তাঁহাকে ঘিরিয়া ফেলিল এবং মুহূর্তকাল মধ্যে তাঁহার দেহ খণ্ড খণ্ড করিয়া ফেলিল। তৎপরে মোগলদিগের বহু সৈন্য বিনষ্ট করিয়া, পাঠানের নেয়ামৎ খানের প্রাসাদ লুণ্ঠন করিতে লাগিল।

অতঃপর বিদ্রোহী দল, ৫০০০ সত্ৰ সত্ৰাট সেনাগণকে পরাস্ত ও বিতাড়িত করিয়া দিয়া, মুরশিদাবাদ নগর লুণ্ঠন আরম্ভ করিয়া দিল। কাশিমবাজারের ধনী ব্যবসায়ীগণ এই অবস্থা দর্শনে রহিম শাহের শরণাপন্ন হইয়া, তিনি উহাদের প্রতি কোন অত্যাচার করেন নাই। এই সময় রহিম শাহের অপর একদল বিদ্রোহী সেনা সূতানুটি আক্রমণ করিয়া, পার্শ্ববর্তী গ্রাম সকল অগ্নিদগ্ধ করিয়াছিল।

১৬৯৭ খৃষ্টাব্দের মার্চ মাসে বিদ্রোহীদল রাজমহল ও মালদহ অধিকার করিয়া, তথাকার অধিবাসীবৃন্দের বিস্তর ক্ষতি করিয়াছিল।

বঙ্গদেশ সম্বন্ধে এই বিদ্রোহের সংবাদ প্রাপ্তে বাদশাহ্ আওরাজজেব, তাঁহার শাসনকর্তার ব্যবহারে আশ্চর্যান্বিত ও তৎসহ অতিশয় রুষ্ট হইয়া, এব্রাহিম খানের উপর এই অহুমতি প্রেরণ করিলেন যে—সুবাদার যেন কালবিলম্ব না করিয়া স্বীয় পুত্র জবরদস্ত খানের অধীনে সমস্ত বঙ্গীয় সেনা দিয়া, তাঁহাকে বিদ্রোহী দমনে প্রেরণ করেন। এই অহুমতির সঙ্গে সত্ৰাট, অযোধ্যা, এলাহাবাদ ও বেহারের শাসনকর্তাদিগের উপর, জবরদস্ত খানকে সৈন্য সাহায্য করিবার জরুরীমান পাঠাইলেন।

অতঃপর সম্রাট, স্বীয় পৌত্র আজিম ও শ্শানকে বঙ্গ-বেহার-উড়িষ্যার শাসনকর্তা নিযুক্ত করিয়া পাঠাইয়া দিলেন।

সেনাপতি জবরদস্ত খান বহু সেনা, কামান ও রণতরী লইয়া ঢাকা পরিত্যাগ করিলেন। এই সময় তাঁহার আগমন বার্তা পাইয়া রহিম শাহ্ পদ্মা নদীর তীরে ভগবান গোলার নিকটে তাঁহার দ্বাদশ সহস্র অশ্বারোহী ও ত্রিংশ সহস্র পদাতিক সেনা লইয়া অবস্থান করিতেছিলেন।

জবরদস্ত খান শত্রু শিবির হইতে কয়েক মাইল দূরে অবতরণ করিয়া, কতকগুলি রণ-তরী হইতে তাঁহার পদাতিক সেনা ও কামানগুলি নামাইয়া লইলেন। অবশিষ্ট রণ-তরীগুলির প্রতি নদীবক্ষ হইতে শত্রুগণকে গোলা বর্ষণে ব্যতিব্যস্ত করিবার অশুমতি দিয়া, স্বয়ং স্থলপথে বিদ্রোহীগণকে আক্রমণ করিলেন।

প্রথম দিন কেবল দূর হইতে কামানের যুদ্ধই চলিল। পরদিন প্রাতে সম্রাটের পদাতিক সেনাগণ প্রথমে বিপক্ষগণকে আক্রমণ করিল, উভয় সৈন্তে মেশামিশি হইয়া কয়েক ঘণ্টাকাল যুদ্ধের পর, বিদ্রোহী পাঠানেরা রণস্থল হইতে প্রস্থান করিয়া কিয়দূর সরিয়া যাইতে বাধ্য হইল।
(১৬৯৭ খৃঃ মে মাস)

জবরদস্ত খান পরদিন প্রাতে পুনরায় পলায়িত বিদ্রোহীগণকে আক্রমণ করিয়া, পরে সমূলে উহাদিগকে বিনষ্ট করিবার উদ্দেশে মুরশিদাবাদের নিকটবর্তী স্থানে গিয়া একটা বৃহৎ সমতল ক্ষেত্রে শিবির স্থাপন করিলেন। কিন্তু রাত্রেই রহিম খান সেনাগণসহ নদী পার হইয়া বর্ধমানের পথ ধরিল। সম্রাট সেনাগণ এইরূপে বিদ্রোহীগণকে একস্থান হইতে স্থানান্তরে তাড়াইয়া লইয়া যাইতে লাগিল।

উনবিংশ সর্গ



সোলতান আজিম্ ওশ্‌শান

হিজরী ১১০৮ সালে ১৬৯৬ খৃষ্টাব্দে কুমার শাহ্ আলমের দ্বিতীয় পুত্র আজিম্ ওশ্‌শান দাক্ষিণাত্যে অবস্থান কালে, পিতামহ কর্তৃক তাঁহার বন্দ-বেতারেব সুবাদার নিয়োগের বার্তা পাইয়া, দ্বাদশ সহস্র অখারোহীসহ এলাহবাদে পৌঁছিলেন। তথা হইতে অযোধ্যার শাসনকর্তা, এবং বেনারস ও বেহারের জায়গীরদারগণকে তাঁহার সাহায্যার্থে প্রস্তুত হইতে আদেশ করিলেন। কিন্তু পাটনায় পৌঁছিয়া কুমার, জবরদস্ত খানের বিজয়বার্তা পাইয়া মনে মনে, চিন্তা করিতে লাগিলেন—তাঁহার আগমনের পূর্বেই সৈন্যাদ্যক্ষ বিদ্রোহীগণের সহিত সমস্ত যুদ্ধ শেষ করিয়া বিজয়মাল্য গলদেশে ধারণ করিলে, তিনি সম্রাটের নিকট আর কোন বিশেষ সন্তানের প্রত্যাশা করিতে পারিবেন না। ইহা ভাবিয়া কুমার, জবরদস্ত খানকে তাঁহার অল্পপস্থিতি কাল পর্য্যন্ত যুদ্ধ স্থগিত রাখিতে অস্বমতি দিলেন।

বিজয়ী সেনাপতি জবরদস্ত খান, কুমারের প্রেরিত নিবেদন আজ্ঞার মন্থ সম্যক উপলব্ধি করিলেন, অগত্যা যেন হস্তপদ বন্ধনাবস্থায় বর্ধমানের নিকট তাঁহাকে সসৈন্তে অবস্থান করিতে হইল। দারুণ বর্ষার জন্ত এই সময় কুমারকেও মুন্সেরে কিছুদিন অবস্থান করিতে হইয়াছিল।

তৎপরে সেনাপতি জবরদস্ত খান, কুমার আজিম্ ওশ্‌শানকে অভ্যর্থনা করিয়া আনিবার জন্ত সম্মান প্রদর্শনার্থে কয়েক মাইল পথ অগ্রসর হইয়া তাঁহার সহিত মিলিত হইলেন। সেই সময় কুমার, সেনাপতির প্রতি

এরূপ অবস্থার ভাব প্রদর্শন করিয়াছিলেন যে—এই উন্নতমস্তক, কর্মবীর যুবক সেনাপতি, তাঁহার কর্ম ত্যাগ করিয়া স্বীয় পিতার সহিত চলিয়া যাইতে বাধ্য হইলেন।

সেনাপতির সঙ্গে সঙ্গে তাঁহার একান্ত অসুগত আট সহস্র উৎকৃষ্ট সেনাও তাঁহাদের এসুফার দরখাস্ত দাখিল করিল; এবং পরে ঐ সকল সেনা পুনরায় জবরদস্ত খানের সহিত মিলিত হইয়া, পিতা পুত্রের সহিত রাজধানীতে চলিয়া গেল।

জবরদস্তের কর্মত্যাগে, বিদ্রোহীগণের আনন্দ ও উল্লাসের সীমা রহিল না। রহিম শাহ্ তখন পুনরায় গা ঝাড়া দিয়া উঠিয়া, তাঁহার দলস্থ ছত্রভঙ্গ সেনাগণকে সমবেত করিতে লাগিলেন। এইরূপে সোলতান আজিম্ ওশ্‌শান বর্ধমান আন্দোৎসবে নিমগ্ন থাকা কাল মধ্যে বিদ্রোহীরা প্রচুর সেনা সংগ্রহ করিয়া নদীয়া ও হুগলী জেলায় লুণ্ঠন আরম্ভ করিয়া দিল; এবং বর্ধমান হইতে মাত্র কয়েক মাইলের মধ্যে অবস্থান করিতে লাগিল।

এই সময় দিনেবারেরা সোলতান আজিম্ ওশ্‌শানের নিকট গিয়া, ইংরাজ কোম্পানি ও তাহাদিগের মধ্যে বাণিজ্য শুল্কের অস্থায় পার্থক্য প্রদর্শন করিবার চেষ্টা করায়, ইষ্ট ইণ্ডিয়া কোম্পানিও তাহাদের মধ্য হইতে মিঃ ওয়াল্‌সকে পাঠাইয়া দিয়া, সুলতানুটি, গোবিন্দপুর ও কালিকাটা গ্রামত্রয়ে তাহাদের ব্যবসায় স্থান নিদিষ্ট করিয়া লইবার জন্ত চেষ্টা করিতে লাগিল। শেষে বহু অর্থ প্রদানে মিঃ ওয়াল্‌স সোলতানকে তাঁহার প্রস্তাবে সম্মত করাইলেন ও এই অনুমতি পত্রে কোম্পানি ১৬৯৮ খৃষ্টাব্দের জুলাই মাসে সুলতানুটি প্রভৃতি গ্রামত্রয় প্রাপ্ত হইলেন। কিন্তু উহাতে দেওয়ানের (প্রধান মন্ত্রী) দস্তখৎ না থাকায় এই গ্রামের জমিদারগণ তাহাদের অধিকারভুক্ত সম্পত্তি হস্তচ্যুত করিতে অস্বীকৃত

হইল। পরে ডিসেম্বর মাসের শেষে সমস্ত কার্য সুচারুরূপে সম্পন্ন হইয়া ১৭০০ খৃষ্টাব্দের জানুয়ারি মাসে কোম্পানি, বঙ্গেশ্বরের নিকট হইতে আবাধ বাণিজ্যের ছাড়পত্র প্রাপ্ত হইলেন। এই অনুমতি পত্র প্রস্তুত করিতে ইষ্ট ইণ্ডিয়া কোম্পানির সর্বশুদ্ধ ৩০,০০০ সহস্র মুদ্রা ব্যয় হইয়াছিল।

আজিম ওশ্শান, বিদ্রোহী রহিম শাহকে বশতা স্বীকার করিবার জন্য পত্র লিখিলেন। এবং এই বিষয় নীমাংসার জন্য পরে মন্ত্রী খাজা আনওয়ার অল্প সংখ্যক লোক সমভিব্যাহারে রহিম সাহের সহিত কথা মিটাইতে প্রেরিত হন। ক্রমে উভয় পক্ষে বাক-বিতণ্ডা হইয়া, আনওয়ার ফিরিয়া আসিবার কালে, রহিমের অধীনস্থ একদল পাঠান, মন্ত্রীকে আক্রমণ করিয়া, সদলবলে তাহাদিগকে নিহত করে।

সঙ্গে সঙ্গে বিদ্রোহী রহিম, দয়া-দাক্ষিণ্য প্রার্থির আশা এককালে পরিত্যাগ করিয়া, তৎক্ষণাৎ সত্ৰাট-সৈন্যগণের উপর নিপতিত হইলেন। এই ভীষণ আক্রমণ পাঠান বীর এত অল্প সময়ের মধ্যে কার্যে পরিণত করিলেন যে, কুমার আজিম ওশ্শান তাঁহার হস্তী আরোহণ করিবার পূর্বেই পাঠান সেনা কর্তৃক সম্পূর্ণরূপে পরিবেষ্টিত হইয়া পড়িলেন। সেই সময় তাঁহার মূল্যবান প্রাণ সঙ্কটাপন্ন দেখিয়া, হামিদ খান নামক একজন বিশ্বস্ত সাহসী আরবীয় যোদ্ধা চীৎকার করিয়া বলিয়া উঠিল—

“আমি সোলতান আজিম ওশ্শান—তোমাদের মধ্যে কে সর্বাপেক্ষা বলশালী ও সাহসী আছ, আসিয়া আমার সহিত যুদ্ধে প্রবৃত্ত হও।”

এই কথা বলার সঙ্গে সঙ্গে আরব বীর, বিদ্রোহী রহিম শাহের প্রতি দুইটা শর নিক্ষেপ করিলেন। একটা শর তাঁহার পার্শ্বদেশ ভেদ করিয়া বাহির হইয়া গেল। অপরটা পাঠান সেনাপতির অশ্বের মস্তকে বিদ্ধ

হওয়ার, অথ বহুগাম অস্থির হইয়া আরোহী রহিম শাহ্কে ভূতলে নিক্ষেপ করিল। সঙ্গে সঙ্গে হামিদ খান অস্বাভরণে ক্ষিপ্ৰহস্তে রহিম শাহের শিরচ্ছেদ করিয়া, উচা স্বীর বর্শার অগ্রভাগে বিদ্ধ করিয়া উচু করিয়া ধরিলেন।

পাঠান সেনাগণ সৈন্যধক্ষের এই দুর্বস্থা দর্শনে, রণক্ষেত্র পরিত্যাগ পূর্বক পলায়ন করিতে লাগিল। পরে তাহাদের মধ্যে অনেকে বঙ্গেশ্বরের বশুতা স্বীকার করায়, তাহারাই আবার সুবাদারের সেনাদলে প্রবেশাধিকার প্রাপ্ত হইয়াছিল।

কুমার আজিম ওশশান এই অপ্রত্যাশিত রণজয়ের পর কিছুদিন বর্দ্ধমানে অবস্থান করিতে লাগিলেন। এই সময় তিনি মৃত বর্দ্ধমান রাজ্যের পুত্র জগৎরামকে তাঁহার পিতৃ জায়গীর প্রদান করিলেন। সোল্তান তাঁহার পিতামহের নিকট হইতে, বীর হামিদ খানের জন্ম, শম্শের খান-বাহাদুর উপাধি ও তৎসহ বন্দোশিল এবং ত্রীহট্ট জেলাধরের ফৌজদারের পদপ্রাপ্তির সনন্দ আনাইয়া, তাঁহাকে ঐ পদে নিযুক্ত করিলেন।

কুমারের বর্দ্ধমানে থাকাবস্থায় তিনি তথায় একটা বৃহৎ মস্জিদ নির্মাণ করাইয়াছিলেন। সেট সময় তিনি হুগলী নদীতীরে শাহগঞ্জ নামে একটা বাজার প্রতিষ্ঠিত করিয়াছিলেন; কিন্তু প্রজাগণ কুমারের নামানুযায়ী ঐ বাজারের নাম আজিম্‌গঞ্জ রাখিলেন।

১৬৯৯-১৭০০ খৃষ্টাব্দে ঈংরাজ ইষ্ট ইণ্ডিয়া কোম্পানি সূতানুটি, গোবিন্দপুর ও কালকাতা এই তিনটি গ্রাম একত্রিত করিয়া উহার নাম 'কলিকাতা' রাখিলেন; এবং এই ভূখণ্ডের তিন দিকে পরিখা খনন করিয়া উতাকে সাধ্যমত সুদৃঢ় করিতে লাগিলেন। এই সময় অনেক বাঙ্গালী হিন্দু এই পরিখাবেষ্টিত স্থান নিরাপদ বিবেচনা করিয়া, তন্মধ্যে আসিয়া আবাস গৃহ প্রস্তুত করিতে লাগিল।

কলিকাতার ভাগীরথী তীরে এই সময় ইংরাজেরা যে একটি ক্ষুদ্র দুর্গ নির্মাণ করিয়াছিলেন, তাহার নাম তৎকালীন ইংলণ্ডের রাজা তৃতীয় উইলিয়মের নামানুসারে “ফোর্ট উইলিয়ম” রাখিয়াছিলেন।

সোলতান আজিম ওশ্‌শান প্রায় তিন বৎসর বর্ধমান অবস্থান করিয়া এবং তথা হইতে পশ্চিম বাঙ্গলার সমস্ত বন্দোবস্ত সন্তোষজনকরূপে সমাধা করিয়া, পরে সোলতান সজাআর সময়ের রাজকীয় নৌকাগুলি যথাসম্ভব হুগলীর নিকটস্থ স্থানে ভাগীরথীর বক্ষে সংগ্রহ করাইয়া, তৎসহ মহা আড়ম্বরে জলপথে ঢাকায় যাত্রা করিলেন।

এই বৎসর ১৬৯৯ খৃষ্টাব্দে ইংলণ্ডের রাজা তৃতীয় উইলিয়ম্, সম্রাটের সহিত সখ্যতা স্থাপন দ্বারা ইংরাজ কোম্পানীর ব্যবসায়ের উন্নতি সাধন-কল্পে, আর উইলিয়ম্ নরিসকে ভারতে দূত স্বরূপ প্রেরণ করিয়াছিলেন। ১০ই ডিসেম্বর দূত নরিস সুরাট বন্দরে অবতরণ করিলেন; এবং ১৭০০ খৃষ্টাব্দের ২৮শে এপ্রিল তারিখে আর নরিস প্রথমে রাজ দর্শনের অনুমতি পাইলেন। কিন্তু ঠিক এই সময় তিনখানি মক্কাবাত্রী জাহাজ ইংরাজ জলদস্যু কর্তৃক লুণ্ঠিত হওয়ার, আর উইলিয়মের সমস্ত আশা-ভরসা নষ্ট হইল।

ইংলণ্ডীয় দূত ১৭০২ খৃষ্টাব্দের ২৯শে এপ্রিল তারিখে “সিপিও” নামক জাহাজে সুরাট বন্দর পরিত্যাগ করিলেন। কিন্তু ইংলণ্ডে পৌঁছিবার পূর্বেই সেন্ট হেলেনা দ্বীপের নিকট জাহাজে তাঁহার মৃত্যু হইল।

সম্রাট, হায়দ্রাবাদের দেওয়ান মোহাম্মদ হার্দি কারেতলব্‌ খানকে, মুরশিদকুলি খান উপাধি দিয়া, ১৭০১ খৃষ্টাব্দে ১১১৩ হিজরীতে বাঙ্গলার দেওয়ান নিযুক্ত করিয়া পাঠাইলেন। মুরশিদকুলি খান ঢাকায় পৌঁছিয়া অল্প দিনের মধ্যে রাজস্ব-সম্বন্ধীয় সমস্ত পুরাতন বন্দোবস্ত পরিবর্তন

করিয়া ফেলিলেন। এবং অল্পদিনের মধ্যে বাঙ্গালার রাজস্ব বৃদ্ধি করিয়া এক কোর টাকার পরিণত করিলেন।

পূর্ববর্তী দেওয়ানগণের ধারণা ছিল যে, বাঙ্গালার সর্বত্রই জলবায়ু সাধারণতঃ অস্বাস্থ্যকর। তাঁহারা এই ভ্রমাত্মক ধারণার বশবর্তী হইয়া প্রায় অধিকাংশ ভূখণ্ডে সাময়িক জায়গীরদারের পদ্ধতি প্রচলন করিয়া রাখিয়াছিলেন। মুরশিদকুলি সেই সমস্ত উঠাইয়া দিয়া, তাঁহাদের স্থলে নূতন বেতনভোগী দেওয়ান নিযুক্ত করিলেন ও পুরাতন জায়গীরদারগণকে ভৎপরিবর্তে উড়িষ্যা বিভাগে জায়গীর প্রদান করিলেন।

ইতিপূর্বে এই জায়গীরদার দ্বারা রাজস্ব আদায়-পদ্ধতি প্রচলিত থাকায়, বাঙ্গালার রাজস্ব হইতে রাজকীয় খরচাশ্বে উদ্ভূত অর্থ সম্রাটের রাজকোষে গচ্ছিত হইবার পরিবর্তে, বাদশাহকে প্রায়ই বাঙ্গালার খরচের সঞ্চালনের জন্য অপর প্রদেশের রাজস্ব হইতে সাহায্য করিতে হইত।

মুরশিদ কুলি খান তাঁহার কার্যকুশলতার জন্য একদিকে যেমন বাদশাহের প্রিয়পাত্র হইয়া উঠিলেন, অপরদিকে তেমনই বাদশাহ-পৌত্র আজিম ওশশানের চক্ষুশূল হইয়া পড়িলেন। সোলতানের এই শক্রতা সাধনকার্যে আবতুল ওয়াহেদ নামক তনৈক ব্যক্তি তাঁহার প্রধান সহকারী হইল।

দেওয়ান মুরশিদ কুলির প্রতি বঙ্গেশ্বরের ব্যবহার, দিন দিন তাঁহার অসহ্য হইয়া পড়ায়, একদিন তিনি প্রকাশ্য রাজসভা মধ্যে সোলতানকে স্পষ্টতঃ বলিয়া ফেলিলেন—

“আপনি যদি আমার জীবন লইবার বাসনা করেন, আসুন, আমরা উভয়ে দৈবরথ যুদ্ধে প্রবৃত্ত হই।”

এই বলিয়া তেজস্বী দেওয়ান মুরশিদ কুলি খান, আপন কটিবন্ধ ভরবারিতে হস্তার্শণ পর্য্যন্ত করিয়াছিলেন। পরে বাড়ী ফিরিয়া আসিয়া

বঙ্গেশ্বরের বিনামূল্যে বা তাহার আজ্ঞাতে সমস্ত বিবরণ সম্রাটের নিকট লিপিবদ্ধ করিয়া তিনি স্বীয় বাসস্থান ও দফতরখানা মুরশিদাবাদে উঠাইয়া আনিলেন ও নিজের নামানুসারে ঐ স্থানের নাম মুরশিদাবাদ রাখিলেন ।
১৭০৩ খৃঃ ।

এদিকে দেওয়ানের পত্র প্রাপ্তে বাদশাহ আওরাজ্জেব, পৌত্রকে বাঙ্গলাদেশ পরিত্যাগ করিয়া বেহারে আসিয়া বাস করিতে আজ্ঞা প্রদান করিলেন ।

আজিম ওশ্‌শান স্বীয় পুত্র ফরোখসিয়ারকে ঢাকায় প্রতিনিধি রাখিয়া, সপরিবারে রাজমহলে আগমন করিয়া সোলতান সুজাঘার প্রাসাদে বাস করিতে লাগিলেন । কিছুদিন পরে তথা হইতে পাটনার গিয়া, পিতামহের অনুমতি লইয়া ঐ স্থানের নাম আজিমাবাদ রাখিলেন ।

১১১৮ হিজরীর ২৮শে জিল্‌কদ ১৭০৭ খৃষ্টাব্দের ২১শে ফেব্রুয়ারী শুক্রবার ৫১ বৎসর রাজত্ব করিবার পর ৩১ বৎসর ১০ দিন বয়সে পরম ধর্মপ্রাণ রাজা শাহান্ শাহ্ আলম্‌গীর, প্রাতঃকালীন ঈশ্বরোপাসনা (ফজরের নামাজ) শেষ করিয়া, সূর্যোদয়ের এক ঘণ্টা পরে আহমদ নগরে দেহত্যাগ করিলেন । সেকেন্দার লোদীর পর সম্রাট আওরাজ্জেবের তুল্য ঈশ্বর আরাধনা ও কঠিন তপস্কার নিহুত্ৰ হায় বিচারক বাদশাহ্, দিল্লীর সিংহাসন আলোকিত করেন নাই । সাহস প্রদর্শনে ও বিচারবুদ্ধিতে তিনি অনুপম ছিলেন—(মোস্তেখাবল্ লোদাব) ।

সম্রাট মৃত্যুকালে তাঁহার তিন পুত্রের মধ্যে তাঁহার বিশাল সাম্রাজ্য এইরূপে মৌখিক বিভাগ করিয়া গিয়াছিলেন—

জ্যেষ্ঠ মোহাম্মদ মোয়াজ্জিদ—কাবুল, লাহোর ও মুলতান প্রদেশ পাইবেন ।

দ্বিতীয় মোহাম্মদ আজম্—ভারতবর্ষের মধ্যস্থল ।

কনিষ্ঠ কামবন্ধু—দাক্ষিণাত্য ও দক্ষিণের সমস্ত ভূভাগ প্রাপ্ত হইবেন।

সম্রাট আওরাজ্জের মৃত্যুর পর দিবনেই তাঁহার দ্বিতীয় পুত্র মোহাম্মদ আজম্, পিতার রাজকীয় শিবির অধিকার করিলেন ও সমস্ত রাজকোষ স্বীয় আয়ত্তে আনিলেন, পরে গিভুদেত দৌলতাবাদের নিকট, সেখ বোরহান উদ্দীন ও শাহ্ জারিজাবুবখ্শ প্রভৃতি মিত্রপুরুষ-গণের সমাধি পাশে সমাধিস্থ করিয়া সিংহাসনে আরোহণ করিলেন। তৎপরে সমস্ত আমীর ও সেনাবিভাগের কর্মচারিগণকে রাজসভায় আহ্বান করিয়া, তাঁহাদিগকে তাঁহাদের পুরাতন পদে নিযুক্ত রাখিলেন। মোহাম্মদ আজম্ অতঃপর দিল্লী অধিকার করণকল্পে সত্বর সসৈন্তে উত্তর দিকে অগ্রসর হইতে লাগিলেন।

এদিকে জ্যেষ্ঠ মোহাম্মদ মোয়াজ্জম্-কুমার আজিম ওশ্শান, সম্রাটের আদেশক্রমে বাদশাহ পরিভ্যাগ করিবার সময়, তাঁহার সহিত যথেষ্ট উৎকৃষ্ট অশ্বারোহী সৈন্ত লইয়াছিলেন। তিনি আগ্রায় পৌছিবার পূর্বেই পথে পিতামহের মৃত্যু সংবাদ শুনিতো পাইলেন ও স্মরিত স্মৃতিতে আগ্রায় পৌছিয়া, পিতা মোহাম্মদ মোয়াজ্জম্ শাহ্ আলমের পক্ষে, উক্ত রাজধানী অধিকার করিয়া রাখিবার চেষ্টা করিলেন। আগ্রা বিভাগের শাসনকর্তা, তাঁহার কন্ঠার সহিত মৃত সম্রাটের দ্বিতীয় পুত্র মোহাম্মদ আজমের পুত্রের বিবাহ দেওয়ার, তিনি আজিম ওশ্শানের গতির ভীষণভাবে প্রতিবন্ধকতা করিলেন; এবং তাঁহার সমুদয় নৌকাগুলি যমুনার জলময় করিয়া দিলেন।

আজিম ওশ্শান পরে সসৈন্তে যমুনা পার হইয়া, শাসনকর্তাকে আক্রমণ করিলেন ও যুদ্ধে তাঁহাকে পরাজিত ও বন্দি করিলেন। তৎপরে স্বীয় সেনা মধ্য হইতে একদলকে প্রেরণ করিয়া, রাজধানীতে আসিবার

পথে, বাঙ্গলা দেশের প্রেরিত রাজস্ব প্রায় এক কোর টাকা কাড়িয়া লইলেন। অতঃপর আজিম ওশ্‌শান তাঁহার লুণ্ঠিত এক কোর টাকা ও পূর্বের আনীত প্রায় আট কোর টাকার সাহায্যে, অধিকতর সৈন্য রহ সেনা সংগ্রহ করিয়া, তাঁহার পিতা আগ্রায় পৌছিবার পূর্বেই, ত্রিশ সশস্ত্র উৎকৃষ্ট অশ্বারোহী সৈন্য প্রস্তুত করিয়া ফেলিলেন।

দুর্গাধ্যক্ষ বাকের খান, সম্রাট আওরাজজেবের জ্যেষ্ঠ পুত্র শাহ-আলমের আগ্রায় পদার্পণের সঙ্গে সঙ্গে, তাঁহাকে মৃত সম্রাটের আইন সঙ্গত উত্তরাধিকারী বিবেচনা করিয়া দুর্গদ্বার উন্মুক্ত করিয়া দিলেন।

আগ্রায় প্রকাণ্ড ও প্রসিদ্ধ দুর্গ অধিকার করিয়া, শাহ্ আলম্ অগাধ ধন-সম্পত্তি ও যুদ্ধ-সম্ভারের অধিকারী হইলেন। এবং অচিরে আরও অনেক সেনা সংগ্রহ করিয়া, ভ্রাতা আজম্‌শাহের দমনার্থে প্রস্তুত হইয়া রহিলেন।

১৬১৯ চিজরী ১১ই রবিওল্ আউয়ল্ (১৭০৭ খৃঃ জুন) তারিখে উভয় সৈন্যে আগ্রায় নিকটবর্তী জাজুর ময়দানে সংঘর্ষ হইল। এই যুদ্ধে বঙ্গের ভূতপূর্ব সুবাদার সোল্তান আজিম ওশ্‌শান অদ্ভুত বীরত্ব প্রদর্শন করিয়াছিলেন। যুদ্ধে মোহাম্মদ আজম্ শাহের জ্যেষ্ঠ পুত্র কুমার বেদার বখ্ত অতীব সাহস প্রদর্শনে যুদ্ধ করিতে করিতে, একটী কামানের গোলায় আহত হইয়া তৎক্ষণাৎ মৃত্যুমুখে পতিত হইলেন। সঙ্গে সঙ্গে তাঁহার কনিষ্ঠ ভ্রাতা ওয়ালাজাহ্ বন্দুকের গুলিতে নিহত হইয়াছিলেন।

সম্রাট আওরাজজেবের দ্বিতীয় পুত্র মোহাম্মদ আজম্ শাহ্ হস্তী আরোহণে বরাবর এই যুদ্ধ পরিচালনা করিতেছিলেন। সেই হাওদার মধ্যে তাঁহার একটী বালক সন্তান ছিল। আজম্ শাহ্ এই বালককে ভাল সাহায্যে কয়েকবার বিপক্ষের গুলি হইতে রক্ষা করিলেন

দেখিয়া, এই তরুণবয়স্ক সাহসী বীর বালক, তাহার জাতীয় বীরত্ব প্রদর্শনেচ্ছায় একবার উত্তেজিত হইয়া হাওদার বাহির হইয়া পড়িয়াছিল। এই সময় পিতা ক্ষিপ্ৰহস্তে বালককে টানিয়া না লইলে, তৎক্ষণাৎ হস্তী-পৃষ্ঠেই বালকের মৃত্যু হইত।

ক্রমে তিন জন হস্তীচালক নিহত হওয়ার ও হস্তী সর্বাঙ্গে ক্ষত-বিক্ষত হইয়া অধৈর্য্য হইয়া পড়ায়, কুমার মোহাম্মদ আজম্ শাহ্ তা'ওদা হস্তে বাহির হইয়া, নাহতের স্থান অধিকার করিয়া ঐ বৃহদায়তন জন্তুকে শাসনাধীন করিবার চেষ্টা করিতেছিলেন ; এমন সময় একটি গুলি তাঁহার কপালে লাগিয়া, তাঁহার ভবলীলা সাক্ষ করিয়া দিল। শত্রুপক্ষীয় রোস্তম আলি নামক জনৈক নরপিশাচ, এই ব্যাপার দর্শনে হস্তীপৃষ্ঠে আরোহণ করিয়া, ক্ষিপ্ৰহস্তে কুমারের দেহ হস্তে মস্তক বিচ্ছিন্ন করিল এবং ঐ মস্তক লইয়া সোলতান শাহ্ আলমের নিকট উপস্থিত হইল।

কুমার মোহাম্মদ মোরাজ্জম শাহ্-আলম্, সহোদরের রক্তাক্ত ছিন্ন মস্তক দর্শনে, প্রথমতঃ কুকুর রোস্তম আলির দিকে উগ্রদৃষ্টি নিষ্ক্ষেপ করিয়া, শেষে বালকের স্মরণ কাঁদিয়া ফেলিলেন।

যুদ্ধান্তে শাহ্ আলম, তাঁহার ভ্রাতা আজম্ শাহের পুত্র কন্ঠাগণকে নিকটে আনাইয়া লইয়া, তাহাদিগের প্রতি যথাসম্ভব আদর ও স্নেহ প্রদর্শন করিতে লাগিলেন। ভ্রাতা ও ভ্রাতৃপুত্রদ্বয়ের মৃতদেহ যুদ্ধক্ষেত্রে হইতে খুঁজিয়া বাহির করিয়া, বাদশাহ্ মোঘলের সমাধি পার্শ্বে তিনি ঐ মৃতদেহগুলি সবড়ে সমাধিস্থ করাইয়াছিলেন।

রণবিজয়ী সেনা লইয়া শাহ্ আলম্ আগার প্রত্যাবর্তনপূর্বক, বাগাদুর শাহ্ নাম গ্রহণে সিংহাসনারোহণ করিলেন। তৎসঙ্গে পুত্র আজিম ওশ্শানের সাহায্যজনিত কৃতজ্ঞতার তাঁহাকে, পুনরায় বাঙ্গলা-বেতার ও উড়িষ্যার শাসনকর্তা নিযুক্ত করিয়া, তৎসহ এলাহাবাদ প্রদেশের শাসন

কর্তৃত্ব ও পুত্রের হস্তে অর্পণ করিলেন। কিন্তু কনিষ্ঠ ভ্রাতা কামবন্ধুর সহিত সংঘর্ষের আশঙ্কা থাকায় সম্রাট, তাঁহার এই বীরবাহু পুত্রকে আরও কিছুদিন তাঁহার নিকট থাকিতে বলিলেন; এবং তাঁহার অল্পপস্থিতি কাল পর্য্যন্ত বাঙ্গালা ও উড়িষ্যার জগৎ মুরশিদ কুলি জাফর খানকে প্রতিনিধি নিয়োগ করিতে ও বেহার-এলাহাবাদ প্রদেশদ্বয়ের জগৎ, তাঁহার ইচ্ছামত কোন লোককে প্রতিনিধি রাখিতে অহুমতি দিলেন।

আজিম ওশশান এই সময় আরব দেশবাসী হজরত রশুলে-খোদার বংশজ দুইজন অতি সম্ভ্রান্ত ভ্রাতা মৈয়দ আবদুল্লাহ্ খান ও মৈয়দ হোসেন আলি খানকে, যথাক্রমে এলাহাবাদ ও বেহারে তাঁহার প্রতিনিধি নিযুক্ত করিলেন। অতঃপর কুমার সর্বক্ষণ পিতৃ-সান্নিধ্যে থাকিয়া, পিতার অল্পগ্রহ-স্নেহের অধিকাংশের দাবিদার হইয়া পড়িলেন।

১৭১২ খ্রীষ্টাব্দ ১১২৪ হিজরীর সফর মাসে, সম্রাট বাহাদুর শাহ লাহোরে কঠিন পীড়ায় আক্রান্ত হইয়া পড়িলেন। কনিষ্ঠের প্রতি ঈর্ষ্যাবশতঃ ঐ সময়ও সম্রাটের জ্যেষ্ঠ পুত্র মুঈজউদ্দীন পিতার নিকট না আসায়, সমস্ত রাজকীয় কার্য্য কুমার আজিম ওশশানই করিতে লাগিলেন। কিন্তু ক্রমে কুমারের অত্যধিক অহঙ্কার ও কড়া মেজাজে প্রধান মৈয়াদাফ আমীরুল্ ওমারা জুশ্ফেক্কার খান বিরক্ত হইয়া, অন্যান্য কাম্‌চারি সহ, সম্রাটের অপর তিন পুত্র মুঈজউদ্দীন, জাহান শাহ্ ও রফি ওশশানের পক্ষাবলম্বন করিলেন।

রাভী নদীর এক পাশে সম্রাটের রাজকীয় শিবির ও অপর তীরে আজিম ওশশানের শিবির সন্নিবেশিত ছিল। মধ্যে নদীবক্ষে নৌসেতু-দ্বারা সর্বক্ষণ যাতায়াত ও সংবাদ আদানপ্রদান চলিতেছিল। সম্রাটের মৃত্যুর সঙ্গে সঙ্গে কুমার আজিম ওশশান আসিয়া সম্রাট শিবির অধিকার

করিলেন, এবং তৎসহ সমস্ত রাজকীয় সম্পত্তি ও তোপখানা করায়ত্ত করিয়া লইলেন।

এই সময় আমীরুল ওমারার পরামর্শে সন্মিতির অপর তিন পুত্র, কুমার আজিম ওশশানের বিরুদ্ধে যুদ্ধ ঘোষণা করিলেন। চারি দিন ধরিয়া সর্বক্ষণ ঘোরতর কামানের যুদ্ধ চলিল। কুমারের সেনাগণ উপযুক্ত সেনানায়ক অভাবে, ক্রমে আজিম ওশশানের পক্ষ পরিত্যাগ করিয়া রূপে ভঙ্গ দিতে লাগিল। এই অবস্থা দর্শনে আজিম ওশশানের সৈনিক বন্ধু আমিনউদ্দৌলা, তাঁহাকে হস্তী আরোহণে রণস্থল পরিত্যাগ করিবার পরামর্শ দিলেন; কিন্তু তৈমূর বংশীয় নর-শাদ্দুল তাঁহার নকল সহচর ও ক্রমে প্রায় সমস্ত সেনা কর্তৃক পরিত্যক্ত হইলেও শত্রুকে পৃষ্ঠ প্রদর্শন করিলেন না। তাঁহার হস্তীর মাহুত বিপক্ষের বন্দুকের গুলিতে হত হইল। অল্পক্ষণ মধ্যে হস্তী একটি কামানের গোলায় সাক্ষাতিকরূপে আহত হওয়ায়, উন্নতপ্রায় অবস্থায় রাভী নদীর খাড়া তীরে হইতে লক্ষ প্রদানে স্রোতে পতিত হইল ও কুমার আজিম ওশশান সহ জলমগ্ন হইল। হস্তীর মৃত দেহ কিছুক্ষণ পরে দেখা গেল, কিন্তু সন্মিতি কুমার আজিম ওশশানের আর কোন সন্ধান পাওয়া গেল না।

(সিয়রুল যোতাধ্কারীণ)

বিংশ সর্গ



নওরাব মুর্শিদ কুলি মতিয়ল্ মুল্ক আলাআদৌলা

জাফরু খান নেসিরী, নাসের জঙ্গ ।

বঙ্গের সিংহাসনে আরোহণ করিয়া তিনি, মুর্শিদাবাদ জেলার নাম পরিবর্তনে, স্বীয় নামানুসারে ঐ জেলার নাম মুর্শিদাবাদ রাখিলেন ও তথায় রাজপ্রাসাদাবলী নির্মাণ করাইয়া, নগরটিকে বঙ্গের রাজধানীতে পরিণত করিলেন ।

১৭০৬ খৃষ্টাব্দে ইষ্ট-ইণ্ডিয়া-কোম্পানী ২৫,০০০ সহস্র মুদ্রা প্রদানে, নওরাবের নিকট হইতে কাসিম বাজারে কুটি নির্মাণ করিবার অনুমতি প্রাপ্ত হ'ন । এই বৎসর কুমার আজিম ওশশান বেহার পরিত্যাগ করিয়া সত্ৰাটের নিকট চলিয়া যাওয়ার, নওরাব মুর্শিদ কুলি বঙ্গ-বেহার ও উড়িষ্যার উপর সম্পূর্ণ শাসনভার প্রাপ্ত হইয়াছিলেন ; এবং এই সময় তিনি মেদিনীপুর জেলা, উড়িষ্যা বিভাগ হইতে সরাইয়া আনিয়া উহা বাঙ্গালার সহিত সমন্বিত করিয়াছিলেন ।

নওরাবের অপরাপর শত শত সদৃশুণ থাকিলেও, তিনি রাজস্ব আদায়ের কার্যে অতিরিক্ত তৎপরতা প্রদর্শন করিতে গিয়া, জমিদারগণের বিরাগ-ভাজন হইয়া দাঁড়াইলেন । এই সময় নওরাবের নামে প্রদেশের সমস্ত জমিদারগণ আতঙ্কে কম্পিত হইত । ১৭০৭ খৃষ্টাব্দে নওরাব মুর্শিদ কুলি খান বাঙ্গলা-বেহার-উড়িষ্যার সমস্ত জমি পুনঃ জরিপ করিয়া, রাজস্ব

বৃদ্ধি ও তৎসঙ্গে ঐ বৃদ্ধি করের উপর আবার নানকর, বনকর ও জলকর প্রবর্তিত করেন।

মুরশিদ কুলি খান সপ্তাহে দুইদিন বিচারাসনে বসিয়া স্বয়ং বিচার কার্য্য নিষ্পন্ন করিতেন। তিনি এতদূর স্থার বিচারক ও ধার্মিক নরপতি ছিলেন যে—কোন গুরুতর বে-আইনী গৃহিত কার্য্যের জন্ত নিজ পুত্রের প্রতিও মৃত্যু-দণ্ডাজ্ঞা প্রদান করিয়া, জগতে অক্ষর কীর্ত্তি রাখিয়া গিয়াছেন।

নওরাব মুরশিদ কুলির রাজত্ব কালে বঙ্গের রাজস্ব সেই সময়ের এক কোর পঞ্চাশ, লক্ষ টাকায় দাঁড়াইয়াছিল।

নওরাব, সম্রাটের আদেশক্রমে হুগলীর অত্যাচারী ফৌজদার জয়েনল্ আবদীনকে পদচ্যুত করিয়া, তাঁহার স্থলে জনৈক মোগল, আলী বেগ্কে ফৌজদার নিযুক্ত করিলেন।

এই সুবাদারের, রাজসভার উপস্থিত থাকা কালে, তাঁহার কোন কর্মচারী বা সভাসদ রাজাগণের, তাঁহার সমক্ষে উপবেশন করিবার, বা পরস্পর কথাবার্ত্তা বলিবার অনুমতি ছিল না। কোন হিন্দু জমিদার বা ধনশালী লোকের, নওরাব দরবারে পাল্কী আরোহণে আসিবার হুকুম ছিল না।

জমিদারগণের নিকট হইতে বাকী-পড়া রাজস্ব আদায় কার্য্যে নওরাবের অত্যাচারের সীমা ছিল না। ভোশ্নার ফৌজদার সৈয়দ আবু তোরাব এই কার্য্যে তাহার একজন প্রধান সহায় ছিলেন। এই ভোশ্না নগরের নিকটবর্ত্তী স্থানে সীতারাম নামক একজন অবাধ্য জমিদার, তাহার অধীনে একদল দস্যু প্রতিপালন করিতেছিল।

ফৌজদারের ক্ষমতা অগ্রাহ করিয়া এই দস্যু সর্দার সীতারাম, ক্রমে চতুর্দিকে লুঠ ওরাজ আরম্ভ করিয়া দিল। আবু তোরাব তাহার দমনার্থে নওরাবের নিকট সেনা সাহায্য চাহিলেন; কিন্তু নওরাব মুরশিদ কুলি

খান, এই সামান্য তরুর দমনের জন্ত, ফৌজদারকে কোন সৈন্য দিয়া সাহায্য করা,—মশক নিধনার্থে কামান দাগার তার বিবেচনা করিয়া, তাঁহার প্রার্থনার কর্ণপাত করিলেন না। শেষে আবু তোরাব বাধ্য হইয়া নিজ ব্যয়ে, পীর খান নামক একজন ছদ্মিষ্ঠ পাঠান যোদ্ধাকে দুই শত অশ্বারোহী সহ তাঁহার চাকুরীতে নিযুক্ত করিলেন। ধূর্ত সীতারাম এই সংবাদ পাইয়া দেশ ছাড়িয়া অরণ্য মধ্যে পলাইয়া গেল।

একদিন অল্প সংখ্যক সঙ্গী লইয়া ফৌজদার আবু তোরাব শিকার উদ্দেশ্যে জঙ্গলে অবস্থানকালে সীতারামের সেনাগণ আচম্বিতে ফৌজদারের শিবির আক্রমণ করিয়া তাঁহাকে হত্যা করিল। পরে ফৌজদারের মৃতদেহ চিনিতে পারিয়া সীতারাম, ভয়ে অধীর হইয়া পড়িল ও ভেঁশনার; ফৌজদারের আত্মীয়গণের নিকট তাঁহার শব সংকারার্থে সম্বন্ধে পাঠাইয়া দিল।

অত্যল্পকাল মধ্যে নওরাব, আবু তোরাবের হত্যার সংবাদ পাইয়া, সীতারামকে, তাঁহার লোক লশকরসহ গ্রেফতার করিবার জন্ত বখশ-আলি খানকে প্রেরণ করিলেন; এই সঙ্গে সমস্ত স্থানীয় জমিদারের প্রতি বখশ আলিকে সাধ্যমত সাহায্য করিবার জন্ত সুবাদার আদেশপত্র পাঠাইয়া দিয়াছিলেন।

বখশ আলি, অচিরে সীতারামকে ধৃত করিয়া সপরিবারে তাহাকে শৃঙ্খলাবদ্ধাবস্থায় মুরশিদাবাদে পাঠাইয়া দিলেন। তথায় নওরাব, সীতারামের প্রতি জীবিতাবস্থায় তাহার গাত্রচর্ম মোক্ষণ করিয়া লইবার আদেশ দিয়াছিলেন। অত্যাগা সীতারামের স্ত্রী-পুত্র-কন্যাগণ, দাস-দাসী-রূপে বাজারে বিক্রিত হইল।

হিঃ ১১১৮ সালে শাহ্ জাদা সুবাদার আজিম ওশ্ শান, পিতামহ সত্ৰাট আওরাঙ্গজেব কর্তৃক আহৃত হইলে, তিনি স্বীয় মধ্যম পুত্র কুমার

ফোররোধ্ সিন্নারকে বঙ্গদেশ ও উড়িষ্যা বিভাগে তাঁহার প্রতিনিধি রাখিয়া গিয়াছিলেন। কুমার ফোররোধ্ সিন্নার সম্রাট আওরাজ্জের জীবদ্দশা পর্যন্ত ঢাকায় অবস্থান করিয়াছিলেন। পরে পিতামহ বাহাদুর শাহের সিংহাসনাক্রুত হইবার সংবাদ পাইয়া, ১১১২ হিজরীতে মুরশিদাবাদে গিয়া লালবাগ প্রাসাদে অবস্থান করিতে লাগিলেন ও দেওয়ান মুরশিদ কুলি খানের সহিত এই স্থানে অবস্থান কালে, কুমার ফোররোধ্ সিন্নারের সখ্য স্থাপন হইল।

প্রকৃত প্রস্তাবে এই সময় হইতেই, সম্রাটের আদেশক্রমে মুরশিদকুলি খানের হস্তে রাজ্যের সমস্ত তত্ত্বাবধানের ভার অর্পিত হইয়াছিল।

১৭১২ খৃষ্টাব্দে সোলতান আজিম ওশ্‌শানকে যুদ্ধে নিহত করিয়া জাঁহাদার শাহ্ ভারতের রক্ত-সিংহাসনাক্রুত হওয়ার, ফোররোধ্ সিন্নার স্বীয় পিতৃহত্যার প্রতিশোধ লইবার জন্ত, মুরশিদকুলি খানকে তাঁহাকে সাহায্য করিতে বলিলেন। কিন্তু নওরাত মুরশিদ, এই নব-সম্রাটের বিরুদ্ধাচরণ করিতে অস্বীকৃত হইয়া, বন্ধুত্বের খাতিরে কুমারকে তৎক্ষণাৎ মুরশিদাবাদ পরিত্যাগ করিতে সত্বপদেশ দিলেন।

কুমার ফোররোধ্ সিন্নার অগত্যা তাঁহার পিতা আজিম ওশ্‌শানের নিষুক্ত বেহারের শাসনকর্ত্তা সৈয়দ হোসেন আলির নিকট হইতে সাহায্য পাইবার প্রত্যাশায়, সপরিবারে পাটনার গমন করিলেন ও তথায় জাফরু খানের প্রসিদ্ধ উদ্যান মধ্যে অবস্থান করিতে লাগিলেন। এই স্থান হইতে কুমার অতীব নম্রতা লভ্যকারে সৈয়দের নিকট সাহায্য চাহিয়া পাঠাইলেন।

হোসেন আলি প্রথমতঃ সম্রাট জাঁহাদারের বিরুদ্ধাচরণ করিতে অস্বীকৃত হইলেন; বরং বাদশাহের আদেশমতে তিনি কুমারকে ধৃত ও বন্দি করিয়া পাঠাইতে বাধ্য অবগত করিয়া, তাঁহাকে সত্বর বেহার

পরিত্যাগ করিতে উপদেশ দিলেন। তৎপরে কুমারের অমুরোধে বাধা হইয়া, সৈয়দ হোসেন আলি নিশাযোগে কুমারের শিবিরে আগমন করিলেন। তথায় কুমার ফোররোধ্ সিন্নারের, বিশেষতঃ তাঁহার একটা অল্প বয়স্কা কন্যা মালেকার জামানের অমুরোধ ও আদ্যার কোনমতে এড়াইতে না পারিয়া, শেষে হোসেন আলি, কুমারের সাহায্যার্থ হীর জীবন দান পর্য্যন্ত করিতে প্রতিজ্ঞাবদ্ধ হইয়াছিলেন।

তৎপরে গৃহে ফিরিয়া আসিয়া পাটনার সুবাদার হোসেন আলি, এলাহবাদে তাঁহার ভ্রাতা সুবাদার সৈয়দ আবদুল্লাহকে এই সমস্ত বিবরণ অবগত করিয়া পত্র লিখিলেন।

পর দিবস হোসেন আলি, কুমার ফোররোধ্ সিন্নারকে পাটনার নিজ সিংহাসনে বসাইয়া, সর্বসাধারণের সমক্ষে তাঁহার প্রতি ভারত সম্রাটের উপযুক্ত সম্মান প্রদর্শন করিয়াছিলেন।

সৈয়দ আবদুল্লাহ্ অনেক বিবেচনার পর, তাঁহাদের এই উদ্ভতির মূলীভূত আজিম ওশাখানের পুত্র ফোররোধ্ সিন্নারকে সর্বতোভাবে সাহায্য করাই ধর্ম ও ন্যায়সঙ্গত কার্য্য বিবেচনা করিয়া, ভ্রাতার প্রস্তাবে স্বীকৃত হইলেন। এই সময় নওয়াব মুরশিদ কুলি খানের জামাতা সুজাআ উদ্দীন খান, এলাহবাদের নিকট দিয়া বাঙ্গলার রাজ-কর লইয়া সম্রাটের দরবারে যাইতেছিলেন। আবদুল্লাহ্ কুমারের সাহায্যার্থ উহা কাড়িয়া লইলেন। এই অপহৃত অর্থে সেই সময় কুমারের ষথেষ্ট সাহায্য হইয়াছিল।

উভয় ভ্রাতার এইরূপ শক্রতা ও সেনা সংগ্রহ করিতে থাকার সংবাদ সম্রাটের কর্ণগোচর হইল। সম্রাট তখন এলাহবাদে আবদুল্লাহর দমনের জন্য সৈয়দ আবদুল গফ্ফারকে তথাকার নূতন সুবাদার নিযুক্ত করিয়া, তাঁহার অধীনে ষাটশ সহস্র উৎকৃষ্ট অশারোহী সেনা প্রেরণ করিলেন।

আবদুল্লাহ্ খান সম্রাট সেনাগণকে বাধা দিবার জন্য, তাঁহার তিন

ভ্রাতার অধীনে সাত সহস্র সেনা এলাহবাদ হইতে কিছু দূরে রক্ষা করিয়া, স্বয়ং দুর্গ মধ্যে আশ্রয় গ্রহণ করিলেন। সম্রাটের সেনা এলাহবাদে পৌঁছিবার সঙ্গে সঙ্গে, ভ্রাতার ভীষণ বেগে তাহাদিগকে আক্রমণ করিল। এই যুদ্ধে সুবাদারের কনিষ্ঠ ভ্রাতা সেনাপতি সৈয়দ নূরদীন খান নিহত হইলেন; কিন্তু বিজয়লক্ষী সুবাদারের শরণাপন্ন হইল।

ইতিমধ্যে কুমার ফোররোধ্ সিরার পঞ্চবিংশতি সহস্র সুশিক্ষিত অশারোহী সেনা, এবং বিস্তর কামান সহ এলাহবাদের নিকট গঙ্গা পার হইয়া, সৈয়দ আবদুল্লাহ সহিত মিলিত হইলেন। অল্পকাল মধ্যে এই প্রবল বাহিনী, সৈয়দ ভ্রাতার ও কুমার কর্তৃক চালিত হইয়া, কাঙ্-ওরায়ে (যে স্থানে বঙ্গের সুজাআর সহিত আওরাজ্জের ঘোরতর যুদ্ধ হইয়াছিল) গিয়া পৌঁছিল। এই স্থানে ১৭১২ খৃষ্টাব্দে ১১২৪ হিজরীর ২৯ সওয়াল তারিখে সম্রাট জাঁহাদার সাহের প্রথম পুত্র কুমার আরেজ-উদ্দীনের সহিত যে ঘোরতর যুদ্ধ হইল, তাহাতে সম্রাট সৈয়দ সম্পূর্ণরূপে পরাস্ত হইয়া গেল। পরে তাহাদের মধ্যে অনেকই কুমার ফোররোধের দলে যোগ দিয়াছিল।

কুমার ফোররোধ্ সিরার এই প্রকাণ্ড বাহিনী লইয়া তখন আগ্রার দিকে অগ্রসর হইতে লাগিলেন। সম্রাট এবার স্বয়ং ১৪ই জিলহজ্জ তারিখে তাহাদিগকে আগ্রার অনতিদূরে আক্রমণ করিলেন। সমস্ত দিন ধরিয়া ঘোরতর যুদ্ধের পর, সম্রাট সেনা সম্পূর্ণরূপে পরাজিত হইয়া গেল।

জাঁহাদার শাহ্ যুদ্ধক্ষেত্র হইতে কোন মতে প্রাণ বাঁচাইয়া, আগ্রায় পলাইয়া গেলেন। পরে তথায় মস্তক ও শূশ্রু যুগুন পূর্বক, হিন্দু সম্রাসীর বেশ ধারণে, রাত্রি দ্বিপ্রহরের সময় দিল্লীর অভিমুখে পলায়ন করিলেন। দিল্লী পৌঁছিয়া সম্রাট, উজির আসাদ-দৌলার প্রাসাদে আশ্রয় লইলেন; কিন্তু পরে কুমার ফোররোধ্ সিরারের আদেশক্রমে উজির

আসাদ-উদ্দৌলা, জাঁহাদার শাহকে তাঁহার প্রাসাদ মধ্যে আবদ্ধ করিয়া রাখিতে বাধ্য হইয়াছিলেন।

১৫ই জিল্হজ্জ তারিখে কুমার ফোরোখ সিমার ভারতের সিংহাসনে আক্ৰণ্ত হইলেন। অভিব্যেক ক্রিয়া জাঁকজমকের সহিত সমাপ্ত হইবার পর নব সম্রাট, তাঁহার প্রতিষ্ঠাশ্রিত অতি-বৃদ্ধ-প্রপিতামহ বাদশাহ্ জালাল-উদ্দৌল আকবরের সমাধির প্রতি ভক্তি প্রদর্শনার্থ, আগ্রা হইতে পাঁচ মাইল দূরে সেকেন্দারায় গমন করিলেন; এবং বেলা দুই প্রহরের সময়ে আগ্রায় প্রত্যাবর্তন করিয়া নগরনাসিগণকে দর্শন দিলেন।

পর দিবস সম্রাট আগ্রা পরিত্যাগে দিল্লীর পথে যাত্রা করিলেন। দিল্লীতে পৌছিয়া তিনি নগর প্রাকারের বাহিরে শিবির সন্নিবেশ করিলেন। পরে তথা হইতে উজির আসাদ-উদ্দৌলা ও তৎপুত্র জোলফকার খানকে তলব করিলেন। উজিরকে বিদায় দিবার পর, সম্রাটের অনুমতিক্রমে জোলফকার খানকে, তাঁহার অস্তায় বিরুদ্ধাচরণের প্রায়শ্চিত্ত স্বরূপ, শাসবদ্ধ করিয়া হত্যা করা হইল।

সম্রাট ফোরোখ্ সিমার পাটনা পরিত্যাগের পূর্বে, তাঁহার বিশ্বস্ত ও অধীনস্থ রশিদ খানকে বাঙ্গলার নওয়াবী পদ প্রদান করিয়া, তাঁহাকে সটমেন্টে নওয়াব মুরশিদ কুলি খানের বিরুদ্ধে যুদ্ধাভিযান করিতে অনুমতি দিয়া গিয়াছিলেন। এই কার্যে সম্রাটের তখন প্রধান উদ্দেশ্য এই ছিল যে—আগ্রায় পরাস্ত হইলে সুদূর বাঙ্গালার অন্ততঃ তাঁহার একটা নিদ্রিষ্ট আশ্রয় স্থান থাকিবে।

১৭১২ খৃষ্টাব্দে নওয়াব মুরশিদ কুলির সহিত যুদ্ধে, রশিদ খান পরাস্ত ও নিহত হইলেন।

এদিকে তীক্ষ্ণবুদ্ধি মুরশিদ কুলি খান, কুমার ফোরোখ্ সিমারের সিংহাসনারোহণের সংবাদ পাইয়া, পূর্বমত দিল্লীর দরবারে বাঙ্গালার

সমুদয় রাজস্ব ও তৎসহ নানাশ্রুকার উপচৌকনাদি সম্রাট সকাশে প্রেরণ করিতে লাগিলেন। নওরাবের এই গুণের বশবস্তী হইয়া সম্রাটও তাঁহাকে বাঙ্গালা ও উড়িষ্যার নাজিম ও দেওয়ানের পদে প্রতিষ্ঠিত রাখিয়া, তাহার সনন্দ প্রেরণ করিলেন। তৎসহ নওরাবের অনুরোধে মাণিক চাঁদের ভ্রাতৃপুত্রকে জগৎশেঠ উপাধি দানে, রাজকীয় কোষাধ্যক্ষ নিযুক্ত করিলেন।

এই সময়ে সম্রাটের অনুমতি লইয়া মুরশিদ কুলি খান স্বীয় দৌহিত্র মির্জা আসাদ-উদ্দৌলাকে, সার-আফ্রাজ খান উপাধিতে ভূষিত করিয়া, নায়েব দেওয়ানের পদে নিযুক্ত করিলেন ও তাঁহার নামে কয়েকটি জমিদারি কিনিয়া দিলেন। তাঁহার অপর একজন দৌহিত্রী-জামাতা মির্জা লুৎফুল্লার জন্ম টাকার নায়েব-নাজিমী পদ প্রার্থী হইয়া, সম্রাটের নিকট হইতে তাঁহার জন্ম মুরশিদ কুলি খান উপাধি আনাইয়া, উক্ত মির্জা লুৎফুল্লাকে টাকার প্রতিষ্ঠিত করিলেন।

নওরাব মুরশিদ কুলি, মোগল ও আরবদেশীয় বণিকগণকে, তাহাদের ব্যবসারে খুবই উৎসাহ প্রদান করিতেন।

এই সময়ে ইষ্ট ইণ্ডিয়া কোম্পানির দূত মিঃ জোনস্ সার্মান এবং মিঃ এডওয়ার্ড ষ্টিফেন্সন, জনৈক ডাক্তার মিঃ উইলিয়াম্ হ্যামিল্টনকে সঙ্গে লইয়া, দিল্লী যাত্রা করিয়াছিলেন। কোম্পানির দৌভাগ্যক্রমে সম্রাট এই সময় তাঁহার একটা কঠিন পীড়ার জন্ম, যোধপুরের রাজা অজিত সিংহের কন্যার সহিত স্বীয় বিবাহ স্থগিত রাখিতে বাধ্য হইয়াছিলেন। ইংরাজ ডাক্তার মিঃ হ্যামিল্টন্ অল্প দিনের মধ্যেই ঔষধ প্রয়োগে সম্রাটের ঐ রোগ আরোগ্য করিয়া দিলেন।

ফোর্ রোথ্ মিরারের রাজত্বের দ্বিতীয় বর্ষে মহাসমারোহে রাজপুত-রাজকন্যার সহিত দিল্লীখরের বিবাহ হইয়া গেল। এই রাজকীয় বিবাহ

উপলক্ষে বহুদিনব্যাপী যে প্রকার উৎসব ও আড়ম্বর হইয়াছিল, ভারতের ইতিহাসে ইতিপূর্বে সেরূপ মহোৎসবের বিবরণ কখনও শ্রুতি-গোচর হয় নাই।

ডাক্তার হামিল্টনের প্রার্থনা মতে সম্রাট ১৭১৬ খৃষ্টাব্দের জানুয়ারি মাসে ইষ্ট ইণ্ডিয়া কোম্পানির উপর এইরূপ ছাড়পত্র দিলেন—

১। কলিকাতাস্থ কোম্পানির প্রেসিডেন্টের দস্তখৎযুক্ত ছাড় দেখিলে, বঙ্গেশ্বরের কোন কর্মচারী আর তাহাদের মালামাল পরীক্ষা করিবেন না।

২। সুবাদার আজিম ওশশানের অনুমতিক্রমে ইষ্ট ইণ্ডিয়া কোম্পানি যেমন ইতিপূর্বে সুতানুটি, গোবিন্দপুর ও কালিকতা গ্রাম ত্রয়ের জমিদারি স্বত্ব খরিদ করিয়াছিলেন, সেইরূপ তাহার আরও ৩৮ খানি গ্রাম খরিদ করিতে পারিবেন।

১৭১৮ খৃষ্টাব্দে নওরাব মুরশিদ কুলি খান বেহার প্রদেশের সম্পূর্ণ শাসন কর্তৃত্ব প্রাপ্ত হইলেন। সম্রাট আকবরের সময় হইতে এ পর্য্যন্ত কোন একজন সুবাদারের উপর একত্রে এই তিনটি প্রদেশের সম্পূর্ণরূপ ক্ষমতা ইতিপূর্বে দেওয়া হয় নাই।

১৭১৯ খৃষ্টাব্দে সৈয়দ ভ্রাতাঘর যোধপুর-রাজা অজিৎ সিংহের (সম্রাটের স্বশুর) সহিত মিলিত হইয়া, সম্রাট ফোররোথ্ সিয়ানের ষোরতর শত্রু হইয়া দাঁড়াইলেন। এই সময় দিল্লীখরের দুর্কলতা-নিবন্ধন সৈয়দ ভ্রাতাঘর রাজ্যের সর্ব্বস্ব হইয়া পড়িয়াছিলেন। মারহাট্টাগণের সহিত যুদ্ধে সম্রাটের সেনাগণ প্রায় নিঃশেষ হইয়া আসিয়াছিল ও বাহা অবশিষ্ট ছিল, তন্মধ্যে অধিকাংশই দুঃসময় বুঝিয়া বিদ্রোহী-গণের সহিত মিলিত হইল। সৈয়দ আবদুল্লাহ্ দাক্ষিণাত্য হইতে আসিয়া এই সময় কনিষ্ঠ হোসেন আলির সহিত মিলিলেন। সমস্ত দিল্লী নগর

এমন কি রাজ প্রাসাদের চতুর্দিকে পর্যাপ্ত বিজোহের ডকা বাজিতে লাগিল। সম্রাট প্রাসাদ অভ্যন্তরে লুক্কায়িত হইলেন।

শেষে আবদুল্লাহর সর্বকনিষ্ঠ ভ্রাতা সৈয়দ নজম্ উদ্দীন আলি খান, কয়েকজন আফ্গান যোদ্ধা সঙ্গে লইয়া সম্রাট প্রাসাদে প্রবেশ করিল ও লুক্কায়িত স্থান হইতে ষৎপরোনাস্তি অবমাননার সহিত, প্রবল পরাক্রান্ত সম্রাট আকবর ও আওরাজ্জেবের বংশধর দিল্লীখর ফোররোখ্ সিন্নারকে, প্রাণভয়ে পলায়িত তস্করের স্তায় টানিয়া বাহির করিয়া, তাঁহার চক্ষুদ্বয় উৎপাটিত করিল। শেষে পাষাণেরা তাঁহাকে ঐ অবস্থায় একটি সর্দার কারাগারে নিঃক্ষেপ করিয়া, অতিশয় যত্না দিয়া বধ করিল।

বাদশাহ্ ফোররোখ্ সিন্নার সর্ব রকমে নয় বৎসর কাল রাজত্ব করিয়াছিলেন।

অভাগ্য সম্রাটকে নিহত করিয়া দুর্ভাগ্য সৈয়দদ্বয়, আওরাজ্জেব-পুত্র বাহাডুর শাহের পৌত্র শামস্ উদ্দীন আবুল বরাকাত রফি উদ্দৌলজাতকে দিল্লীর সিংহাসনে বসাইলেন। বিংশতি বৎসর বয়সে কুমারকে কারাগার হইতে আনিয়া এই সম্রাট-সৃষ্টিকারক সৈয়দ ভ্রাতাদ্বয় তাঁহাকে দিল্লীখরের আসনে বসাইয়াছিলেন। কোতব-উল্-মোলক্ সৈয়দ আবদুল্লাহ্, এই নবীন সম্রাটের চতুর্দিকে তাঁহার নিজ অস্তুরগণকে প্রহরী নিযুক্ত করিলেন। রাজ প্রাসাদ অস্তুরপুরের মধ্যেও সৈয়দগণের দলস্থ লোক পাহারায় রহিল।

এই সৈয়দ হস্তে ক্রীড়নক সম্রাটের মাত্র ছয় মাস ও দশদিন সিংহাসনে বসার পর, ক্ষয়রোগে মৃত্যু হইল।

এইবার সৈয়দদ্বয় ১৭১৯ খৃষ্টাব্দের ২৭ শে মে তারিখে মৃত সম্রাটের স্যেচ্চ ভ্রাতা রফি-উদ্দৌলাকে সিংহাসনে বসাইলেন। সৈয়দদ্বয়ের

অনুমতি ব্যতীত সম্রাটের কোন স্থানে, এমন কি শুক্রবারে জুম্মা নাগাজের জন্ত মসজিদে যাইবার ক্ষমতা পর্যন্ত রহিল না।

এই অবসরে মহারাজা অজিৎ সিং তাঁহার কন্যা, নিহত সম্রাট ফোরুথ্ সিম্বারের মহিষীকে, প্রায় এক কোর টাকা মূল্যের অলঙ্কার ও মূল্যবান দ্রব্যসহ, প্রাসাদ হইতে বাহির করিয়া আনিয়া, তাহার মোসলমান সম্রাজ্ঞীর পোষাক পরিবর্তিত করিয়া রাজধানী যোধপুরে পাঠাইয়া দিলেন।

সিংহাসনে আরোহণকালে এই নবীন সম্রাটের নাম দ্বিতীয় শাহ্ জাহান হইল। মাত্র তিন মাস দুইদিন কাল রাজত্বের পর, দুর্ব্বারোগ্য গ্রহণী রোগে ইঁহার মৃত্যু হয়।

এই সময় সৈয়দ হোসেন আলি আগ্রার দুর্গে প্রবেশ করিয়া, তিন শত বৎসরের সংগৃহীত, বাদশাহ্ বাবর ও তৎপূর্ব্বের সেকেন্দার লোদীর কালের পর্য্যন্ত, অন্যান সেই সময়ের তিন কোর টাকা মূল্যের ধনরত্ন আত্মসাৎ করিয়াছিল।

এই রত্নরাজির মধ্যে নূরজাহান বেগমের বহুমূল্য অলঙ্কার সমূহ, শাহ্ জাহানপ্রিয়া মোমতাজ মহলের সমাধির মুক্তানির্ম্মিত আবরণ, (বাহা তাঁহার বাৎসরিক বিবাহ উৎসবের দিনে মহাসমারোহের সহিত, এবং প্রতি শুক্রবার রাতে, তাজমহলের অভ্যন্তরস্থ তাঁহার জগৎবিখ্যাত রত্ন-মণ্ডিত সমাধির উপর বিস্তারিত করিয়া দেওয়া হইত) এবং নূরজাহানের বহুমূল্য রত্নরাজি-খচিত জল-পাত্র, (আফ্ তাবা) ও মুক্তা ও পাথার ঝালর দেওয়া সুবর্ণতারে বোনা বিছানার চাদর প্রভৃতি ছিল।

অতঃপর সৈয়দ আবদুল্লাহ্ ফতেহ পুর (রাজধানী দিল্লীর একটা প্রধান পল্লী) হইতে জাহান শাহের অষ্টাদশ বর্ষীয় পরম রূপবান প্রথর-বুদ্ধি পুত্র কুমার মোহাম্মদ রৌশন-আখতারকে আনিয়া ১১৩১ হিজরীর

১৫ই জিল্কা তারিখে (১৭১৯ খৃঃ), তাঁহাকে আবুল মোজাক্কার নামের উদ্দীন মোহাম্মদ শাহ্ বাদশাহ্ নাম দিয়া সিংহাসনে অধিরোধন করাইলেন ।

সম্রাট-জননী একজন প্রথম বুদ্ধিমতী রমণী ছিলেন ও রাজকার্যে তাঁহার বিশেষ অভিজ্ঞতা ছিল । পুত্রের সিংহাসন আরোহণের পর সম্রাট-মাতার জন্ম মাসিক ১৫,০০০ সহস্র টাকা ব্যয় হইল ।

মোহাম্মদ শাহ্ দিল্লীর সিংহাসনে আরোহণ করিবার পর তইতেই, নওরোব মুরশিদ কুলি খান, বঙ্গ-বেহার-উড়িষ্যার রাজ্য ও তৎসহ পূর্ব প্রথমত উপত্যকন দিল্লীতে প্রেরণ করিতে লাগিলেন ; এবং নব সম্রাট কর্তৃক নওরোব, তাঁহার অধীনস্থ তিনটি প্রদেশের শাসনকর্তার নির্দায় পত্র পাইলেন ।

সম্রাট মোহাম্মদ শাহ্ ও তাঁহার মাতা মরিয়ম্ মাকানী, বেগম, সৈয়দ ভ্রাতৃদ্বয়ের অত্যাচারে উৎপীড়িত হইয়া, উহাদিগকে কোন প্রকারে সরাইবার জন্ত, মালওয়ার শাসনকর্তা নেজাম-উল্-মুল্কের নিকট পত্র লিখিয়া, বিশ্বাসী এত্‌মাদ-উদ-দৌলা মোহাম্মদ আমিন খানের দ্বারা ঐ সকল পত্র প্রেরণ করিতে লাগিলেন । নেজাম-উল্-মুল্ক বহু অধারোহী সেনা সংগ্রহ করিয়া উজ্জয়িনী পরিত্যাগ পূর্বক, প্রথমতঃ 'আগ্রার দিকে অগ্রসর হইতে লাগিলেন । পরে আবার দক্ষিণাভ্যে ফিরিয়া গিয়া বারুহানপুরে পৌঁছিলেন ।

উহার কিছুদিন পরেই হোসেন আলি (সৈয়দ) গুপ্ত হস্তার হস্তে নিহত হইল । জ্যেষ্ঠ ভ্রাতা সৈয়দ আবদুল্লাহ্ ভ্রাতার অপমৃত্যুর সংবানে রাগাক্ত হইয়া, ইহার প্রতিশোধ লইবার জন্ত প্রায় নবতিতম সহস্র ২০,০০০ অধারোহী সৈন্য সংগ্রহ করিয়া, দিল্লীর দিকে অগ্রসর হইতে লাগিল । এই সময় বিশ্বাসঘাতক চুড়াগন্ জাঠ ও মাখন সিং প্রভৃতি

করেকজন হিন্দু তাহার সঙ্গে যোগ দিল। এইরূপে সৈয়দ আবদুল্লাহ পতাকাধীনে লক্ষাধিক অঝারোহী সৈন্য সমবেত হইল। অপর পক্ষে সম্রাট সেনাপতি হায়দার কুলি খান বাহাদুর নাসেরজঙ্গ, সর্বপ্রকারে ইহার অর্দ্ধেক সৈন্য ও যুদ্ধক্ষেত্রে অবতীর্ণ করিতে সক্ষম হইলেন না।

সম্রাট মোহাম্মদ শাহ্ হস্তী আরোহণে রণক্ষেত্রে তাঁহার জাতীয় বীরত্বের পরাকাষ্ঠা প্রদর্শন করিতে লাগিলেন। নিশাগমনে হায়দার কুলি খান, শত্রুপক্ষের উপর অজস্র গোলাবর্ষণ আরম্ভ করিয়া দিলেন। সম্রাটের কামানের মুখে, সৈয়দ আবদুল্লাহ এক লক্ষ সেনার মধ্যে মাত্র সাত আট সহস্র রণস্থলে তিষ্ঠিতে পারিয়াছিল। প্রাতে: আবার সম্রাটকে হস্তীপৃষ্ঠ হইতে সৈন্য চালনার আজ্ঞা দিতে দেখা গেল। বিপক্ষ সেনাপতি সৈয়দ নাজমুদ্দীন আলি শরীরের তিন স্থানে গুলির আঘাত পাইবার পর, একটা তীর লাগিয়া তাঁহার একটা চক্ষু অন্ধ হইয়া গেল ও তিনি যন্ত্রণায় অস্থির হইয়া পড়িলেন। এই সময় ভারতেশ্বর মোহাম্মদ শাহ্, নিজ হস্তে বিপক্ষীর চূড়ামন্ জাঠকে আহত করিয়াছিলেন।

সৈয়দ আবদুল্লাহ্, হস্তে তরবারির আঘাত ও ললাটে শরাহত হওয়ার পর যখন, সম্রাট সেনাপতি হায়দার কুলি খান বাহাদুর উন্মুক্ত তরবারি হস্তে তাঁহাকে আক্রমণ করিলেন, সেই সময় আবদুল্লাহ্ কাপুরুষতার পরাকাষ্ঠা প্রদর্শনে, স্বীয় বংশের পরিচয় দিয়া সেনাপতির নিকট প্রাণভিক্ষা চাহিলেন। হায়দার কুলি খান তাঁহার প্রাণের হানি না করিয়া তাঁহাকে বন্দী করিলেন।

সম্রাটও সৈয়দ আবদুল্লাহর প্রতি অশুগ্রহ করিয়া তাঁহার প্রাণদণ্ডাজ্ঞার পরিবর্তে, তাঁহাকে বন্দী করিয়া রাখিবার অশুমতি দিলেন, এই বৎসর ১৭২২ খৃষ্টাব্দের ৩০শে সেপ্টেম্বর তারিখে বন্দী অবস্থায় সৈয়দ আবদুল্লাহ মৃত্যু হইল। (১১৩৪ হিজরী)।

১১৩৫ হিজরীতে মুরশিদ কুলি খান, সৈয়দ ভাতাছরের অবসান ও সম্রাটের যুদ্ধ জয়ের সংবাদ পাইয়া, তাঁহার নিকট মাজল্য পত্র প্রেরণ করিলেন ও সঙ্গে সঙ্গে পূর্ব বৎসরের সমুদয় রাজস্ব, মদ্রীর নিকট পাঠাইয়া দিলেন।

এই সময় মাহমুদাবাদের দুইজন আফগান জমিদার, পার্শ্ববর্তী স্থানসমূহ লুণ্ঠন ও তৎসহ মুরশিদাবাদে আনিতে থাকা রাজস্ব ৬০,০০০ সহস্র টাকা লুণ্ঠ করিয়া লইবার সংবাদ পাইয়া নওরাব, হুগলীর ফৌজদার আহসান আলি খানের প্রতি জমিদারদ্বয়কে বন্দী করিতে আদেশ দিলেন। আহসান আলি অচিরে আফগান জমিদারদ্বয়কে গ্রেফতার করিয়া নওরাবের দরবারে পাঠাইয়া দিলেন। নওরাব দুই জনের প্রতি হাবজীবন কারাবাসের আজ্ঞা দিয়া, তাহাদের জমিদারী হামজীবন নামক জমীন্দার হিন্দুকে প্রদান করিলেন।

দশ্য দমনে নওরাব মুরশিদ কুলি খান প্রাণপণে চেষ্টা ও দ্রুত তাহাদিগের প্রতি কঠিন দণ্ডাজ্ঞা প্রদান করিয়া রাজ্য মধ্যে বিপ্লব নিবারণে কৃতকার্য হইয়াছিলেন। তাঁহার আমলে লোকে নির্ভয়ে পথ চলিয়া দূরে দূরে মালামাল লইয়া যাঠিতে পারিত।

নওরাব শায়েরস্তা খান ব্যতীত মুরশিদ কুলি খানের ছায় ছায়বিচারক, জ্ঞানী, সত্যবাদী ও ধার্মিক সুবাদার বঙ্গের সিংহাসনে কখনও উপবিষ্ট হন নাই বলিলে অত্যুক্তি হয় না। ইনি একজন বথার্থ ধর্ম্মানুরাগী ছিলেন, পাঁচ অঙ্ক নমাজের প্রতি ইঁহার প্রথম দৃষ্টি ও প্রগাঢ় ভক্তি ছিল। নিজ হস্তে পবিত্র কোরআন লিখিয়া মুরশিদ কুলি খান, প্রতি বৎসর রক্বা ও মদিনার পাঠাইয়া দিতেন। অষ্ট-প্রহর কোরআন পাঠের জন্য নওরাব, তাঁহার প্রাসাদে দুই শতাধিক ধার্মিক কারী ও হাফেজ্ নিযুক্ত করিয়া রাখিয়াছিলেন। প্রতি বৎসর রবিয়ল্-আউয়াল্ মাসের প্রথম দ্বাদশ

দিন নওরাব, ধনী-নির্ধন নির্বিশেষে, স্বয়ং উপস্থিত থাকিয়া বহু লোককে তৃপ্তির সহিত ভোজন করাইতেন ; এবং ঐ কয় দিবস প্রত্যেক রাতে মাহী নগর হইতে লালবাগ পর্যন্ত, তিন মাইল রাস্তার উভয় পার্শ্বস্থ মসজিদ ও বৃক্ষ সকল আলোকমালা দ্বারা বিভূষিত করিতেন । আবার এই আলোকমালা দ্বারা অক্ষরাকারে অধিকাংশ স্থলে কোরআনের পবিত্র শ্লোক সকল লিখিত হইত ।

নওরাব তাঁহার রাজত্বের মধ্য হইতে বিদেশে খাওয়ার্য্য রফ্তানির সম্পূর্ণ বিরোধী ছিলেন । চগলীর ফৌজদারের উপর তাঁহার কঠোর আদেশ ছিল যেন, কোন ইউরোপীয় জাহাজে নাবিকগণের আহ্বারের আবশ্যকীয় খরচের উপযুক্ত ব্যতীত, অধিক শস্ত্র না উঠিতে পারে । কোন বিদেশী বণিককে তাঁহার রাজ্য মধ্যে শস্ত্র সংগ্রহ করিতে দেওয়া হইত না ।

মুরশিদ কুলি খানের আমলে সচরাচর টাকার চারি মণ চাউল বিক্রয় হইত । তাঁহার হেরেমে তাঁহার একমাত্র বিবাহিতা পত্নী ছিলেন । অপর কোন স্ত্রীলোক বা খোজা, তাঁহার অন্তরে স্থান পাইত না । নওরাব বিলাসিতার সম্পূর্ণ বিরোধী ছিলেন । পোষাক-পরিচ্ছদ বা খাওয়ার্য্য, কিছুতেই তাঁহার বিলাসিতার চিহ্নমাত্র প্রকাশ পাইত না । মুরশিদ কুলি নিজে একজন শুলেখক, বিদ্বাৎসাহী ও সুপণ্ডিত ছিলেন । গণিতশাস্ত্রে তাঁহার বিশেষরূপে ব্যুৎপত্তি ছিল । বিচারের সময় নওরাবের নিকট ধনী ও নির্ধনের মধ্যে কিছুমাত্র পার্থক্য থাকিত না ।

মুরশিদ কুলি খানের রাজত্বের প্রারম্ভে চগলীর নগরাধ্যক্ষ একজন দরিদ্র মোগলের গৃহ হইতে, তাঁহার সুন্দরী যুবতী কন্যাকে বল পূর্বক লইয়া গিয়াছিলেন । ফৌজদারের নিকট ঐ দরিদ্র এই অত্যাচারের বিচার প্রার্থী হওয়ার, ফৌজদার আহসানউল্লাহ নগরাধ্যক্ষের খাতিরে ঐ ব্যাপারের কোনই প্রতিকার করেন নাই । কন্যার পিতা শেষে

বাধ্য হইয়া নওরাবের দরবারে এই অত্যাচার কাহিনী বিবৃতি করিয়া বিচার-প্রার্থী হইল। এদিকে ফৌজদারও তাঁহার প্রিয়পাত্র নগরপালকে রক্ষা করিবার জন্ত, অন্ততঃ তাঁহার দৈহিক শাস্তি আধিকে পরিণত করিবার জন্ত, নওরাব মুরশিদ কুলি খানকে সাধ্যমত অনুরোধ-উপরোধ করিতে লাগিলেন। কিন্তু ধর্মগত-প্রাণ হ্রাস বিচারক শাসনকর্তা সকল অনুরোধ-উপরোধ অগ্রাহ্য করিয়া, কোরআনের পবিত্র বিধান মতে, অপরাধীর প্রতি চরম দণ্ডাজ্ঞা, অর্থাৎ ক্ষুদ্র ক্ষুদ্র প্রস্তরখণ্ড নিক্ষেপদ্বারা (সঙ্গসার) তাঁহার মৃত্যুর আদেশ প্রদান করিয়াছিলেন।

১১৩৮ হিঃ ১৭২৪ খৃষ্টাব্দে নওরাব মুরশিদ কুলি খান, তাঁহার পরমায়ুর শেষ হইয়া আসিতেছে বৃদ্ধিতে পারিয়া, তাঁহার স্থলে তদীয় দৌহিত্র সর-আফরাজ খানকে সুবাদার নিযুক্ত করিবার জন্ত সম্রাটের নিকট মিনতি সহকারে আবেদন করিয়া পাঠাইলেন। এদিকে সর-আফাজের পিতা উড়িয়ার সহকারী-সুবাদার সুজাউদ্দীন খান, নওরাবের উদ্দেশ্য বৃদ্ধিতে পারিয়া, সৈয়দ হোসেন আলীর পদে নিযুক্ত দিল্লীখরের প্রধান অমাত্য প্রবল ক্ষমতাপালী খান-দোরাণের নিকট বাজালার নওরাবী পদ পাইবার প্রার্থনা করিয়া লোক পাঠাইয়া দিলেন। শেষে দিল্লীর দরবার হইতে এই সাব্যস্ত হইল যে—খান-দোরাণ স্বয়ং বাজালা ও উড়িয়ার নওরাব-শাসনকর্তা হইবেন, এবং সুজাউদ্দীন তাঁহার সাহায্যের জন্ত আপাততঃ ঐ প্রদেশখয়ের সহকারী শাসনকর্তা হইয়া থাকিবেন।

সুজাউদ্দীন, তাঁহার অধীন কার্যদক্ষ ও সাহসী কর্মচারীগণকে পূর্বেই মুরশিদাবাদে পাঠাইয়া দিয়া, স্বয়ং নৌকাযোগে কটক পরিত্যাগ পূর্বক সটমন্ডে রাজধানীতে আসিয়া পৌঁছিলেন।

মুরশিদাবাদ নগরে পৌঁছিবার পূর্বেই সুজাআ, পথে নওরাবের মৃত্যু সংবাদ পাইলেন। তৎপরে তিনি চেহেল-সতুন (চত্বারিংশ স্তম্ভ) নামক

প্রাসাদে পৌঁছিয়া, সমস্ত রাজকর্মচারীকে তথায় আহ্বান করিলেন ; এবং তাঁহাদের সম্মুখে স্বীয় নিয়োগের সনন্দ পাঠ করিয়া ও উপস্থিত জনগণের নিকট হইতে উপযুক্ত সম্মান গ্রহণে সিংহাসনারূঢ় হইলেন ।

মুজাউদ্দীনের পুত্র সব্ব-আফরাজ খান, ইতিপূর্বে মাতামহের মৃত্যুর সঙ্গে সঙ্গে (১৭২৫ খৃষ্টাব্দে) তৎপরিত্যক্ত সমস্ত ধনসম্পত্তি নিজ বাড়ীতে সরাইয়া লইয়া গিয়াছিলেন । পিতার রাজ্য প্রাপ্তির পর সব্ব-আফ্রাজ, তাঁহার শুভখ্যাতিগণের পরামর্শে বরাবর পিতার নিকট গিয়া তাঁহার পদপ্রাপ্তে পতিত হইলেন, পরে উঠিয়া পিতার এই উন্নত পদপ্রাপ্তিতে আনন্দ প্রকাশ করিলেন ; তৎপর প্রাসাদ পরিত্যাগে নোক্তা-খানিতে স্বীয় গৃহে চলিয়া গেলেন ।

সেই দিবস হইতে সব্ব-আফ্রাজ প্রত্যহ আসিয়া পিতাকে তাঁহার পদোচিত মর্যাদা প্রদর্শন করিতে লাগিলেন ।

—(সিরারুল মোতাখ্ ফরীণ)

একবিংশ সর্গ

নওয়াব সুজাউদ্দীন মোহাম্মদ খান সুজাউদ্দৌলা
আসাদজঙ্গ বাহাদুর

সুজাউদ্দীন পারশ্বের পূর্বাংশে খোরাসান প্রদেশের ভক্ত বীর বংশোদ্ভূত একজন প্রধানের পুত্র। তাঁহার পিতা সম্রাট সরকারে চাকুরী লইয়া, দক্ষিণাত্যে দিল্লীশ্বরের কার্যে ব্যবহানপুরে নিযুক্ত ছিলেন। এই স্থানেই সুজাউদ্দীনের জন্ম হয়। এই সময় মুরশিদ কুলি খান হায়দ্রাবাদের দেওয়ান ছিলেন। ক্রমে সুজাউদ্দীনের সহিত পরিচয় ও আলাপ হওয়ার মুরশিদ কুলি খান, তদীয় একমাত্র কন্যা জেন্নাতুন্নেসা বেগমের সহিত তাঁহার বিবাহ দিলেন। এই জেন্নাতুন্নেসার গর্ভে মির্জা আসাদ-উল্লাহ্ জন্ম গ্রহণ করেন। ইতিহাসে ইনিই ময়-আফরাজ খান নামে অভিহিত হইয়াছেন।

মুরশিদ কুলি বাঙ্গালার দেওয়ান হইয়া আসিলে তাঁহার কন্যা-জামাতাও তাঁহার সঙ্গে আসিয়াছিলেন। তৎপরে মুরশিদ যখন বাঙ্গালা ও উড়িষ্যার নওয়াবী পদ প্রাপ্ত হইলেন, তখন তিনি জামাতা সুজাকে উড়িষ্যার নাবাব শাসনকর্তা নিযুক্ত করিলেন। সুজাউদ্দীন সরকারি কার্য বিশেষ যোগ্যতার সহিত চালাইতে লাগিলেন। কিন্তু শ্রীলোকের প্রতি অতিরিক্ত সমুদাচার দোষে, তাঁহার স্ত্রী তাঁহার উপর অতিরিক্ত বিরক্ত হইয়া, একমাত্র পুত্র আসাদ উল্লাহ্ সহ রাজস্বামী ও রাজধানী কটক পরিত্যাগ পূর্বক পিতার নিকট মুরশিদাবাদে আসিয়া বাস করিতে লাগিলেন।

নওশাব সুজাউদ্দীন বাঙ্গালার প্রথম শিয়া সম্প্রদায়ভুক্ত শাসনকর্তা হইলেন। তাঁহার পর হইতে আজ পর্যন্ত মুরশিদাবাদের সমুদয় স্বাধীন বা টংরাজ অনুগ্রহ-পালিত নওশাবই শিয়া সম্প্রদায়ভুক্ত হইয়া আসিতেছেন। দিল্লীর আদল্ শাহগণের মধ্যে কেহই শিয়া ছিলেন না। তাঁহারা সকলেই সুন্নি মতাবলম্বী ছিলেন।

১৭২৫ খৃষ্টাব্দে উড়িষ্যা বিভাগে নায়েব শাসনকর্তা নিযুক্ত থাকা কালে সুজাউদ্দীন, তাঁহার সম্পর্কীয় ভগ্নীর পুত্র হাজী আহমদ ও মির্জা মোহাম্মদ আলিকে (পরে আলিওয়াদৌ খান) দিল্লী হইতে কটকে আনাইয়াছিলেন। এই উভয় ভ্রাতা তাঁহাদের অসাধারণ সেবা ও কার্যদক্ষতা প্রদর্শনে সুবাদারকে সন্তুষ্ট করিয়া ক্রমে তাঁহার অধীনে দায়িত্বপূর্ণ রাজকার্যে নিযুক্ত হইয়া, রাজ্যের যথেষ্ট উন্নতি সাধন করিয়াছিলেন; এবং তাঁহাদের জন্তই সুজাউদ্দীন উড়িষ্যা বিভাগে এতদূর জনপ্রিয় হইতে পারিয়াছিলেন।

নওশাব সুজাউদ্দীন সিংহাসনারূঢ় হইয়া, প্রথমতঃ তাঁহার স্ত্রী জেয়ানতুয়েসা বেগমকে সন্তুষ্টকরণকল্পে, পুত্র মদু-আফ রাজ খানকে তাঁহার অধীনে বাঙ্গালার দেওয়ান নিযুক্ত করিলেন, এবং রায় আলমুর্চাদকে তাঁহার সহকারী দেওয়ান করিয়া দিলেন। তৎপরে নওশাব সুজা, হাজী আহমদ, আলিওয়াদৌ খান, রায় আলমুর্চাদ (যাহাকে নওশাব, রায়-রেই-রান উপাধিতে ভূষিত করেন) ও জগৎ শেঠকে লইয়া রাজকার্যে সুচারুরূপে নির্বাহের জন্ত, একটি মন্ত্রণাসভা গঠিত করিলেন। এই হিন্দু সভাসদস্বয়ের রাজস্ব বিভাগের জটিলতা সম্বন্ধে যথেষ্ট অভিজ্ঞতা ছিল।

এইরূপে দায়যুক্ত কায়-বিচার দ্বারা নওশাব সুজাউদ্দীন, অচিরে রাজ্য মধ্যে সর্বত্র সর্বোচ্চ সম্মান ও সর্বপ্রিয়তার অধিকারী হইয়া দাঁড়াইলেন।

অপরপক্ষে সত্রাটকে সন্তুষ্ট রাখিবার জন্ত নওশাব, তাঁহার স্বপুত্রের রাজকোষ হইতে দিল্লীশ্বরের প্রাপ্য কর ৪০,০০০০০ চল্লিশ লক্ষ টাকা,

তৎসহ কতকগুলি হস্তী ও বঙ্গদেশজাত মূল্যবান দ্রব্য সম্রাট মোহাম্মদ শাহের নিকট পাঠাইয়া দিলেন। এই সময় মন্ত্রী খান-দৌলান আমীরুল ওমরাহের স্তম্ভ ও পৃথক করিয়া কতকগুলি মূল্যবান উপহার পাঠাইয়া দিয়াছিলেন।

অচিরে বাদশাহ্ দরবার চইতে তাঁহার স্তম্ভ বাঙ্গালা ও উড়িষ্যার শাসনকর্তার পদ নির্দ্ধারিত হইয়া আসিল, এবং সম্রাট তাঁহাকে মতীমুনাল্ মুল্ক সুজাউদৌলা আসাদজঙ্গ বাহাদুর উপাধিতে ভূষিত করিলেন।

বেহার প্রদেশ সম্রাট, নাসরৎ ইয়ার খানকে দিলেন ও তাঁহার পর ফখর-উদৌলা তথাকার শাসন কর্তৃত্ব প্রাপ্ত হইলেন।

নওরাব সুজাউদ্দীন তাঁহার রাজ্যের শাসন সম্বন্ধে নিম্নলিখিতরূপ বন্দোবস্ত করিয়াছিলেন—

পূর্বেই পুত্র সর-আক্রাজ খানকে বাঙ্গালার দেওয়ান নিযুক্ত করিয়াছিলেন। এক্ষণে তাঁহার অপর স্ত্রীর গর্ভজাত পুত্র মোহাম্মদ তাকি খানকে, উড়িষ্যা বিভাগের কর্তা করিয়া দিলেন। অতঃপর স্বীয় জানাতা মুরশিদকুলি খানকে তাঁকার সহকারী শাসনকর্তা ও প্রধান মন্ত্রী হাজী আহমদের তিন পুত্র, নওরাজেশ্ মোহাম্মদ, সৈয়দ আহমদ এবং জয়েনল আবদীনকে যথাক্রমে বেতন বিভাগের সর্বোচ্চ কর্মে ও রংপুরের এবং রাজমহলের ফৌজদারী পদে নিযুক্ত করিলেন। তাঁহার দরবারের বহু পুরাতন ভৃত্য সুজাকুলিকে ভগলীর ফৌজদারী কার্য্য দিলেন।

আলিওয়ার্দী খান অপূত্রক ছিলেন। তিনি তাঁহার তিন কস্তার বিবাহ, ভ্রাতা হাজী আহমদের উপযুক্ত তিনটি পুত্রের সহিত দিয়াছিলেন।

নূতন নওরাব তাঁহার স্বপ্তের অক্ষরণে, জমিদারগণকে নির্যাতন দ্বারা রাজস্ব আদায়ের উপায় অবলম্বন না করিয়া, বরং জমিদারগণের প্রতি বদান্ততা প্রদর্শনে, রাজস্বের তাঁর বৃদ্ধি করিতে সমর্থ হইয়াছিলেন।

মুরশিদ কুলি খানের সময়ে যে রাজস্ব বার্ষিক এক কোটি ত্রিশ লক্ষ টাকার উপরে উঠে নাই, সেই রাজস্ব হিঃ ১১৪১ সালে ১৭২৮ খৃষ্টাব্দে রাজস্ব সচিব জগৎ শেঠের তত্ত্বাবধানে এক কোর আট চল্লিশ লক্ষ টাকা মুরশিদাবাদের ধনাগারে সংগৃহীত হইতে লাগিল।

নওরাব পুরাতন প্রাসাদ ভগ্ন করিয়া, অতীব মনোহর জাঁক-জমকীর অট্টালিকা নির্মাণ করাইলেন। দাতব্য ও নিরপেক্ষ বিচারের জন্ত, নওরাব সুজাউদ্দীন সকল সম্প্রদায়ের নিকট প্রিয় হইয়া উঠিলেন। স্বপ্নের নিযুক্ত রাজকর্মচারী নজির আহমদ ও মোরাদের অসম্ভব নিষ্ঠুর ব্যবহারে বার বার ত্যক্ত-বিরক্ত হইয়া, বিচারে তিনি উভয়ের প্রাণদণ্ডের আদেশ দিয়াছিলেন। পূর্ববর্তী নওরাবের আমলে অশ্বারোহী সৈন্য সংখ্যা অতিশয় অল্প থাকায়, তিনি উহা বৃদ্ধি করিয়া ২৫,০০০ করিয়াছিলেন।

এই নব শাসনকর্তা তাঁহার রাজত্বের প্রথমাবস্থায় সকল কার্যে বিচক্ষণতা প্রদর্শন দ্বারা সকলকে মোহিত করিয়াছিলেন। কিন্তু কয়েক বৎসর মধ্যেই এই মহা চটুল শাসনকর্তা অসম্ভব অলস প্রকৃতির হইয়া, বিলাসিতা ও আনন্দ-প্রমোদে অঙ্গ ঢালিয়া দিলেন। এই সময় সমুদয় রাজকাৰ্য্য পূর্ব-বর্ণিত পাঁচজন সভাসদ দ্বারা নির্বাহ হইতে লাগিল।

১৭৩০ খৃষ্টাব্দে দিল্লীশ্বর, বেহারের শাসনকর্তা ফখরউদ্দৌলাকে পদচ্যুত করিলেন ও খান দৌরাণের পরামর্শ মতে বেহার প্রদেশ বাঙ্গালার সহিত সংযুক্ত করিয়া দিলেন।

নওরাব সুজাউদ্দীন বেহার প্রদেশ নিজ করায়ত্ত করিয়া, আলীওয়ার্দী খানকে এই নূতন প্রদেশের শাসনকর্তা নিযুক্ত করিলেন; এবং ৫,০০০ সেনা সহ তাঁহাকে পাটনার পাঠাইয়া দিলেন।

আলিওয়ার্দী খান বেহারে পৌঁছিয়া দেখিলেন যে—বেথিয়া, ফুলওয়ারা, চাকওয়ার ও ভোজপুরের জমিদারগণ বিদ্রোহী হইয়া উঠিয়াছে এবং

বান্জারা নামক একদল প্রবল দস্যুর উপদ্রবে লোকের ধন-সম্পত্তি লইয়া বাস করা ছাড়র হইয়া পড়িয়াছে।

নব শাসনকর্তা আলিওয়ার্দী খান, পরাক্রান্ত আফগান সেনাপতি আবদুল করিম খানের অধীনে একদল পাঠান সেনা পোষণ করিতে লাগিলেন। এই আফগান সেনা ও বঙ্গীয় সেনার সাহায্যে আলিওয়ার্দী বান্জারা দস্যুদলকে নির্মূল করিয়া, বিদ্রোহী জমিদারগণের উপর পড়িলেন।

অচিরে আলিওয়ার্দী খান, বেহার বিভাগের সমস্ত জমিদারগণকে শাসনে আনয়ন করিয়া, তাহাদের নিকট হইতে বাকী রাজস্ব ও তৎসহ নিজের নজরানা ও পেশকাশ্ আদায় করিতে লাগিলেন। এই উপায় দ্বারা তিনি বিস্তর অর্থ সংগ্রহ করিয়া ফেলিলেন ও দিল্লীর সমুদয় বাকীপড়া রাজস্ব অল্পদিন মধ্যেই পরিশোধ করিয়া দিলেন। এই ব্যাপারে দিল্লীখর তাঁহার উপর সন্তুষ্ট হইয়া, তাঁহার সামরিক পদমর্যাদা বৃদ্ধি করিয়া, তাঁহাকে মোহাব্বৎ-জঙ্গ উপাধিতে ভূষিত করিলেন।

এই বৎসর মধ্যেই আলিওয়ার্দী খানের অসময়ের প্রকৃত সুহৃদ আফগান সেনাপতি আবদুল করিমের গর্ব, ক্রুতা এবং নৃশংসতা, এত অধিক মাত্রায় বৃদ্ধি পাইয়াছিল যে, সুবাদারকে বাধা হইয়া বন্ধু-হত্যার অপরাধে স্বীয় বিমল যশঃ ও সুখ্যাতি অশুভ্রল করিতে হইল।

এই সময় জার্মানেরা কলিকাতা হইতে ১৫ মাইল দূরে বাকিবাজার নামক স্থানে কুটি ও গড় নির্মাণ করিয়া, ইংরাজ ও দিনেমারগণের সহিত প্রতিদ্বন্দিতার ব্যবসার চালাইতেছিলেন। তাঁহাদের ব্যবসায়ের ক্রমোন্নতি ইংরাজগণের চক্ষুশূল হইয়া পড়িল। তখন ইংরাজ দিনেমারের সহিত মিলিত হইয়া, নওরাবের নিকট জার্মানগণের বিরুদ্ধে নানা কথা লাগাইতে লাগিল। এই উত্তর কোম্পানি হুগলীর ফৌজদারকে অর্থে বশীভূত করিয়া,

ঠাহার ঠারা নওরাবের নিকট—“জাশ্মাণগণে ঃ এই গড় ও ক্রমোন্নতি, রাজ্যের ভবিষ্যৎ বিপদ অবসন্তাবী” ইত্যাদি নানা ঈর্ষামূলক বর্ণনা করাইল।

১৭৩৩ খৃষ্টাব্দে নওরাব সুজাউদ্দীন জাশ্মাণদিগের এই বাঁকিবাজারের গড় ভাঙ্গিয়া দিবার জন্য ফৌজদারের প্রতি আদেশ প্রদান করিলেন। হুগলী হইতে ফৌজদার সেনাধ্যক্ষ মীর জাকর, কতকগুলি সেনা লইয়া বাঁকিবাজারে পৌঁছিলেন। এই সময় চন্দননগর হইতে ফরাসীরা জাশ্মাণগণকে বন্দুক, বারুদ ও গোলা দিয়া সাহায্য করিয়াছিল।

কয়েক দিবস অবরোধের পর হুগলীর তৎকালীন প্রসিদ্ধ সওদাগর খাজা ফজলু কাশ্মীরী সন্ধির প্রস্তাব করিতে স্বীয় পুত্রকে জাশ্মাণদিগের নিকট প্রেরণ করায়, জাশ্মাণেরা ঠাহাকে আবদ্ধ করিয়া রাখিয়াছিল। ফৌজদার এই ব্যাপারে অধিকতর রাগান্বিত হইয়া, জল ও স্থল উভয় দিক হইতে জাশ্মাণ দুর্গ আক্রমণ করিলেন। ভারতবাসী প্রজাগণ এই অবস্থা দেখিয়া জাশ্মাণ গড়বন্দী নগর পরিত্যাগ করিয়া পলায়ন করিতে লাগিল। জাশ্মাণেরা শেষ পর্য্যন্ত কামানের সাহায্যে ফৌজদারের সেনাগণকে কোন মতে তাহাদের গড়ের মধ্যে প্রবেশ করিতে দেয় নাই। অবশেষে শত্রু-কামান-নিষ্কিন্ত একটা গোলায় জাশ্মাণ সামরিক প্রতিনিধির দক্ষিণ তন্ত উড়িয়া যাওয়ায়, তিনি সেই অবস্থায় রাত্রিযোগে সৈন্তসহ পলাইয়া ভাগীরথীর মোহানার জাশ্মাণ জাহাজে উঠিয়া স্বদেশে যাত্রা করিলেন।

সেনাপতি মীর জাকর, বাঁকিবাজারের কুটী সকল ভূমিসাৎ করিয়া ও নিকটবর্তী জনৈক জনিদারকে ঐ স্থান ঠাহার জমিদারীর অঙ্গভুক্ত করিয়া দিয়া, হুগলী প্রত্যাবর্তন করিলেন।

নওরাব জামাতা মুরশিদ কুলি, এই সময় ঢাকার নায়েব-নাজিম পদে অভিষিক্ত ছিলেন ও তিনি পারশু দেশবাসী জনৈক মীর হবিব

শিরাজীকে তাঁহার দেওয়ান নিযুক্ত করিয়াছিলেন। আকা সাদেক নামে ঐ দেশীয় একজন জমিদার, দেওয়ানের অন্তরঙ্গ বন্ধু ছিল।

কিছুদিন পূর্বে ত্রিপুরার হিন্দুরাজা মীর ভাতুশুত্রের উপর অসন্তুষ্ট হইয়া, তাঁহাকে দেশ হইতে তাড়াইয়া দেন; এবং সেই যুবক আকা সাদেকের নিকট আসিয়া তাঁহার আশ্রয়প্রার্থী হয়। মীর হবিব এই সুযোগে তাঁহার বন্ধু আকা সাদেকের নিকট গিয়া, ঐ যুবককে ডাকিয়া মুরশিদ কুলি খানের নিকট লইয়া গেলেন। পরে তাঁহার অন্তিমতিক্রমে ঢাকার নিকটবর্তী স্থানসমূহ হইতে মোগল সেনা সংগ্রহ পূর্বক ব্রহ্মপুত্র নদ পার হইয়া ত্রিপুরা রাজ্য আক্রমণ করিলেন। ত্রিপুরারাজ হঠাৎ মোগলের আক্রমণে ভীত হইয়া, পলায়ন করিয়া অরণ্য-সমাকীর্ণ পর্বতে আশ্রয় গ্রহণ করিলেন। মোগল সেনাপতি মীর হবিব রাজার ভাতুশুত্রকে ত্রিপুরার সিংহাসনে বসাইয়া তাঁহাকে বাঙ্গালার নওরাবের করদ রাজা নিযুক্ত করিয়া, এবং তাঁহার রাজ্যরক্ষার্থে আকা সাদেকের অধীনে একদল মোগল সেনা রাখিয়া, ঢাকার প্রত্যাবর্তন করিলেন।

মুরশিদাবাদ রাজধানীতে এই বিজয় সংবাদ পাইয়া নওরাব, মোস্লেম অধিকৃত ত্রিপুরার নাম রৌশন-আবাদ রাখিলেন; এবং নাজিম মুরশিদ কুলিকে খান বাহাদুর ও মীর হবীবকে খান উপাধিতে ভূষিত করিলেন।

১৭৩৪ খৃষ্টাব্দে মোহাম্মদ তকী খানের উড়িষ্যায় মৃত্যু হওয়ার, নওরাব তাঁহার জামাতা মুরশিদ কুলি খানকে ঢাকা হইতে ডাকাইয়া, রোস্তম্ জঙ্গ উপাধি দিয়া, উড়িষ্যা বিভাগের সহকারী শাসনকর্তা করিয়া পাঠাইয়া দিলেন। মুরশিদ কুলি দেওয়ান মীর হবিব খানকে সঙ্গে করিয়া উড়িষ্যায় গেলেন। দেওয়ান হবিব খানের বিচক্ষণতা ও কার্য-নিপুণতার উড়িষ্যা বিভাগের রাজস্ব যেমন ক্রমশঃ বৃদ্ধি পাইতে লাগিল, তেমনি রাষ্ট্রের ব্যয়ও ক্রমে হ্রাস হইতে লাগিল।

এই সময় পুরুষোত্তমের রাজা, মন্দির হইতে জগন্নাথের মূর্তি উঠাইয়া লইয়া, চিহ্না হ্রদের পরপারে উড়িষ্যার সীমার বাহিরে একটি পর্বতের উপর স্থাপন করায়, দূর-দূরান্তরের যাত্রীগণের গমনাগমন বন্ধ হয় ও তদ্ব্যতীত উড়িষ্যা বিভাগের রাজস্ব পূর্বাপূর্ব বৎসরের তুলনায় বাৎসরিক নর লক্ষ টাকা হ্রাস পাইয়াছিল। এই কারণে শাসনকর্তা মুরশিদ কুলি খান ও তাঁহার দেওয়ান উভয়েই যথার্থরূপে সনাতন এমলাম ধর্মের বন্ধনে আবদ্ধ থাকা সত্ত্বেও, পুরীর রাজাকে পুরাতন মন্দিরে জগন্নাথ ফিরাইয়া আনিবার জন্ত বাধ্য করিলেন।

মুরশিদ কুলিকে উড়িষ্যায় প্রেরণ করিয়া নওয়াব সুজাউদ্দীন, স্বীয় পুত্র সর-আফ্রাজ খানের ভ্রাতৃ টাকার শাসনভার ভার্য করিলেন এবং নৈয়দ গালেব আলি খানকে পুত্রের সহকারী করিয়া, সর-আফ্রাজের শিক্ষক জশোবস্ত রায়কে তাঁহার দেওয়ান নিযুক্ত করিয়া দিলেন। এই সঙ্গে নওয়াব, সর-আফ্রাজের জামাতা মোরাদ আলি খানকে রাজ্য রাজকলভের সহায়তার নৌবিভাগের কর্তৃত্ব প্রদান করিলেন।

জশোবস্ত রায়, ভূতপূর্ব নওয়াব মুরশিদ কুলি খানের নিকট সমস্ত রাজকার্যে শিক্ষাপ্রাপ্ত হইয়াছিলেন। তিনি উক্ত স্বর্গীয় নওয়াবের অনুকরণে, সাধুতা ও নিষ্ঠার সঙ্গে সঙ্গে ব্যবসায় বৃদ্ধির দিকে তীক্ষ্ণ দৃষ্টি রাখিতে লাগিলেন।

বহুপূর্বে সুবাদার শায়ের্তা খান, তাঁকার পশ্চিম দ্বার বন্ধ করিয়া তদুপরি টাকার আট মণ চাউল বিক্রয় করাইতে অপারগ কোন সুবাদারকে ঐ বন্ধ দ্বার খুলিতে নিষেধ করিয়া আদেশ দিয়া গিয়াছিলেন। এতদিন পরে দেওয়ান জশোবস্ত রায়, বাঙ্গালার প্রধান খাচা তণ্ডুলের মূল্য সেই মত টাকার আট মণ নামাইয়া, সগর্বে সুবাদার সর-আফ্রাজ খান কর্তৃক সেই আবদ্ধ পশ্চিম দ্বার উন্মোচন করাইলেন।

এইরূপে গালেব আলি খান ও জশোবন্ত রায়, তাঁহাদের সম্মিলিত চেষ্টার দ্বারা ঢাকা অঞ্চলের সর্বপ্রকারে আশাতিরিক্ত উন্নতি সাধন করিতে লাগিলেন।

কিছুদিন পরে সর্-আফ্রাজের ভগ্নী নফিসা বেগম, পিতাকে অসুরোধ করিয়া গালেব আলি খানের পদে স্বীয় ভ্রাতৃ-জামাতা মোরাদ আলিকে পাঠাইয়া দিলেন। মোরাদ আলি এবার ঢাকায় শৌছিয়া রাজবল্লভকে তাঁহার অধীনে পেশ্কার নিযুক্ত করিলেন। রাজবল্লভ প্রজাগণের উপর তাহার স্বভাবসিদ্ধ অত্যাচার আরম্ভ করিয়া দিল। রাজ্যের এই অবস্থা দর্শনে দেওয়ান জশোবন্ত রায় পদত্যাগপূর্বক মুরশিদাবাদে চলিয়া আসিলেন। রাজ্যের অবস্থা তাঁহার প্রত্যাবর্তনের পর হইতে ক্রমশঃই শোচনীয় হইয়া পড়িতে লাগিল।

এই বৎসরে হাজী আহমদের পুত্র নৈরুদ আহমদ রাজধানী হইতে সেনা সংগ্রহ করিয়া, দিনাজপুর ও পরে কুসবেহার আক্রমণ করিয়া, উভয় স্থান করায়ত্ত করিয়া লইলেন।

এই সময় পারশ্বাধিপতি নাদের শাহ ভারতে প্রবেশ করিয়া, দিল্লী ও অন্যান্য বহু নগর লণ্ডভণ্ড করিয়া ফেলেন।

সম্রাট আবুল ফতেহ্ নাসের উদ্দীন মোহাম্মদ শাহের একবিংশতি বৎসর রাজত্বকালে, পশ্চিমদেশীয় এই মহা উপদ্রব তাঁহার রাজ্যে আসিয়া উপস্থিত হয়। নাদের শাহ্ কাবুল অধিকার করিয়া, তথাকার শাসনকর্তা নাসির খানকে সঙ্গে লইয়া ভারতে প্রবেশ করিলেন। ভারত সম্রাট দুই লক্ষ অশ্বারোহী, অসংখ্য পদাতিক সেনা, পনের শত হস্তী ও অগণ্য কামান লইয়া পারশ্বরাজ্যকে বিতাড়িত করিবার জন্য, তাঁহার সম্মুখীন হইলেন। বাদশাহ্ কর্ণালের নিকট শিবির সন্নিবেশ পূর্বক পারশ্বরাজ্যের প্রতীক্ষার অবস্থান করিতে লাগিলেন।

নাদের শাহ্ তাঁহার সহিত তিন লক্ষ উৎকৃষ্ট অশ্বারোহী সেনা আনিয়াছিলেন।

বাদশাহের পক্ষ হইতে বোরহান উল্-মুলক প্রথমতঃ বিপক্ষগণকে আক্রমণ করেন। সঙ্গে সঙ্গে আমিরুল্ ওমরাহ্ খানদৌরাণ বিংশতি সহস্র অশ্বারোহী সহ স্বয়ং যুদ্ধক্ষেত্রে অবতীর্ণ হইলেন।

যুদ্ধারম্ভেই বোরহান উল্-মুলক বন্দি হইয়া পারশ্বাধীপের সম্মুখে নীত হইলেন। তৎপরে নাদের শাহের সেনাগণ চতুর্দিক হইতে খানদৌরাণকে আক্রমণ করিয়া, সন্ধ্যা পর্য্যন্ত ভীষণভাবে যুদ্ধ করিতে লাগিল। ভারতীয় সেনা—সৈয়দ, শেখ, পাঠান ও রাজপুতগণ, অসিযুদ্ধে বীরত্বের পরাকাষ্ঠা প্রদর্শন করিয়া, দিবাবসানে ঈরাণীগণকে হটাইয়া দিতে সক্ষম হইয়াছিল।

মহাসেনাপতি আমিরুল-ওমরাহের তখন প্রায় পাঁচ সহস্র সেনা ধরাশায়ী হইয়াছে। তন্মধ্যে তাঁহার সহোদর মোজাফ্ফর খান ও মীর কার্জু, আলি হামিদ খান, ইবাদগার খান, লোদি খান প্রভৃতি রণনিপুণ সেনাপতিও ছিলেন। সন্ধ্যার পর আমিরুল্-ওমরাহ্ খান-দৌরাণ আহত অবস্থায় বন্ধাবাসে ফিরিয়া গেলেন।

পর দিবস মহাসেনাপতি পুনরায় নূতন সেনা লইয়া যুদ্ধে অবতীর্ণ হইলেন ও অল্পক্ষণ মধ্যে ঈরাণী সেনাগণকে সম্পূর্ণরূপে পরাজিত করিয়া স্বয়ং রণক্ষেত্রে দেহ রক্ষা করিলেন।

এই সময় নাদের শাহ, ভারতীয় সেনাগণের সাহস ও যুদ্ধ কৌশল দর্শনে চমৎকৃত হইয়া, বন্দি বোরহান-উল্-মুলককে সম্রাটের সেনাগণের অবস্থা জিজ্ঞাসা করায়, তিনি অতিরঞ্জিত করিয়া বলিয়াছিলেন যে—

“খান-দৌরাণের হার অনেক মোসলেম বীর-সেনাধ্যক্ষ ও হিন্দু রাজা, বাদশাহের সৈন্য মধ্যে অবস্থান করিতেছেন; এবং তাঁহাদের মধ্যে যে কেহ পারশ্বপতির সনকক্ষ হইতে পারিবে।”

প্রকৃত প্রস্তাবে দুর্ক্ব ঈরাণী নাদের শাহ্ বোয়হান-উল্-মুল্কেৰ উত্তরে ভগ্নোৎসাহ হইয়া, বাদশাহের সহিত সন্ধি করিতে প্রস্তুত হইলেন ও এই মোগল সেনাপতির মধ্যস্থতায় অল্পকাল মধ্যেই সন্ধি হইয়া গেল।

বাদশাহ্ মোহাম্মদ শাহ্ নেজাম্-উল্-মুল্কেৰ উপদেশ ক্রমে, পারশ্ব সম্রাট নাদের শাহের শিবিরে উপস্থিত হইলেন। নাদের প্রথমতঃ সম্রাটের সহিত যথোচিত সম্বাবহার ও শিষ্টাচার প্রদর্শনে তাঁহাকে আপ্যায়িত করিয়া, পরে কোশলে সম্রাটকে অবরোধ করিলেন। এই অবস্থায় সম্রাটকে লইয়া নাদের শাহ্, দিল্লীর দুর্গাভ্যন্তরে প্রবেশ করিলেন ও জগৎপ্রসিদ্ধ দেওয়ানখাসে অবস্থান করিতে লাগিলেন।

পরবর্তী শুক্রবারে নাদের শাহের নামে মস্জিদে খোৎবা পাঠ হইল। কিন্তু কি মনে করিয়া তৎপরবর্তী শুক্রবার তইতে তিনি নিজেই বাদশাহের নামে পূর্ববৎ খোৎবা পাঠ করিতে অন্তিমতি দিলেন।

এই খোৎবা পাঠ উপলক্ষ করিয়া দুর্গের বাহিরে নগরের মধ্যে সশস্ত্র প্রচার হইয়া পড়িল যে—দুর্গ মধ্যে পারশ্ব সম্রাট নাদের শাহ্, বধ হইয়াছেন। সঙ্গে সঙ্গে নগরবাসিগণ উত্তেজিত হইয়া প্রায় পাঁচ সহস্র নিরস্ত্র ঈরাণী সেনা নিহত করিল। অচিরে নাদের শাহ্ সংহার মূর্ত্তিতে দুর্গের বাহিরে আসিলেন ও কিছুদূর পূর্বমুখে অগ্রদর হইয়া টাদনী চকের সম্মুখস্থ রওশন-উদৌলার প্রস্তুত সোন্হেরী মস্জিদের চাতালে (সুবর্ণ মস্জিদ) উপবেশন করিলেন। অল্পকাল চিন্তার পর নাদের শাহ্, ঐ ধর্ম্মাগারে বসিয়াই তথা হইতে তাঁহার ঈরাণী সেনাগণের প্রতি কাতলে আমের (রমনী-বালক-বালিকা নির্কিশেবে সাধারণ নরহত্যার) ভকুম দিলেন। নয় ঘণ্টা কাল মধ্যে দিল্লীর রাস্তায় রক্তের স্রোত বহিয়া গেল। শেষে নগররক্ষকের তালিকা মিলাইয়া দেখা গেল যে

নিষ্ঠুর পারশ্বপতির এই অমানুষিক, নৃশংস অত্যাচারে দিল্লীর নগরবাসী
বিংশতি সহস্র নর-নারীকে প্রাণ বিসর্জন দিতে হইয়াছিল।

এই লোমহর্ষণ অত্যাচারের পর, পারশ্ব সম্রাট ভারতের বহু
ধনরত্ন বলপূর্বক সংগ্রহ করিয়া উষ্ট্র ও হস্তী-পৃষ্ঠে স্বীয় রাজধানীতে পাঠাইয়া
দিলেন। ভারতবর্ষ পরিত্যাগের সময় নাদের শাহ্ বাদশাহকে সাতটি
পারশ্ব দেশীয় ঘোড়ক ও কয়েকটি মণিমুক্তা-পূর্ণ থলি উপহার দিয়াছিলেন।
এবং মন্ত্রীবর্গকে খেলুআত্ উপহার দিয়া হিঃ ১১৫২ সালের ৭ই সফর
১৭৩৯ খৃষ্টাব্দের মার্চ মাসে ভারত হইতে বিদায় গ্রহণ করিলেন।

বিদায়কালে পারশ্ব সম্রাট ভারতের অন্যান ৫০ কোর টাকা মূল্যের
ছঃপ্রাপ্য রত্নরাজীর সহিত, বাদশাহ্ শাহ্ জাহানের প্রস্তুত এক কোর
টাকার অধিক মূল্যের তখত্ তাউস (ময়ূর সিংহাসন) লইয়া গেলেন।
(রোস্তম আলি লিখিত তওয়ারিখে হিন্দী ও খোশালটাদি লিখিত
তাজ্কেরা)।

নাদের শাহের বিদায়ের পূর্বেই বঙ্গেশ্বর সুজাউদ্দৌলা, সম্রাট দরবারে
বাঙ্গালার রাজস্ব স্বরূপ দুই কোর টাকা ও তিনশত হস্তী পাঠাইয়া
দিয়াছিলেন।

দ্বাবিংশ সর্গ ।



আলা-আ-দৌলা সরু-আফ্রাজ খান ।

এই ভীক স্বভাবাপন্ন নওরাব পিতার মৃত্যুর সঙ্গে সঙ্গে মুরশিদাবাদের সিংহাসনে বসিলেন বটে, কিন্তু ভয়ে তিনি দুর্গের বাহিরে আসিয়া, পিতার অস্বেষ্টিক্রিয়ায় যোগদান পর্যন্ত করিতে পারেন নাই। পিতৃ আদেশ পালন করিয়া তিনি হাজী আহমদ, রায় রেইমান এবং জগৎ শেঠকে রাজ সত্রার তাঁহার প্রধান প্রধান তিনজন সহকারী নিযুক্ত রাখিয়াছিলেন। সঙ্গে সঙ্গে তাঁহার নওরাবী পদ নির্দ্ধার্যকরণ জন্ত দিল্লীর দরবারে রাজদূত সহ বহু অর্থ প্রেরণ করিলেন।

মাতামহ মুরশিদ কুলির উদাহরণে নওরাব সরু আফ্রাজ, ধর্মার্থে অকাতরে অর্থ বিতরণ আরম্ভ করিয়া দিলেন ও কোরআন পাঠার্থে রাজকীয় ব্যয়ে অনেক কারী (পাঠক) নিযুক্ত করিয়া রাখিলেন। নওরাবের দেহরক্ষী স্বরূপ দুই সহস্র অশ্বারোহী সর্দারগণ তাঁহার অধীনে প্রস্তুত থাকিত। নবীন নওরাব অতিমাত্রায় আনন্দ প্রিয় হইলেও, পানদোষ ও নিষ্ঠুরতা তাঁহাকে স্পর্শ করিতে পারেনাই।

সরু-আফ্রাজ, পারশ্বাধিপতি নাদের শাহ্ কর্তৃক দিল্লীর দুরানস্হার বিষয় অবগত হইয়া, তাঁহার নামাকিত মূত্রা প্রচলন করিয়াছিলেন ও মস্জিদে ইরান সম্রাটের নামে খোৎবা পর্য্যন্ত পড়িতে আদেশ দিয়াছিলেন। কিছুদিন পরে শক্রপক্ষ সম্রাট মোহাম্মদ শাহের সমীপে এই বিষয় উল্লেখ করিয়া, নওরাবের বিরুদ্ধে দিল্লীশরের মত বিগড়াইয়া দিয়াছিল।

ক্রমে ক্রমে নওরাবের সদ্যবহারগুলি অবসর মত তাঁহাকে পরিত্যাগ করিতে আরম্ভ করিল ও তাঁহার অসদ্যবহারের জন্ত জগৎ শেঠ এবং হাজী আহমদও তাঁহার বিরুদ্ধে হস্তোত্তোলন করিয়া, নওরাবের স্থলে সুযোগ্য আলিওয়ার্দী খানকে বঙ্গ-বেহার-উড়িষ্যার শাসনকর্তা নিযুক্ত করিবার জন্ত দিল্লীর দরবারে প্রতিনিধি প্রেরণ করিলেন। হাজী ও জগৎ শেঠ, এই সুযোগে সম্ব-আফ্রাজ কর্তৃক নাদের শাহের নামে মুদ্রা প্রচলন ও মসজিদে খোৎবা পাঠের বিষয় উল্লেখ করিতেও ভুলেন নাই।

অমার্জিত বুদ্ধি নওরাব এই সময় তাঁহার উক্ত শত্রুদের রক্তপায় মুগ্ধ হইয়া, স্বীয় সেনাদলের মধ্য হইতে কিয়দংশ লোককে অনাবশ্যক বিবেচনায় কর্তৃচ্যুত করিলেন। উহারা সকলেই পাটনায় গিয়া সুবাদার আলিওয়ার্দী খানের সেনার তালিকায় নাম লিখাইল।

১৭৪০ খৃষ্টাব্দে সম্রাট মোহাম্মদ শাহ, পররাষ্ট্র-সচিব এসহাক খানের যুক্তিতে, আলিওয়ার্দী খানকে বঙ্গ-বেহার-উড়িষ্যার শাসনকর্তা নিযুক্ত করিয়া সনন্দ পাঠাইয়া দিলেন।

আলিওয়ার্দী স্বীয় জামাতা জরেন্ আবদীনকে তাঁহার অল্পপস্থিতি কালের জন্ত, পাটনায় তাঁহার নামে নিযুক্ত করিয়া, সসৈন্তে মুরশিদাবাদ অভিমুখে যাত্রা করিলেন (১১৫২ হিঃ জিল্কা)। এইরূপে তেলিমাগড়ি ও সিকুরি গলির পথ অধিকার করিয়া আলিওয়ার্দী খান, তদীয় ভ্রাতা হাজী আহমদকে সপরিবারে তাঁহার নিকট আসিবার জন্ত পত্র লিখিলেন।

পত্র নওরাবের হস্তে পড়ায় তিনি, হাজীর উপর সন্দেহান হইয়া হাজী আহমদকে ডাকিয়া, তাঁহার বিরুদ্ধে ষড়যন্ত্র করার অভিযোগে, হাজীকে প্রাণদণ্ডের ভয় প্রদর্শন করিলেন। প্রত্যাশমতি হাজী আহমদ তাঁহার স্বভাবসিদ্ধ নম্রতার আশ্রয় লইয়া, এই গুরুতর বিষয়ে সম্পূর্ণ ঔনাসীভ প্রদর্শনে উত্তর দিলেন যে—

“এই পত্রে তাঁহার কনিষ্ঠ ভ্রাতা আলিওয়াদ্দী কোনই কুঅভিসন্ধি প্রকাশ পাইতেছে না। যত্বপি নওরাব তাঁহাকে অমুমতি দেন, তাহা হইলে হাজী স্বয়ং গিয়া আলিওয়াদ্দী খানকে পাটনার পাঠাইবার বিধিমত চেষ্টা করিতে পারে।”

হাজী আহমদের এই প্রস্তাবে সভার মতবৈধ উপস্থিত হইল। শেষে হাজীকে তাঁহার ভ্রাতার নিকট প্রেরণ করাই নওরাব সর-আফরাজ খান প্রশস্ত বিবেচনা করিলেন।

রাজমহলে হাজী আহমদ ভ্রাতার সহিত মিলিত হইলেন; এবং তাঁহার প্রতিজ্ঞা মত তিনি কনিষ্ঠ আলিওয়াদ্দী খানকে পাটনার দিকে কিয়দূর বাইতে উপদেশ দিলেন।

এদিকে নওরাব সন্দেহ পরবশ হইয়া অধিনস্থ ফৌজদারগণকে ডাকাইয়া, তাহাদের সহিত সসৈন্তে মুরশিদাবাদের ২২ মাইল উত্তরে গিয়া শিবির সন্নিবেশ করিলেন। তাঁহার সৈন্তসংখ্যা অস্বারোহী ও পদাতিক লইয়া ত্রিংশ সহস্র হইয়াছিল, এতদ্ভিন্ন যথেষ্ট কামানও ছিল। এই সময় নওরাবের গোলন্দাজ সেনার নেতা হাজী আহমদের জনৈক দূর সম্পর্কের আত্মীয় সাহু রিয়ার থাকায়, নওরাব সর-আফরাজ খানের তাহার উপরও সন্দেহ হইয়াছিল। সুবাদার, সাহু রিয়ারকে পদচ্যুত করিয়া পঞ্চ নামক একজন ভারতবাসী পর্তুগীজকে এই পদে নিযুক্ত করিলেন।

১১৫০ হিজরীর ২২ মোহাব্বরম তারিখে বজ্রধ্বর যুদ্ধক্ষেত্রে গিয়া অবতীর্ণ হইলেন। নওরাব তথা হইতে দুইজন দূত প্রেরণে আলিওয়াদ্দী খানের অভিলাষ জানিতে পাঠাইলেন। উত্তরে দূতসহ আলিওয়াদ্দী খানের লোক মোতাম্মদ আলি আসিয়া অবগত করাইল যে—

“নওরাবের দরবার হইতে আলিওয়াদ্দীনের কয়েকজন শত্রুকে সরাইয়া দিলে, তিনি স্বয়ং নওরাবের সন্নীপে উপস্থিত হইবেন।”

এইরূপ সন্ধির প্রস্তাব চলিতে থাকা কালে সন্ধ্যার সময় আলিওয়াদ্দৌ খান, তাঁহার সেনাদলকে তিন ভাগে বিভক্ত করিয়া, বদ্বেশ্বরের সৈন্তগণকে তিন দিক হইতে আক্রমণ করিতে প্রস্তুত করিলেন। ভোর রাতে আলিওয়াদ্দৌর কামানের গোলা নওয়াবের শিবিরে পতিত হইয়া সর-আফরাজ খানের নিদ্রাভঙ্গ করিল। নওয়াব উঠিয়া হস্তী আরোহণে তখন স্বীয় সেনাগণকে আহ্বান করিয়া, আলিওয়াদ্দৌ খানের দিকে অগ্রসর হইতে লাগিলেন। এই সময় একটি বন্দুকের গুলি ললাট দেশে লাগিয়া, নওয়াব আলা-আ-দৌলা সর-আফরাজ খানের ভবলীলা সাজ করিয়া দিল।

হস্তীগালক নওয়াবের মৃতদেহ বহন করিয়া, নওয়াব-পুত্র মির্জা আমানির নিকট আনিয়া দিল। সেই রাতেই নওয়াবের দেহ নোক্তাখানিতে সমাধিস্থ হইল।

ত্রয়োবিংশ সর্গ



নওরাব মুজা-উল-মুল্ক হেশামদৌলা মোহাম্মদ
আলিওয়ার্দী খান বাহাদুর মোহাব্বৎ জঙ্গ

মির্জা আমানি ও ফৌজদার ইরাসিন্ খান উভয়ে নগর রক্ষা করিবার চেষ্টা করিয়া, শেষে অকৃতকার্য হইয়া, বিজেতার স্বরণাগত হইলেন।

যুদ্ধ বিজয়ের সঙ্গে সঙ্গে তৌফুবুদ্দি আলিওয়ার্দী খান, লুঠন ভয়ে সশস্ত্রে নগর মধ্যে প্রবেশ না করিয়া, রণজয়ী সেনাগণের অস্বাভাবিক উৎসাহ ও লুঠন পিপাসা কিয়ৎপরিমাণে দমিত হইবার আশায়, দুই দিবস রণক্ষেত্রে অবস্থানের পর হিঃ ১১৫৩ সালের ১৫ সফর তারিখে (১৭৪০ খৃঃ) জাঁক-জমকের সহিত নগরে প্রবেশ করিলেন।

আলিওয়ার্দী সর্বপ্রথমে নওরাব মুরশিদ কুলি খানের দুহিতা দুর্ভাগা সবু-আফরাজ-মাতা জেরাতুন্নেছা বেগমের ভবনে উপস্থিত হইয়া, একজন ধোজা দ্বারা মিনতি সহকারে তাঁহার নিকট ক্ষমা প্রার্থনা করিলেন।

আলিওয়ার্দী খান এই সময়ে মৃত নওরাবের মার্তার নিকট যেরূপ নম্রতার সহিত, তাঁহার সকল অপরাধ স্বীকার করিয়া গুরুতর অপরাধীর স্তার, তাঁহার দ্বারস্থ হইয়া ক্ষমা ভিক্ষা করিয়াছিলেন, ততদূর বিনীত হইবার উদাহরণ রণ-বিজয়ী বীরের নিকট হইতে পাওয়া দূরের কথা, অসুগত ও পদানত ভৃত্যও নিজ দোষ খালনের জন্ত, প্রভুর প্রতি প্রদর্শন করিতে পারে কিনা সন্দেহ।

গর্বিতা মুরশিদ-দুহিতা আলিওয়ার্দীর এই প্রার্থনার কোনই উত্তর

দিলেন না। আলিওয়ার্দী তখন অনন্তোপায় হইয়া তথা হইতে হস্তী আরোহণে, নওরাব সুজাউদ্দীনের প্রস্তুত চেহেল-সতুন প্রাসাদে গিয়া, বজের মননে উপবিষ্ট হইলেন। এই সময় ভাগীরথী তীরস্থ দুর্গ প্রাকার হইতে কামান গর্জনে এবং তৎসহ উচ্চনাদে রণবাণ্য বাজিয়া, নব নওরাবের অভিশেকবার্তা ঘোষণা করিতে লাগিল।

এইরূপে হুতাপা সয়-আফরাজ খানের পিতা ও মাতামহ-সঙ্কিত রাশিকৃত ধনরত্ন সম্বলিত ধনাগার হস্তগত করিয়া আলিওয়ার্দী খান, দিল্লীখর মোহাম্মদ শাহের নিকট এক কোর টাকা নগদ এবং তৎসহ ৭০ লক্ষ টাকার রত্ন ও নানাপ্রকার বঙ্গদেশজাত রেশমী বস্ত্র ও মসলিন^{*} আদি প্রেরণ করিলেন। সম্রাট তৎপরিবর্তে তাঁহাকে সুজা-উল্-মূলক হেশাম্-দৌলা উপাধিতে ভূষিত করিয়া, বঙ্গ-বেহার-উড়িষ্যার^{*} নওরাব সাব্যস্ত করিয়া লইলেন। দিল্লীখর এই সন্ধে নওরাবের জ্যেষ্ঠ জামাতা নওরাজেশ মোহাম্মদকে শেহামৎ জঙ্গ, মধ্যম সৈয়দ আহম্মদকে সওলাত-জঙ্গ ও কনিষ্ঠ জায়েনউদ্দীনকে শওকাত জঙ্গ (যুদ্ধে অজয়) উপাধি দান করিয়াছিলেন।

অতঃপর বাদশাহের নিকট হইতে নওরাব আলিওয়ার্দী খান, তাঁহার কনিষ্ঠ কন্যার পুত্র, নওরাবের সর্বাধিকা প্রিয়পাত্র, মির্জা মাহমুদের জন্ত “সেরাজ-দৌলা সাহ-কুলি-খান বাহাদুর” উপাধি আনয়ন করিয়াছিলেন।

উপরোক্ত মর্যাদার উপযুক্ত পদোন্নতি^{*} আবশ্যক বিবেচনা করিয়া নওরাব, তাঁহার জ্যেষ্ঠ জামাতা নওরাজেশ মোহাম্মদকে, টাকার সহিত শ্রীহট্ট, ত্রিপুরা ও চট্টগ্রাম জেলাত্রয় মিলিত করিয়া, এই যুক্ত-রাজ্যের শাসনকর্তা নিযুক্ত করিলেন। মধ্যম সৈয়দ আহম্মদের জন্ত উড়িষ্যা বিভাগের শাসনকর্তৃত্ব দিতে স্বীকৃত হইয়া রহিলেন।

সয়-আফরাজের স্ত্রী ও দুই পুত্রের জন্ত বৃত্তি নির্ধারিত^{*} করিয়া দিয়া,

তঁাহাদিগকে ঢাকায় পাঠাইয়া দিলেন। মৃত নওরাবের বিধবা ভগ্নী নফিসা বেগম, সবু-আফরাজের মৃত্যুর পর ভূমিষ্ঠ তঁাহার ভ্রাতৃপুত্র আকা বাবাকে লইয়া নওরাজেশ্ মোহাম্মদের সংসারে থাকিতে স্বীকৃত হওয়ার, তঁাহাকে ঐ অল্পবয়স্ক কুমারসহ ঢাকায় পাঠাইয়া দেওয়া হইল।

এই সমস্ত বন্দোবস্ত করিয়া নওরাব আলিওরাদী খান, সুজাউদ্দীন-জামাতা মোরশেদ কুলিকে উড়িষ্যা হইতে সরাইবার চেষ্টা দেখিতে লাগিলেন। মোরশেদ কুলি এই অবস্থা অবগত হইয়া, দূত প্রেরণে নওরাবের সহিত সন্ধির প্রস্তাব করিয়া পাঠাইলেন। কিন্তু নওরাব তঁাহার স্বভাবসিদ্ধ নম্রতার সহিত মোরশেদ কুলি খানকে উড়িষ্যার মসনদ পরিত্যাগ করিয়া সপরিবারে রাজধানী মুরশিদাবাদে চলিয়া আসিতে অসুমতি করিলেন।

নওরাবের পত্র পাঠিয়া উড়িষ্যার শাসনকর্তা তঁাহার আদেশমত কার্য্য করিতে স্বীকৃত হইয়াছিলেন; কিন্তু তঁাহার স্ত্রী দওরদান, বেগম এবং তঁাহার সভাসদগণ কোন মতে সম্মত না হইয়া, মোরশেদ কুলি খানের দ্বারা বঙ্গেশ্বরের নামে একখানি দাস্তিকতাপূর্ণ পত্র লেখাইলেন। অতঃপর নওরাবের সহিত যুদ্ধই স্থিরীকৃত হইল।

এই যুদ্ধস্থানের সঙ্গে সঙ্গে নওরাব, তদীয় ভ্রাতা হাজী আহমদের উপর বঙ্গ সিংহাসনের ভারার্পণ করিয়া, দ্বাদশ সহস্র উৎকৃষ্ট অশ্বারোহী সেনা সহ স্বয়ং উড়িষ্যা বিজয়ে বাহির হইলেন।

নওরাবের আগমন সংবাদে মোরশেদ কুলি, তঁাহার পরিবারদর্গকে যাবতীয় ধনরত্ন সহ বারাবুষ্টি দুর্গে (এই দুর্গ পরে ইংরাজ সৈন্য ১৮০৩ সালের ১৪ই অক্টোবর তারিখে অধিকার করে) পাঠাইয়া দিয়া, সমস্ত সেনাগণের সহিত কটক পরিত্যাগে ক্রমে বালেখর পার হইলেন। তৎপরে

পশ্চাতে নিবিড় অরণ্যসঙ্কুল নদীসৈকতে রক্ষা করিয়া, একটি উৎকৃষ্ট উচ্চ স্থানে শিবির সন্নিবেশ করিলেন ; এবং বস্ত্রাবাসের সম্মুখে প্রায় তিন সহস্র কামান রক্ষা করিলেন ।

আলিওয়ার্দী খান দ্রুতগতিতে নদীকূলে আসিয়া উপস্থিত হইলেন ও বিপক্ষ শিবির হইতে কয়েক মাইল দূরে অবস্থান করিতে লাগিলেন । এই সময় উড়িষ্যা বিভাগের জমিদারগণ সুবাদার মোরশেদ কুলি খানের বাধ্য থাকায়, নওরাব-সেনাগণের জন্য রসদ সংগ্রহে বিঘ্ন ঘটিতে লাগিল । এই স্থানে দ্রুত দ্রব্য সংগ্রহের জন্য বঙ্গেশ্বরকে বড়ই বেগ পাইতে হইয়াছিল । ক্রমে যখন এই অবস্থা সুবাদারের সেনাগণ অবগত হইতে পারিল ; তখন তাঁহার সেনাপতি মির্জা বাকের খান, উৎকলপতির আদেশ প্রাপ্তির অপেক্ষা না করিয়া সসৈন্তে নওরাবের শিবির আক্রমণ করিলেন । উভয় পক্ষের মধ্যে বহুকণ ধরিয়া ঘোরতর যুদ্ধ চলিবার পর, শেষে বিজয়লক্ষ্মী বঙ্গেশ্বরের ক্রোড়ে ঢলিয়া পড়িলেন ।

মোরশেদ কুলি খান ও তাঁহার জামাতা দলবল সহ বালেশ্বরের দিকে সরিয়া পড়িছেন, এবং তথা হইতে অর্ণবপোতারোহণে করমণ্ডল উপকূলে মহলিপাটামে গিয়া তথাকার ফৌজদার আনওয়ারউদ্দীন খানের নিকট আশ্রয় গ্রহণ করিলেন ।

এই সময়ে রাঁয়ভৈরবপুরের রাজা কটকে সৈন্ত প্রেরণ করিয়া, উৎকলেশ্বরের পরিবারবর্গকে নিজ আশ্রয়ে লইয়া মহানুভবতা প্রদর্শন করিয়াছিলেন । পরে তথা হইতে বাকের খান, দুর্ভাগা সুবাদারের পরিবারবর্গকে লইয়া, তাঁহাদিগকে মোরশেদ কুলি খানের নিকট মহলিপাটামে পৌঁছাইয়া দিলেন ।

আলিওয়ার্দী খান, তদীয় ভ্রাতৃপুত্র ও জামাতা সৈয়দ আহমদকে কটকের সিংহাসনে বসাইলেন । তৎপরে মুরশিদাবাদে প্রত্যাবর্তন করিয়া

বাহালার উন্নতিকল্পে, সভাসদগণের সহিত পরামর্শ করিয়া রাজকার্য্য নিৰ্বাহ করিতে লাগিলেন।

সৈয়দ আহ্মদ আদৌ শাসনকর্তার উপযুক্ত লোক ছিলেন না। তিনি অতিশয় আয়োদপ্রিয় ছিলেন, এবং সর্বক্ষণ স্ত্রীলোক লইয়া আয়োদ-আহ্লাদে রাজ-অস্ত্রপূরে কালাতিপাত করিতে ভালবাসিতেন। তাঁহার স্বস্তর প্রদত্ত সেনাগণের সুখ-সমৃদ্ধি ও তাহাদের নিয়মিত বেতন প্রদানের দিকে তাঁহার আদৌ দৃষ্টি না থাকায়, তাহারা ক্রমশঃ তাঁহার যুদ্ধ বিভাগের কন্ম পরিত্যাগ করিতে আরম্ভ করিল। এই সকল উৎকৃষ্ট সেনার স্থান তিনি অল্প বেতনে সম্ভ্রষ্ট সম্পূর্ণ অকর্ণণ্য বিশ্বাসঘাতক উৎকলবাসীদের দ্বারা পূর্ণ করিতে লাগিলেন। পরে ইহাই তাঁহার সর্বনাশের মূলভূত কারণ হইল।

সৈয়দ আহ্মদের আচরণ ক্রমে সর্ববিষয়ে অতিরিক্ত বিরক্তিকর হইয়া উঠায়, প্রজাবর্গ পুরাতন শাসনকর্তা মোরশেদ কুলি খানকে ফিরাইয়া আনিবার চেষ্টা করিল। কিন্তু তিনি কটকের সিংহাসনে পুনরাক্রুত হইয়া, প্রবল পরাক্রান্ত বজ্রেশ্বরের সহিত বিবাদ করিতে স্বীকৃত হইলেন না। শেষে সকলে বাকের খানের নিকট গিয়া উপস্থিত হওয়ায়, উক্ত সেনাপতি মির্জা বাকের, আনন্দের সহিত তাঁহাদের প্রস্তাবে সম্মত হইয়া, সসৈন্তে কটকে আসিয়া পৌঁছিলেন ও অল্পকাল মধ্যে শাসনকর্তা সৈয়দ আহ্মদকে তাঁহার প্রসাদ মধ্যে বন্দী করিয়া, কটকের সিংহাসনে উপবেশন করিলেন।

এই সংবাদ শুনিয়া বজ্রেশ্বরের ভ্রাতা হাজী আহ্মদ ও তাঁহার স্ত্রী, পুত্রের জীবনের আশঙ্কা করিয়া, নওরাব আলিওয়ার্দী খানকে মির্জা বাকেরের সহিত সন্ধি করিয়া, পুত্র সৈয়দ আহ্মদকে উদ্ধার করিবার জন্য অনুরোধ করিলেন। এই সঙ্গে হাজী আহ্মদ নওরাবকে ইহাও বুঝাইবার

চেষ্টা করিলেন যে,—এই ব্যাপারের ভিতর দাক্ষিণাত্যের পরাক্রান্ত হায়দ্রাবাদের নেজাম বাহাদুরও আছেন ; এবং তাঁহার বিরুদ্ধাচরণ করিলে, বঙ্গের সিংহাসন পর্য্যন্ত টলিবার সম্ভাবনা ।

বীর শাদ্দুল আলিওয়ার্দী খান ভ্রাতা ও ভ্রাতৃজ্ঞার উপদেশ বা অনু-
রোধে কর্ণপাত করিলেন না । তিনি অচিরে সৈন্য সংগ্রহ পূৰ্ব্বক জামাতা
নওরাজেশকে মুরশিদাবাদের শাসনকার্য্যে নিযুক্ত করিয়া, স্বয়ং বিংশতি
সহস্র অশ্বারোহী ও পদাতিক সেনা সহ কটকের অভিমুখে বাত্মা
করিলেন । আলিওয়ার্দী খান তাঁহার সেনাগণের উৎসাহ বৰ্দ্ধনকল্পে এই
বিষয় প্রচার করিয়া দিলেন যে—তাঁহার জামাতা সৈয়দ আহমদকে যে
বালি অবরুদ্ধাবস্থা হইতে উদ্ধার করিয়া আনিতে পারিবে, তিনি তাহাকে
এক লক্ষ টাকা পুরস্কার দিবেন ; এবং কোন সেনানী তাহার সেনা
সাহায্যে এই কার্য্য সম্পন্ন করিলে, তিনি তাঁহার অধীনস্থ প্রত্যেক
সেনাকে দুই মাসের বেতন উপহার দিবেন ।

বাকের খান, বঙ্গেশ্বরের আগমন সংবাদ পাইয়া, মহানদীর কুলে শিবির
সংস্থাপন করিলেন । তিনি এই যুদ্ধে পরাজয় অবশ্যস্তাবী বিবেচনা করিয়া,
স্বীয় পরিবারবর্গকে দাক্ষিণাত্যে পাঠাইয়া দিয়াছিলেন । এবং সেই সঙ্গে
রুত গাড়ীতে অবরুদ্ধ করিয়া দুইজন মোগল সেনার তত্ত্বাবধানে সৈয়দ
আহমদকেও পাঠাইয়াছিলেন । রক্ষিষয় সৈয়দের সহিত ঐ অবরুদ্ধ
গাড়ীর মধ্যেই অবস্থান করিতে থাকিল ।

বাকের খান রুতের প্রহরীগণের প্রতি গোপনে আদেশ দিয়াছিলেন
যে—শত্রুর আগমন যত্বপি ক্রমে নিকটবর্তী হইয়া আইসে, তখন তাহারা
বাহির হইতে সঙ্গীনের খোঁচায় সৈয়দ আহমদকে বধ করিবে ; তাহাতে
রুত মধ্যস্থ রক্ষিষয়ের প্রাণের হানির দিকে তাহারা যেন ভ্রূপেক্ষণ
না করে ।

নওরাব আলিওয়ার্দী খান, বাকের খানের পরিখা মধ্যে প্রবেশ করিলে, দুর্বল মির্জা বাকের, সমস্ত ফেলিয়া পলায়ন করিল। বিজয়ী সেনাগণ এত দ্রুত তাঁহার পশ্চাৎগমন করিয়াছিল যে, অত্যল্প কাল মধ্যে তাহার সৈয়দ আহ্মদের গাড়ীর নিকট গিয়া পৌঁছিল। এই অবস্থা দর্শনে রুত্তের অল্পগামী সৈন্যগণ, এক সঙ্গে বহু সঙ্গী সৈয়দ বধার্থে গাড়ীর মধ্যে প্রবেশ করাষ্টয়া দিল। সঙ্গে সঙ্গে একজন মোগল প্রহরী হত হইয়া সৈয়দের গাড়ীর উপর চাপিয়া পড়ায়, তিনি সৌভাগ্যক্রমে রক্ষা পাইলেন। অপর প্রহরী আহত অবস্থায় কোন মতে পলাইয়া প্রাণ রক্ষা করিল। দেখিতে দেখিতে নওরাবের সেনাগণ আসিয়া পড়িয়া সৈয়দ আহ্মদকে উদ্ধার করিল।

আলিওয়ার্দী খান তাঁহার জামাতাকে পাইয়া খোদাতাআলাকে আন্তরিক ধন্যবাদ দিলেন ও জামাতাকে সম্বর তাঁহার পিতা মাতার নিকট মুরশিদাবাদে পাঠাইয়া দিলেন।

নওরাব তৎপরে পুনঃপ্রাপ্ত রাজ্যাংশের বন্দোবস্ত করিয়া দিয়া, জুর্নৈক বহু-জ্ঞানলব্ধ কর্মচারী মোহাম্মদ মাসুম খানকে উৎকল দেশের সিংহাসনে বসাইয়া, তথায় মাত্র পাঁচ সহস্র সেনা রাখিয়া দিয়া অবশিষ্ট সৈন্য বিদায় দিলেন। তৎপরে কিয়দ্বিবস বটকে অবস্থান করার পর নওরাব আলিওয়ার্দী খান, পথে শিকারের আনন্দ উপভোগ করিতে করিতে রাজধানী প্রত্যাবর্তন করিতে লাগিলেন।

১৭৪২ খৃষ্টাব্দে মেদিনীপুরের সন্নিকটে বঙ্গাবাসে অবস্থান করিতে থাকা কালে নওরাব সংবাদ পাইলেন যে—

মোগল শাসনের দুর্বলতা দর্শনে, হায়দ্রাবাদের নেজাম কর্তৃক উৎসাহিত হইয়া, বেরারের রাজা রঘুজী ভোঁসলা, তাঁহার সেনাপতি ভাস্কর পণ্ডিতকে বাজালার রাজস্বের চৌথ আদায় করিবার চেষ্টায় প্রেরণ করেন। ভাস্কর

পশ্চিমত সদলবলে দ্রুত গতিতে তাঁহার রাজত্বের দিকে অগ্রসর হন। এই সময় নওরাব যখন গুপ্তচর মুখে সঠিক সংবাদ পাইলেন যে—ভাস্কর বেহারের দিক হইতে আগমন করিতেছে, তখন তাঁহার ততদূর উৎকর্ষার কারণ রহিল না।

কিন্তু হঠাৎ শত্রুগণ আলিওয়ার্দী খানের শিবিরের মাত্র ২০ মাইল দূরে আসিয়া পৌঁছিয়াছে সংবাদ পাইয়া নওরাব, বর্ধমানের আসিয়া মারহাট্টাগণের আক্রমণ প্রতিরোধ করিবার জন্য প্রস্তুত হইতে লাগিলেন। এই মহারাষ্ট্র দেশীয় সেনাগণ দেশ জয়ের উদ্দেশ্যে বহির্গত হয় নাই। ইহাদিগকে চলিত কথায় বর্গী বলিত : এবং লুণ্ঠনই এই বর্গীদিগের উদ্দেশ্য ও ব্যবসায় ছিল।

নওরাব আলিওয়ার্দী খান উড়িয়া পুনঃ বিজয়ের পর, মাত্র পাঁচ সহস্র সেনা নিজের সঙ্গে রাখিয়া, অবশিষ্ট রাজধানীতে পাঠাইয়া দিয়াছিলেন। এই সুযোগে ভাস্কর রাও, তাঁহার এই অল্প সংখ্যক সেনাগণকে ছেড়িয়া ফেলিয়া নওরাবের একরূপ দুর্দশা করিল যে—শেষে নওরাব, এই মারহাট্টা দস্যুগণকে দশ সহস্র মুদ্রা দানে সন্তুষ্ট করিবার অভিপ্রায় জ্ঞাপনার্থে দূত প্রেরণ করিয়াছিলেন। কিন্তু ভাস্কর সুযোগ বুঝিয়া এক কোর টাকা চাহিয়া বসিল ও নওরাব শিবিরের চতুর্দিকের গ্রামসমূহ অগ্নিদগ্ধ করিতে লাগিল।

আলিওয়ার্দী খান ভাস্করের প্রস্তাব ঘৃণার সহিত প্রত্যাখ্যান করিয়া, তাঁহার এই সামান্ত সেনাসহ কাটোয়ার দিকে অগ্রসর হইতে লাগিলেন। বিশাল মারহাট্টা বাহিনী সম্মুখ ও পশ্চাৎ হইতে নওরাবকে উত্যক্ত করিতে লাগিল মাত্র ; কিন্তু সম্মুখ যুদ্ধে এই মারহাট্টা দস্যুগণ কখনিকালে অভ্যস্ত না থাকায়, এত অধিক সেনা লইয়াও ভাস্কর, এই অত্যল্প সংখ্যক মোস্লেম সেনাকে আক্রমণ করিতে সক্ষম করিল না।

শেষে চতুর্থ দিবসে নওরাব কাটোয়ার পৌঁছিলেন। বর্গী দস্যাগণ ইতিপূর্বেই অগ্নিসংযোগে কাটোয়া নগর ধ্বংস করিয়াছিল। তাহারা কাটোয়ার প্রকাণ্ড প্রকাণ্ড খাল ও চাউলের গোলা অগ্নিদগ্ধ করিয়া দিয়াছিল। কাটোয়ার পৌঁছিয়া নওরাব, ভাগীরথী তীরে শিবির স্থাপন করিলেন। নওরাবের আগমন সংবাদ পাইয়া, নওরাজেস্ মোহাম্মদ ভাগীরথীর পর পার হইতে অনেক সৈন্য ও রসদ লইয়া তাঁহার সহিত মিলিত হইলেন।

এই অবস্থা দর্শনে ভাস্কর, বেরারে প্রত্যাবর্তন করিবার বন্দোবস্ত করিতে লাগিলেন। এমন সময় উড়িষ্যার ভূতপূর্ব শাসনকর্তার সেনাপতি মীর হবিব, ভাস্কর রাওয়ের সহিত সৈন্যে মিলিত হইয়া, তাহাকে নওরাবের রাজধানী মুরশিদাবাদ লুণ্ঠন করিবার জন্ত উৎসাহিত করিতে লাগিল।

মীর হবিব ১৭৪২ খৃষ্টাব্দের এপ্রেল মাসে, নওরাব আলিওয়াদী খানের মুরশিদাবাদে পৌঁছিবার পূর্ব দিনেই, রাজধানীর প্রান্তদেশে, তাহার অধীনস্থ মারহাট্টা সেনার দ্বারা লুণ্ঠন আরম্ভ করিয়া দিয়াছিল। মীর হবিবের অধীনস্থ মহারাষ্ট্রীয় দস্যাগণ, এই সময় প্রসিক্ক ধনী জগৎ শেঠের ধনাগার লুণ্ঠন দ্বারা তিন লক্ষাধিক টাকা আত্মসাৎ করিল।

নওরাবের আগমনের সঙ্গে সঙ্গে হবিব সরিয়া পড়িল। নওরাব নগর রক্ষার জন্ত চতুর্দিকে পরিখা খনন করাইতে ও পুরাতন নগর প্রাকার সুদৃঢ় করাইতে লাগিলেন। এই সময় শত্রু পক্ষ সুযোগ বুঝিয়া, সময় সময় কাটোয়া হইতে ভাগীরথী পার হইয়া আসিয়া, পালানী, দাউদপুর প্রভৃতি গ্রাম সকল লুণ্ঠন করিয়া চলিয়া যাইতে লাগিল।

বর্ষাকালে ভাস্কর পণ্ডিত, মীর হবিবের সাহায্যে, হুগলী, হিজলী, বর্ধমান, বীরভূম, রাজমহল এবং মেদিনীপুর ও বালেশ্বর পর্য্যন্ত জেলা সমূহে

লুণ্ঠন আরম্ভ করিয়া দিল। এই সময় ভাগীরথীর দক্ষিণ পার্শ্বের লোকের ছরবছার অবধি ছিল না। ইংরাজেরা নওরাবের অনুমতি লইয়া, কলিকাতার চতুস্পার্শ্বে যে প্রশস্ত গড় কাটাইয়াছিলেন, তাহার নান মারহাট্টা ডিচ্ বলিয়া বহুকাল পর্য্যন্ত লোকের মনে ভীতি উৎপাদন করিত। অত্যাধি তাহার চিহ্ন স্থানে স্থানে বিলুপ্ত হয় নাই।

ভাগীরথীর পশ্চিম-দক্ষিণ পার হইতে দলে দলে লোক ঐ সময় কলিকাতার গিয়া, ইংরাজ কোম্পানীর নিকট পরিখা বেষ্টিত স্থানের মধ্যে আশ্রয় লইতে লাগিল।

নওরাব আলিওয়ার্দী খান বর্ধার শেষ হইতে না হইতে অক্টোবর মাসের প্রারম্ভে স্বীয় সেনাপতি মীর জাফর খান ও মোস্তফা খানকে লইয়া, নোসেতু সাহায্যে ভাগীরথী উত্তীর্ণ হইয়া, কাটোয়ার ভাস্করের অধীনস্থ মারহাট্টা সেনাগণকে আক্রমণ করিলেন। সশুখ যুদ্ধে অনভিজ্ঞ তস্কর প্রকৃতির ভাস্কর রাও, এই উগ্রমূর্তি সুশিক্ষিত মোগল সেনাগণের আগমনের সাড়া পাইয়া, সেনাগণের বস্তাগার ও তৎসহ তাহার নিজ ও সেনাগণের যাবতীয় আবশ্যকীয় দ্রব্য ফেলিয়া পলায়ন করিল। নওরাবের কতকগুলি সেনা ভাস্কর রাওয়ের পশ্চাদ্ধাবন করিল। এই সময় মীর হবিবের পরামর্শে ভাস্কর, বিষ্ণুপুরের অরণ্য মধ্যে আত্মগোপন করিয়া প্রাণ বাঁচাইল।

অতঃপর গোপনে থাকিয়া ভাস্কর, স্বীয় ছত্রভঙ্গ সেনাগণকে মেদিনীপুর জেলার চন্দ্রকোনার নিকট পুনঃ সংগ্রহ করিয়া, কটকের মধ্য দিয়া অগ্রসর হইবার কালে, তথাকার শাসনকর্তা মাসুম খান, তাঁহার অত্যন্ত সংখ্যক সেনা লইয়া, অমিততেজে এই মারহাট্টা বাহিনীকে আক্রমণ করিলেন ও তাহাদিগকে প্রায় ধ্বংস করিয়া ফেলিবার সময়ে, দৈব-নির্ভঙ্ক বশতঃ স্বয়ং নিহত হইলেন।

বঙ্গেশ্বর এই সংবাদ পাইয়া, পুনরায় মেদিনীপুরের অভ্যন্তর দিয়া আসিয়া ভাস্কর রাওকে আক্রমণ করিলেন ও তাহার বিস্তর সৈন্য ধ্বংস করিলেন। ভাস্কর পূর্ণ বেগে নিজের দেশের দিকে পলায়ন করিল। অনন্তর আলিওয়াদ্দী খান আব্দুর রশ্বল খানকে কটকের সিংহাসনে বসাইয়া, বিজয়ী সৈন্যগণ সহ রাজধানীতে প্রত্যাবর্তন করিলেন।

পর বৎসর ১৭৪৩ খৃষ্টাব্দে রঘুজী ভোঁসলা নূতন সেনাবলে বলীয়ান্ হইয়া, বাঙ্গলায় প্রবেশ করিলেন। অপর দিকে পুনা হইতে বালাজী রাও, অধীনস্থ মারহাট্টা সেনা লইয়া, সত্ৰাটের তরফ হইয়া, আলিওয়াদ্দী খানকে বেরারের মহারাষ্ট্রীয়গণের বিরুদ্ধে সাহায্য করিবার ভাণে, বেরারের মধ্য দিয়া আসিয়া ভাগীরথীর তীরে অবস্থান করিতে লাগিলেন। রঘুজী ভোঁসলা বীরভূম ঘুরিয়া আসিয়া, বর্ধমানের সন্নিকটে শিবির স্থাপন করিলেন।

নওগাব, বালাজী রাওয়ের সহিত সাক্ষাৎ করিয়া, পরে উভয় সেনাসহ একযোগে রঘুজীর বিরুদ্ধে যাত্রা করিবেন এইরূপ মনস্থ করিলেন। কিন্তু বালাজী রাও নওগাবের অপেক্ষা না করিয়া, নিজ সেনা লইয়া বেরার সেনাগণকে আক্রমণ করায়, বেরার রাজা রঘুজী তাঁহার সেনাপতি ভাস্কর পণ্ডিতের পথ প্রদর্শনে, সটান সেনাসহ স্বরাজ্যাভিমুখে পলায়ন করিতে লাগিলেন। এই সময় এই উভয় দলের মহারাষ্ট্রীয় দম্ভ্য সেনাগণের উপদ্রবে বাঙ্গালার শত্রুপ্রিয় প্রজাবর্গকে বড়ই বিপন্ন হইয়া পড়িতে হইয়াছিল।

পর বৎসর ১৭৩৪ খৃষ্টাব্দে পুনরায় রঘুজী ভোঁসলা, সেনাপতি ভাস্কর পণ্ডিতকে বেরার হইতে বিংশতি সহস্র মারহাট্টা অশ্বারোহী সহ বাঙ্গালা জয়ে প্রেরণ করিলেন। নওগাব এই মারহাট্টা দলপতির পুনরাগমনের সংবাদ পাইয়া, রাজধানী হইতে দশ মাইল দূরে গোনুকিরা নামক

স্থানে সৈন্য সহ অবস্থান করিতে লাগিলেন। নওরাত আলিওরাদ্দী খান এইবার এই মহারাষ্ট্রীয় ভঙ্করগণের উপর এতদূর রাগিয়া গিয়াছিলেন যে— তিনি স্বীয় ভ্রাতৃপুত্র সৈয়দ আহমদ ও জাফর খান এবং ফকির উল্লা বেগ দ্বারা, অস্ত্রাধি যুদ্ধে ভাঙ্কর পণ্ডিত ও ভাঙ্কার সহচর উনবিংশতি জন সর্দারকে হত্যা করিতে কুষ্ঠিত হন নাই।

শেষে ভাগীরথী পার হইয়া মোস্লেম সৈন্যগণ, সেনাপতি রঘুজী গায়কোয়ারের অধীনস্থ বেরারে, মারহাট্টা অশ্বারোহীগণকে কাটোয়ার নিকট আক্রমণ করিল। গায়কোয়ার, প্রধান সেনাপতির মৃত্যু সংবাদে ভগ্ন হৃদয় হইয়া, নওরাতের সেনাগণের ভাবি আক্রমণের ভয়ে, এই সময় হইতে ডেরাডাঙা তুলিয়া পলাইবার উৎ-যোগ করিতেছিলেন। হঠাৎ দূর হইতে মোস্লেম সেনাগণের দর্শন পাইয়া মারহাট্টাগণ ভয়ে সমস্ত রণ-সস্ত্রা পরিত্যাগ পৃথক ক্রতবেগে পলায়ন করিয়া আত্মরক্ষা করিল।

এই সময় নওরাতের লাভা হাজী আহমদ, স্থানীয় ফৌজদারের পদপ্রার্থী হইয়া উঠা না পাওয়ার, আলিওরাদ্দী খানের উপর অসন্তুষ্ট হইয়া পাটনার চলিয়া গেলেন। হাজী আহমদের পুত্র সৈয়দ আহমদ, কটক হইতে প্রত্যাবর্তিত হইয়া আসা পর্য্যন্ত হুগলীর ফৌজদারী কার্যে নিযুক্ত ছিলেন। তিনি স্বীয় আবাস স্থান সুরক্ষিত করিবার জন্ত, ভাগীরথী তীরে আশুমানিক যে একশত একর জমি, গভীর বিস্তৃত পরিধা বেষ্টিত করিয়া তন্মধ্যে রাজপ্রাসাদ প্রস্তুত করিয়াছিলেন; উক্ত সুপ্রশস্ত গড়ের চিহ্ন অদ্যাবধি হুগলী জেলখানার উত্তরে ও পোষ্ট অফিসের পার্শ্বে দৃষ্ট হয়; এবং গড়ের পর যে ইষ্টক নিশ্চিত স্মৃতি প্রাচীর ছিল, তাহা ভগ্নাবস্থায় এখনও স্থানে স্থানে বর্তমান আছে।

নওরাত বৈদেশিক শত্রু নিপাত ও বিভাডিত করিয়া, এক্ষণে বসিগণ কৃত গঙ্গার পশ্চিম পার্শ্বস্থিত উচ্ছিন্ন ভূভাগগুলির উদ্ধারের চেষ্টায়

মননিবেশ করিলেন। কিন্তু হঠাৎ তাঁহার নিজ রাজত্ব মধ্যে এক প্রবল ঝগানিলের অভ্যুত্থান হইয়া, তাঁহার এই সমভিসন্ধি ব্যর্থ করিয়া দিল।

নওরাবের প্রধান সেনাপতি মোস্তফা খান, দুর্কৃত্ত বর্গীসর্দার ভাস্কর হত্যার একজন প্রধান সহায় ছিল; এবং এই দুঃসাহসিক কার্যে কৃতকার্য হওয়ার, নওরাব সেই সময় মোস্তফা খানকে, তাঁহার অধীনে বেহারের শাসনকর্তৃত্ব প্রদান করিতে স্বীকৃত হইয়াছিলেন। সেই সময় বেহার প্রদেশ, তাঁহার জামাতা ও ভ্রাতৃপুত্র জয়েন-আবদীনের হস্তে ছিল।

সেনাপতি মোস্তফা, প্রভূত্বব্যঞ্জক ভাব প্রদর্শনে বঙ্গেশ্বরের নিকট তাঁহার অস্বীকৃত সুবাদারের পদ প্রার্থী হওয়ার নওরাব আলিওরাদ্দী খান, অধীনস্থ সেনাপতির ব্যবহারে স্বীয় মর্যাদার লাঘব হইল বিবেচনা করিয়া, দৃঢ়তার সহিত তাহাতে অস্বীকৃত হইলেন। এই হইতেই উভয়ের মধ্যে মনোমালিন্য ও শত্রুতার সূত্রপাত হইল।

শেষে সেনাপতি মোস্তফা, নওরাবের চাকুরি এন্তেফা দিবার, আবেদন করিয়া, তৎসহ নওরাবের সরকার হইতে, তাঁহার নিজের ও অধীনস্থ সেনাগণের প্রাপ্য বেতন ১৭ সত্তর লক্ষ টাকার এক ফর্দ দাখিল করিলেন। বঙ্গেশ্বর আলিওরাদ্দী খান কাল বিলম্ব না করিয়া সেনাপতির দাবিকৃত সমস্ত টাকা পরিশোধ করিয়া দিয়া, মোস্তফা খানকে সঙ্গে সঙ্গে তাঁহার রাজত্ব পরিত্যাগ করিবার আদেশ প্রদান করিলেন।

মোস্তফা খান আট সহস্র অঝারোহী ও বহু পদাতিক সেনা সঙ্গে লইয়া বেহারের দিকে যাত্রা করিল। নওরাব স্বীয় জামাতা জয়েন-আবদীনকে, বিজোহী মোস্তফার সহিত সম্মুখ-যুদ্ধে প্রবৃত্ত হইতে নিষেধ করিয়া পত্র প্রেরণ করিলেন। অচিরে বঙ্গেশ্বর তাঁহার অপর ভ্রাতৃপুত্র নওরাজেসকে মুরশিদাবাদে রাখিয়া, স্বয়ং সেনাপতি সরদার খান, রহিম খান ও শমশের খান সমভিব্যাহারে বেহারের রাজধানী পাটনা অভিমুখে গমন করিলেন।

মোস্তফা রাতমহল ও মুন্সের হঠরা, সহজে পাটনা অধিকার করিবার উদ্দেশ্যে সেই দিকে অগ্রসর হইতে লাগিল। পাটনার শাসনকর্তা জয়েন-আবদীন এই সংবাদ পাঠিয়া মোস্তফা খানকে এই বর্ষে, একখানি পত্র লিখিলেন—

“যত্বপি সেনাপতি সিংহাসন অধিকার করিতে আসিরা থাকেন. তাহা হইলে নওরাবের বা দিল্লীখরের সনন্দ প্রদর্শন করুন। আর যদি বেনারস বা অযোধ্যার দিকে যাওয়া তাঁহার অভিপ্রেত হয়, তাহা হইলে তিনি রাজধানির মধ্যবর্তী গ্রাণ্ড ট্রাঙ্ক রোড ভিন্ন অপর পথ দিয়া বিনা বাধার অগ্রসর হইতে পারেন।”

দাস্তিক বিজ্ঞোহী মোস্তফা, পত্র পাইয়া রুচন্বরে উত্তর দিল যে—
“বীর ভোগ্যা বসুন্ধরা। সনন্দের কোনই আবশ্যকতা নাই। এবং প্রমুখকর্তার খুল্লতাত আলিওয়ার্দী খান, কোন সনন্দবলে নওরাব সর্ আফ্-রাজ খানকে বধ করিয়া বঙ্গদেশ অধিকার করিয়া ছিলেন ?”

জয়েন-আবদীনের অস্বারোহী সেনা সংখ্যায় পাঁচ সহস্রের অধিক না থাকা সত্ত্বেও, তিনি এই প্রগল্ভ প্রত্যাশুরে ভগ্নোৎসাহ হইলেন না। ইতি মধ্যে শত্রু সেনা দ্রুতগতিতে আসিরা তাঁহার শিবির আক্রমণ করিল। হঠাৎ এই আক্রমণে জয়েন-আবদীনের দেহরক্ষী সেনা মাত্র পাঁচ ছয় শত ব্যতীত, তাঁহার অপর সমুদয় সৈন্যই তাঁহাকে পরিত্যাগ করিয়া পলায়ন করিল।

মোস্তফা খান এই অত্যল্প সংখ্যক সেনাগণকে, তাহার বাহিনী লইয়া স্তীৰ্ণ বেগে আক্রমণ করিলেন। এই সময় জয়েন-আবদীনের দেহরক্ষী সেনা-নিষ্কিণ্ত বন্ধুকের গুলিতে মোস্তফার হস্তীর মাহত নিহত হওয়ার ও তৎসঙ্গে তাহার অধীনস্থ দুইজন পদস্থ সেনানী সাম্ব্যতিক আহত হওয়ার, সেনাপতি হস্তী-পৃষ্ঠ হইতে অবতরণ করিয়া অস্বারোহণ করিলেন

এদিকে তাঁহার সেনাগণ হাওদা শূন্য দেখিয়া সেনাপতির যত্ন কল্পনা করিয়া, ভয়ে ইতস্ততঃ বিক্ষিপ্ত হইয়া পড়িল ও ক্রমে সকলেই বস্কাবাগের দিকে পলাইতে লাগিল।

সুবাদার জরেন-আবদীন, তাঁহার সামান্য সেনা লইয়া শত্রুর পশ্চাদ্ধাবন করা অযৌক্তিক বিবেচনায়, স্বীয় সরহদের বাহিরে গেলেন না। এদিকে সুবাদারের পলায়িত সেনাগণ শত্রু সৈন্যের অবস্থা দর্শনে, ক্রমে পুরাতন মুনিবের পতাকাধীনে সমবেত হইতে আরম্ভ করিল। অতঃপর সাতদিন ধরিয়া দূর হইতে কামানের যুদ্ধ চলিতে লাগিল। অষ্টম দিনে সেনাপতি মোস্তফা খান, বেহার রাজকে পূর্ণ উৎসাহে পুনরায় আক্রমণ করিলেন। কিন্তু এই দিন যুদ্ধের প্রারম্ভেই মোস্তফার একটি চক্ষে তীর বিদ্ধ হওয়ায়, তিনি পশ্চাৎপদ হইতে বাধ্য হইলেন।

এই সময় বঙ্গেশ্বর আলিওয়ার্দী খান, সসৈন্যে গিয়া ভ্রাতৃশুল্কের সহিত মিলিত হইলেন। তৎপরে উভয় সেনা একত্রে মিলিয়া মোস্তফা খানকে আক্রমণ করায় মোস্তফা পলাইয়া গিয়া, অযোধ্যার নওরাব সফদার জঙ্গের আশ্রয় গ্রহণ করিলেন। এই সময় অযোধ্যাধিপতি, সেনাপতি মোস্তফা খানকে, তাঁহার অধিকৃত সুরক্ষিত চূনার দুর্গে স্থান দান করিয়াছিলেন।

আলিওয়ার্দী খান পুনরায় সফদার জঙ্গের কোপানল প্রজ্জ্বলিত করিবার ভয়ে, আর বিদ্রোহীর পশ্চাদ্ধাবন না করিয়া পাটনার প্রত্যাবর্তন করিলেন।

পাটনার পৌছিবার পর নওরাব সংবাদ পাইলেন যে—মারহাট্টা রঘুভী ভোঁসলা, মোস্তফার আশায় উৎসাহিত হইয়া, জাঙ্গর পণ্ডিত ও তাচার সহকারীগণের ত্য্যার প্রতিশোধ লইবার জন্ত, বহু সংখ্যক সৈন্য সমভিব্যাহারে ক্রম গতিতে বাঙ্গালা অভিমুখে অগ্রসর হইতেছেন। এই সংবাদ পাইয়া নওরাব কাল বিলম্ব না করিয়া, পাটনা পরিত্যাগে মুরশিদা-

বাদে গিয়া পৌঁছিলেন। তথা হইতে বেরার রাজকে কালক্ষয় করাইবার উদ্দেশ্যে, আলিওয়ার্দী নানা ছলের উদ্ভাবন করিয়া, তাঁহার নিকট দূত প্রেরণে তাঁহাকে দুই মাস কাল বন্ধমাণে অবস্থান করাইতে কৃতকার্য হইলেন। এই সময়ে নওরাব সংবাদ পাইলেন যে—জগদীশপুরে তাঁহার ভ্রাতুষ্পুত্র জয়েন-আবদীনের সহিত যুদ্ধে মোস্তফা খান, বন্ধুকের গুলিতে নিহত হইয়াছেন।

১১৫৮ হিজরীর শীত ঋতুর প্রারম্ভে নওরাব আলিওয়ার্দী খান, বর্গী শত্রুগণের সহিত যুদ্ধালিন্ধনে মিলিত হইবার জন্য আবার অগ্রসর হইলেন। রঘুজী, বজেশ্বরের আগমনে ভীত হইয়া বেহারে পলায়ন করিয়া, মৃত মোস্তফা খানের পুত্র মোর্ত্তজা খানের অধীনস্থ বিদ্রোহী সেনাগণের সহিত মিলিত হইবার চেষ্টায়, তাঁহাদের অন্বেষণে বেহারের পার্বত্য দেশে লুকাইয়া বেড়াইতে লাগিলেন। এদিকে আলিওয়ার্দী খান বাঁকিপুরে আসিয়া, তথায় সসৈন্তে শিবির সন্নিবেশ করিয়া শত্রুর প্রতীক্ষায় বসিয়া রহিলেন। কিন্তু এই সময় মারহাটীগণ আবার শোন নদী পার হইয়া মীর হবিবের অধীনস্থ পাঠানগণের সহিত মিশিয়াছে অবগত হওয়ায়, বঙ্গরাজ মোহেব্বল পুরে চলিয়া গেলেন।

এই স্থানে বিদ্রোহী পাঠান ও রঘুজীর সম্মিলিত শক্তির সহিত নওরাবের করেকটা খণ্ডযুদ্ধ হইয়া গেল। কিন্তু সকল যুদ্ধেই শত্রুপক্ষ পরাজিত হইল। শেষ যুদ্ধে বর্গী সেনাপুত্রি ও রাজা রঘুজী ভোঁস্লা, বঙ্গীয় সেনা কর্তৃক পরিবেষ্টিত হইয়া প্রায় বন্দি হইয়াছিলেন; কিন্তু সেই সময় নওরাবের বিশ্বাসঘাতক পাঠান সেনানী শম্শের খান ও সর্দার খান, বেরার রাজকে বাঁচাইয়া দিল।

এইবার রঘুজী, মীর হবিবের পরামর্শে ক্রমগতিতে ফিরিয়া আসিয়া, মুরশিদাবাদের দিকে অগ্রসর হইতে লাগিলেন। কিন্তু আলিওয়ার্দী খান

তাঁহার পশ্চাৎগমন করিয়া, তাঁহাকে আর ভাগীরথী পার হইতে দিলেন না। পরে কাটোরার নিকট যুদ্ধে মহারাষ্ট্রীয় গণকে সম্পূর্ণরূপে পরাস্ত করিয়া ও বিপক্ষের বহু সেনা ধ্বংস করিয়া, অবশিষ্ট সেনাগণকে মেদিনীপুর অঞ্চলে বিতাড়িত করিয়া দিলেন।

পূর্বে উল্লেখ করিয়াছি যে—বিখাসঘাতক সর্দার খান ও শম্শের খান নামক নওয়ারাবের দুইজন পাঠান সেনানীর সাহায্য ব্যতীত, মোহেব্বলপুরের যুদ্ধে রঘুজী কিছুতেই রণস্থল হইতে পলায়ন করিতে কৃতকার্য হইতেন না। তীক্ষ্ণবুদ্ধি আলিওয়ার্দী খান সেনানীঘরের চাতুর্য্য সেই সময়েই বুঝিতে পারিয়াছিলেন। কিন্তু বর্গী শত্রুগণকে বিতাড়িত না করা পর্য্যন্ত তিনি, এই বিষয়ে সম্পূর্ণ ঔদাসীন্য প্রদর্শন করিয়া আসিয়া, উহাদিগকে আর যুদ্ধকার্য্যে ব্যাপ্ত না রাখিয়া, ভগবান গোলা ও মুরশিদাবাদের মধ্যবর্ত্তী যে পথ দিয়া পদ্মার পূর্ব-উত্তর দিকে অবস্থিত ভূভাগ হইতে রাজধানীতে পাছদ্রব্য ও কসল আমদানী হইত, সেই পথে লুণ্ঠন নিবারণার্থে নিযুক্ত করিয়া দিলেন। তৎপরে যখন নওয়ারাব দেখিলেন যে—উক্ত সেনানীঘরের অসাবধানতা বা ছুরভিসন্ধিতে কয়েক বার ঐ পথে সরকারি রসদ লুণ্ঠিত হইল, তখন তিনি প্রকাশ্যে তাহাদিগকে পদচ্যুত করিয়া, ঐ কার্য্যে ভ্রাতৃপুত্র সৈয়দ আহম্মদকে নিযুক্ত করিলেন। অচিরে সৈয়দ আহম্মদ রঘুজীর লিখিত, উক্ত পাঠান সেনানীঘরের নামের পত্র ধরিয়া ফেলিয়া নওয়ারাবে দেখাইতে কৃতকার্য হইলেন। নওয়ারাব আলিওয়ার্দী খান, তাঁহার মহানুভবের পরিচয় দিয়া, বিখাসঘাতকঘরের প্রতি অস্ত্র কোন কঠোরতর শাস্তির বিধান না করিয়া, তাহাদিগকে বঙ্গদেশ পরিত্যাগ করিয়া নিজ বাসস্থান দারভাদার সহর প্রত্যাবর্তনের আদেশ দিলেন।

১৭৪৬ খৃষ্টাব্দে নওয়ারাব, মহা সমারোহের সহিত অয়েন-আবদীনের পুত্র, তাঁহার প্রিয় দৌহিত্র সিরাজউদৌলা মির্জা মাহমুদের বিবাহ

দিলেন। এই বিবাহে জাতি-ধর্মনির্কিশেষে রাজধানীর সমস্ত লোককে এক মাস কালাবধি সরকারি খরচার পরিতুষ্ট করিয়া থাক্যান হইয়াছিল। রাজ্যের প্রধান প্রধান অন্যান্য দুই সহস্র রাজকর্মচারীকে নওরাব, বহুমূল্য খেল-আং দানে সম্মানিত করিয়াছিলেন। এই বিবাহের সমারোহ, শোভাযাত্রা ও আলোকমালার জাঁকজমকের বিষয় বাজার লোকমুখে অনেকদিন পর্য্যন্ত শ্রুত হইত।

মারহাট্টাগণকে মেদিনীপুর অঞ্চল হইতে বহিস্কৃত করিয়া দিবার জন্ত নওরাব, বিশ্বাসঘাতক মীরজাফরকে ঐ অঞ্চলের সেনাপতি নিযুক্ত করিয়া পাঠাইলেন; এবং ঐ সঙ্গে তাহাকে হিজলী ও মেদিনীপুরের সামরিক শাসনকর্তা ও ফৌজদারী পদের মনন্দ দিলেন। মীর জাফর মেদিনীপুরে গিয়া বিলাসীতার অঙ্গ টাসিয়া দিয়া, বসিয়া রহিল। ইত্যবসরে বেরার রাজপুত্র জানোজী ভেঁসলা, নূতন সেনা লইয়া কটকে উপস্থিত হইল। এই সময় মীর জাফর উহাদিগকে আক্রমণ করা দূরের কথা, নিজে বর্ধমানের পলাইয়া আত্মগোপন করিল। শত্রুপক্ষ সেনাপতির এ হেন বীরত্ব দর্শনে, পশ্চাৎ হইতে দ্রুতবেগে আসিয়া জাফরের সেনাগণকে আক্রমণ করিয়া, তাহার অনেকগুলি হস্তী ও যুদ্ধ সস্তার হস্তগত করিয়া লইয়াছিল।

এই অবস্থা নওরাবের কণগোচর হওয়ার তিনি, অকর্মণ্য সেনাপতি মীর জাফরের স্থানে জর্নৈক আতাউল্লাহকে পাঠাইয়া দিয়া, স্বয়ং আবশ্যক যতে তাঁহার সাহায্য করিবার অভিপ্রায়ে অগ্রসর হইতে লাগিলেন। আতাউল্লাহ বর্ধমানে পৌঁছিয়া বগিগণকে দেখিতে পাইলেন ও সম্মুখ যুদ্ধে তাহাদিগকে পরাস্ত করিলেন। কিন্তু এই সময় তাঁহার অধীনস্থ মীর আলি আসগর নামক একজন সেনানী, ভবিষ্যতের সমস্ত অভিজ্ঞতা লাভ করিয়াছে এইরূপ ছল করিয়া, সেনাপতির নিকট আসিয়া—তিনিই

অতঃপর বাঙ্গালার স্বাধীন নওরাব হইবেন—বলিয়া আতাউল্লাহ মতক বিগড়াইয়া দিল।

সেনাপতি, আলি আস্গরের ভবিষ্যৎ বাণীতে উৎসাহিত হইয়া, মীর-জাফরকে বেহার খণ্ড দান করিবেন প্রলোভন দেখাইয়া, তাহাকে হস্তগত করিবার চেষ্টা করিতে লাগিলেন; এবং উপযাচক হইয়া তাহার সহিত বন্ধুত্বসূত্রে আবদ্ধ হইলেন।

এই গুপ্ত সংবাদ নওরাবের কর্ণগোচর হওয়ার তিনি, সেনাপতিঘরের নিকটে আগমন করিলেন। আতাউল্লাহ তাহার অধীনস্থ মীর আলি আস্গরের জন্ম, এক সহস্র অশ্বারোহীর অধিনায়কের পদপ্রার্থী হওয়ার, নওরাব অবজ্ঞার সহিত তাহার প্রস্তাবে অসম্মত হইলেন। তৎপরে নওরাব আলিওরাদী; মীর জাফরকে সেনাপতির পদ হইতে অপসারিত করিয়া, তাহাকে রাজধানীতে প্রত্যাৰ্ত্তন করিতে অহুমতি করিলেন; এবং আতাউল্লাহ অধীনস্থ সেনা লইয়া, স্বয়ং মারহাট্টা দস্যুগণকে সম্পূর্ণরূপে বিধ্বস্ত ও বিতাড়িত করিয়া দিলেন।

জানোজী, বঙ্গীর সেনাগণ কর্তৃক পরাজিত ও বিতাড়িত হইয়া, মীর পিতার লুণ্ঠনবৃত্তির পদ্ধতি অবলম্বনে রাজধানী লুণ্ঠন করিবার অভিপ্রায়ে, গোপনে মুরশিদাবাদ অভিমুখে অগ্রসর হইতে লাগিল; কিন্তু যখন জানিতে পারিল যে বঙ্গের তাহার কুঅভিসন্ধি বুঝিতে পারিয়া, তাহার অহুমরণ করিতেছেন; তখন দস্যু সর্দার জানোজী ভোঁস্লা পলাইয়া গেল।

বর্ষার শেষে নওরাব বর্গিগণকে তাঁহার রাজত্ব হইতে সম্পূর্ণরূপে তাড়াইয়া দিবার কল্পনা করিতেছেন, এমন সময় আমিন গঞ্জে অবস্থিতি করিতে থাকা অবস্থায়, তাঁহার ভ্রাতৃপুত্র জয়েন-আবদীনের ও ভ্রাতা হাজী আহ্মদের হত্যা, এবং সঙ্গে সঙ্গে পাঠান সর্দার শম্শের খান ও সয়দার খান কর্তৃক বেহারে রাজক্ৰোধের সংবাদ পাইলেন।

ইতিপূর্বে জয়েন আবদীন দারভাজার উক্ত বিক্রোহীঘরের ক্রমোন্নতির অবস্থা দর্শনে ভীত হইয়া, তাহাদিগকে স্বীয় সৈন্য বিভাগে নিযুক্ত করিয়া রাখিবার জন্য বদেখরের অনুমতি প্রার্থনা করিয়াছিলেন। নওয়াবও সকল দিক দেখিয়া, এবং এই কঠিন সময়ের অবস্থা বিবেচনা, করিয়া অনিচ্ছার সহিত বেহারের শাসনকর্তার এই প্রস্তাব অনুমোদন করিয়াছিলেন। তাহার ফলে ১১৬১ হিজরীর জিলকদ মাসে বিশ্বাসঘাতকদ্বর, দারভাজা পরিত্যাগ করিয়া সুবাদারের নিকট গিয়া, নরহস্তা মোরাদ খাঁর দ্বারা জয়েন আবদীনকে হত্যা করে। তৎপরে হাজী আহমদকে বন্দি করিয়া, তাঁহার ধনরত্ন অপহরণ-কলে, এক সপ্তাহ যাবৎ অমানুষিক যন্ত্রণা দিয়া তাঁহার প্রাণ বধ করে। শেষে বিক্রোহীঘর বদেখরের কস্তা, জয়েন আবদীনের স্ত্রী আমেনা বেগমকে কারাবদ্ধ করিয়া রাখে।

চতুর্দিকের এই মহা বিপদ-জালও তেজস্বী বৃদ্ধ নওয়াব আলিওয়াদ্দৌ খানের মানসিক বল ধর্ম করিতে পারে নাই। নওয়াব অসীম সাহসিকতা এবং তৎসহ পুরুষোচিত দৃঢ়তা ও মনশ্চিতায় সহিত একদিকে বর্গীর হাঙ্গামা, অপর দিকে ভ্রাতা-ভ্রাতৃপুত্রের নিদারুণ হত্যা ও তৎসহ কড়ার অবমানাহ কারাবাসের সংবাদ, অবিচলিত হৃদয়ে গ্রহণ করিয়া, এই সীমাহীন বিপদ ও দুর্ভাগ্যের সহিত যুদ্ধ করিতে প্রবৃত্ত হইলেন।

এই সময় মারহাট্টা দস্যুগণ বর্ধমান পর্যন্ত অগ্রসর হইয়া আসিয়াছিল। কিন্তু নওয়াব দেখিলেন যে সম্মুখ-যুদ্ধাত্মকগ্রস্ত মহারাষ্ট্রীয় তহরগণকে তাড়াইতে গেলে, বেহারের অবস্থা ক্রমেই শোচনীয় হইয়া উঠিবে। এ কারণ তিনি ভগবান গোলার খাচরব্য আমদানীর পথ পরিষ্কার রাখিবার জন্য, তথায় পাঁচ সহস্র অশারোহী সহ সৈয়দ আহমদকে নিযুক্ত করিয়া, স্বয়ং বিংশতি সহস্র অশারোহী ও কয়েক সহস্র পদাতিকের অধিনায়কত্বে, আমিনগঞ্জ হইতে বেহার অভিমুখে যাত্রা করিলেন। গঙ্গা বহিয়া খাচ-

ক্রব্য পরিপূর্ণ বহু সংখ্যক নৌকা নওয়াবের সঙ্গে সঙ্গে অগ্রসর হইতে লাগিল। নওয়াব এই যাত্রাকালে মীর জাকরকে ডাকিয়া, তাঁহার সহকারী সেনানী স্বরূপ তাহাকে সঙ্গে লইয়াছিলেন।

বঙ্গের মুঙ্গের পর্য্যন্ত পথ বিনা বাধার অতিক্রম করিলেন। কেবল মাত্র ভাগলপুরে বর্গিগণের সহিত তাঁহার একবার সামান্য সংঘর্ষ হইয়াছিল। মুঙ্গেরে নওয়াব অনেকগুলি বেহারী জমিদারের সাহায্য পাইলেন। এই স্থানে তাঁহার জামাতা মৃত জয়েন আবদীনের একান্ত অমুগত কতকগুলি প্রতিপত্তিশালী লোকে, নওয়াবের অধীনতা স্বীকার করিয়া, তাঁহাকে শক্ত সেনা সম্বন্ধে সঠিক সংবাদ প্রদান করিল।

এই সময় বিজ্রোহী পাঠানদের প্রায় পঞ্চাশৎ সহস্র অশ্বারোহী ও পদাতিক সেনা সংগ্রহ করিয়া, মারহাট্টা দস্যাদলসহ মিলিত হইবার আশায়, অপেক্ষা করিতেছিল।

জানোজী ও মীর হবিব, বিজ্রোহীগণের শিবিরের সন্নিকটে উপস্থিত হইয়া, তাহাদিগকে পরামর্শের জন্য আহ্বান করিল। পরে উহারা শূশের ষাঁদকে বেহারের সুবাদার পদে নিয়োগ করিয়া, তাঁহাকে তুঙ্গযুক্ত খেলুয়াত উপহার দিল।

পর দিবস মীর হবিব দেখিল যে—তাহাদের নিযুক্ত নব সুবাদারের চক্রান্তে, তিনি নিজে পাঠান সেনাগণ কর্তৃক এক প্রকার বন্দী হইয়াছেন।

এই অবস্থা অমুস্তব করিয়া চতুর চূড়ানাগ মীর হবিব—নওয়াব সেনাগণ নিকটবর্তী হইয়াছে—এই অযথা সংবাদ প্রচার করিয়া দিল। হবিব, এই নওয়াব ভীতি চতুর্দিকে প্রচার দ্বারা তাহার আশারূপ ফল পাইল। বিজ্রোহীগণের মধ্যে চতুর্দিকে গোলযোগ উপস্থিত হইল, এবং পরদিন সত্য সত্যই বঙ্গের আলিওয়ারদী খান সৈন্যে উপস্থিত হইয়া যুগপৎ বিজ্রোহীগণকে আক্রমণ করিলেন।

যুদ্ধারম্ভেই সরদার খান একটা গোলার আঘাতে নিহত হইল। এই অবস্থা দেখিয়া শম্শেরের প্রায় অর্ধেক সৈন্য ছত্রভঙ্গ হইয়া গেল। যুদ্ধের সময় মহারাষ্ট্রীয় হিন্দু সেনাগণ তাহাদের চিরবাহিত লুণ্ঠন প্রবৃত্তি চরিতার্থ করিবার জন্য, পশ্চাদিক হইতে কাপুরুষের দ্বায় বন্দী সেনাগণকে আক্রমণ করিতে কুণ্ঠিত হয় নাই; এবং নওরাব, সৈন্যসহ রণস্থলে উপস্থিত থাকা কালে তস্বরগণ, মোসলেম সেনাগণের বস্ত্রাবাস গুলি লুণ্ঠন করিয়া তাহাদের নীচ প্রবৃত্তি চরিতার্থ করিতে রহিল।

এই অবস্থা দর্শনে তেজস্বী যুবক সেরাজউদ্দৌলা, সেই সময় একদল সেনা লইয়া মারহাট্টা দস্যুগণকে তাড়াইয়া দিবার জন্য, মাতামহের অনুমতি প্রার্থনা করায়, নওরাব উত্তর করিয়াছিলেন—

“নশুখস্থ শত্রুগণকে খোদার কৃপায় পরাজিত করিয়া, ভীকু বর্গী তস্বর বিনা আয়াসে তাড়াইয়া দিতে পারিব।”

এই কথা বলিয়া বৃদ্ধ নওরাব, সিংহ বিক্রমে শত্রু সেনা মধ্যে প্রবেশ করিলেন। শম্শেরের অধীনস্থ পাঠানগণ তাঁহার বিক্রম দর্শনে আতঙ্কে পলায়ন করিতে লাগিল। এই সময় হবিব বেগ, বিদ্রোহী শম্শের খানকে তাহার হস্তীর পৃষ্ঠে আক্রমণ করিয়া, তরবারির আঘাতে বিদ্রোহীর শিরশ্ছেদ করিয়া, ছিন্ন শির নওরাবের নিকট উপস্থিত করিলেন। মারহাট্টা সেনাগণ পশ্চাৎ হইতে এই অবস্থা দর্শনে আর এক পাও অগ্রসর না হইয়া, তাহাদের জাতিগত স্বভাব-সূচক পলায়ন বৃত্তি অবলম্বন করিল।

অতঃপর নওরাব তাঁহার কন্যা ও জয়েন আবদোনের পরিবারবর্গকে পাটনা হইতে উদ্ধার করিয়া, সেই বিপদভঞ্জন আল্লাহ তাআলার উদ্দেশ্যে অশেষ ধন্যবাদ প্রদান করিলেন; এবং সেই করুণা-নিদানের উদ্দেশ্যে পাটনার ধার্মিক মোসলমান এবং গরীব ছুঃখিগণের মধ্যে অপব্যাপ্ত ধন বিতরণ করিলেন। তৎপরে এই মহোৎসব হৃদয়বান নওরাব, দারভাঙ্গা

হইতে বিদ্রোহী পাঠানদের স্ত্রী-পুত্র-কন্যাগণকে আনয়ন করিয়া, তাহাদের প্রতি যথেষ্ট সম্মান প্রদর্শনে কিছুকণ রাখিয়া দিয়া, পরে তাহাদিগকে স্বাধীনতা প্রদান করিলেন।

মীর হবিবের স্ত্রী-পুত্র-কন্যাগণ, যাহারা যুদ্ধারম্ভে নওরাব সেনা কতৃক বন্দি হইয়াছিলেন; নওরাব তাহাদিগকে যথেষ্ট অর্থ ও ভ্রমণোপযোগী যান-বাহনের বন্দোবস্ত করিয়া দিয়া, দেহরক্ষী সেনাসহ তাহাদিগকে শত্রু শিবিরে পাঠাইয়া দিলেন।

তৎপরে বঙ্গেশ্বর শীর দৌলিত্র সেরাজ উদ্দৌলার নামে বেহারের সুবাদারী পদ প্রতিষ্ঠা করিয়া, এবং রাজা জানকী রামকে তাঁহার অবর্তমানে তাঁহার সহকারী সুবাদার নিযুক্ত করিয়া ও জামাতা সৈয়দ আহমদকে পুর্ণিয়ার ফৌজদার পদে অভিষিক্ত করিয়া, রাজধানী মুরশিদাবাদে প্রত্যাবর্তন করিলেন।

রাজধানীতে পদার্পণ করবার সঙ্গে সঙ্গে নওরাব, শীর ভ্রাতা হাজী আহমদের জামাতা, রাজবিদ্রোহী আতাউল্লাহ্ খানকে (যে ইতিপূর্বে মেদিনীপুরে গিয়া বঙ্গেশ্বরের জীবন ও রাজত্বের বিরুদ্ধে ষড়যন্ত্র করিয়াছিল) তাহার পরিবারবর্গ ও ধন-রত্নাদি সহ অচিরে বাঙ্গালা পরিত্যাগ করিয়া যাইবার আদেশ দিলেন।

আতাউল্লাহ্ অযোধ্যার গিয়া সফদার জঙ্গের সেনাদলে নিযুক্ত হইলেন ও অল্পদিন মধ্যেই ফরাকাবাদে পাঠানগণের সহিত যুদ্ধে নিহত হইলেন।

হারহাট্টা সর্দার জানোজী, নওরাবের সহিত প্রতিশ্রুতি করা সাধ্যাতীত বিবেচনার, মেদিনীপুরে সরিয়া পড়িল ও তথা হইতে অল্পদিন মধ্যে মাতার মৃত্যু সংবাদ পাইয়া, মীর হবিবকে যুদ্ধ সেনাসহ কটকে রাখিয়া নাগপুরে চলিয়া গেল।

১৭৫০ খৃষ্টাব্দে নওরাব পুনরায় বর্গী দমনের জন্য মেদিনীপুরে গমন

করিলেন। মারহাট্টা সেনাধ্যক্ষ মীর হবিব, নওরাবের আগমনে পূর্বপূর্ব
বারের গুণ পলায়ন করিল।

এমন সময় বঙ্গেশ্বর সংবাদ পাইলেন যে—তাঁহার অত স্নেহাদরের
সেরাজউদৌলা, স্বাধীনভাবে পাটনা অধিকার করিবার উদ্দেশ্যে ও তথায়
স্বাধীন নরপতি স্বরূপ ঘোষিত হইবার জন্ত, নওরাবের নিযুক্ত অস্থায়ী
শাসনকর্তা জানকীরামের বিরুদ্ধে যুদ্ধায়োজন করিতেছেন।

নওরাব এই সংবাদে দর্শ্যহত হইয়া, দৌহিল্লকে প্রতিনিবৃত্ত করিবার
জন্ত কাতরতার সহিত পত্র লিখিলেন। কিন্তু চির-আদরে প্রতিপালিত
উদ্ধত-প্রকৃতি-যুবক সেরাজ, বৃদ্ধ মাতামহের কাতরোক্তির মর্ম বুঝিলেন
না। শেষে মাতামহের অনুরোধ উপেক্ষা করিয়া, তিনি পাটনার গিরা
জানকী রামের বিরুদ্ধে যুদ্ধ ঘোষণা করিলেন।

রাজা জানকী রাম মহা সমস্তায় পড়িলেন। একদিকে তিনি নওরাবের
বিনামুমতিতে সেরাজকে সিংহাসন ছাড়িয়া দিতে পারেন না; অপর পক্ষে
তাঁহার ভয় হইল পাছে যুদ্ধ করিতে গেলে নওরাব-দৌহিল্ল আহত হরেন।

যাহা হউক প্রথম আক্রমণের ফলেই, সেরাজের প্রধান কুপরামর্শদাতা
মেহ্‌দী নেসার খান হত হওয়ার, মুষ্টিমের সেরাজ-সেনা রণে ভঙ্গ দিয়া
পলায়ন করিতে লাগিল। সেরাজ পাটনার বাহিরে একটি সামান্য গৃহে
আশ্রয় লইলেন। ইত্যবসরে নওরাব আলিওয়ারদী খান, পাটনার
আসিয়া পৌছিয়া, দৌহিল্লকে ভৎসনা করিবার পরিবর্তে সাদরে গ্রহণ
করায়, সেরাজ কয়েক দিনের মধ্যেই মাতামহ সহ মুরশিদাবাদে ফিরিয়া
আসিলেন।

১৭৫১ খৃষ্টাব্দে ১১৬৪ হিঃ নওরাব পুনরায় মারহাট্টাগণকে কটক হইতে
তাড়াইবার জন্ত উড়িষ্যা যাত্রা করিলেন ও তথায় ব্যতিব্যস্ত হইয়া পড়িয়া,
উড়িষ্যা দেশ মহারাষ্ট্রীগণের সর্দার মীর হবিবকে ছাড়িয়া দিয়া, তাহার

সহিত এই মর্মে সন্ধি করিলেন—সুবর্ণরেখা নদী উত্তর রাজ্যের সীমা ধার্য্য
 রহিল। বর্গীগণ ভবিষ্যতে কখনও সুবর্ণরেখা নদীর পর পারে, এমন কি
 নদীর জলে পর্য্যন্ত পদার্পণ করিবে না।—সন্ধিপত্রে মীর হবিবের স্বাক্ষর
 করাইরা লইয়া, নওরাব আলিওয়ার্দী খান মুরশিদাবাদে ফিরিয়া আসিলেন।

মারহাটা-দস্যু-সর্দার মীর হবিবকে, কিন্তু তাহার এই পরিশ্রমের
 ফল বেশী দিন ভোগ করিতে হইল না। বেরার রাজপুত্র আনোজী
 ভোঁসলা, অল্পদিন মধ্যেই ক্ষাত্রশক্তি প্রদর্শনে তাহাকে গুপ্ত ভাবে হত্যা
 করিল।

.. ১৭৫৪ খৃষ্টাব্দে সেরাজদৌলা ঈর্ষাপরতন্ত্র হইয়া, অস্ত্রার মতে আদীর
 হোসায়েন কুলি খানকে হত্যা করিয়া, সন্ধ্যসাধারণের অগ্রিম হইয়া
 উঠিলেন। ১৭৫৬ খৃষ্টাব্দে হাজী আহমদের পুত্র নওরাজেস্ মোহাম্মদের
 অপুত্রক মৃত্যু হয়, এবং অল্পদিন মধ্যেই তদীয় ভ্রাতা পুণিয়ার কোজদার
 সৈয়দ আহমদ, একমাত্র পুত্র শওকাতজকে উত্তরাধিকারী রাখিয়া,
 মৃত্যুমুখে পতিত হইলেন।

এই সময় স্বশীতি বৎসর বয়সে, নওরাব আলিওয়ার্দী খানের স্বাস্থ্য
 ভগ্ন হইয়া পড়িল। তাহার জ্যেষ্ঠা কন্যা নওরাজেস্ পর্ত্বী ঘসেটী বেগম,
 আদীর আনন্দ নিকেতন মতীঝিলে গিয়া বাস করিতে লাগিলেন।
 এই সময় ঘাসেটী বেগম, স্বামীত্যাগ অগাধ ঐশ্বর্য্যের অধিকাংশ মুক্তহস্তে
 বিতরণ করিয়া, সাধারণের অতিশয় প্রিয়পাত্রী হইয়া পড়িলেন।

মতীঝিল প্রাসাদ একটা সুদৃশ্য কৃত্রিম হ্রদের মধ্যস্থলে অবস্থিত।
 মৃত নওরাজেস্ মোহাম্মদ, লক্ষণাবতী নগর হইতে বহু সংখ্যক কৃষ্ণ বর্ণের
 মর্ম্মর প্রস্তরের স্তম্ভ আনা হইয়া, অতি সুন্দর রূপে এই সুন্দর হ্রদ্য নির্মাণ
 করাইয়া ছিলেন। এই হ্রদ ও প্রাসাদের ভগ্ন অংশ এখনও ইঃ বিঃ রেলওয়ের
 মুরশিদাবাদ ষ্টেশনের নিকট, দ্বিগে বসিয়া দৃষ্টিগোচর হইয়া থাকে।

হিজরী ১১৬৯ সনের ৯ই রজব ১৭৫৬ খৃষ্টাব্দের ৯ই এপ্রিল তারিখে বঙ্গ-বিহার-উড়িষ্যা প্রদেশ ত্রয়ের উপর ১৬ বৎসর শাসন করিবার পর, নওরাব আলিওয়ার্দী খান শোথ ও উদরী রোগে প্রাণত্যাগ করিলেন।

পর দিবস রাত্রে খোষবাগে তাঁহার মাতার কবরের পার্শ্বে, নওরাবের মৃত দেহ সমাধিস্থ করা হইল।

বাল্যকাল হইতে বার্কক্য পর্যন্ত আজীবন নওরাব আলিওয়ার্দী খানের সহিত বিলাসীতার কোন সম্পর্ক ছিল না। নিয়মিত উপাসনা করা ও পবিত্র কোরআনের সামান্ত আদেশ পর্যন্ত লঙ্ঘন না করা, তাঁহার জীবনের প্রধান ব্রত ছিল। প্রত্যহ সূর্যোদয়ের দুই ঘণ্টা পূর্বে নওরাব শয্যা ত্যাগ করিতেন; তৎপরে অজু করিয়া প্রাতঃকালীন উপাসনা সমাপনাতে কাফি পান করিতেন। সূর্যোদয়ের পর শাসন ও সেনা বিভাগের উর্দ্ধতন কর্মচারীবৃন্দের সহিত সকল প্রকার রাজনৈতিক পরামর্শ করিতেন; এবং তাহাদিগকে ঐ সম্বন্ধে উপদেশ প্রদান করিতেন। দুই ঘণ্টা পরে অস্তঃপুরে প্রবেশ করিয়া, আবশ্যক মত ভ্রাতৃপুত্র ও জামাতা নওরায়েস্ মোহাম্মদ, সৈয়দ আহম্মদ, দৌহিত্র সেরাজুল্লা প্রভৃতি আত্মীয় গণের সহিত সাংসারিক পরামর্শ ও কর্তব্যাকর্তব্য স্থির করিতেন। এই স্থানে বসিয়া অবসর মত নওরাব, কখনও কখনও মুকবিগণের লিখিত পদ্য সকল বা ইতিহাস পাঠ শ্রবণ করিতেন এবং রফন সম্বন্ধে উপদেশ দিতেন। তৎপরে আত্মীয় ও বন্ধুগণের সহিত বসিয়া আহারাদি সমাপনাতে খোষ গল্প বা গল্পের পুস্তক পাঠ শুনিতে শুনিতে সামান্ত কণের জন্ত নিদ্রা বাইতেন।

দুই প্রহরের এক ঘণ্টা পূর্বেই নওরাব, শয্যা ত্যাগ করিতেন। তৎপরে মাধ্যাহ্নিক উপাসনা সমাপন করিয়া প্রতাহ বেলা চারি ঘটিকা পর্যন্ত কোরআন পাঠ করিতেন। পরে বৈকালিক নামাজ

শেষ করিয়া কেবল মাত্র কিঞ্চিৎ শীতল জল পান করিতেন। তৎপরে পুনরায় বসিয়া আইনজ্ঞ ও ঈশ্বর-তত্ত্বজ্ঞগণের যুক্তিপূর্ণ তর্ক-বিতর্ক শ্রবণে চরিতার্থ হইতেন, এইরূপ ভাব প্রকাশ করিতেন। অতঃপর সাক্ষাৎ নগাজ্ঞান্দে, রাজস্ব সচিব জগৎ শেঠ ও অপরাপর মন্ত্রীকে ডাকাইয়া, তাহাদের নিকট হইতে তাঁহার বিশাল রাজস্বের প্রত্যেক জেলা সম্বন্ধীয় ও অপরাপর সর্ববিষয়ক সংবাদ প্রত্যাহ সংগ্রহ করিতেন। ইহার পর মন্ত্রীগণের সহিত প্রাত্যহিক নির্দিষ্ট বিষয় সম্বন্ধে তর্ক-বিতর্ক করিয়া, যেরূপ কর্তব্য নির্ধারণ করিতেন, অমাত্যবর্গের প্রতি সেই মত কার্য্য করিতে অনুমতি দিতেন।

এই সকল কার্য্যে অনেক রাত্রি হইয়া পড়িত; তখন নওরাব অল্পক্ষণ বিদ্রুযক ও পরিহাসকগণের রহস্যময় কথাবার্তা শুনিয়া, নৈশিক উপাসনার নিমগ্ন হইতেন। তৎপরে রাত্রি ৯ টার মধ্যে স্বীয় বেগমের সহিত সাংসারিক কথাবার্তা শেষ করিয়া ও অপরাপর স্বীলোকগণের আবেদন-নিবেদন শ্রবণান্তে উহাদিগকে বিদায় করিয়া দিয়া, আর কোন রাজকর্মচারীর কিছু জিজ্ঞাস্তা আছে কিনা বলিয়া পাঠাইতেন। এই সমস্ত কার্য্য সমাপনান্তে রাত্রে বৎসমান্ত্র আহার করিয়া বজ্রেশ্বর শয্যা গ্রহণ করিতেন।

আলিওরাদ্দী খান, বাহার দ্বারা কখনও সামান্ত উপকারও পাইয়া-
ছিলেন, জীবনে তাহা ভুলেন নাই। উপকারীকে না পাইলে নওরাব,
তাহার পুত্র পৌত্র বা তাহার বংশের কাহারও নিকট সেই উপকারের
প্রতিদান দিয়া গিয়াছেন। নওরাবের নয়ন্যায় তাঁহার রাজস্ব মধ্যে
সকলেই তাঁহাকে পিতৃতুল্য ভক্তি শ্রদ্ধা করিত, এবং সকলেই তাঁহার
ব্যবহারে মুগ্ধ ছিল।

এই যুদ্ধ দুর্গম নওরাবের, দৈববরিক ও রাজনৈতিক বুদ্ধিমত্তা সমভাবে

বিচক্ষণ ছিল। তাঁহার রাজত্বের মধ্যাবস্থায় নওরাবেয়র প্রধান সেনাপতি মোস্তফা খান, কলিকাতা হইতে ইংরাজগণকে তাড়াইয়া দিবার জন্য তাঁহাকে স্বয়ং, এবং শেষে নওরাজেশ্ মোহাম্মদ ও সৈয়দ আহমদের দ্বারা বার বার অস্তুরোধ করা সত্ত্বেও, কোন প্রত্যুত্তর না পাইয়া বিফল মনোরথ হইরাছিলেন। অবশেষে দুর্দর্শী নওরাব একদিন সেনাপতিকে ডাকিয়া বলিলেন—

“এক্ষণে ভূমির অগ্নি নির্ঝাঁপ করাই দুঃসাধ্য হইয়া পড়িতেছে ; অতঃপর সাগরে অগ্নি সংযোগ হইলে কে তাহা নির্ঝাঁপিত করিতে সমর্থ হইবে ? তখন পরিণাম নিঃসন্দেহ অতীব শোচনীয় হইয়া পড়িবে !”

আলিওয়ার্দী খানের রাজত্বে, ইংরাজ কোম্পানিকে এক দিনের জন্যও বিরক্তি সহ্য করিতে হয় নাই। জমিদারেরা নওরাবেয়র ব্যবহারে এতদূর সন্তুষ্ট ছিলেন যে—বর্গী তক্ষরগণের সহিত যুদ্ধ কালে তাঁহারা স্বৈচ্ছায় বজ্রেশ্বরকে দেড় কোর টাকা দিয়া সাহায্য করিয়াছিলেন।

১৭৫৬ সালে কাবুলের পরাজিত নররতি আহমদ শাহ আবদালি ভারত আক্রমণ করিয়াছিলেন ; এবং পর বৎসর সম্রাট মোহাম্মদ শাহের মৃত্যু হয়। তাহার পর হইতে বাঙ্গালা আর দিল্লীর অধীনতা-পাশে বন্ধ ছিল না।

চতুবিংশ সর্গ



নওয়াব মনসুরুল-মুল্ক সেরাজ-উদ্দৌলা সাহ্ কুলি খান,

মিজ্জা মাহমুদ হায়বৎ-জঙ্গ বাহাদুর

• জয়েন আবদীন পুত্র মিজ্জা মাহমুদ, মুরশিদাবাদের স্বাধীন নওয়াবের সিংহাসনে উপবিষ্ট হইয়া, স্বীয় যৌবন-মূলত স্বাভাবিক চপলতা, দান্তিকতা ও বাল্যকাল হইতে মাতামহের অত্যাধরে প্রতি-পালিত হওয়া হেতু নৃশংসতা নিবন্ধন, অল্পদিন মধ্যে মৃত নওয়াবের সুদক্ষ প্রবীণ সন্তাসদগণের প্রায় সকলেরই অশ্রিয় হইয়া উঠিলেন।

নওয়াবের দৈহিক সৌন্দর্য্য, তাঁহার চরিত্র গঠনের পক্ষে এই সময় অনেকটা অন্তরায় হইয়াছিল। সে সময় সেরাজ-উদ্দৌলার স্তায় সুপুরুষ রাজধানীতে দৃষ্টিগোচর হইত না বলিলেও অত্যাঙ্কি হয়না।

সেরাজ প্রথমতঃই স্বীয় মাতৃস্বয়া নওয়াবেশ্ মোহাম্মদের বিধবা পত্নী ঘসেটা বেগমের বহু ধন-রত্ন তাঁহার মতীঝিল প্রাসাদ হইতে বল প্রয়োগে বাহির করিয়া লইয়া আসিয়া, উক্ত আত্মীয়কে তাঁহার প্রধান শত্রু মধ্যে পরিণত করিলেন। তৎপরে ঢাকার শাসনকর্ত্তা রাজা রাজবল্লভকে নানপ্রকারে উত্যাঙ্ক করার, তিনি বাধ্য হইয়া তাঁহার পরিবারবর্গ ও সমুদয় ধন-রত্ন, কলিকাতার ইংরাজগণের আশ্রয়ে পাঠাইয়া দিয়াছিলেন।

মাহমুদ পুরাতন রাজকর্ণচারিগণকে কর্ণচ্যুত করিয়া তাহাদের

স্থানে অদূরদর্শী যুবকগণকে নিযুক্ত করিতে লাগিলেন। তাঁহার সংসারিক ধরচ পত্রের তত্ত্বাবধায়ক মোহনলাল, এই সময় স্বীয় সুন্দরী ভগ্নীকে যুবক নওয়াবেবের হস্তে তুলিয়া দিয়া, সামান্য বাজার সরকারের পদ হইতে মহারাজা উপাধিতে ভূষিত হইয়া, নওয়াবেবের দেওয়ানের (প্রধান মন্ত্রী) পদে উন্নীত হইলেন। নওয়াব, নীর মদনকে প্রধান সেনাপতির পদ প্রদান করিয়া, প্রবল সেনাধ্যক্ষ নীর জাফরের আন্তরিক বিরাগ ভাজন হইয়া দাঁড়াইলেন।

এই সময় কলিকাতার ইংরাজগণ, রাজা রাজবল্লভের পুত্র কিষণ বল্লভকে নওয়াবেবের হস্তে সমর্পণ না করায় ও তৎসঙ্গে ফোর্ট উইলিয়াম দুর্গ নওয়াবেবের বিনাসমুহিত্তে সুরক্ষিত করিতে থাকায় নওয়াব, কাসেম বাজারের কুঠির অধ্যক্ষ মিষ্টার ওয়াইটসকে বন্দি করিয়া, সনৈক্রে ১১৬৯ হিঃ ১০ই রমজান, ১৭৫৬ খৃষ্টাব্দে ২ই জুন তারিখে মুশিদাবাদ পরিত্যাগ করিয়া ১৬ই রমজান তারিখে কলিকাতার উত্তর সীমায় আসিয়া পৌঁছিলেন।

নওয়াবেবের আগমন সংবাদে ইষ্ট ইণ্ডিয়া কোম্পানির কলিকাতায় প্রধান কর্মচারি মিঃ ড্রেক, দুর্গের পশ্চিম দিক দিয়া বাহির হইয়া, গোপনে নৌকারোহণে পলাইয়া গিয়া পরে জাহাজে চড়িয়া অব্যাহতি পাইলেন।

ইহার অব্যবহিত পূর্বে চঞ্চলচিত্ত নওয়াব, পুরাতন সেনাপতি নীর জাফরকে তাঁহার পদে পুনঃ প্রতিষ্ঠিত করিয়াছিলেন।

২২শে রমজান ২১শে জুন তারিখে বেলা পাঁচ ঘটিকার সময় নওয়াব, ফোর্ট উইলিয়ামের মধ্যে প্রবেশ করিলেন। উমিচাদ ও কিষণ বল্লভকে তথায় তাঁহার নিকট উপস্থিত করা হইল। সেরাজ এই সময় তাহাদের প্রতি সম্মানসহ ও ভক্ততা প্রদর্শন করিয়াছিলেন।

তৎপরে নওয়াব তাঁহার এই প্রথম বিজয় চিরস্মরণীয় করনার্থে

কলিকাতার নাম আলীনগর রাখা করিয়া, হুগলীর ফৌজদার মানিকচাঁদের অধীনে তিন সহস্র সেনা রাখিয়া দিয়া, ২রা জুলাই তারিখে রাজধানীতে প্রত্যাভর্তন করিলেন।

১১ই জুলাই তারিখে তাঁহার মাতামহী, মৃত নওরাত আলিওয়ার্দী খানের বৃদ্ধা মহিষীর মধ্যস্থতার সেরাজ, মিঃ হল্ডয়েল ও তৎসঙ্গীগণকে মুক্তি দান করিলেন।

ইষ্ট ইণ্ডিয়া কোম্পানির কর্মচারি মিঃ ড্রেক পলাইয়া গিয়া এতদিন মাদ্রাজ হইতে অনুমতির প্রতীক্ষা করিতেছিলেন ও কঠিনক মিঃ ম্যানিং-ঠাম্কে মাদ্রাজ ফোর্ট সেন্টজর্জের অধ্যক্ষের নিকট, এই সমস্ত বিবরণ বর্ণনা করিতে পাঠাইয়া দিয়াছিলেন। সেন্টজর্জ দুর্গে ইংরাজ প্রধান-গণের মধ্যে অনেক তর্ক-বিতর্কের পর, এ্যাডমির্যাল (নৌসেনাপতি, আমিরুল-বাহার) ওয়াটসনের পরামর্শ মতে, নওরাবের সহিত বুদ্ধ করাষ্ট স্থিরীকৃত হইল।

দুর্গাধ্যক্ষ পিগট ও এ্যাডমির্যাল ওয়াটসন বহু চেষ্টা সত্ত্বেও, অক্টোবর মাসের পূর্বে কোন মতে সেনা প্রেরণ করিতে কৃতকার্য হইলেন না। তৎপরে ইংরাজের দুইখানি বৃহদায়তন যুদ্ধ জাহাজ ৫০ টী ও ২০ টী কামান লইয়া ও অপর একখানি ক্ষুদ্র যণতরী, কোম্পানির তিনটি বাণিজ্য পোত, এবং দুইটি অপেক্ষাকৃত ক্ষুদ্রায়তন জাহাজ সহ, ১৬ই অক্টোবর তারিখে মাদ্রাজ পরিত্যাগ করিল।

কর্ণেল ক্লাইভের অধীনে ২০০ শত ইউরোপীয় ও ১৫০০ শত দেশীয় সৈন্য ছিল। ক্লাইভ, সেরাজ-উদৌলার নামে, দক্ষিণপথের সুবাদার সালাবৎ-জঙ্গ, আবুকটের নওরাব মোহাম্মদ আলি ও মিঃ পিগটের নিকট হইতে কলিকাতা সহক্রে ক্ষতিপূরণ আদায়কারী পত্র সঙ্গে আনিয়াছিলেন। ২০শে ডিসেম্বর ইংরাজের জাহাজগুলি সৈন্য লইয়া ফল্গুয়ার উপস্থিত হইল।

পথের গোলযোগে ও অমুকুল বায়ু অভাবে এই ৭০টা কামানবাহী “কাথারল্যাণ্ড” ও “মারল্‌বরো” জাহাজ ঘরের পৌছিতে বিলম্ব হইয়া পড়িল।

২৭ ডিসেম্বর সমস্ত জাহাজগুলি শেষে বজ্‌বজ্‌ হইতে দশ মাইল দক্ষিণে মারাপুরে আসিয়া নজর করিল। কর্নেল ক্লাইভ, টানা ও আলি-গড়ের দুর্গাধিকার মানসে, নিশাযোগে তাঁহার সৈন্য লইয়া অবতরণ পূর্বক অগ্রসর হইতে লাগিলেন। নওয়াবের ফৌজদার মানিকচাঁদ এই সংবাদ পাইয়া তাহাদিগকে আক্রমণ করিয়া, যুদ্ধে প্রায় সমুদয় ইংরেজ সেনা, নিঃশেষ করিয়া ফেলিয়াছিলেন; এমন সময় ইংরাজ-আগ্নেয়-অস্ত্রের একটা গোলা, হস্তী আকৃষ্ট মানিক চাঁদের মস্তক ঘেঁষিয়া শন্ শন্ শব্দে চলিয়া যাওয়ার, তিনি ভীত হইয়া সৈন্যগণের প্রত্যাভর্তনের আদেশ দিলেন। এই সময়ে ৬৪টা কামানবাহী রণতরী “কেণ্ট” হইতে কামান দাগিতে আরম্ভ হওয়ার, মানিক চাঁদের সেনাগণ দ্রুতবেগে পলাইয়া আত্মরক্ষা করিতে লাগিল। ৩০ ডিসেম্বর তারিখে ইংরাজগণ বিনা বাধায় আলিগড় ও টানার দুর্গ অধিকার করিল।

ফৌজদার মানিক চাঁদ বজবজের যুদ্ধ-ব্যাপারে ভীত হইয়া, কলিকাতা রক্ষণাবেক্ষণার্থে মাত্র ৫০০ শত সেনা দুর্গ মধ্যে রক্ষা করিয়া, নওয়াবের সহিত গিয়া সাক্ষাৎ করিলেন।

১৭৫৭ খৃষ্টাব্দের ১লা জানুয়ারী তারিখে কর্নেল ক্লাইভ সসৈন্তে আলি-গড় দুর্গ হইতে, কলিকাতার রাস্তা ধরিয়া অগ্রসর হইতে লাগিলেন। কিন্তু তাঁহার পৌছিবার পূর্বেই জাহাজগুলি কলিকাতার দুর্গের নিকট আসিয়া পড়িল ও কাণ্ডেন কুট, অল্পক্ষণ মধ্যে দুর্গ মধ্যস্থ ফৌজদার সেনাগণকে বিভাড়িত করিয়া, মিঃ ড্রেককে তাঁহার পদে পুনঃ প্রতিষ্ঠিত করিলেন।

৪ঠা জানুয়ারি ১৫০ জন ইংরাজ ও ২০০ শত সিপাই লইয়া, ২০টা

কামানবাহী এক খানি রণতরী, আরও তিন খানি ক্ষুদ্র রণ-পোত সহ হুগলীর অভিমুখে অগ্রসর হইতে গিয়া, বিংশতি কামানবাহী জাহাজখানি চড়ায় আটকাইয়া গেল। যাহা হউক ১০ই জানুয়ারিতে উহার কোন মতে হুগলী পৌঁছিয়া, রণতরীস্থ কামানের সাহায্যে ফৌজদার সেনাগণকে অল্পায়াসে বিভাড়িত করিতে সমর্থ হইল।

এই সময় ইউরোপ খণ্ডে ইংরাজ ও ফরাসীতে যুদ্ধ বাধিয়া যাওয়ার, কোম্পানির কলিকাতার ইংরাজ কোনসিলগণ নির্ধারণ করিলেন যে— চন্দন নগরের ফরাসীগণ তাহাদের সৈন্য ও কামান শ্রেণী লইয়া নওরাবের সহিত মিলিত হইলে, ইংরাজদের বিপদের খুবই সম্ভাবনা।

এই সিদ্ধান্তে উপনীত হইয়া চতুর চূড়ামণি কর্ণেল ক্লাইভ, মুর্শিদাবাদে জগৎ শেঠের নিকট এবং কলিকাতার উমিটাদের নিকট, নওরাবের সহিত সন্ধি করিবার জন্ত মধ্যস্থ হইবার প্রার্থনার পত্র লিখিলেন।

হুগলী অধিকারের পূর্বে এই প্রস্তাব হইলে সম্ভবতঃ নওরাব সেরাজ-উদৌলা ইচ্ছাতে সম্মত হইতেন। কিন্তু হুগলী ব্যাপারের পর নওরাব ইহার প্রতিশোধ লইতে প্রতিজ্ঞাবদ্ধ হওয়ার, তিনি ঘৃণার সহিত ইংরাজ দিগের সন্ধির প্রস্তাব অগ্রাহ করিলেন।

নওরাবের শত্রুপক্ষ, তাঁহার নিজ “বিষকুস্ত পরোমুখ” সভাসদগণও নওরাবের উৎখাত সাধনাভিপ্রায়ে, তাঁহাকে এই সময় উদ্ভেজক কুপরা-বর্শই দান করিয়াছিল।

নওরাব মাহমুদ, প্রথমতঃ গরংগচ্ছ করিয়া শেষে সর্বৈক কলিকাতার অভিমুখে যাত্রা করিলেন; এবং ৩০শে জানুয়ারী তারিখে হুগলীর দশ মাইল উত্তরে একস্থানে ভাগীরথী পার হইলেন। ইংরাজেরা এই সময় মধ্যে হুগলী হইতে কলিকাতার সৈন্য সরাইয়া লইয়া, ভাগীরথীর কিয়দূরে, তৎকালের ক্ষুদ্র কলিকাতা নগরীর উত্তরে, এক মাইল ব্যবধানে সৈন্য

সমাবেশ করিলেন ও ছাউনৌ করিয়া তথায় অবস্থান করিতে লাগিলেন।

২রা ফেব্রুয়ারী নওরাব সৈয়দ ক্লাইভের শিবিরের সম্মুখে উপস্থিত হইল। ক্লাইভ তাহাদিগকে কলিকাতার ভিতরে অগ্রসর হইতে দেখিয়া, তাহাদের প্রতি অগ্নি-বৃষ্টি আরম্ভ করিয়া দিল;—নওরাবও দস্তুর মত ইহার উত্তর দিতে লাগিলেন। সন্ধ্যাগমনের সঙ্গে সঙ্গে উভয় পক্ষের কামান বন্ধ হইয়া গেল, তৎপরে সমস্ত রাত্রি ধরিয়া উভয় পক্ষের দূত দ্বারা সন্ধির কথাবার্তা চলিতে লাগিল।

৯ই ফেব্রুয়ারী সন্ধির সমস্ত শর্ত নির্দ্ধারিত হইয়া গেল, এবং ১১ই উভয় পক্ষ দ্বারা সন্ধি পত্র স্বাক্ষরিত হইল।

এই সময় দাক্ষিণাত্যে ইংরাজ ও ফরাসীগণের মধ্যে সমরানল জলিয়া উঠিয়াছিল। ইংরাজ জয়ী হইয়া এ্যাডমির্যাল ওয়াকার জঙ্গ, বাহাদুরের অধীনে, চন্দননগর জয়ের অভিপ্রায়ে যুদ্ধ জাহাজ প্রেরণ করিলেন। উহারা অচিরে ২২ মার্চ তারিখে ফরাসডাঙ্গা (চন্দননগর) অধিকার করিয়া, পরে কাসিম বাজারের নিকটস্থ ফরাসীগণের কুঠি সকল হস্তগত করিল। চন্দন নগরের ফরাসী দুর্গ সম্মুখে ভাগীরথী বক্ষে ইংরাজের ৬৪ ও ৬০টা কামানবাহী 'কেণ্ট' ও 'টাইগার' রণতরীঘর রক্ষিত হইল।

মশেঁলাস, ফরাসী গভর্নর, এক শত ইউরোপীয়ান ও ৬০ জন শিক্ষিত তৈলঙ্গী সিপাই লইয়া নওরাবের নিকট আশ্রয় লইলেন। তখন ইংরাজেরা সন্ধির সূত্র ধরিয়া নওরাবের নিকট ফরাসী মশেঁলাসকে আশ্রয় ছ্যাত করিবার জন্ত অহরোধ করিলেন। সেরাজ-উদ্দৌলা সম্পূর্ণ অনিচ্ছার সহিত অগত্যা মশেঁলাসকে পাটনার পাঠাইয়া দিলেন। ১৬ই এপ্রেল মশেঁলাস মুর্শিদাবাদ পরিত্যাগ করিলেন।

এই ঘটনার সঙ্গে সঙ্গে বিশ্বাসঘাতক মীর জাফর খান, স্বদেশদ্রোহী

রাজা হুস্‌উদ্‌দৌল্লাহ রাম, উমি চাঁদ ও জগৎ শেঠ প্রভৃতি, আলিওয়ারদী কক্কা যেসেটি বেগমের সহিত মতীবিল্ প্রাসাদে গুপ্ত পরামর্শ করিয়া, যুবক নওরাব সেরাজউদ্দৌল্লাহর সিংহাসনচ্যুতি ও তৎসহ তাঁহার প্রাণনাশের সিদ্ধান্তে উপনীত হইল। দুর্ভাগ্য মীর জাফর, কলিকাতার ইংরাজগণের নিকট তাহাদের কুপরামর্শের ফলাফল জ্ঞাপন করিতে লাগিল। মিঃ ওয়াটস, উমিচাঁদকে এই বড়ঘরের সংবাদ ও পত্রবাহক নিযুক্ত করিলেন।

১০ই জুন তারিখে ইংরাজ কোম্পানী, সন্ধি-পত্র ভঙ্গ করিয়া নওরাবের সঙ্গে যুদ্ধ করাই সাব্যস্ত করিলেন। ১২ জুন কলিকাতার ইংরেজ সেনাগণ চন্দননগরে গিয়া, তথাকার ইংরাজ সেনাগণের সহিত মিলিত হইল; এবং তথা হইতে মাত্র সামান্য কয়েক জনকে চন্দননগর রক্ষা করিবার গুলি রাখিয়া, সমস্ত ইংরাজ সেনা যাত্রা আরম্ভ করিল।

ইউরোপীয় সেনাগণ কামান সহ প্রায় দুইশত বৃহদায়তন নৌকা-যোগে জলপথে, এবং সেনাপাহারা ভাগীরথীর তীর দিয়া হাঁটিয়া অগ্রসর হইতে লাগিল। হুগলীর ফৌজদার নন্দকুমার, ইংরাজগণকে গমনের বাধা প্রদান করিতে গিয়া অকৃতকার্য হইলেন। (তৎপরে মিঃ মোজাফ্‌ফরি ও সিরারল্ মোতাক্করীণ)।

এই সময়ে বঙ্গেশ্বর, একদিকে যেমন ইংরাজ সৈন্যের রাজধানী অভিমুখে আগমনের সংবাদ অবগত হইয়া আশ্চর্য্যান্বিত হইলেন, অপর পক্ষে প্রধান সেনাপতি মীর জাফরের কুঅভিসন্ধির বিষয় উপলব্ধি করিয়া ভেমনি তাঁহার প্রাণে ভয়ের সঞ্চার হইল। ইতিমধ্যে তিনি দেখিতে পাইলেন যে—তাঁহার দরবার হইতে ইংরাজ দূত মিঃ ওয়াটস্ গোপনে সরিয়া পড়িয়াছেন।

নওরাব প্রথমতঃ সেনাপতিকে তাঁহার নিকট ডাকিয়া পাঠাইলেন।

কিন্তু মীর জাফর নওয়াবের নিকট বাইভে অস্বীকৃত হওয়ার, অগত্যা বদেখর পাল্কি আরোহণে কয়েকজন অনুচরসহ সেনাপতির বাড়ীতে গিয়া উপস্থিত হইলেন। এই সময় শঠ চূড়ামণি অধাৰ্শিক মীর জাফর, পবিত্র কোরআন স্পর্শে, এই আশু যুদ্ধে তিনি ইংরাজগণের সাহায্য করিবেন না, বা তাহাদের সহিত মিলিত হইবেন না বলিয়া প্রতিজ্ঞাবদ্ধ হইলেন।

পর দিবস নওয়াব, তাঁহার সমস্ত সেনা পলাশীর নিকটে প্রেরণ করিবার সঙ্কল্প করিলেন। ১৬ই জুন ইংরাজ সেনাগণ কাটোয়ার নিকটবর্তী পাটুলী গ্রামে গিয়া পৌছিল। কাটোয়ার দুর্গ, যে স্থানে আলিওয়াদ্দৌ খান মহারাষ্ট্রীয় সেনাগণকে সম্পূর্ণরূপে পরাজিত করিয়াছিলেন, তথাকথর দুর্গাধিপকে কুচক্রী মীর জাফর পূর্ব হইতেই তাহার ষড়যন্ত্র মধ্যে লিপ্ত করিয়া রাখিয়াছিল। সেই জন্ত দুর্গাধিকারী সামান্য বাধা প্রদানের ভান মাত্র করিয়া, শেষে ইংরাজগণকে দুর্গ ছাড়িয়া দিল। মেজর বুট, ১৭ই জুন কাটোয়ার দুর্গে সসৈন্তে প্রবেশ করিলেন। কিন্তু সে রাত্রে সমস্ত রাত্রি ধরিয়া মুষলধারে বৃষ্টিপাত হওয়ার, ইংরাজ সেনাগণকে বড়ই বিত্রত হইতে হইয়াছিল।

এই স্থানে কর্ণেল ক্রাইভ মীর জাফরের লিখিত ১৬ই জুন তারিখের পত্র পাইলেন। তাহাতেও, উক্ত সেনাপতি যে ইংরাজগণের সহিত পূর্ব বন্দোবস্ত অঙ্করে পোষণ করিতেছিলেন, এবং নওয়াবের সহিত মিলন যে সম্পূর্ণ বাহ্যিক তাহা লিখিয়া, তিনি ইংরাজ কর্তৃপক্ষগণকে উৎসাহিত করিয়াছিলেন। কিন্তু সেই পত্রেও কর্ণেল ক্রাইভের, বিশ্বাসঘাতক মীর জাফরের প্রতিজ্ঞার উপর দৃঢ় বিশ্বাস না হওয়ার, তিনি নিঃসন্দেহ না হওয়া পর্যন্ত ভাগীরথী পার হইতে ক্ষান্ত থাকিয়া, দুই দিবস দুর্গ মধ্যে অবস্থান করিতে লাগিলেন। ১৯শে জুন একজন পত্র বাহক, নওয়াব

সেনাধ্যক্ষের নিকট হইতে দুই খানি পত্র লইয়া গোপনে আসিয়া উপস্থিত হইল। তাহার একখানি স্বদেশদ্রোহী মীর জাফরের কুর্খের সহায়তাকারী, ইংরাজ শিবিরে তাঁহার প্রতিভু আমীর বেগের নামে ও অপর খানি কর্ণেল ক্রাইভের নামে লেখা ছিল। দুই খানি পত্রের মর্ম একই। তাহাতে লেখা ছিল—

“নওরাব সৈন্ত সেই দিনই মুর্শিদাবাদ ত্যাগ করিবে। এবং সেনাপতির কেন্দ্র পূর্ব নির্দিষ্ট স্থানে না হইয়া, এক পার্শ্বে থাকিবে, ও তথা হইতে তিনি ইংরাজ শিবিরে সকল বিষয়ে সহজে সংবাদ দিতে পারিবেন।”

কিন্তু এই পত্র ও ক্রাইভের সন্দেহ সম্পূর্ণরূপে তিরোহিত না হওয়ার তিনি, তাঁহার বিংশতি জন কর্মচারী লইয়া এই জটিল সমস্তা মীমাংসা করণ জন্ত, সেই রাতে পরামর্শ করিতে বসিলেন। এই সভায় এই দুইটা আলোচ্য বিষয় রহিল।

১ম—সচুই গঙ্গা পার হইয়া নওরাবের সেনাগণকে অতিক্রমিত ভাবে আক্রমণ করা বিধেয় কিনা ?

২য়—মারহাট্টাগণকে ডাকাইয়া বর্ষাস্তে তাহাদের সহিত মিলিত হইয়া আক্রমণ করা কর্তব্য কিনা ?

অনেক তর্ক-বিতর্কের পর অধিকাংশ কর্মচারি শেষোক্ত প্রস্তাবই সমর্থন করিল। কেবল মাত্র ৭ জন সদস্য, সচু আক্রমণের পক্ষে ভোট দিল।

এই মস্তব্য কিন্তু ক্রাইভের মনঃপুত হইল না। তিনি একটা জঙ্গলের মধ্যে গিয়া, তথায় নির্জনে বসিয়া অনেকক্ষণ চিন্তার পর দৃঢ়প্রতিজ্ঞ নৃসিংহে বাহির হইয়া আসিলেন। পর দিবস প্রাতঃকালে আর কাঠাকেও কিছু জিজ্ঞাসা না করিয়া মহাবীর ক্রাইভ, খীর সৈন্ত মধ্যে ভাগীরথী পার হইবার আজ্ঞা প্রচার করিলেন।

২২শে জুন প্রাতঃকাল হইতে বৈকাল ৪টার মধ্যে সমস্ত ইংরাজ সেনা

কামান আদি সহ, ভাগীরথীর পর পারে গিয়া পৌছিল। এই সময় আর একজন দূত নওরাব সেনাধ্যক্ষের নিকট হইতে কর্ণেল ক্রাইভের নিকট উপস্থিত হইয়া, তাঁহাকে অবগত করিল যে—নওরাব মুনকেরার (কাসেম বাজার হইতে ছয় মাইল দক্ষিণে) অবস্থান করিতেছেন, এবং মীর জাফরের ইচ্ছা যে, ইংরাজগণ নওরাব সেনা প্রদক্ষিণ করিয়া, পশ্চাৎ দিক হইতে ঐ স্থানেই তাহাদিগকে অকস্মাৎ আক্রমণ করেন।

ক্রাইভ ঐ দূত হস্তেই এই মর্মে পত্র দিলেন যে—“সত্বর তিনি পলাশীতে উপস্থিত হইতেছেন। পরদিন প্রাতে: তিনি সসৈন্তে দাউদপুরে যাইবেন ও তথায় মীর জাফরের সহিত সাক্ষাৎ না হইলে, তিনি নওরাবের সহিত সন্ধি করিবেন।”

রাত্রি একটার সময় ইংরাজগণ পলাশীর বিখ্যাত আশ্রয় কাননে উপনীত হইয়া বিশ্রাম করিতে লাগিলেন। এই লক্ষাবাগের আশ্রয় কানন লম্বায় ৮০০ শত গজ ও প্রস্থে তিন শত গজ ছিল। ইহার চতুর্দিকে অন্তর্ভুক্ত মুক্তিকা নির্মিত বাধ ও তৎপার্শ্বে পগার খাত।

এইস্থানে উপস্থিত হইয়া ইংরাজগণ, নওরাব শিবিরের ভেড়ী বাদন শ্রবণে বুঝিতে পারিল যে—বাহাদুর সেনাগণ মুনকেরার অবস্থানের পরিবর্তে তাহাদের সন্নিকটে আসিয়া উপস্থিত হইয়াছে।

ক্রাইভের অধীনে ৮০০ শত ব্রিটিশ পদাতিক ১০০ শত গোলন্দাজ ৫০ জন নাবিক সেনা ১০০ শত পর্তুগীজ ও ২১০০ শত সিপাই মাত্র ছিল। এবং আসিবার কালে তাহারা ৮টা ছোট ও দুইটা বৃহৎ কামান সঙ্গে আনিয়াছিল। অপরিণামদর্শী নওরাব শত্রু-মিত্র বিবেচনা না করিয়া, বা চতুর্দিকে শত্রু বেষ্টিত হইয়া থাকায়, বিবেচনা করিবার অবসর না পাইয়া ৫৪টা কামানসহ ১৮,০০০ সহস্র উৎকৃষ্ট অশ্বারোহী ও ৫০,০০০ সহস্র পদাতিক যুদ্ধক্ষেত্রে উপস্থিত করিয়াছিলেন।

১১৭০ হিজরীর ৫ই সওয়াল ১৭৫৭ খৃষ্টাব্দের ২৩ মে জুন বৃহস্পতিবার বেলা ৮টার সময় উভয় পক্ষের কামানের শব্দ শ্রুত হইল। এই সময় হঠাৎ এক পশলা খুব জোর বৃষ্টি হওয়ার, নওরাবের বারুদ ভিজিয়া গিয়া, ক্রমে তাহাদের কামানের গর্জন ক্ষীণ হইয়া আসিতে লাগিল।

এতাবৎকাল পর্যন্ত মীর জাফরের নিকট হইতে কোন দূত আসিয়া না পৌঁছানয়, ক্রাইভ বড়ই ব্যস্ত হইয়া পড়িলেন। তিনি আমীর বেগকে ডাকিয়া তাহাকে কারণ জিজ্ঞাসা করিলেন। মীর জাফরের গুপ্তচর এই সময় কর্ণেল ক্রাইভকে এইরূপ বাক্য দ্বারা অভয় দিল যে—

“যাহারা যুদ্ধ করিতেছে তাহারা মীর মদন ও মোহনলালের অধীনস্থ সেনা মাত্র ও উহারা সংখ্যায় অতিঅল্প। এই কয়েকজন সেনা বধ করিতে পারিলেই, তাহার প্রভু প্রধান সেনাপতি মীর মোহাম্মদ জাফর খান, নিশ্চয় কর্ণেলের সহিত আসিয়া যোগ দিবেন।”

নওরাব এতক্ষণ ধরিয়া শিবিরে বসিয়া মুহূর্তে মুহূর্তে যুদ্ধের পরিচয় লইতেছিলেন। হঠাৎ দুই প্রহরের সময় একটা কামানের গোলা লাগিয়া, নওরাব সেনাদলের মধ্যে অমিততেজাঃ অসমসাহসিক বীরভদ্র সেনাপতি মীর মদন, সাজাতিক আহত হইয়া আসন্ন মৃত্যু অবস্থায় নওরাব সঙ্গীপে আনিত হইলেন ও অভ্যন্তরকাল মধ্যে মাত্র দুই একটা উপদেশমূলক কথা বলিতে থাকা কালে, মীর মদনের পবিত্র প্রাণ-বায়ু তাঁহার নখর দেহ ত্যাগ করিয়া স্বর্গারোহণ করিল।

একমাত্র আশা ভরসার স্থল মীর মদনের মৃত্যুতে নওরাব অধৈর্য হইয়া পড়িলেন। এবং কিং-কর্তব্য-বিমূঢ় হইয়া বিখ্যাসঘাতক রুত্ব মীর জাফরকে ডাকিয়া, তাহার নিকট এই বঙ্গ-বেহার-উড়িষ্যায় স্বাধীন নওরাব ক্ষমা প্রার্থনা করিলেন ও এই মহা বিপদের সময় তাহার আন্তরিক সাহায্য ও উপদেশ চাহিলেন।

ইতিপূর্বে স্বদেশদ্রোহী বিদ্রোহনায়ক পাপিষ্ঠ মীর জাফর ও তাহার অধীনস্থ প্রধান প্রধান বিশ্বাসঘাতক সেনানায়কগণ, আপন আপন সৈন্যসহ রণস্থলে দণ্ডায়মান হইয়া, যুদ্ধের পরিবর্তে “রণপরোধির লহরী গণনা” করিতেছিল ; এবং তৎসঙ্গে কখনও উৎসাহিত ও পরক্ষণেই নিরানন্দ ও নিরুৎসাহ হইতেছিল। মীর মদনের পতনের সঙ্গে সঙ্গে দুর্ভাগা বদেখর পাষণ্ড-প্রধান মীর জাফরকে ডাকিয়া তাহার পরামর্শ চাহায়, উহারা হাঁপ ছাড়িয়া বাচিল।

শঠ-কুল-চুড়ামণি প্রতিহিংসা পরায়ণ মোহাম্মদ জাফর, সর্বতোভাবে বদেখরের উপকার করিবে বলিয়া প্রতিজ্ঞাবদ্ধ হইল ; তৎসঙ্গে স্বীয় শঠতার জাল-বিস্তার করিয়া বিপন্ন নওরাবকে সর্বনাশী উপদেশ দিল যে—
“আজ প্রাতঃকাল হইতে যুদ্ধ করিয়া আপনার সেনাগণ নিস্তেজ হইয়া পড়িয়াছে, অতএব আজিকার মত যুদ্ধ স্থগিত রাখিবার অনুমতি দিন, আগামী কাল পুনরায় যুদ্ধারম্ভ করিয়া, পলাশী ক্ষেত্রে যুষ্টিমের ইংরাজ সেনার চিহ্ন পর্য্যন্ত রাখিব না।”

“নওরাব সেরাজউদ্দৌলা তখন অনন্তোপায় হইয়া, যুদ্ধ-নিরত বঙ্গীয় সেনাগণকে বিরত হইবার আজ্ঞা দিলেন।

সেরাজ, তাহার দেওয়ান মোহন লালকে যুদ্ধে স্থগিত হইতে অনুমতি দেওয়ার, রাজা-মোহন লাল প্রথমতঃ বিনয়-দৃঢ়-স্বরে অসম্মতি জ্ঞাপন করিলেন ; এবং বলিয়া পাঠাইলেন যে—এ সময় হঠাৎ যুদ্ধ স্থগিত করিলে নওরাবের সমুদয় সৈন্য সমূহ বিপদে পতিত হইবে। শেষে নওরাবের অনুমতির সহিত প্রধান সেনাপতি পাপাত্মা মীর জাফরের বারংবার প্রত্যাবর্তন করিবার অনুরোধে বীর-বব দেওয়ান মোহন লাল, সম্পূর্ণ অনিচ্ছার সহিত বেলা দুইটার সময় যুদ্ধভূমি করিয়া পরিত্যাগ শিবিরে ফিরিয়া আসিতে বাধ্য হইলেন।

মোহন লালের রণস্থল পরিত্যাগের সঙ্গে সঙ্গে, সেনাগণের মধ্যে মহা আতঙ্কের সঞ্চার হইল ও করাল বদনা পরাজয় রাক্ষসী বিকট দশনবিকাশে বদেখরের সেনাগণকে গ্রাস করিল।

কপটাচার-পরায়ণ দুষ্টাআ মীর জাফর, নওরাবের সহিত কথাবার্তা শেষ করিয়া কর্ণেল ক্রাইভকে সমস্ত বিষয় বর্ণনা করিয়া, এবং সঙ্গে সঙ্গে নওরাব শিবির আক্রমণের পরামর্শ দিয়া, একখানি পত্র লিখিয়াছিল। কিন্তু পত্রবাহক এই দুঃস্থ গুলি বৃষ্টির মধ্য দিয়া অগ্রসর হইতে অসমর্থ হওয়ায়, পত্রখানি ক্রাইভের হস্তে পড়ে নাই।

নওরাব ঘুরের অবস্থা দর্শনে ও চতুর্দিকে গৃহ শত্রু বেষ্টিত হইয়া রহিয়াছেন বুঝিয়া, অনন্তোপায় হইয়া দুই সহস্র অশ্বারোহী সহ উষ্ট্র আরোহণে রাজধানীর দিকে পলায়ন করিতে লাগিলেন। পর দিবস ৬ই শওরাল প্রাতে নওরাব প্রাসাদে গিয়া পৌঁছিলেন।

সেরাজের সৌভাগ্য-লক্ষী একগণে তাঁহার দিকে পৃষ্ঠ প্রদর্শন করিয়াছিল। তাঁহার অন্তচরবর্গ এই সময় সকলেই একে একে তাঁহাকে পরিত্যাগ করিল। ৭ই শওরাল তারিখের রাত্রে সেরাজ, তাঁহার স্ত্রী লোৎফরেসা এবং তাঁহাদের অল্প বয়স্কা কন্যা সমভিব্যাহারে, প্রচুর পরিমাণে স্বর্ণ মুদ্রা ও রত্নাদি লইয়া, মনসুরগঞ্জ পরিত্যাগে গো-খান আরোহণে ভগবান-গোলার দিকে যাত্রা করিলেন। পথে চৌকি হাটার মীর জাফরের জামাতা মীর কাসেমের সহিত তাঁহার সাক্ষাৎ হইল। বদেখর এই সময় মীর কাসেমকে স্বীয় স্ত্রীর গহনা পরিপূর্ণ একটি বাস দানে সন্তুষ্ট করিয়া, নৌকারোহণে পাটনার দিকে বাইবার উচ্ছার রওয়ানা হইলেন।

রাজমহলে পৌঁছিয়া নওরাব ও তাঁহার মহিষী অতিশয় ক্ষুধার্ত হইয়া পড়ায়, তাঁহারা জনৈক ভাণ্ড তপস্বী দানা সাহের আশ্রমে কিছুক্ষণ বিশ্রামের ও আহার কার্য সমাপনের জন্য আশ্রয় লইলেন। কিন্তু দুষ্টমতি ভাণ্ড

নানা সাহ্ লোভের বশীভূত হইয়া বঙ্গেশ্বর দুর্ভাগা সেরাজউদ্দৌলাকে ধরাইয়াছিল।

১১৭০ হিজরীর ১৫ই শওয়াল তারিখে বাঙ্গালা-বেহার-উড়িষ্যার স্বাধীন নরপতি, প্রবল পরাক্রমশালী সুবাদার, নওরাব সুজাউলমুল্ক হেশাম-দৌলা মোহাম্মদ আলিওয়ার্দী খান মোহাবৎ জঙ্গের আদরের দৌত্ৰ ও বিশাল রাজ্যের উত্তরাধিকারী, নওরাব মনসুরলমুল্ক সেরাজউদ্দৌলা সাহ্ কুলি খান মির্জা মাহমুদ হায়বৎ জঙ্গ বাহাদুর, রাজ-বিজ্রোহীর স্রাব বন্দি অবস্থায় তাঁহার নিজ রাজধানীতে, তাঁহারই সেনাধ্যক্ষ মীর জাফরের গৃহে আনীত হইলেন।

সেনাপতি যোদ্ধকুল-কলক মীর জাফর খান ঐ সময় গৃহে না থাকায়, তাহার নরাধম পাষণ্ড পুত্র মীরণ, নওরাবকে লইয়া কারাগারে নিঃক্ষেপ করিল ও বঙ্গেশ্বরের প্রাণনাশ করিবার জন্ত অধীনস্থ সকলকেই অর্থে লোভ প্রদর্শন করিতে লাগিল। জাফর বা মীরণের কস্মচারীগণের মধ্যে কেহই এই পাশবিক হত্যাকাণ্ডে স্বীকৃত হইল না। অবশেষে মৃত নওরাব আলিওয়ার্দী খানের অয়ে প্রতিপালিত জনৈক পাষণ্ড নিষ্ঠুর চিত্তাঙ্কিত জ্ঞানশূন্য অর্থ পিশাচ মোহাম্মদ বেগ, অর্থে লোভে এই নৃশংস কার্য করিতে স্বীকৃত হইল।

অভাগা নওরাব কারারুদ্ধ হইবার ৩৪ ঘণ্টা পরেই নরপিশাচ মোহাম্মদ বেগ, উন্মুক্ত তরবারিহস্তে কারামধ্যে প্রবেশ করিয়া, বঙ্গেশ্বরের নিকট আগমন করিল। সেরাজ তাহাকে দেখিয়া শিহরিয়া উঠিলেন, পরে কহিলেন—

“তুমি কি আমার প্রাণবধ করিতে আসিয়াছ? কেন! তাহারা কি আমাকে কিঞ্চিৎ বৃত্তি দিয়া এই বিশাল বঙ্গদেশের এক নিভৃত প্রান্তেও একটু স্থান দিলে না?”

পরে আবার নিজেই বলিতে লাগিলেন—

“না, তাহা হইতে পারে না! হোসায়েন কুলি খানের হত্যার প্রতিশোধ এই রকমেই আমার উপর দিয়া হইবে! আমাকে মরিতে হইবে!”

এই সময় পাষাণ ঘাতকের নির্ধম তরবারি প্রচণ্ড বেগে নওয়াবের মস্তকে নিপতিত হইল। নরাদম শরতান মোহাম্মদীবেগ ঐ ভুবন মোহন সূচারু মুখশীর উপরও কয়েকবার তরবারির আঘাত করিল। সেরাজ—
“আর না, আর না, যথেষ্ট হইয়াছে। হোসায়েন কুলির প্রতিশোধ আজ উঠিল,” বলিতে বলিতে মেজের উপর লুটিয়া পড়িলেন ও সঙ্গে সঙ্গে তাঁহার প্রাণবায়ু বহির্গত হইয়া গেল। ভাগীরথীর পরপারে খোশবাগে, মাতামহের সমাধি মন্দিরের পাশে অভাগা সেরাজের নখর দেহ চির-বিশ্রামের জন্ত সমাধিস্থ করা হইল। মাত্র এক বৎসর দুই মাস কাল সিংহাসনারোহণের মধ্যে বিংশতি বর্ষ বয়সে নওয়াব সেরাজউদ্দৌলা ঘাতক হস্তে নিহত হইলেন।

চরিত্র মীরণ তৎপরে ২১৩ বৎসরের মধ্যে নওয়াবের আত্মীয় বন্ধু ও পরিবারবর্গের মধ্যে পুরুষ স্ত্রী নির্বিশেষে বহু সংখ্যক লোকের প্রাণনাশ করিল। শেষে সেরাজ-মাতা আমেনা বেগম ও আলিওয়াদী খানের অপর কন্যা সেরাজজোহী ঘেসেটী বেগমকে ধৃত করিয়া, নৌকাযোগে নদীর মধ্যস্থলে লইয়া গিয়া উভয় স্ত্রীকে ডুবাইয়া মারিবার চেষ্টা করার, পবিত্রচেতা আমেনা বেগম, অজু করিয়া পুতবস্ত্র পরিধানে পরম করুণা নিদান আল্লাহতাআলার নিকট, নির্ধর মীরণের বজ্রাঘাতে মৃত্যুর কামনা করিলেন।

জগৎপিতা এই নিরাশ্রয়া আলিওয়াদী ছহিতার কাতর প্রার্থনা যেন তৎক্ষণাৎ গ্রহণ করিল। ১৭৬০ খৃষ্টাব্দের ৪ঠা জুলাই ১১৭৩ চিঃ ১৯

মিল্কুদ বৃহস্পতিবার রাতে সামান্য বৃষ্টি হইতে থাকা কালে, নীলাকাশপট হইতে অশনিপাতে ছুৰাঝা মীরণের পাপময় জীবন শেষ হইয়া গেল।

বিশ্বাসঘাতক মীর জাফর, একমাত্র পুত্রের শোচনীয় মৃত্যুতে উন্মাদ রোগগ্রস্ত হইয়া পড়িল। (জমিয়াতত্ তওয়ারীখ)

অধীন বক্তের পতন

শেষ

গ্রন্থকর্তার লেখা এই ক'খানা বই, গ্রন্থাবলী আকারে
একত্রে মাত্র ১৮০ এক টাকা বার আনা ।

“নূরুল্লেখা গ্রন্থাবলী”

১। স্বপ্নদৃষ্টা

২। জানকী লাই বা ভারতে মোসলেম বীরত্ব

৩। আত্মদান

৪। ভাগ্যচক্র

৫। বিধিলিপি

৬। নিয়তি

৭। (কর্তার লেখা) গাজুলী ম'শাহের
সংসার ।

